




Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.75





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.75




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.75





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.73







2. 6 75










XXIX
STIERN

5.15



2-6-75
JOH. O. STIERNHÖÖK

De


JURE SVEONUM
ET GOTHORUM
VETUSTO.

LIBRI DUO

Quorum Primus de Judicijs & eo-
rum varietate, de Judicibus, de Procef-
sibus judiciarijs, Probationibus, Deci-
sionibus, Executionibus, &c.

Posterior


De actionibus five causis civilibus & Cri-
minalibus, denique de jure Sacrorum, Reli-
gione, & quæ Religioni inserviunt
legibus:



H O L M I Æ,

Excudebat Nicolaus Wankijf, Reg. Typogr.
Anno 1672.

PA.



II
*Serenissimo Potentissimoq; Prin-
cipi ac Domino,*

CAROLO XI,

Svecorum, Gothorum, Vandalo-
rumq; Regi, ac Principi hæreditario, Ma-
gno Principi Finlandiæ, Duci Scaniæ, Esthoniæ, Li-
voniæ, Careliæ, Bremæ, Verdæ Stetini, Pomeraniæ,
Cassubæ & Vandalæ, Principi Rugiæ, Domino In-
griæ & Wismaræ, nec non Comiti Palatino
Rheni, Baviaræ Iuliaci, Cliviæ &
Montium Duci, &c. &c.

*Serenissime & Potentissime Rex
Domine Clementissime.*

SUb ingressu Regiæ Tuæ
Majestatis in Thronum
suum, se sistunt Leges no-
stræ, non hæ quidem, quarum ho-
diè, nisi ex parte tantum, usus, sed
leges tamen, per quas Diva illa *The-
mis*, quæ folio *Jovis* adstare dicitur,
hic quondam munus suum expe-
diebat.

Principis est virtus maxima nosse suos.
Suos autem optime noverit ex mo-
ribus antiquis, qui in leges transie-
runt, ex quarum cognitione non mi-
nus quam ex historia gentis, forte an-
certius, judicari potest, cum de præ-
senti

III
fenti & priorum seculorum statu,
tum si quid in posterum usus facto
fuerit, ubi constat, quo fine & even-
tu, quidque vel consulto mutatum
sit, vel ierit in desuetudinem omis-
sum usurpari. Crebras legum mu-
tationes, prudentiores omnes & re-
rum publicarum periti improbant,
quod inconstantia imperij arguere
videantur, præcipue si fundamen-
tales fuerint, quarum mutatio, mu-
tationem status vel indicat vel in-
ducit, quod ab initio, non nisi à pau-
cis animadvertitur, successu vero
temporis omnibus apparet, non sine
aliorum applausu, aliorum vero in-
dignatione, prout cuiq; è re sua mu-
tatum

tatum vel non mutatum fuisse vi-
deatur. Sed incidunt quandoque
tempora, quibus leges mutari non
expediat tantum, sed & necesse sit,
quod ex parte in hisce, quas jam ex-
hibeo, apparebit, quas tamen vel i-
deo tanti non facio ut dignas existi-
mem, quæ tanto nomini inscriban-
tur, nisi & mos seculi & Regiæ Tuæ
Majestatis humanitas eò invitassent.
Memini, cum ante annos jam quin-
quaginta Regiæ Tuæ Majestatis a-
vunculus magnus, Magnus ille GU-
STAVS ADOLPHUS, patriam meam
valles ingressus esset, accurrisse un-
dique plebem avidam videndi Re-
gem suum, ac in vehiculum per gla-
ciem

ciem transeuntis (hyems enim erat^{IV})
conjecisse manipulos & globulos fi-
lorum, linteorum, etiam alia quæ-
dam vilia, quæ proprio labore & in-
dustria in usus domesticos paravif-
sent, quæ Rex leniter arridens, hila-
ri admisit vultu, delectatus & simp-
licitate gentis, & studio ejus quovis
modo tamen declarandæ prompti-
tudinis & obsequii. Inter istos qui
Regiæ Tuæ Majestati, nunc imperij
habenas capefcenti, occurrant, ego
quoque adsum cum munusculis vi-
libus illis quidem, sed à professione
mea non alienis, nec pretio suo, sed
animo meo æstimandis, ut qui, hoc
uno quo possum modo, devotio-
nem

nem meam contester, tum ut, si
quam mereantur lucem, à splendore
orientis hujus solis accipiant, si no-
men Regium in frontispicio appa-
reat, obscura alioquin à se, & in te-
nebras ac oblivionem itura. Deum
Ter Op. Max. precor ut Regi & a-
ctionibus ejus benedicat, vitam
cum salute populi sui in multos an-
nos producat, & gloriam nominis
æternet.

Regiæ Tuæ Majestatis

Servus humilimus

Johan Stiernhöök.

Holmiæ d. 10. Decemb. 1672.



PRivilegio Sac.^æ Reg.^æ
Maj.^{tis} Sveciæ Regis ac
Domini nostri clementissi-
mi, dato Holmiæ d. 28. Fe-
bruarii Anni 1674. cautum
est, ne posthunc diem quis
hunc librum in Regno Sve-
ciæ vel Provinciis ac locis
ei subjectis, imprimat, aut
alibi impressum circumferat
ac vendat, palam vel clan-
culum sine consensu ac vo-
lun-

luntate Authoris , interval-
lo sex annorum , sub poenâ
confiscationis librorum , &
mulctâ qvadraginta marca-
rum argenti selibrium.

BENE-

BENEVOLO LECTORI, S. ^{VI}

Annus jam alter & tricesimus est,
ex quo, juxta Assessoratum in
Dicasterio Regio Aboæ, pro-
fessio juris patrij mihi deman-
data fuit, juris, inquam, hodie usitati, quod
cum ex præscripto Legum Academia, cum
jure civili Romano conferendum esset, secre-
vi omnia illa, quæ aut jam dudum obsol-
uerunt, aut, quamvis hodie ex parte usita-
ta, supervacua tamen videbantur, ut qua-
liscunq; brevis & summaria saltem utriusq;
juris præcederet cognitio, sine qua omnis
collatio, apud imperitos ejus, frustranea fo-
ret & sine fructu. Ceterum, cum ad sepo-
sita illa oculos reflexissem, plura mihi visa
sunt, quam ab initio animadvertēbam,
quibus reliquas leges adijcere placuit, quas

B

ex

ex variis monumentis, instrumentis, histo-
riarum fragmentis, cum primis vero ex legi-
bus provinciarum particularibus, colligere
potui, quarum summam brevi paraphrasi
explicare visum est, & in hunc quem vi-
des, ordinem digerere, ut esset unum earum
quasi corpus, quod nunc perficere & in lu-
cem edere propositum non fuit, nisi Illustris-
simi & Excellentissimi Domini, MAGNI
GABRIELIS DE LA GARDIE, Comitis de
Sactod/ &c. Cancellarii hujus Regni
verè Magni, *authoritas impulisset, qui,*
quam curam habet Reipublicæ, etiam lite-
rariæ, nihil eorum latere voluit, quod quo-
quo modo ad antiquitatum nostrarum &
veteris status cognitionem pertineret. Itaq;
si quid hic inveneris, quod aut ex sua vetu-
state juvat & delectat, aut ex meo sensu
fortasse displicet & offendit, est quod in al-
tero

vii

teromibi gratuler & gratiam tuam, in al-
tero vero veniam sperem. Debetur enim Ei
sub cuius patrocinio spero me liberum, cui &
ntire quæ velim, & quæ sentiam dicere li-
ceat, sine præiudicio tamen cuiusquam, sive
status sive hominis, quibus mea opinio nihil
vel dare vel derogare potest. Erunt procul
dubio, qui hæc, ut vana, & nullius usus, ar-
guant, fortè etiam, per me licet, pro nugamen-
tis habeant; mihi satis est, si aliqui sint, qui
non nihil juvari se arbitrabuntur in cogni-
tione juris hodierni pleniore, quod ut pluri-
mum antiquo illi innititur. In horum enim
gratiam, & quidem solis popularibus, hoc
scriptum esse facile apparet, quod ut non sit,
nescio tamen, annon dedecus nostrum fuerit,
cum circa leges & instituta aliarum gen-
tium, satis superq; curiosi simus, in patria
peregrinum esse.

B 2

LIBER

LIBER PRIMUS

CAP. I.

De

Scandinaviae Incolis. Juris eorum antiquitate & origine. De initio Juris Scripti Sveo-Gothici, ejus mutatione, varietate & incrementis: De Legibus Vigeri Spa, Lumbert, Sancti Erici, Uplandici, Wesmannici, Helsingici, Dalici, Sudermannici. De Gothicis, West-Gothicis, Ost Gothicis, Scanicis &c. De Finnicis. De municipalibus sive Oppidanis. De Jure communi Christopheriano.

CAP. II.

De Judiciis. Eorum nomine & differentiis. De instantiarum numero, nominibus, & de Instantiarum singularum Ministris, Loco, Tempore, Causis.

CAP. III.

De Judicibus Juris, & Judicum in singulis instantiis electione & constitutione. De eorum officio judiciali & extrajudiciali.

CAP. IV.

De Deputatis sive judicibus facti, vulgo Nembda, & ejus origine, varietate, officio & distinctione à ludicibus juris.

CAP.

CAP. V.

De Actoribus & Reis. De inquisitoribus publicis, Regio,
Communitatis, Episcopali.

CAP. VI.

De citationibus & variis citandi modis. De contumacia
& ejus poena. De necessitate comparendi, exclusis procuratoribus
& advocatis.

CAP. VII.

De majorum modis probandi res dubias, & in specie de duello,
Eenwigh. Ejus origine & latitudine, quibus in causis usurpa-
tum, quando & quare abrogatum.

CAP. VIII.

De vulgari probatione per Ordalium, sive contrectationem
ferri igniti, Zernbyrd. Ejus origine, latitudine, quibus in causis ad-
hibita, quo loco, tempore, modo, quando deniq, & ex quibus causis
abrogata.

CAP. IX.

De probatione Canonica per Juramenta seu Sacramenta &
Sacramentales, Eedh eller Saghgangh. De ejus probationis o-
rigine, nomine, essentia, quo tempore, loco, & quibus in causis impe-
rata. De Sacramentalium numero, Electione & conditione. De
Sacramentorum qualitate, distinctione & varietate. De ante.

A 3

Sacra.

*Sacramentalibus, fidejussoribus & testibus. Quatenus hodiè hæc
probatio ex parte retenta, ex parte remissa.*

CAP. X.

*De Exécutione sententiæ & ejus modo. De pœna veterum
in genere. De Namo sive repressalus, quarum rerum, quando &
quibus in locis concessæ.*

CAP. XI.

*De mulcta sive pœna pecuniaria. De pecunia veterum, e-
jus nominibus, varietate, incremento & valore. De mensuris &
ponderibus veterum, eorumq; ratione & diversitate.*

LIBRI SECUNDI

PARS PRIOR

De

CIVILIBUS

CAP. I.

DE conjugio. *Ætate conjugali, tutoribus, nuptiis & ritibus
nuptialibus. De dote vhrmynd & vhrgiâf. De
donationibus propter nuptias. De conviviiis nuptialibus,
eorum apparatu & ceremoniis. De Sponsa ejusq; comitatu. Con-
vivarum*

18
vivarum numero, securitate & privilegiis. De umbris & ludionibus. De formula elocandi, & nominibus uxoris. De lectogenialit, Dotalitio, Morgongåfwa/ Ejus ratione & quantitate. De Cérémoniis circa expromissionem dotalitij, & mutatum vitæ statum.

CAP. II.

De Parentum cura & officio, & potestate in liberos. De emancipatione, arrogatione & adoptione. De necessitate & ratione investigandi patris. De annis pubertatis & tutela. De tutela & tutoribus. De legitimatione, ejus modo & jure.

CAP. III.

De Successionibus & legatis. De donationibus inter vivos, & Successoribus, in specie, Skapars/ Skjldars/ Baatsarf och Midjararf. De differentia juris Successorii, respectu gradus, sexus, inter jura provincialia. De successione Fisci, Daansarf. Successione in arma, Wiigharf. Successione in certis casibus, Offinnisarf. De distributione rerum hereditariarum & debitorum.

CAP. IV.

De

Dominis & Servis.

De Servorum origine, distinctione, nominibus & conditione, in maleficiis & extra. De Servitutis abolitione, quando, quomodo & quamdiu tentata, peracta & ad effectum perducta.

CAP. V.

De

Contractibus.

De permutatione & emporiis. De emptione, venditione, rerum mobilium, per mediatores & testes, *win och wittne*. De pecoris, boum & equorum venditione, ad dies experientie, *Frestmarck*. De venditione immobilium ad firmatores, *sassa*. De firmatorum numero & varietate. De ritibus & ceremoniis circa alienationem fundi, per Scotationem, baculi contactum etc. De jure protimiseos sive retractus, quarum rerum, quibus, quomodo & quando datum. De pretio redemptionis. De oppignoratione fundorum & jure anticriseos. De fundorum locatione, conductione. De mutuo, commodato, deposito, etc.

CAP. VI.

De

Eundorum ratione & differentiis.

De agrorum divisione ratione quantitatis, in Nummularia, Trientaria, Oraria, Marcaria: ratione qualitatis, in publicos sive communes, *Almenningar / Landz / Håradz / Byes*. De eorum differentiis, & jure in proprios & privatos, Allodiales seu Feudales, Liberos *Frälz* / Emphyteuticos *Såmlegodh* / Vedtigales *Stattegodh* / Fiscales *Shronegodh*. De singulorum horum proprietate & super his, controversiis hodiernis.

CAP. VII.

CAP. VII.

*De fundorum cultu, ejusq; varietate. De villarum ædificiis
& situ. De pontium & villarum refectione.*

CAP. VIII.

*De Venatione, Stiðgningh. De diversis venandi seu fe-
ris capiendi modis. De aucupio, piscatione, pastione, & cæteris quæ
ad hanc rem pertinent.*

CAP. IX.

*De jure suppetiarum in casibus paupertatis ex incendio, naufra-
gio, morbo, &c. De hospitalitate, jure viatorum, & mendicorum.*

PARS POSTERIOR

De

CRIMINALIBUS.

CAP. I.

D*E processu in criminalibus, citatione, captura, proclamatio;
De salvo conductu, quibus, quando & à quibus datus. De
executione in contumaces, emensione, proscriptione, &c.
De criminalium distinctione juxta veteres.*

C

CAP. II.

CAP. II.

De fornicatione, stupro, adulterio, bigamiâ, raptu, vi, lenocinio, incestu, sodomia, &c. & singulorum eorum pœna.

CAP. VIII.

De violato juramento Regio, vulgo Eedzöre. Ejus criminis ratione & pœna in genere, tum diversitate, ratione objecti, subjecti, cause, loci, temporis, instrumenti, &c.

CAP. IV.

De homicidiis & eorum pœna ordinaria. De homicidiorum varietate, à quo, in quem, quo loco, tempore, modo, instrumento, committatur, & pro eo pœnæ disparitate. De homicidiis casualibus. De multa homicidij à familia familiæ debita, Oranboth/ sive Attas both. De multa Dominis debita, Tuck sive Tuckaboth, &c. Multa relictis agris, Torfswegiâldh.

CAP. V.

De

FURTIS.

De furti odio, raritate & pœna. De furum speciebus & propriis diversitate pœnæ. De consulentibus, contrectantibus, receptantibus. De sacrilegis. De Abigeis, Segetum furibus. De furtis manifestis & non manifestis. De inquisitione furum.

CAP. VI.

CAP. VI.

De damno dato, ejus diversitate ratione subjecti & objecti, à quibus & in quos detur. De ejus æstimatione & pœna.


CAP. VII.

De injuriis verbalibus & realibus, earumq; distinctione, ratione, instrumenti, loci, temporis, &c. earum pœna.

CAP. Ultimum.

De jure sacrorum, sive de iis quæ constituta fuerunt super Ecclesiis & earum ministris.

Vis & efficacia Religionis. Religionis origo & finis. Religio sub Ethnicismo, Philosophica & Pagana. Philosophica Religio ejusq; ratio. Pagana religio apud quos & in quibus consistebat. Dij nostratum Thorus, Odenus, Frea sive Fræga. Dij minores. Antistites & ministri sacrorum. Cultus numinum in sacrificiis, lucis, festis anniversariis. Religio Christiana, qualis ad nos venit. Ritus & ceremoniæ. Ecclesiarum Constitutio & templorum fundatio. Ornatus Ecclesiæ. Reditus Ecclesiæ, in decimis, in mulctis, in donationibus & legatis: Præfecti reddituum. Ordines clericorum. Pastor. Ædituus. Pastoris constitutio & vocatio, & requisita. Æditui vocatio, officium, Salarium. Officium Episcopi, redditus, dignitas. Officium Pastoris, in quibus consistebat. Salarium Pastoris. Forum Ecclesiasticum & ejus Nembda, Procurator & causæ. Conclusio.



LIBRI PRIMI

CAP. I.

De

LEGUM SVEO-GOTHICARUM
ORIGINE ET INCREMENTO.

ARGUMENTUM

Scandinavia incolæ Aborigines. Eorum leges & vivendi instituta mutationibus obnoxia. Unde & quare Forma veteris status ignota. Primus legum nostrarum Author incertus. Non Zamolxis aut Dicæneus. Non Anacharsis. Leges Antiquissima cum Germanis communes. Origo & fundamentum scripti juris, a moribus, placitis populi & Regum: Mutatis vicinis. Quales primum scriptæ. Quando scribi ceperint. Leges Vigeri Spæ, Lumberi, Divi Erixi, Caroli, Sverckeri, Canuti, Bergeri Farli, Magni Ladulasij, &c. Leges Uplandicæ, Wesmannicæ, Helsingicæ, Dalicæ, Sudermannicæ. Leges West-Gothicæ, Ost-Gothicæ, Scanicæ, Finnicæ. Leges Oppidanæ seu municipales. Fus Commune Christophorianum.

Scandinavia incolæ.



TRACTUM illum Septentrionis, quem veteres Schantiam, Scandiam seu Scandinaviam appellaverunt, Indigenæ incolunt, quorum Majores diversis temporibus egressi, nobilissimis Europæ provincijs arma, leges,

ges, nomen intulerunt. Gentes domi dominationis externæ & impatientes & expertes, sedibus suis numquam pulsæ, etsi se invicem bellis lacesserent, olim quatuor, quinque, etiam pluribus, distinctissime tribus, aliquandiu uni, hodie duobus Regibus subiectæ, Norvegia sub Daniam in formam provinciæ redacta. Hæ, quod cælo & solo conjungerentur, etiam per connubia & commercia mixtæ, iisdem pæne legibus vixisseprehenduntur, quæ autem illæ fuerint, quibus olim in unius imperij societatem coaluerunt, in tanta tam vasti temporis obscuritate difficile est investigare. Non enim hic, nisi conjecturis, locus est, literaturâ omni nostratium nondum inventâ, cujus beneficio notitia tantæ rei ad posteros pervenire potuisset, nec est quod ex hodiernis, aut legibus ante aliquot secula latis, de primis illis judicari debet. Habitus, cultus, mores, lingua, sive à commercio aliarum gentium, aut immigratione, sive à seipsis sensim mutantur, ut post aliquot seculorum decursum non eadem rerum facies aut eadem vivendi instituta agnoscantur, inde leges quoque sequuntur non ex tantum, quæ privatorum negotijs inserviunt, & temporibus adaptantur, sed & quæ

Leges eorum primæ
væ ignotæ.

Legum vicissitudo.

fundamentum status concernunt, ac, cum Respublica immortalis esse debeat, perpetuò constantes esse conveniebat. Nullius unquam tam felix in condendis prudētia fuit, ut cavere posset quo minus quam homines, ex quorum arbitrio pendent, non essent vicissitudinibus & interitui obnoxia, quod cum primis hic observare licuit. Quamvis enim ab initio & Magogo usque (si sine verecundia eo usq; per tot nomina & per tot secula reducere liceat) imperium hic Regium fuerit, constat tamen, posterioribus seculis, ubi certior de eo notitia & fides, ut plurimum precarium fuisse, quandoq; & nullum, cum nunc saepe primores & Nomarchæ, saepe plebs ipsa sibi summam rerum arrogarent, ut tanquam ex ruderibus & reliquijs palatij alicujus, quod saepe restauratum est, difficile sit imaginem veteris illius structuræ, quæ sibi semper par sit, efformare.

Privatorum sive privatum jus quin variaverit, minor adhuc dubitatio est. Cum enim ante leges scriptas omnia aut ex æquo & bono, aut juxta consuetudines quæ alibi atque alibi variaverunt, deciderentur, constat non idem semper omnibus æquum & bonum fuisse visum, nec eadem

dem diuturnas fuisse consuetudines, ut legibus propterea incertis, certus Author, quod proxime erat inquirendum, dari nequeat, nisi quoquo modo tradita sine iudicio transmittere velimus. Nam quod plerique nostratum, qui aliquid de legibus nostris scripserunt, Philosophos, Zamolxin & Dicaenæum huc advocant, historiam gentis & seriem rerum non mihi satis, aut perspexisse, aut curasse, videntur. Zamolxis Pythagoræ discipulus fuit, quem alij Regem, alij consiliarium Gethis præficiunt, quibus quas leges scripserit, incertum est, & incertius adhuc, an Gethæ iidem fuerint cum Gothis nostris hinc egressis. Gothi hoc nomine, quarto demum à Salvatoris nativitate seculo, orbi innotuerunt. Gethæ vero & Amazones etiam ante Alexandri Magni tempora, & bellum Trojanum, fuerunt. Sed fac eisdem fuisse, & vel trecentis, ut quibusdam placet, vel plusquam mille, ut Iohanni Magno visum est, ante Christum natum annis, hinc egressos, ad Tanaim fluvium, & Meotidem paludem concessisse, unde in Asiam & Europam effusi, quis credat tanto, & temporum, & locorum intervallo diffisos, patriæ hujus amplius meminisse, ne dum ut per commercia, aut nos ab
illis

illis, aut illi à nobis leges haberent? Quas autem leges Gothi illi externi habuerint, antequam scriberentur, non constat, si vero eæ fuerint quæ postea in Hispania scriptæ sunt, sub Henrico Theodorici filio, imperante Leone, quinto circiter post nativitatem Salvatoris seculo, eæ propiores sunt à vicinis Gallicanis & Romanis, quam nostris, ut non obscurum videatur, ab illis potius habuisse quam Zamolxi aut Dicensæ, nos minimè ab illis. At ut de Dicensæ jam dicam, is quidem Zamolxi tempore posterior fuit, sed &, si demus Gothos circa Ducentesimum à nato Christo annum, hinc egressos esse, ut plerisq; placet, & credibiliùs certe videtur, nec sic tamen Dicensæ contingent, qui tertio ante seculo vixit, cujus Bilagines vel Belagines propterea nostras esse volunt, quod vel oppidanas significant, *Bylagh* / vel appendices seu additamenta ad leges, *Bislagh* & *Bilasskiedh* / quasi homo Græcus vel Boroista Sæticæ loqui & scribere didicisset, quingentis ante annis, quam Gothos novisset. Nam Gothi eo tempore, quo Iornandes hoc scripsit de Dicensæ (à quo hoc totum habent) leges *Vittodh* vocabant, non Romanâ voce *Lex*, *Lagh* / quam usus loquendi hodie nostram

stram fecit. Hoc autem perinde est, ac cum Scythiam a **Scythe** derivari volunt, quod jaculandi pericia polleant. Romani & Græci scriptores divinare scilicet potuerunt, quid Sveones post mille años sagittarum nominare vellent, ut exinde Scythiæ nomen inderent; Sed mitto ista. Verisimilius foret, si Philosophum omnino præponi placeat, Anacharsin ex Scythia huc adducere, quod is & popularis noster censeatur, & a quibusdam Germanis fundamenta juris Saxonici jecisse dicatur, quod cum ostro jure in multis convenit. Sed hæc commenta sunt quæ placuerunt, postquam litteræ placere cæpissent, ut nihil egregium aut laude dignum censerent, nisi a Philosophis profectum esset; Hæc autem opinio a cæteris Germanis jam dudum explosa est. Constat enim Scriptorem ejus primum fuisse quendam Epko Repkovium, qui nullibi Anacharsis mentionem facit, sed consuetudinum tantum gentis & constitutionum Carolinarum, ex quibus speculum illud confarcinavit, & cum illo tempore, quo hoc scriptum est, decimo tertio scilicet seculo, humaniora studia & elegantior omnis literatura sopita jaceret, ad nos certè nondum pervenisset, satis liquet

D

quod

quod Epko Repcovius non magis Anacharsin no-
verit, quam noster Viger Spa & Lumberus, Za-
molxin aut Dicæneum, cum hic Sveonica, ille Go-
thica jura primum compilarent. Interim tamen
diffitendum non est, habuisse nos ab antiquissimis
temporibus multas leges cum Germanis commu-
nes, longe ante confectionem Speculi Saxonici.
Populus enim, procul dubio, unius originis, ut
linguæ & morum fuimus. Harum quædam in
viridi observantia fuerunt, ad tempora usque Ma-
gni Ladulâsij, quædam etiam hodiè & adhuc
sunt. Jam dudum vero apud Germanos obsoluê-
re, postquam illi primum in consortium Romani
Imperij, deinde longe post, etiam legum Roma-
narum, venerunt, de quibus suo loco infra me-
morabitur. Nam quod leges illas attinet Germa-
norum, quæ decimo tertio seculo primum literis
commisæ sunt, nostræ quædam illis coætaneæ,
quædam multo antiquiores sunt. Habuimus e-
nim scriptas leges Duodecimo, Undecimo, vel
etiâ decimo seculo, ut evidenter monstrari potest.

Origo le-
gum nostra-
rum,

Ut itaq; hunc locum de Authoribus legum
nostrarum concludam, Pauca sunt Regna & Resp.
quæ, ut Spartani Lycurgo, Athenienses Soloni,
Creten-

Cretenſes Minōi, leges ſuas certo alicui Anthori debent, plures obſcura origine cœperunt. Recepta en im aliqua conſuetudo, arbitrium Regis aut placita populi, in leges tranſierunt, quæ, ſtabilita imperij vi, poſtmodum incrementa acceperunt non uni imputanda: Quomodo etiam noſtras cœpiſſe veriſimile eſt, ut neceſſe non ſit, tanto circuitu per Aſiam, Græciam aut Hiſpaniam, incunabula juris noſtri quærere. Mos enim & conſuetudo, tacito populi conſenſu introducta, diu pro lege fuit, &, ut Tacitus verè ait: *Hic boni mores plus valuerunt, quam alibi bonæ Leges.* Hi mores, ut pro lege fuerun ante jus ſcriptum, ita & prima materia ſcribendo juri, quorum originem in tanta multitudine ſeculorum, & barbarie, inveſtigare perquam eſt difficile. Huc acceſſerunt, ut ante dictum, placita populi & edicta Regum, quæ conſuetudine terminari non poterant in cauſis novis & dubijs. Vox enim Regis ſæpe pro lege: validum etiam, quidquid populo placuiſſet, etiam Rege interdum non conſentiente, & juxta hæc, non pauca tamen videntur a vicinis mutuaſſe, & ad uſus ſuos accommodaſſe, id quod non obſcure innuit Rex Bergerus Magni filius, in præfatione ad leges Uplandicas.

D 2

Cum

Origo scri-
pti juris.

Cum autem leges primum scriberentur, rudes
& simplices valde fuerunt, qualia enim Romanus

Quando jus
scriptum.

Jura dabat populo, posito modo Prætor aratro:
Et quales nostras se vidisse *Olaus Petri* testatur.
Quando autem scribi cœperint, nec cum satis cer-
tum, quibusdam sub Ingone Secundo, alijs sub
Ingieldo factum asseverantibus. Credo vel eun-
dem fuisse, errore ex similitudine nominis, vel et-
jam sub utroque fieri potuisse, sub altero scilicet
inchoatas, sub altero qualitercunq; perfectas, cum
nonnisi septendecim annorū intervallo a se invi-
cem imperarent. Certior tamen pro Ingeldo sive
Ingevaldo (utrumq; dicitur) fides, non tantum Te-
stimonio Regis Bergeri, sed & quia pleriq; manu-
scripti legum codices præferunt, eas Birca editas,
quæ sub Ingieldo sedes Regum & in flore fuit. Usus
autem fuit Ingieldus opera Iudicis provincialis,
Vigeri Spa, iudicis Uplandix tunc temporis cele-
berrimi, a quo deinceps leges, magis quam a Rege
ipso, nomen acceperunt, ut Vigers *Slucka*/ Vigeri
Capitula Vigeri Spa. Capitula dicerentur. Ulus harum fuit per annos
circiter quadringentos. Paulò enim post tempo-
ra Caroli Magni scripta sunt, gente nostra non-
dum ad fidem Christi conversa. Postquam vero

Lux

Lux Evangelij affulsit, Castigatae sunt a Regibus Christianis, in ijs quæ idololatriam saperent, & ad rudes feræ gentis mores compescendos pertinerent, quo nomine celebres sunt Leges D. Erixi, Caroli, Canuti, Bergeri Iarli, Magni Ladulasij, quibus incrementa iuris sui Sveones debent usq; ad Bergerum Magni filium, sub quo prima revisio facta fuit, Anno 1295.

Leges S. Erixi & Successorum.

Paulo ante Gothi nostri quoq; Leges & consuetudines suas in ordinem redigere cœperunt, opera iudicis sui provincialis Lumberi, a quo nomen etiam acceperunt. Apparet id factum, cum proprios haberent Reges, ex passione, quæ in iisdem proditur erga Svecos & Danos, vicinos utrinque. Iuxta hoc notandum, quamlibet provinciam suas sibi leges & peculiare Legum codices habuisse, quæ licet in plerisque cum cæteris convenirent, in multis tamen abierunt, quæ retinere, juxta libertatem visum fuit, requisita in id Regis confirmatione, in quibusdam etiam pro supervacuâ, spretâ & neglectâ, sive id non indignè ferrent Reges, ignorantia iuris sui, aut electione obnoxij, sive is rerum status fuit, cum esset quælibet provincia iuris sui, magis societatis & confœderationis,

Leges Lumberi.

Leges Provinciales.

nis, quam meræ subjectionis vinculo Regibus sub-
jecta. Suetæ olim cum Regulis suis liberrime vi-
vere, quorum potentia in legiferos desijt, id quod
& modus suffragandi & electi Regis confirmatio
non obscure ostendunt, quia post inauguratio-
nem & juramentum omnibus præstitum, circum-
ductus per provincias nihilo minus singulis cave-
re necesse habuit, non minus de legibus eorum
confirmandis, quam ne novas ferret.

Leges Up-
landicæ sive
Upsalense

Nihil mirum ergo, si sibi singulæ suas habe-
rent leges, inter quas dignitate provinciæ, anti-
quitate & authoritate, primæ sunt Uplandicæ,
de quibus Scriptor Norvegicus ante annos plus
minus 250. *Judex Upsaliensis*, inquit, *reliquis omni-*
bus antistat, ubi inter reliquos de jure non convenit, ex
judicis illius arbitrio, vel juxta Upsalense, decidendum
est. Scriptor eorum primus fuit is, quem mo-
do nominavimus *Viger Spa*: alter ab illo *Bergerus*,
pater divæ *Birgittæ*, ex quo illustris Comitum
Brahæorum familia originem ducit: Uterque ju-
dex provincialis, seu, uti jura vetusta illos vo-
cant, Legiferi sive Nomarchæ, quales & revera
fuerunt, proximo à Rege gradu & dignatione.
Leges autem, quales à *Vigero Spa* conscriptæ sunt
&

& sparsim editæ, vetustas & bis supersequuta re-
formatio abstulit, nec dubium tamen est, quin
multa ex ijs in hodiernis legibus retineantur. Rex
enim *Bergerus* non illas omnes sustulit, sed onero-
sas tantum; & obscuras explicavit, ut ille fatetur.
Addidit deinde illas quæ à *Divo Erico* latæ sunt,
quæ & ipsæ, quales ab illo editæ sunt, perierunt,
aut certè ad notitiam nostri sæculi non pervene-
runt, etsi non desint qui alibi eas se vidisse affir-
mant. Perinde filij ejus, Regis *Canuti*, *Bergeri Jarli*,
Magni Ladulasij, quales ab illis prodierunt, non
amplius exstant: Ex his tamen omnibus Ius Up-
landicum compositum est. Quorum autem quæq;
Leges fuerint, ut obiter observare & colligere po-
tui, suo loco memorabuntur.

His proximè, vicinitate loci, & ætate, pares
sunt *Wesmannicæ*, & nisi *Bergeri* & *Magni* Regum
in iis facta fuisset mentio, dixerim superiores, quia
crebra servorum jura, quia pretia etiam eorum
minora, quam de jure Uplandico, pœna quoque
violatæ pacis publicæ diversa ab ea, quæ à Rege
Magno statuta, ad hæc usque tempora permansit,
& alia nonnulla, quamvis non multa. In reliquis
conveniunt cum Uplandicis. Scriptores eorum vi-
detur Episcopus aut Canonicus fuisse.

Leges Wes-
mannicæ.

Leges Hel-
singicæ,

Leges Helsingicæ & numero pauciores & tempore posteriores sunt, quarum usus tamen latè patuit per omnem illum Borealem tractum, Bothniam, Angermanniam, Medelpadiam, Helsingiam, Gestriciam. Editæ sunt sub Rege *Magno Smekio*, ut colligitur ex ejusdem juris Cap. 16. *Erfda B.* Scriptor eorum pleraque mutuatus à Legibus Uplandicis, paucis admodum in locis ab ijs divertit, secutus consuetudinem gentis, & genium loci, patriæ non immemor libertatis.

Leges Dalicæ seu vallium.

Hicce Dalicas patriæ meæ Leges, paucis adhuc notas, & quas me primum produxisse in publicum, jure gloriari videor, nescio præponam aut postponā. Argumenta enim non desunt, quibus & anteriores & posteriores ijs videri possunt; coëtanæ certe fuerunt, & Helsingicis paulo breviores, sed quæ tamen maximè necessaria, præ alijs, lucidè & clarè exponunt. Nonnulla habent cum Gothicis communia, pleraque cum Sveticis, in quibusdam tamen & à Gothicis & à Sveticis divertunt. Earum usus fuit per omnem illum tractum Borealem & occidentalem versus Norvegiam, quæ sub vallium nomine indigitatur, & Vermelandiam quoq; includere videtur, usque ad
mare,

mare, præsertim cum Angli & Dani, & navium
etiam, fiat mentio, quod in nullis nostris, præter-
quam WestGothicis fit, olim enim commercia ibi
tunc maximè habuisse videntur, cum & religio &
pecunia in istas oras ex Anglia primum transfre-
taret. Scriptor Canonicus procul dubio fuit, qui
nimium Episcopis favet, ut parem eis ferè mul-
ctam vel pœnam pecuniariam cum Regibus tri-
buat.

Eodem Rege & eodem ferè tempore, vel paulò
post, editæ sunt Leges Sudermannicæ, quas præ-
fatione sua munivit, jam adaltior, nec Sveciæ tan-
tum ac Gothiæ, sed & jure hæreditario Norvegiæ
Rex factus, *Magnus Smeek*. In paucis abeunt ab
Uplandicis, quæ suo loco, data occasione, memo-
rabuntur. Maxima enim est juris convenientia
inter has provincias, quæ Cissylvanæ dicuntur, &
Regnum Sveciæ, propriè ita dictum, constituunt,
à Gothicis seu Trans-Sylvanis, ut locorum inter-
capedine, ita & rerum majori discrepantia, sejun-
ctæ.

Suderman-
nicæ Leges.

Leges West-Gothicæ antiquissimæ sunt inter
reliquas omnes, ut quæ Lumberum, Authorem
Ethnicum agnoscant, a quo series judicum pro-

Leges West-
Gothicæ.

E

vincia-

vincialium longo ordine deducitur ad annum
1285. Quia verò in ijs extant etiam Bergeri Iarli
& Magni Ladulasij constitutiones de tabernarijs,
apparet illas compilatas esse ex statutis diverso
tempore latis, aliquibus etiam antiquatis, nec ita
castigatas ac emendatas, ut de illis dici possit,
quod Rex Bergerus de Uplandicis: *Swadh wijs
hittom allom mannom tar fligit / thet sattiom wijs i
Book thesso. Thet otarff år / och tungi år ath /
thet williom wijs vthanlyckia.* Leges enim popula-
rium, ualescunque & quocunq; Scrip:or inve-
nit ante se, etiam post se reliquit, nulla interve-
niente Regum censura & confirmatione.

Leges Ost-
Gothicæ.

Ost-Gothicæ accuratiores videntur. Titulus
earum præfert conditores & Revisores, Regem
Carolus Sverkeri filium, & Canutum, Divi Eri-
ci, & Bergerum Iarlum. Annos etiam notat qui-
bus castigarunt, videlicet 1168, 1257, & 1260.
priori conscriptæ, duobus posterioribus revisæ
& auctæ videntur, et si, quales nunc prodierunt,
ex parte se debeant Magno Ladulasio, id enim
non obscure liquet ex Cap. 35. i *Widerboa B.*
Ubi Regis *Magni* fit mentio, qui alius non potest
esse, quam is quem dixi.

Gothi.

Gothicis Leges Scanicas ævo pares non immerito annumerem. Ut enim hodiè, ita & olim Scania pars Regni Gothici fuit, atque haud scio, annon inde Reges Daniae se Reges Gothorum scripserint. Imputantur eæ Regi Daniae Waldemaro primo. Transtulit eas in Latinum sermonem annis ab hinc. Andreas Sunonis, Archiepiscopus Lundensis, Primas Sveciae, non ut noster Ragualdus Leges Christophori, verbum de verbo, sed brevi & eleganti Periphrasi summam unius cuiusque capitis complexus.

Leges Scanicae.

Smolandi & Oelandi an leges etiam peculiare habuerint, mihi nondum cognitum aut satis exploratum. Credo nullas; Cum jus Ost-Gothicum dilucidè Smolandiam sub jurisdictione sua comprehendat & includat, Cap. 3. i Råssi B. Idem dixisse liceat de Finnicis. Satis constat scriptas Finnos non habuisse, ante illas universales, quas edidit Rex Christophorus. Magnus Smeek in id quidem laboravit, ut haberent, sed præventus alijs curis, non perfecit. Sanxit tamen constitutiones aliquas de piscationibus publicis, quibus etiam hodiè utuntur, qui mare accolunt & Halecum capturae invigilant. Item de redditibus Ecclesiasticis,

Smolandicae & Oelandicae Leges.

Leges Finnicæ.

cis, sed locales tantum, quæ mutato Ecclesiarum
 statu cessarunt, alijs substitutis. Quo autem jure
 usi sunt Finni ante annos sexcentos quam Christi
 fidem susciperent, ignotum est. Mihi persuasum
 nullo scripto, nec fortè egnisse, quemadmodum
 nec hodie Lappones, quæ gens eadem videtur
 fuisse cum illis, id quod lingua, mores, habitus,
 cultus, &c. manifestè testantur, nec ulla olim
 Lapponum mentio, sed quod Tacitus de Finnis,
 rectius hodie Lapponibus adscripseris. *Finnis*, in-
 quit, mira feritas, fœda paupertas, non arma, non equi,
 non penates. *Viçtui* herba, vestitui pelles, cubili humus, sola
in sagittis spes, idemq; venatus viros pariter ac fœminas a-
 lit; Nec aliud infantibus, ferarum imbriumq; suffugium,
 quam ut in aliquo ramorum nexu contegantur. *Huc* re-
 deunt iuvenes, hoc senum receptaculum; id beatius arbi-
 trantur, quam ingemere agris, illaborare domibus, suas alie-
 nasq; fortunas, spe metuq; versare. Securi adversus homines,
 securi adversus Deos, rem difficilissimam assequuti sunt, ut
 illis ne voto quidem opus sit. Non dubium est quin
 Tacitus ex aliorum informatione aliquid supra
 rem, ut fieri solet, scripserit, sed tamen Lappones
 ut plurimum hodie tales sunt, tales & ex parte
 Finni, qui ad interiora & Septentrionem in habi-
 tant:

tant; Nam reliqui victi cum religione etiam cultum acceperunt, & ad meliora traducti per conubia & commercia, mores paulatim mutaverunt, quo etiam fecere Colonia, co ducta, ut in tractu illo versus septentrionem, ubi tempore Regis Magni Smekij, duæ tantum essent parœciæ, cultus terræ exiguus aut nullus; jam præter duo oppida, decem parœciæ numerentur. In desertis ergo olim agentes, non alio, quam hodiè Lappones, jure nsi videntur, exceptis ijs qui mare accollere, de quibus satis constat quod Regulos suos habuerint, quorum nonnullorum in historiis fit mentio. Post religionem verò & imperium acceptum, datus illis Iudex provincialis, Legumvir vel Nomarcha Orientis, dictus *Saghaman i Österland* (ita enim se vocat in instrumentis vetustissimis) qui ex æquo & bono illis jus dixisse videtur, & crimina castigasse pro arbitrio, donec crebescente cultu, & auctâ habendi cupidine, leges Regis Christophori sibi describendas & observandas sumerent. Nec ullæ aliæ, in quantum hætenus notum est, in lingua illa extant.

Ultimo loco etiam addendum est aliquid *Leges Oppidanæ.* de jure, cujus in urbibus & oppidis usus, quod an

E 3

inter

inter antiqua referendum sit, dubitare video multos; sanè quales hodiè prodierunt, editæ sunt, ut apparet, post editionem juris illius universalis a Christophoro factam, fortassis ab eodem aut etiam successore Carolo Knutsonio, certè post Albertum, id quod ex ipsis legibus satis evidentè demonstrari potest. ¶ Existimant multi, ante harum editionem non habuisse oppida peculiare jus, diversum ab universali illo, quo provinciæ in toto regno, usæ sunt, ex eo quod jus provinciale nullibi deferat juri municipalì: Ius verò municipale seu oppidanum, sæpè ad præscriptum juris universalis causas exigit. Sed non est verisimile, cum provinciæ omnes suas sibi proprias haberent leges, id urbes & oppida neglexisse, quibus diversa a ruricolis & acquirendi & vivendi ratio. Ignominiosa lapidum illa civitatis gestatio in confusionem flagitiosi concubitus toties celebrata, quæ etiam hodiè extat, una est ex antiquissimis, non ruri, sed in oppidis usurpata, & Wiburgum Careliæ urbs, ostentat privilegia sibi a Divo Erico data, qui cum annis plus minus centum ante Bergerum Iarlum & Holmiam conditam vixisset, permisisset verò vivere legibus, quibus

bus Civitas Upsalensis fruebatur, satis constat, alias fuisse quam provinciales. Quare, cum scripti Codices incunabula juris provincialis referant ad annum à Christo nato 832: Iuris vero municipalis ad annum 1251; probabile est hoc anno potissimum hujus juris habitam fuisse rationem, cum, Holmiâ conditâ, Bergerus Iarl animum quoq; verteret ad leges, quibus urbium & oppidorum status componeretur ad exemplum urbium Anseaticarum, quæ ad maris Baltici littora, eò potissimum seculô & proximô conditæ erant, à quibus & nonnulla mutuatus est. Verumtamen, quascunq; ille tulit, certum est pro tempore Holmensibus tantum tulisse, quæ subsequutis temporibus subindè revisæ & auctæ, ostendunt tamen omnia ad illius urbis statum esse directæ & accommodata. Nam ceteræ civitates & oppida, perinde ut provinciæ suæ, sibi proprias habebant leges, statuta & privilegia, quibus regebantur, ex quibus alij fortasse alias, ipse Sudercopenenses vidi. Id testatur quoq; mentio suprâ facta Upsalensium in privilegijs Divi Erici Wiburgo datis, quæ suspecta videri possent, nisi Gustavo Primo & Carolo Nono pro authenticis agnita & confirmata essent. Undè colligimus Divum illum ulterio-

res

res fecisse progressus, & ad Borealem ac Australem Finniam, Careliam quoq; adjecisse, fortassis postea amissam, sed tamen, ut non ejus primum captæ gloria Bergeri Iarli nepoti, Magni filio, & ejus Tutori Torchillo Knutsonio, debeatur, quod historicis nostris aut non visum, aut non creditum. Sed hæc de legibus nostris scriptis, earumq; varietate, de quibus dici potest, illud Ovidij:

Facies non omnibus una

Lib. 2. Metamorph.

Nec diversa tamen, qualem decet esse Sororum.

Ex quibus Gothicæ maximè inter se conveniunt, proximè verò accedunt ad jus civile Romanum, in materia præsertim patriæ potestatis, dotium, servitutum, successionum, &c. quæ suò locò memorabuntur: Nec ullæ nostratum sunt, quibuscum jus nostrum commune magis, aut dissentit in civilibus, aut convenit in criminalibus, ut satis appareat, quoad hæc, à Gothicis, quoad illa, à Svecicis transumptas esse.

Jus commune Christiophorinum.

Ac ut jam ultimo loco de jure hoc nostro communi, quo hodiè utimur, dicam, omnes Regi Christophoro deberi credunt, quod is præfatione sua exornavit & edidit, sed certum est ejus compo-

compositionem longè ante Regem Christophorum extitisse, id quod ejus codicis exemplaria nonnulla ostendunt, annis plus minus quadraginta antè, manu scripta, quæ ab hoc codice quò hodie utimur, in paucis admodum divertunt, ut ea errore scribæ facilè quis credat intervenisse, adeò eadem ferè omnia sunt, quæ Regi Christophoro aut potius Archiepiscopo Nicolao Ragvaldi imputantur. Fuit hoc procul dubio legisterium illud, cujus bis in Præfatione sua meminit Rex Christophorus, quod Regi Magno Smekio debemus, qui nescio quo suo fato, tam ignominioso cognomine apud posteros infamiam meruerit, ob redditam Regi Daniae Waldemaro Scaniam, quasi eam sponte, contracta cum illo affinitate, sibi eblandiri passus fuisset. Satis liquet injuriis suorum provocatum, necessitate quadam eò devenisse, cum alia ratio suppetere non videretur expediendæ salutis & se in jure suo tuendi. Si, quam capita accusationis adversus illum, tam defensionis instrumenta pro illo, historicis nostris prodita fuissent, æquiores fortasse essemus. Sanè post assumptum Albertum, errorem aut culpam agnovimus, sed serò, postquam pœnitentiæ & restitutioni in

F

inte-

integrum locus non esset, nisi per arma, quæ etiam, sed frustra, tentata fuerunt. Is, inquam, Rex Magnus, Erii filius, magnum imperij sui, armorum, commerciorum, cum primis vero legum curam habuisse videtur, id quod leges quædam provinciales, inter alias ejus constitutiones, sub ipso editæ testantur. Anno 1347 Comitia Orebrogiæ habuit, ubi juris hic codex compositus, opera Nomarcharum quorundam, Ulphonis Amberni & Algothi Benedicti, quos Rex Magnus ille ad corrigendam, & ad bonam concordiam & convenientiam leges singulorum Legiferatuum Regni Sveciæ redigendum, præfecerat, ut verba habent quorundam Canonicorum, qui in comitiis istis fuerunt, & contra reformationem, hanc protestati sunt, quod nimis, ut apparet, clericis favisse videretur, qui auctoritatem suam & libertatem jure Canonicò niti volebant, adversus quod nihil se admissuros in protestatione sua adseverabant. Rex ergo Magnus Smeek eò tempore hoc egisse videtur, ut universale quoddam jus Regnum haberet, sed non obtinuit, quò minus, ut antè, singulæ provinciæ suo sibi arbitrio & jure peculiari viverent. Post eum subsequuti

sequuti Reges, transversis aliò curis, nihil egisse videntur ad reformationem juris alicujus, paulatim tamen singulæ provinciæ sub certis reservatis se juri isti universali subjecerunt, donec tandem Rex Christophorus, operâ Archiepiscopi Nicolai Ragvaldi, legisterium illud recognosceret, & in paucis admodum locis emendatum, publicaret, & authenticum, post centum circiter annos, faceret, Annò scilicet 1442; quò hætenus etiam usi sumus, quod tamen, eòdem quò Antecessorum leges, fatò, mutatò rerum & temporum statu, plusquam dimidiâ sui parte obsolevit, quâquam nec antea peræq; ubiq; observatum esse, satis sit manifestum.

Ius enim Uplandicum in multis, præcipuè verò in causis successionum, etiam post Christophorianum, sequuti sumus, ut prædicata ostendunt superioris seculi, quod Rex Iohannes Tertius, ut æquissimum, etiam confirmasse videtur, sed post recensitionem juris Christophoriani à Rege Carolo Nono factam, & ab ejus confirmatione, receptum est iterum, & juxta illud in causis successionum judicatur, Quia itaq; ius hoc, ut dictum est, in multis obsolevit, in nonnullis

variavit, ideò ab Ordinibus Regni in Comitibus
Holmiæ, Anno 1600. de eo revidendo prima cogi-
tatio suscepta fuit, quæ revisio, quarto post
anno, ab iisdem Norcopiæ iterum decreta, & se-
pius deinde hisce temporibus tentata, nec dum
quidem in hodiernum usq, diem ad effectum
perducta est, neq; postea, nonnullis fortassè de
causis, visum expedire.

CAPUT II.

De

Judiciis & eorum differentiis.

ARGUMENTUM.

*Judicij nomina & unde. Judicia vetustissima & qualia. Litiganti-
um juramentum. Instantiarum numerus. Instantia prima Sier-
dungh/ Tridiungh/ Ting/ ejus cause, locus, tempus. Instantia se-
cunda Hæradz Lingham/ ejus locus, tempus, causa. Instantia supre-
ma Regis duplex, Râfztung sive Landztung/ ejus Assessores, locus,
tempus, causa; Râtare-Tung/ ejus Assessores, locus, tempus, causa.*

Judicij no-
mina & un-
de
Swarff.

Judicia majoribus nostris antiqui-
tus Swarph/ sive potius, meo judicio,
Swarf dicta fuerunt, Adamo Bremense
teste, quæ vox hodie circuitum, revolutionem sive
vicissi-

vicissitudinem significat, ex qua olim, manente
procul dubio eâdem significatione, non obscure
nominata videntur, sive quod judicia ad revolu-
tiones certas solares lunaresve haberentur, quod
& Tacito in Germaniâ observatum, sive quod in
unum conveniens multitudo, judici circumfusa,
in orbem conglomeraretur: (Sub dio enim vete-
rum judicia habebantur, unde in jure Wesman-
nico conjunguntur; *Til Tingz och ringz / &
Tingh och ringh*): Sive deniq; quod per vices fa-
cto circuitu singuli territorij patresfamilias ad
judicia convenire tenerentur, prout id in antiquo
& novello jure præceptum extat.

Cæterum hæc vox olim desiit, usurpatâ ante an-
nos quadringentos, vocalâ *Tingh* / quæ quon-
dam etiam apud Germanos in usu, hodie in de- *Tingh.*
suetudine, apud nos tantum retinetur, latiore ta-
men significatu. Conventum enim publicum
promiscuè omnem notat, non jus tantum red-
dendi causa, sed & consultandi, deliberandi, eli-
gendi, agendi, etiam commercandi, unde in jure
nostro, *Mora Tingh / Dissa Tingh / Samting /
Kyndel Tingh / Riöp Ting.*

Iudicia Gothi nostri & Scanici, Dani, Nor-

Såmpt vegi quoq; & Islandi, voce rei adæquata **Såmpt** vocavere, & nonnihil distinxisse videntur à **Ting**/ quod in hoc conventu scilicet aliarum rerum, causâ, vadimonium factum, lis contestata, testes vel Sacramentales nominati; In illo vero, causa acta, & testes producti. Cæterum nomen illud à numero quinario deductum videtur, vel quod quinq; dies intercessissent, ex quo causa dicta est & acta, vel quod intra decimum quintum diem omnino finiri debuisset. Ius enim qualibet hebdomade ruri dicebant, die scilicet Lunæ, Iovis & Saturni. Itaq; si quis dicam dixit die Saturni adversario suo, causam die Iovis prosecutus est: Si die Lunæ, die Saturni; Si verò tertio iudicij die, id est, intra decimum quintum, lis terminari non potuit; devoluta est ad summum iudicium provinciale, quod in Gothia dicebatur **Þlonga Þingh** / eo loci ubi nunc Lincopia est, unde nomen oppido remansit **Þlonga Ríðpung** / ita enim in vetusto jure nominatur.

Judicia antiquissima & qualia.

Iudicia veterum & antiquissima, ut alia omnia, penitus simplicia fuerunt, ignoratâ omni provocatione, & pluribus, quæ ad eam necessariò instituendæ fuerunt, instantiis. Populus enim

nim simplex, ambitionis ignarus, sepositus quoq;
à contemplatione & admiratione opum mundi,
aut paucas lites habuit, aut quas gloriosius existi-
maret armis, quàm judiciis terminari, Marti quam
Mercurio addictior, præcipuè cum non ex jure
scripto, sed aut ex consuetudine gentis, aut ex æ-
quo & bono, omnia deciderentur. Itaq; initiò
actionis omnem dolum sanctè abjurabant: *Hiel-*
pe swa Freyer som Niordur/och hin all-machte As.
As Othinus erat, sic dictus quod ex Asia oriundus.
Freyer & Niordur filius & nepos Othini, Reges
Upsalenses, postea pro Diis culti, per quos jura-
bant. Cæterum As sive Othinus, cum magicis
artibus & præstigijs admiranda patrasset, *almach-*
te/ id est, omnipotens dicebatur.

Juramentū
partium.

Successu autem temporum factum est, cū
jure scripto uti cœpissent, ut judicia majore pom-
pâ & apparatu, quam fortasse ex usu, instrueren-
tur. Itaq; cum Regnum in certas civitates &
provincias, & hæ vicissim in suos Comitatus sive
Districtus vel Heredas, Heredæ deniq; in qua-
drantes dividerentur, alibj in trientes, ut in Wer-
melandia & Gothlandia, tot etiam forent judi-
cia, tot judices & instantiæ: Prima & infima in-
stan-

Fierdingz=
Ting.

stantia fuit quadrantis sive iudicis quadrantarij,
Fierdingz Tingh/ quæ de jure Gothico & Nori-
co præcipue obtinuit. Hanc causæ omnes mi-
noris momenti spectabant, alle tremårkis måhl/
laghståmbd och lagfallat til laghæsockin åhn dhe
waru en Jordadelur/ och en waru Ljonga Tingh
firi Ståmbdt. id est, Omnium trium marcarū cau-
sæ, & quæ præterea in puncto executionis ver-
santur, exceptis de solo & fundo controversiis,
atq; ita tamen, nisi summum iudicium provincia-
le institisset. Iudex hujus instantiæ Tetrarcha
dictus, Fierdingzhöfdinge/ domesticus erat, quem
domi suæ jus semper dixisse crediderim, nam &
ordinariam ad manum habebat Nembdam, &
procuratorem etiam ordinarium, cujus solius no-
men & ex parte officium hodie retinetur Fier-
dingzman/ reliqua obsoluerunt.

Secunda instantia, hodie prima, Districtus
sive Comitatus, quem nostri Hæredam nomi-
nant. Hæreda autem provinciæ pars est certis
terminis & nomine suo circumscripta, sub uno
iudice, qui & in cæteris quæ ad territorium spe-
ctabant, præsidebat, unde caput seu princeps ter-
ritorii istius vocatus fuit, Hæradzhöfdinge.. Hæ-
redam

redam autem ab exercitu dici volunt, qui nostra voce *Häär* nuncupatur, & *ödh* quod extra controversiam possessionem denotat, quasi posset quilibet ejusmodi districtus exercitum proprium alere & educere, quod mihi probabile non est, quælibet enim hæreda ab initio in quibusdam Provinciis non nisi unâ Ecclesiâ sive paræciâ terminabatur, quæ *Sofu* dicta fuit, vel *Söfn* à *söfia* quod eo loci congregarentur, sive ad iudicia, sive etiam ad sacra facienda. Centum autem ut plurimum villas vel potius colonos continuisse videtur, unde Uplandis & Svedis Cissylvanis *Hundari* non obscura ratione dicta fuit, quæ divisio olim apud Almannos, Francos & Longobardos recepta fuit, apud quos non minus ac nostrates districtus ipse *Centena* (centuriam rectius dixeris) dictus fuit, & iudices ipsi ex eo *Centenarij*, auctâ verò hominum multitudine & dilatâ cultu, centena una plures peperit paræcias, unde hodiè, nec incolarum nec etiam paræciarum numero inter se districtus illi sunt æquales, quemadmodum nec in Dania aut Anglia, ubi eadem prorsus partium provinciæ & distinctio est & nominatio. Iudex hic, de causis promiscue

G

omni-

omnibus inquirebat, cognoscebat & dijudicabat, excepto crimine læsæ Majestatis, hodie de omnibus quidem cognoscit, non tamen de omnibus judicat: Cognitio enim rei vel facti in territorio suo institui debet, quamvis jus ejus alibi dicatur, quod præcipuè propter ordinum aut personarum privilegia fit. Ceterum unius Hæredæ non nisi unus etiam Judex erat de jure, alter ex Nembda, quem proprie judicem vocant, quorum utrumq; simul præsidere fas fuit, alterum semper. Sed & unâ Hæredâ quemlibet judicem, quomodo unâ uxore, oportebat esse contentum. Iudicia hæc statò loco & tempore habebantur, quæ rarò aut nunquam mutata, majorem ijs auctoritatem & constantiam addidisse videntur. Ædes judicii juxta ædem plerumq; Ecclesiæ, quod iudicia etiam sancta crederent; cujus fores ter in anno apertæ fuerunt, hyeme, vere & autumnò. Hyeme, alterâ ab Epiphaniæ dominica die, ad dominicam Quadragesimæ: Vere autem à die Divæ Valpurgis ad festum S. Iohannis: Autumno deniq; à festo S. Michaelis ad Dominicam adventus. Quodcunq; præterea totò annò temporis superfuit, quia à litibus pacatum erat, à pace nomen

Inf. 6.

men meruit, Tulafridh / Wärfidh / Unfridh /
in quo sollicitè cautum videas, ne litium prosc-
quutione, vel cultus sacri & summæ festivitates,
vel etiam labores necessarij impedirentur, cū
reliq̃vum illud tempus aut religioni ac pietati, aut
agriculturæ vel messi colligendæ tribui soleat de-
beatq̃. Hoc adeo strictè observatum fuit, ut
interea super debito aut causa aliqua civili nemi-
nem compellare jura Svedica permittant, præ-
cipuè vero tempore sationis & messis. Non
dabatur actio nisi eo nomine, si quid tale esset
quod agriculturam impediret, ut si frumentum,
aratum, aliudve instrumentum rusticum, cujus
eo tempore usus, repetendum esset: Illud enim
quovis tempore vindicari poterat, ideo aratum
pignori accipi etiam Græci legislatores vetue-
runt, & Phrygum Lex durior, qui furem bovis,
aratoris aut instrumenti quod sationi inserviret,
morte puniverunt. Hæ feriæ aliquando ex-
tensæ sunt, aliquando etiam extra ordinem indi-
ctæ, ut tempore belli aut expeditionis nauticæ,
tempore etiam nundinarum Disanarum, quæ
manserunt usq̃ ad Samtingenses. Quemadmo-
dum extra ordinem etiam tempore feriarum ali-

G 2

quando

quando judicia indicta, ubi scilicet cognitionis dilatio exemplo ex spe & facilitate elabendi, Reipublicæ pernicioſa futura eſſet, ut in violatione pacis publicæ, vel cum adulterium, homicidium, furtum commiſſum eſſet, aut viſ ſceminis facta vel intentata. In huiusmodi enim caſibus ordinarium iudicii tempus expectandum non fuit, ſed vñ legis Iudex ſimul ac de corpore delicti conſtitit, iudicium & officium ſuum expediebat, dicebatur *affiânne-Tingh* /cujus iudicii hoc peculiare erat, quod in eo probationes nullæ canonicæ per Sacramentales reciperentur.

Toto autem anni tempore judiciis deſtinato, non niſi unico die ſingulis ſeptimaniſ iudicium habebatur, niſi ſi quid tale incidiſſet, cujus cauſa continuatio iudicii in plures dies neceſſaria videretur. Sed & ſi conſtaret nec illo quidem die quidquam controverſiæ futurum, convenire nihilominus tenebantur, quos ordo veniendi tangebat, ut eſſent ad minimum viginti quatuor præſentes, ſex ſcilicet ex quolibet quadrante, idq; propterea, ne ullus locus foret querelæ de denegata juſtitia, ſeu, ut juſ noſtrum loquitur, *at Xât ten icke nederfaller.*

Tertia

Tertia Instantia, hodie secunda, est judicis ^{Saghmans=}
 provincialis, qui in singulis Comitatus, sive ^{Ling.}
 hæredis, semel tantum in anno jus dicebat. Indici-
 um ejus *Saghmans Lingh* dictum fuit à judice,
 qui in hac instantia *ἡ ἐξωχίη* Nomarcha sive vir
 legum nostrâ linguâ dicitur, non tam quod jux-
 ta leges jus diceret, (hoc enim commune cum reli-
 quis judicibus habebat,) quàm quod cura legis
 componendæ ad illum olim pertinisset, de qua
 re infra. Hic autem causas non tantum appel-
 latione interposita (quod hodie observatur,) sed
 quovis modo ad se devolutas suscipiebat. Ap-
 pellatio enim & fatalia primitus ignota aut ne-
 glecta. Cui sententia non placuit, detrectare li-
 cuit, modò coram superiore judicio motam ter-
 minari vellet. Postea sponfiones & vadimo-
 nia inventa, & pecunia in eum finem deposita,
 ut eam Iudex, si recte judicasset, lucraretur, sin-
 minus, perderet, & tantundem etiam ex sua. Me-
 tus ille pecuniæ amittendæ sollicitos judices ha-
 buit, ne incuriosè judicarent; litigantes, ne te-
 mere appellarent. Posterioribus verò seculis
 ordinariè, ut hodie, ad judicem secundæ instantiæ
 G 3 perti-

pertinebant, 1. Causæ appellatæ. Appellatum
 autem fuit ut plurimum antequam cognitâ sen-
 tentiâ plenè judicaretur, perinde ut hodie in cau-
 sis regundorum finium, idq; propterea præcipue
 ne perjuria committerentur, cùm eò tempore
 omnis fere probatio in Sacramentis fundaretur.
 2. Deinde causæ remissæ, vel à judice inferiore
 in puncto ignorantia juris, vel à superiore, su-
 specto judice primò : Hinc etiam causæ dene-
 gatæ justitiæ in foro inferiore : Extra ordinem
 verò consuetudine & more recepto, de aliis etiam
 causis promiscuè omnibus, quæ in tempus judicij
 ejus incidebant, cognoscebat, ut de violatione
 pacis publicæ, homicidiis, furtis, &c. de successio-
 nibus ab intestato, de contractibus super fundis,
 quorum instrumenta publica, perinde fuit, sive
 in prima sive in secunda instantia conficerentur,
 nisi quod postea receptum fuit, (quod tamen &
 juri antiquo innititur,) ut instrumenta in prima
 instantia conficiantur & edantur, in secunda verò
 confirmentur, necessitate prorsus nullâ, siquidem
 ab initio legitime processum fuit. Ceterum
 hæc instantia coincidit alibi cum prima, ut in
 Wermelandia, Vallibus orientalibus & occiden-
 talibus,

talibus, Gestricia, Helsingia, & reliquis versus occidentem Borealibus regni provinciis, quibus antiquitus prima & secunda una fuit, quod bis in anno & singulis in parœciis habebantur.

Ultima verò iudicium Regium provinciale fuit, semel in anno & uno tantum in loco, **Landztingh** / Landztingh. Ultima enim instantia Regis erat, sive eorum qui nomine Regis summum iudicium exercebant, à quibus nulla ulterior dabatur postulatio: Nullum enim majores nostri in terris tribunal superius agnovere Regiō, quò magis reprehensione digna est incogitantia Iohannis II^{di} Sveciæ & Daniæ Regis, qui rem gladiō determinandam ad Cameram Spirensē traxit. Impunè Steno Sture, Cæsari extra territorium citanti, non paruit, nec quantum ad se, jus regni violari passus est, quod Rex pro Dania quidem, turpiter prostitutebat.

Iudicium Regis ordinarium duplex fuit, **Råffztingh** & **Råttaretingh** / Landztingh. inquisitorium & feu **Råffztingh.** correctorium. Iudicium summum inquisitorium seu animadversorium **Råffztingh** / aliàs provinciale, **Landztingh** / eadem significatione, ordinarium seu anniversarium erat, statò loco & tempore,

pore, quod absente Rege suos ordinarios habebat Assessores, tam Ecclesiasticos quam seculares, & inter seculares etiam inferiorum iudiciorum iudices; unde causas etiam utriusque fori, nomine Regis tractasse videtur, cum primis tamen eas, quæ pœnam & vindicationem postularent, ne scelera impunita forent, ne quid contra ius Regis aut etiam securitatem iuramento regio stipulatam committeretur, neve illo modo pax publica læderetur. Hoc non tantum ex notatione nominis, sed & officio & iuramento Nembdæ, quod cap. 35 de iure Regio & 41. de iudiciis expressum extat, satis colligi potest. Ius Ost. Gothicum aliquanto quidem latius huius fori causas explicat: *Ulla Eedzöre / Tweswäre / olaga Edha / Kniff / slag / Könnngz dombrätt / alla Jordadelur / alla Högmåhla / alla släder / tungzmåhl / alla Nordgiald och Råån och alla olaga Nambder / så och ån tree gifwå een tiussaaf*; id est, *Controversiæ de fundis & causæ criminales fere omnes, quæ quidem essent maioris momenti, aut pœnam haberent pecuniariam quadraginta marcarum, sed ita tamen ut in arbitrio actoris esset, ea etiam in inferiore iudicio persequi. Tanti certè quædam non fuerunt, ut de iis cognoscere*

scere non etiam inferiora iudicia possent, quædam etiam solâ supremi istius cognitione indigna, ideo pleraq; hæc (excepto crimine læsæ Majestatis) in prima instantia dijudicata fuerunt, iudicium supremum leviter saltem cognovit, & magis executoriale erat, in eo præcipuè occupatum, quo legibus vigor, vis; Imperio & Regibus sua auctoritas constaret.

Judicium verò prætorium, vel ut nostrates vocaverunt, correctorium, Rättare = Tings / ordinarium vel anniversarium non erat, idcirco non certo loco aut tempori adstrictum, sed pro re nata & causarum copiâ crebrius rariusve habitum, Nemòdam habebat, nec illam ordinariam quidem aut statam, pari tamen numero ex equestri & plebeio ordine, unde causas tantum seculares & quidem civiles suscepisse videtur, & ut vivocis concludi potest, correxisse, mitigasse vel etiam exasperasse, prout id æquum visum esset, ex quibus causis Prætores olim in integrum restituebant. Liberior itaq; horum fuisse potestas, videtur, à rigore juris liberata, quod non obscure innuere videntur verba illa: Konungar má á: therbryta all Stroð Sofnur och alla affofnur /
H och

Rättare
Ting.

och Laghman äger Lagh skilla: id est, Regem posse moderari aut exasperare quidquid ante illum perverse, rigorose aut leniter in excessu aut defectu judicatum esset. *Judices vero inferiores strictè ad jura alligatos esse, quam potestatem, cum eo loco Regi supra judicium & contra ejus decreta tribuat, dubitare cogor, annquam in ejus exercitio judicium summum fuerit, præsertim cum nec hodie quidem in capitalibus contra rigorem juris quemquam inconsulto Rege à pœna mortis liberare possint, quam jura imponunt.*

Itaq; ut de hisce judiciis in genere eorumq; causis quid sentiam, levi conjecturâ exponam, probabile est ab initio, quod de jure etiam Saxonum vetusto obtinuit, quievisse omnia inferiora judicia, dicente jus Rege. Quamcunq; enim provinciam ingressus esset, judicis illius tribunal Regi vacasse, eumq; judicasse omnes causas quæ incidebant, & coram judicio inferiore non fuerant inceptæ. Hoc enim manifesto apparet usu & consuetudine receptum fuisse, in secunda instantia, respectu primæ; & de jure Gothico liberum erat actori in causa graviore, vel postulare judicium summum, vel etiam in inferiore adversus

versus rem experiri, præsertim si res dubia Sa-
cramentalium manum exposceret, aut satisfac-
tionem pecuniariam, vel etiam, quemadmodum
in Norvegia, in suspenso, etiam appellatione non
interposita, fuisse iudicum inferiorum sententias,
præsertim de re majoris momenti, donec iudici-
um supremum recognovisset; quidquid verò co-
ram illo denuo motum non fuit, ivisse in rem ju-
dicatam. Non fuerunt eo tempore lucro aut
litibus valde dediti, quare cum iudicum senten-
tiis facile acquiescerent, hæc iudicia rarò excer-
cita fuisse videntur, ad extremum etiam confusa,
& quoad causarum distinctionem, pæne ignorata,
donec Anno 1600 in conventu Lincopensi, de
iis iterum in usum revocandis ageretur, statutūq;
ut bis in anno, Hyeme Upsaliæ in nundinis Di-
sanis, Æstate Lincopiæ circa festum D. Petri
exercerentur, causasq; solas susciperent, quæ in
iudicio provinciali terminari non poterant. Sub
initio tamen imperii Gustavi Magni hæc paulò
immutata, primum in effectum deducta fuerunt,
constitutis iudiciis aulicis, à quibus hodie Hol-
miæ, Iönecopix, Aboæ, Dorpati, à diversis per-
sonis bis in anno iustitia administratur, causæ

omnes criminales resolvuntur, & civiles ex tantum, quæ aut appellatione aut privilegio istuc spectant.

Iudicia autem hæc quamquam Regia essent, Regio nomine & authoritate exercita, Regem tamen Majores nostri quibuscunq; iudiciis aut iuris solennibus ita non astrinxerunt, ut non liceret ei, aut de plano & sine strepitu forensi cognoscere, aut etiam rem totam retractare, si finistre vel parum accurate examinata & diiudicata esset, quare hæc exceptio semper legibus additur: *utan Konung wil sanning vthleta. Item hafwi ingen wåld dhen Eedh ætherbryta / vthan wådiat wårder / och Konung wil Sanning vthleta.* It. expressius, *The Nåmbd (Konungz) må ingen wådia moot / dock må Konunger om all måhl sanning vthleta / han må ætherbryta all Skrocksofnur och affsofnur:* Et post capitulationem cap. 4. lib. 1. vel inter reliqua iura Regis hoc etiam recensetur: *Han åger i Rufe sino aff Gudi högsta Domb hafwa / och swa Allmogens fåremåhl effter Laghum / eller effter vthleta fulla sanning höra / hwad heller han will / de cuius paragraphi genuino sensu infra dicetur.*

CAP.

CAPUT III.

De

Judicium electione & officio.

ARGUMENTUM.

Constitutio iudicis per electionem. Modus & ordo eligendi iudicem secundae instantiae. Iudicem primae instantiae. Constitutio iudicum ultime instantiae. Furamentum & officium iudicum iudiciale. Officium iudicum extrajudiciale, & in quibus. Potestas & auctoritas iudicum secundae instantiae. Dignitas iudicum primae instantiae.

Iudicis ut & magistratus omnis olim penes populum electio erat, confirmatio penes Regem. Electio autem restricta, certo modo & conditione peracta. Quoties enim vacabat locus, populus convocatus per Episcopum, ex seipso duodecim Electores eligebat, ex equestri ordine sex, & totidem ex plebe, qui tres alios vicissim eligebant, quos pares muneri existimabant, ex quibus Rex unum confirmabat. Electio autem haec ad incolas restricta fuit, neque enim fas extra territorium iudicem

Constitutio
iudicis per
electionem.

H 3

quæ-

quære, quod intuitu cum primis tribunitiæ potestatis factum arbitror, de quâ postea.

Electio qua-
lis.

Electorum electionem jus antiquum non populo sed Regi tribuit, confirmationem etiam Regi aut ejus vicario. Eodem vero modo & conditione electus est judex primæ instantiæ, in ipso quoq; instantiæ istius territorio quæsitus, saltem duodecim erant electores, præter ipsum judicem provincialem, cui & convocandi & suffragandi jus erat :

Indices autem ultimæ instantiæ, ut suos, Rex solus eligebat absq; populi suffragio. Sed in ordinariis & anniversariis illis judiciis, aliis fere usus non est, quam Episcopo loci ordinario & judice provinciali. Hi pro arbitrio sibi Assessores adscivisse videntur, Episcopus è capitulo binos; & totidem ex senatoribus Regni aut primaria nobilitate, judex provincialis.

Officium ju-
dicis quâ ju-
dex,

Officium judicis proprium juramento continetur, quod quale olim fuit, etiam hodie est, & sibi seculis omnibus constare debet, de quo nihil attinet prolixè dicere. Ius Norvegicum pluribus officium boni judicis describit, & quasdam præcipue virtutes inculcat & commendat, ut
mise-

miserecordiam, veritatem, iustitiam, patientiam. Misericordiam, ne vindictæ detur locus: Iustitiam, ne iniquitati: Veritatem, ne mendacio: Patientiam, ne precipitantia. Proinde ut metum, favorem, odium, vitet, & quidquid aliquem horum affectuum incitare potest, ut potentiam, pecuniam, genus &c. Et quotiescunq; causa magni momenti dijudicanda esset, ut hoc caput de officio & virtutibus iudicis sibi publice prælegi faciat, &c.

Iudicem ex malitia & avaritia male judicantem, majores nostri non tantum gravissimè mulctarunt, sed & cum infamia perpetuò ab officio removerunt. Ex imperitia autem & simplicitate peccantem prorsus impunitum dimiserunt; Loco pænæ enim pecunia sufficere visa, quam eo in casu, si appellatum esset, parti læsæ, præter eam, quam vadimonio deposuisset, restituere teneretur.

Sed hæc de officio iudicis, quatenus iudex in causis civium dirimendis versabatur. Fuerunt & causæ quædam extrajudiciales, & quasi officij alienæ, de quibus iudices nostri disponebant, non tamen ut iudices, sed ut principes vel capita populi. Fuisse enim videtur potestas eorum, qualis —
Epho-

Officium iudicis extrajudiciale.

Ephorum apud Lacedemonios, aut tribunicia apud Romanos, præcipue vero judicū provinciarum, quibus antiquitus juris non dicendi tantum, sed & componendi cura commissa fuit. Unde illi soli *Nomarchæ*, viri legum, & jurisdictio eorum, nostra voce sola jurisdictio, *nomarchia* (*ἡ ἀρχὴ τοῦ νόμου*) dici merebatur. Fuit enim hic olim status magna ex parte popularis, qualem suis temporibus fuisse in Germania Tacitus, In Gallia Cæsar testatur. Quid enim aliud civitates eorum quam provinciæ nostræ? Congeries scilicet pagorum sive multitudo quædam hominum, eodem juris & locorum conjugio in unum consentientium: Neq; enim urbes erant, quales hodie in Germania sunt, cum disertè neget Tacitus, tanquam rem omnibus notam, *ullas Germanorum populis habitari urbes, nec passos quidem inter se junctas sedes: Sed coluisse discretos & diversos, ut fons, nemus, campus, placuissent.* Hæ provinciæ parvum quoddam reipublicæ corpus sibi fecisse videntur, non aliàs in commune cum reliquis consulentes, quàm cum aut de hoste pellendo, aut Rege eligendo vel sustentando ageretur. Tunc quoq; per judices provinciales suffragia dabant. Non enim, ut
hodie

hodie, separati ordines erant, sed provinciæ, ubi
mixti nobiles, clerici, cives, milites, rustici, pro-
vinciatim & pro communi habitationis loco
responderent, quod & antea dictum est, & inter
se ordines magis quam provincias conjunxit.
Indices ergo provinciales non tantum leges con-
scribebant, quas Reges confirmabant, sed & Re-
ges ipsos eligebant, electos proclamabant, & po-
puli & suo nomine homagium ipsis præstabant;
Inaugurandos quoq; per provincias quiq; suas,
datis obsidibus, circumducebant, ut quem omnes
fecissent, singule jure suo recognoscerent, quod
& olim sub Comitibus in Belgio factum. Quo-
ties verò aliquid præter ordinarios fisci redditus
populo imperandum erat, hi Iudices cum selectis
quibusdam ex equestri & plebeio ordine, decer-
nebant, arbitri & censores tributorum; illi quoq;
de locis publicis disponebant, terminos definie-
bant, canonem imponebant, quandoq; etiam
vendebant, sed in usum provinciæ, nullâ ad id in-
terposita Regis autoritate. Illi quoq; Asses-
sores erant, imo aliquando & Præsides in supre-
mis Iudiciis, ut non minus in omnibus instantiis,
quam aliis confessibus qui summam rerum & ra-
tionem

tionem status tangerent, suas videantur habuisse manus. Summæ ergo apud populum authoritatis, apud Regem dignationis fuerunt, utpote pro quibus, perinde ut pro Rege, vota publicè suscipiebantur, & quid aliud quam *principes illi Tacito in consiliis populi electi, qui jura per pagos vicosq; redderent? Centenos singulis ex plebe comites addit, consilio simul & authoritati.* Nostri præter Assessores, qui in consilio erant, ex plebe in ministerio ad minimum quadraginta adfuisse videntur, vel certe debuisse, *syrtatio sessa a sielff sing fusi.* Quare nihil mirum est, si, cum acta eorum in luce essent, ad memoriam posteritatis consignata fuerint, in quo præ reliquis commendabilis est, istius compilatoris diligentia, qui jus West-Gothicum descripsit, id ipsum scilicet suppeditantis, quò gloriari non reliquæ provinciæ, nec ipsa quidem Uplandia possit, quamvis & antiquitate & auctoritate istorum judicum antecelluerit, ab ipso enim Ethnicismo seriem eorum deducit, à Lumbero scilicet, primo istius juris scriptore, per septendecim intermedios usq; ad Falconem, qui vixit circa annum 1280, & qualis quisq; eorum fuerit in vita & officio; quod potissimum eo fine factum judico,

judico, ut futuri iudices haberent, juxta Reges, exempla quoq; quæ aut vitarent aut sequerentur, alterumq; eligerent, vel gloriam justitiæ cum pretio conscientiae; vel infamiam iniquitatis, si conscientiam non reformidarent.

Sed potentia hæc & authoritas pro Regibus vel etiam adversus Reges aliquando benè aliquando & malè usurpata fuit, fuerunt enim secula cum (ut fieri solet) in ejusmodi regnis, corrupta electione, neglecto suo & populi jure, ipsi cum Episcopis in partes abirent & occasionem darent emendandi status, qui, quasi clavo amisso, fluctuabat, cum nec illi possent, nec alios vellent imperare, Regibus iniqui, sibi mutuò infensi. Quod liberatâ è Christianni I^{di} Tyrannide patriâ, Gustavus primus, primus etiam veræ Monarchiæ stator & fundator, prudenter considerans, in successione certa effecit, ne opus foret ejusmodi Ephoris. Exindè dignitas hæc magis Senatorum quam iudicum nomine mansit, quod semper in una persona conjungerentur; ut enim ex iudicibus his olim senatores, ita hodiè ex senatoribus his, Indices provinciales constituuntur, quorum electio non amplius penes populum, sed solum

Regem est, adeo ut nec Ducibus Regni hæreditariis eos in provinciis sibi subditis constituere permixsum esset. Pari enim cum illis, quoad iudicium, pollebant auctoritate, cum à iudicibus inferioribus æque ad hos, ac ad Principes ipsos fieret postulatio, ac ad summum iudicium Regium, perinde fuit sive ab his sive à principe ipso appellaretur.

Talis, non tanta, id est, minor quidem, sed non dissimilis fuit potestas iudicum primæ instantiæ, qui Hæredarum Capitanei vel principes dicebantur: qua quisq; territorii sui negotia dirigeret, gravamina & vota colligeret, procuraret, etiam dispensaret de redditibus, qui partim ex mæstis, partim ex cultura agri publici proveeniebant; fundos enim universitatis elocabant; pontium & viarum munitiones ut ædiles curabant, & alia ejusmodi pro arbitrio administrabant, de quâ re alias, & tantum de iudicibus, eorum electione & officio.

CAP.

CAPUT IV.

De

Nembda constitutione & officio.

ARGUMENTUM.

IN judicio controversitur & queritur vel factum vel jus. Nembda judex de facto. Nembda origo. Nembda solim incerta & vagabunda. Nembda hodie stata & ordinaria. Nembda Electio. Nembda officium in examine facti, non juris, consistere probatur. Concordia juris nostri cum Danico & Anglico.

Judicia nostra respectu decisionis causæ controversæ, duplici semper personarum ordine constituta fuerunt. In omni enim instantia infima, media & summa, præter judicem adhibiti quidam fuerunt (ut & hodie) qui nostratibus *Námbd* dicuntur, id est, nominati vel deputati, quod præcipue ad rei cognitionem eligantur, de quorum origine & officio paucis hoc capite explicandum est.

Originem Nembdæ Saxo Grammaticus refert ad Regnerum *Uodbrogh* Sveciæ & Daniæ Regem. Statuit, inquit, ut omnis controversiarum

Origo Nembdæ.

„ *lis, semotis actionum instrumentis, nec accusantis impeti-*
 „ *tione, nec rei defensione admissa, duodecim patrum appro-*
 „ *batorum iudicio mandaretur.* Videntur ergo ab ini-
 tio pro suo arbitratu statuisse, & tam de jure,
 quam de facto. Postquam vero Christiani fa-
 cti ad ferrum candens crebrius provocassent, ces-
 savit Nembdæ officium ex parte, sed non diu. A-
 bolito enim ferro, ad Nembdam iterum aut et-
 iam sacramentales itum est, & Nembda crebrius
 in causis dubiis, aliquando etiam supra sacramen-
 tales recepta, in hodiernum usq; diem permanfit,
 de cujus genuino & proprio officio, quia non sa-
 tis inter nostri Iuris Consultos convenit, quid
 juris fuerit antiqui, eruere conabimur. Iudicium
 penes alios esto, utrum præstet, quod hodie, an
 quod olim fuit.

Nembdæ
 officium.

In omni causa duo præcipue iudici confide-
 randa veniunt: factum sive res ipsa in sua quan-
 titate ac qualitate, ac deinde ius super ea re vel
 facto, quod in iudicio quæritur. Res ipsa vel fa-
 ctum in sua latitudine iudici non semper constat,
 ius constat vel certè constare debet. Itaq; ubi
 res aut confessione, aut testibus, aut aliis docu-
 mentis non satis est manifesta, in subsidium hæc
 Nembda

Nembda à majoribus constituta fuit, quæ rem vel factum quoquo modo exploratum, judici tradere teneretur, ut sine mora sententiam super ea re ex jure conceptam ferret; atq; ita circa alia officium Iudicis fuit, circa alia Nembdæ. Nembda de facto cognoscebat, quod mox uberius probabitur, Iudex de jure. Illa statum causæ exponebat, hic statum controversiæ decidebat.

Nembda vero ab initio, ut hodie, stata & ordinaria non fuit, sed alia atq; alia, non modo in quolibet iudicio sed & quâlibet in causa, quam partes litigantes eligebant, pari numero utrinq;. Successu autem temporis, cum ejus officium necessarium esset, conquisitio vero pro singulis in singulis causis gravis videretur, de certis & ordinarijs cogitari cœptum est, ne eorum penuria, aut defectu, causæ protelarentur. Itaq; vel iudex ipse vel præfectus provinciæ Regius (utrumq; enim de jure extat) Nembdam constituebat, viros honestos, domicilij certos, binos, trinos vel etiam senos ex singulis territorij quadrantibus, qui quod deputati essent, Nāmbdemān/ quod duodecim Tolsmān/ quod integræ vitæ, Sannemān/ quod Senes Oldungar/ nominati fuerunt.

Nembdæ
constitutio
& electio.

Hos

Hos autem invitis aut contradicentibus partibus constituere non licitum. Consensus autem partium præsumptus fuit, si ad nominationem eorum tacuissent, cum liceret palàm excipere, & semper ex probabili causa tres repudiare, etiam plures ex causa prægnanti & manifesta. Fuerunt tamen quædam causæ in quibus eos nec judici nec præsidi provinciæ, sed partibus tantum nominare & constituere injungeretur, ut in causis transfugij vel desertæ militiæ, in causis retractus, pietatis denegatæ, finium regundorum, æstimationis, damni, lucri, &c.

Nembdæ
inquisitio
circa factū
sive rem,
non vero
jus, probatur.

Officium autem Nembdæ non fuit, quod hodie, cum Judice judicare & per suffragia sententiam dicere, sed quod modo dictum, factum tantum examinare, explicare & judici certum tradere, id quod non ex antiquo tantum sed & novello Christophori jure patet. Videantur Cap. 26, 34, 35 i Konungsbalken. Cap. 3, 13, 14, 21, 22. i Giffemåhla B. 18 i Ersda B. 1, 2, 3, 4, 5, 6, 7, 8, 9, 11, 12, 13, 14, 15, 20 i Höghm B. 2, 4, 17, 20, 22, 35, 38 i Drápm B. medh will. 5, 9, 11, 12, 13, 16, 18, 22, 23, 29, 35 39, 40 i Edzöhres B. 2, 4, i Drápmåhla B. med wåhda &

& infinita loca alia, quibus facti tantum cognitio, nulla jurisdictio Nembdæ datur. Quin etiam expresse in aliquibus locis iudicis & Nembdæ officia conjuncta separantur, Cap 26 i Kenungsb. Håradznåmbd skal medh dhera ransaka malit/ fälla dhe han/ döme tå Laghman vnder Swård. Cap. 42. i Edzöres B. Ther skulu Tolf tilnåmpnas som dhet malit ransaka skulu/ sinne dhe at giårningen är vppenbahr/ då skal Håradzhöfdinge dheim alle vnder Swård döma. Cap. 14. i Hådamåla B. Är han tilbunden med vittnen och Håradznåmbd/ då åger Håradzhöfdinge han döma qwickan i Jordh. Item Cap. 24. i Edzdhres B. Håradznåmbd swåria dheim alla bilstuga/ och Håradzhöfdinge döme them alla fridh/ lösa/ addantur Cap. 15. i Ersda B. & 18. i Dråpmåhl B. medh will. & expressissimum discrimen apparebit. Locus unicus est cap. 12. i Dråpm B. medh will. qui iudicis & Nembdæ officium confundere videtur, qui tamen, si probè inspicatur, iudicem ibi respectu Regis partem Nembdæ constitui arguit, cujus eo loci partes sunt, pro arbitrio ex æquo & bono mulctam determinare, judicare vero non potest, aut sententiam aliquam

K

juxta

juxta leges ferre, si enim nocens reus deprehensus fuerit, interveniente salvo conductu dimittitur, ut ibi nullæ sint judicis de jure partes. Sed præter hoc satis evidens est Nembdæ officium ex juramento quod præstare tenetur, & quo obligatur non absolvere nocentem, nec condemnare innocentem, quem scilicet imputati criminis reum aut non reum judicat, cum è diverso judicis Sacramentum eò dirigatur, quod velit in sententia ferenda jus sequi, nec illud quocunq; affectu aut respectu variare vel cogere, & quorsum duplex illa ab uno judicio appellatio, nisi judicis & Nembdæ officia fuissent distincta? Est enim alia appellatio à Nembda ad Nembdam, & à judice ad judicem, ab uno quidem judicio. Hæc enim interponitur, ubi judex iniquè aut perversè judicat, id est, non rectè applicat jus ad actionem vel factum. Illa vero, cum rei aut facti ratio, aut perversè, aut non satis est explorata. Potest enim fieri, ut res cum suis circumstantiis sit satis manifesta, & tamen ad illud jus non rectè applicetur, & vicissim ut jus rectè quidem ad factum applicetur, prout judici de eo constat, sed ut illud tamen aliter se habeat: In illo judex errat, in hoc Nembda

Nembda. Ibi locum habet provocatio à iudice ad iudicem: In hoc a Nembda ad Nembdam, cap 37 & 38. i *Tingmðhla B.* prout iure est constitutum. E vincit hoc ipsum deniq; pœna cunctantium in sententia ferenda. Utriq; enim & iudici & Nembdæ, sententiam aliquando differre non licet, aliquando licet; Iudici non licet, nisi iuret se jus in eo casu non scire; Nembdæ non licet, nisi, si veritatem nondum se invenisse fateatur, id est, veritas in Nembda, cognitio juris & applicatio in iudice spectatur. Altera enim alterius sic poscit opem & conspirat amicè. Cap. 34 i *Tingmðhla B.* & cap. 25 ibid Quinimo de iure West-Gothico adeò manifestè iudicis & nembdæ officia separantur, ut sub pœna, etiam iudici interdicator, ne se officio Nembdæ immisceat, neve illis ullo modo præeat aut præjudicet.

Hæc Nembdæ ratio etiam hodiè non in Dania tantum, sed etiam in Anglia superstes est, ex eo procul dubio iure, quod Dani & Normanni olim in Angliam invexerunt. Perinde enim ut nos, & habent & nominant *Tolsfinðann*. Perinde etiam ut nos, eligunt, ex viris scilicet honestis, qui in vicinia habitant, ut quam velint tam pos-

sint veritatem eruere; audiunt hi testes, indicia, præsumptiones &c. quæ coram iudicibus discutiuntur, ut cõcertiores reddantur, quod & olim à nostra Nembda fieri debuit. De iure novello statutum est, ut si ad notitiam rei sufficiant testes, Nembdæ inquisitio cesset, tanquam supervacua. Deniq; in factum hi condemnant vel absolvunt, quæ necessitas & nostris incumbit. In eo tamen abit ius Anglicum à nostro, quod in criminalibus omnes & singuli simul vel absolvere debeant vel condemnare: Maioribus verò nostris placuit absolvi vel condemnari, non præcisè quem omnes, sed quem maior pars Nembdæ absolverit vel condemnarit: Itaq; septem suffragiis reus vel vincit vel vincitur. Si autem paria utrinq; fuerint, in meliorem partem inclinat ius nostrum, & absolvi reum quam condemnari, humanius existimavit. Ad absolvendum vero vel condemnandum in Anglia necessitate compelluntur, atq; eorumq; famelici & quasi captivi includuntur, nemine intromisso, donec alterutrum fecerint. Nostris non ea quidem est necessitas aut coactio; differre enim censuram licet ad proximam juridicam, eâ tamen conditione, ut tunc præcisè, aut
sen-

sententiam proferant, aut pœnam pecuniariam
sustineant, causæ cognitione ad alios devoluta. In
Anglia verò hi duodecim viri ordinarij & stati
non sunt, itaq; ultra trium causarum cogniti-
onem non tenentur, quemadmodum olim nec a-
pud nos aut in Dania; ut minime dubium sit ea-
dem prorsus jura esse & à Schantianis originem
traxisse.

Quia autem Nembda nostra hodierna statuta
& ordinaria est, officium ejus applicatum est ad
alia, partim ex jure, partim ex consuetudine. Ex
jure adhibentur ad executionem decretorum ju-
dicij, ad inspectionem terminorum, ad æstimatio-
nem pretij, damni, lucri, &c. quibus judici ali-
quando etiam interdictum est interesse. Daban-
tur aliquando ex his pacificatores petentibus,
quod & hodie salubriter fit, quâ ratione multas
rusticorum lites celerrime finiri constat. Atq;
hâc ratione arbitri esse possunt, quomodo jus
Wesmannicum appellationem ab ipso judice ad
Nembdam concessisse arbitror, tanquam si à stri-
cto jure aliquando ad æquitatem aut arbitrium
bonorum virorum provocare liceat, quod ta-
men de nullo reliquo jure fieri potuit, ratione

Hodiernum
Nembdæ
officium.

K 3

sane

fane potiori. De jure tamen Ost-Gothico etiam testes sunt de iudice & actis ejus. Iudex vero de ipsis vicissim testari non potest, verè an falsò jurent: qualicumq; enim eorum assertioni standum est & judicandum. Si tamen evidenti argumento falsum jurasse convincantur, (id quod de jure Danico, non iudex, sed Episcopus provinciae & alij ejusdem probi & cordati viri; de jure Gothico verò superius judicium cognoscere debbant;) mulctantur in bonis, de cætero perjuri & intestabiles. De cõsuetudine verò hodie Nembda ex officio judicis participat, confusis enim officiis simul de facto & jure cognoscunt & dijudicant tanquam Assessores, iudice tantum præsidente, itaq; vota ipsorum & suffragia vel ipse iudex de jure colligit vel iudex facti, qui unus est ex Nembdariis & proprie ab ipsis iudex nominatur, cum iudicem de iure, iuris tantum ac legis lectorem nuncupent. Hic tam de iure quam de facto differentes audit, & ut evitetur omnis oblocutio & confusio, sententias eorum placide in iudicium profert, ex quibus iudices ut plurimum pendent.

CAP.

CAPUT V.

De

Actoribus & Reis.

ARGUMENTUM.

*Personae litigantes. Actores ordinarii tres. Primus causae possessor.
 Alius inquisitor Regius. Tertius inquisitor communitatis. Nomina
 & jura singulorum.*

Post judicem & Nembdam de
 partibus litigantibus dicendum est, acto-
 re scilicet & reo. Sed de reis pauca, neq;
 enim illi ordinarii. Plura de actoribus qui ordi-
 narii & statim fuerunt. In omni enim actione, ubi
 de damno aut iniuria quacumq; agitur, poena à
 iure pecuniaria imposita fuit, cuius partem actor,
 partem Rex, partem territorium sibi vendicabat,
 quod & hodie fit, idq; ex vetustissimo iure. Ta-
 citus enim de moribus Germanorum hoc tangit,
*levioribus inquit delictis pro modo poenarum, equorum „
 pecorumq; numero, convicti mulctantur, pars mulctae Regi „
 vel civitati, pars ipsi qui vindicatur vel propinquis ejus ex- „
 solvitur. Hoc ergo est, quod ferme hodie igno- „
 rant*

rant Germani, apud nos vero à vetustissimis seculis observatum fuit, ut sine tripartitæ huius divisionis mentione nullum fere in iure nostro caput, sine eius usu nullum fere iudicium habeatur, quia ergo ex una causa tot creditoribus debetur, tot etiam ordinarii fuerunt actores.

Målsågan-
de.

Ronungz-
Socnare.

Håradz So-
cnare.

Primus is quem causa proxime tangebat, læsus vel passus aliquid in se vel suis, circa res, corpus, famam aut vitam, qui ob id ipsum solus vel *καὶ ἐξωχὴν* causæ possessor dicitur, **Målsågande**. Alter actor vel inquisitor Regis, qui id quod Regis erat circa causam persequabatur, ob id ipsum dictus **Ronungz Socnare**/ & tertius actor communitalis sive territorii, qui ius territorii urgebat, **Håradz Socnare**/ ita enim in iure vetusto nominantur.

Hos tres quoscunq; delicto reus offendisse existimabatur, primario quidem, & principaliter atq; re ipsa, causæ possessorem; Regem verò prævaricatione vel transgressione legis; civitatem vero vel communitalitatem exemplo. Contra vitam enim, famam, salutem, vel bona aut commoda proximi peccatum fuit, contra interdictum legis & regis, contra quietem & concordiam civium.

Hi

Hi tres ergo placandi erant, his tribus satisfaciendum, quorum primus quod suum & primum, reliqui duo quod publicum erat, quærebant. Atq; hic alter alterius jus tollere non potuit, quamvis suum remisisset, itaq; super quolibet delicto, damno vel injuria, ex quo pecunia debebatur, pacisci licuit, sine alterius tamen præjudicio, cui jus suum auferri non potuit, quod alioquin, & hodie de jure communi obtinuit, sed in causis gravioribus, leves enim transmittuntur, sed & olim quoq; causæ leves quædam transmissæ sunt. Ante tempora Bergeri Iarli juris erat, ut actor semissem sibi jure debitam remitteret, ex altera semisse dimidium ipsi, & quadrans Regi, quadrans territorio cederetur, in causis, ut dixi, tantum levioribus. Correxerit autem illud Bergerus Iarl, ad hunc modum, ut si modo, exempli gratia, in injuriis realibus vulnus, nævus aut cicatrix appareret, salvum esset fisco regis & territorii, jus suum ad persecutionem integræ mulctæ legibus decretæ, quidquid tandem actori placuisset. In causis autem gravioribus hic ordo fuit: primum agendi jus læso dabatur, aut quicumque ei proximus esset: secundum procuratori Regis: postremum

L

uni-

universitati. Remittente aut desistente primo ;
 jus secundi & tertij sublatum non fuit , nisi reus
 causam adversus primum actorem obtinuisset
 judicialiter, tunc enim adversus reliquos duos vi-
 cisse judicatum fuit, neque enim ulterius dabatur
 illis eo nomine actio , sed non vice versa ; Rege
 enim & universitate paciscente (quod sæpè fa-
 ctum) super crimine aliquo, vindicta tamen acto-
 ri concessa fuit. Hodie de jure communi in cer-
 tis causis, præcipuè homicidii voluntarii, Rex &
 universitas efficaciter pacisci non possunt, in præ-
 judicium primi agentis, cujus postulationi ius su-
 um denegari non potest, quodcumque ei insi-
 stit, nisi dato salvo conductu reus se iudicio stite-
 rit : & vicissim, si in flagrante crimine reus de-
 prehenditur, causæ possessor & universitas in præ-
 judicium Regis pacisci non possunt, ut non liceat
 poenam quam iura imponunt , capitalem exige-
 re. In levioribus autem causis, quod & ante di-
 ctum, hoc adeò strictè observatum non fuit ; le-
 viiores autem habitæ sunt causæ, quæcumq; essent
 infra marcæ pretium, illas enim concessum fuit
 reo, etiam septem oris redimere, ne scilicet coge-
 retur sacramentales præstare , & periculum tri-
 plica-

plicata mulctæ subire; sed si triens in octavam
esset, ius Regi & universitati acquisitum fuit:
år ortugh a ottunda öre/ giällda bade Karle och
Konungar.

Ceterum cum olim agerent hi, non nisi ci-
viliter, id est ad pœnam tantum pecuniariam,
ut quis prior erat in agendo, ita quoque in mul-
ctæ participatione præferebatur; quod probè
observatum fuit, præsertim si reus non esset sin-
gulis solvendo, principali enim in solidum solvi
debuit, pro rata Regi & territorio decessit, quam-
vis aliquando etiam actori pro ratâ decederet,
sed rarò. Si vero nihil prorsus in bonis condem-
natus habuit, in operas & labores tenebatur, pri-
mum actori, ac deinde Regi, non habito respectu
ad ius territorii, tanquam ab eo remissum esset.
remittere etiam actori licet, sine præjudicio ta-
men Regis, qui ius suum ad operas nihilo minus
persequi potest: sed actore & Rege ab actione
cessantibus, præsumitur communitatis territori-
um ius suum, vel, ut dixi, remisisse, vel nullum
habuisse.

Hi actores primitus, quod & ante dictum,
quæsitores seu inquisitores dicti fuerunt, Go

Sortuam

Läubmån.

cnare/ quod jus quisque principalis sui quæreret & persequeretur. Successu autem temporis **Lândz:mån** dicti fuerunt, sive quod in provinciis agerent, & negotia Regis aut territorii procurarent, sive potius quod eis præfecturæ datæ essent, quæ nostra voce **Låhn** etiam hodie dicuntur, cum olim eo nomine nonnisi feuda dicerentur. Hinc passim in jure communi procurator sive quæstor regius, **Konungzlândzman**/nuncupatur. Vir fuit magnæ authoritatis, cujus locum & officium sustinent, qui præsides provinciarum nominantur; In Daniâ tamen nomē pristinum adhuc retinent. Horum curæ commissum erat, ne quid contra leges & edicta Regis peccaretur, præcipuè verò ad jura fisci attendere, & pro pace publicâ & securitate cujusque domesticâ invigilare. His permissa exaggerandi, & aliis non concessa, sibi-ipsis contradicendi potestas, **offthalu och Twetahlu**. Territorii vero sive hæredarum quæsitores, etiam sic dicti fuerunt, sed hæredarum tantum sive centuriarum, **Håradzlândzmån**: Singulæ enim hæredæ sive communitates singulos habebāt, prout & hodie habent, quorum officium erat jura territorii tueri & persequi, ut alteri illi Regis. Reditus

tus tamen quos per ejus procuracionem universi-
tas capiebant, duumvirum custodiæ commissi e-
rant, quorum alterum ex equestri ordine, alte-
rum ex plebe eligebant, executores sententiæ, sive
potius exactores, quibus pro labore quincunx da-
batur. Horum opera hodie etiam ad alia usui
est, præcipue vero succenturiantur Regiis istis,
eorum plerumque vicarii aut ministri in negotiis
coronæ ad plebem expediendis, aut sententiis ju-
dicum executioni mandandis. Habebant & o-
lim quadrantes suos inquisitores, *Stiárdingz; Soc-
fnare*/ qui postea etiam ad alia negotia adhibiti
fuerunt. Nihil enim hodie aliud fere sunt
quam indices præfecti mandatorum & directo-
res commeantium, *Stiárdingz; mán*/ de quibus & o-
biter ante. Habebant & olim Episcopi suos in-
quisitores, sed sub Papatu, cum jurisdictio eorum
amplior esset, *Bisstopz; Sochnare*/ *Bisstopz;
Lánd; mán*/ hi enim inquirebant in causas fori
Ecclesiastici, & mulctam Ecclesiæ aut Episcopo
debitam exigebant. In universum inquisitores
hi hodie Fiscales nominari cœperunt, quod eorū
opera ad fisci sive ærarii redditus præcipue diriga-
tur.

L 3

CAP.

*Stiárdingz;
Sochnare.**Bisstopz;
Sochnare.**Fiscales.*

CAPUT VI.

De

Citationibus & parendi contumacia.

ARGUMENTUM.

*C*itatio ad iudicium. Citatio duplex, qua omnes & qua singuli citantur. Citatio sive denunciatio ex suggestu. Citatio per baculum nunciatorium. Baculus nunciatorius qualis. Actori citare licuit & quomodo. Quandoque etiam iudicium indicere. Contumacia & ejus pena. Procuratores raro admissi, quibus in casibus, & sub qua conditione.

Post personas iudicii litigantes & iudicantes, de eo quod inter illos primū intercedit negotii, dicendum est, de citationibus scilicet, quibus ij quorum interest, ad iudicia convocantur.

Citatio duplex.
Citatio è suggestu seu intimatio.

Citatio olim duplex erat: altera qua omnes, altera qua singuli ad iudicium vocabantur. Illa qua omnes, duplici vicissim modo fiebat, vel per intimationem sive denunciationem è suggestu, quomodo ordinarie una ante septimana ad iudicium infimum, duabus ad superius provinciale, & sex ad iudicium summum regium vocabantur. Conveniebant autem præter iudicem, Nembdam &

& partes litigantes, etiam quorum non intererat,
è quolibet scilicet provinciae quadrante ad mini-
mum sex, facto ad singula familiarum capita cir-
cuitu, idque ex praescripto legis ad frequentiam
& auctoritatem judiciis conciliandam, ne vide-
rentur fora deserta, seu ut ius nostrum loquitur,
at *Nätten ey nederfaller*.

Citatio altera facta est in causis ordinariis
per baculum, quem maiores ob id ipsum voca-
bant, baculum notitiae vel baculum nunciatoriū,
Budfassa. Hunc iudex nota utrinque inustula-
ta emittebat singulum singulis territorii qua-
drantibus, ut per manus vicinorum extraditus, &
facti notitiam simul & comparendi mandatum
circumferret, quomodo non judicia tantum, sed
& promiscue omnes conventus publici indicti fu-
erunt, ubi de casu aliquo extra ordinem delibe-
randum erat aut judicandum. Erat autem hic
baculus nunciatorius effectus ad modum rei quam
praesentabat, de qua in conventu tractatio insti-
tuenda fuit; ut si res sacra, crux lignea: si homici-
dium, ligneum telum aut securis emitteretur.

Citationem quam partes litigantes vocaban-
tur, raro iudex ipse edebat, saepius actor ipse,
prae-

Citatio per
baculum
nunciatoriū.

Budfassa.

Citatio acto-
ri concessa.

præcipue cum citationes ejusmodi non per scripturam, ut hodie, sed testes fierent: Itaque actor ipse ad domum rei cum binis testibus veniebat, dicam & diem dixit. Hæc citatio de jure valuit, si modo, non cum testibus tantum, quod jam dictum, sed & luce clarâ fieret, intra solem orientem & occasum, secus facta illegalis erat, & nullius momenti. Ut autem citare ita & judicium indicere videtur licuisse actori, non illud tamen, in quo merita causæ utrinque deducta fuerunt, sed inchoatorium tantum, in quo lis contestata fuit, stipulatio de sacramentis & probatione facta, & cætera præliminaria jacta ad futurum processum, qui quinque post dies cœptus fuit, idque de jure Gothico præcipue, Norvegico & Scanico, unde judicia hæc ab intercedente numero dierum quinario *Såmpt* dici puto, ut supra dictum, unde hæc semper conjunguntur, *Ståmma Ting och såttia Såmpt / Domare skal Såmpt laggia / tree Ting och tree Såmtar / sivè ut alibi tree Maalting och tree Såmpter*. Tot enim confessus fuerunt, etiam ob unam causam, nisi interea terminari posset, tertio enim ordinarie terminari debuit, quamquam interdum etiam quartus ex abundanti concede-

concederetur summus & ultimus, *Plongatung*
& *Plongatung* sumpsit à loco dictus: illud enim
nimia libertatis indicium, concessa toties impuni-
tas non parendi, nec enim trinis iudicij confessi-
bus, imo nec quarto quidem poenam perditæ cau-
sæ contumax meruit. Saltem ad domum ejus
iudicium datum est, ut si nec tunc quidem com-
pareret, pretium causæ ex bonis ejus emensum
sequestraretur, donec tres vicissim iuridicæ præte-
riissent, ut nisi interea comparuisset, septima de-
mum in totum causa & emenso caderet, cum poe-
na etiam aliquot marcarum quæ *lychtaran* dicta,
quasi legitime emensum & ablatum vi recepisset,
cum tradere noluisset.

Illud tamen nec commemoratione nec com-
mendatione fortasse indignum, quod citantibus
& citatis in persona comparendi necessitas, nec in
criminalibus tantum (quod & hodie obtinet) sed
& civilibus, procuratores & advocati hic prorsus
ignoti, nec ad extremum admissi, nisi pro certis
personis & certis in causis, & sub certa etiam con-
ditione. Conditio autem hæc fuit, ut principa-
lis ipse eos in iudicio sisteret & constitueret, ne-
cessitate sua & causa absentiae approbata, de qua

M

mox.

mox. Sic autem constituebat, ut alios vicissim, quod hodie concessum, ipsi substituere non possent, hoc enim expresse vetitum. His autem solis habere permissum fuit, qui vel peregrini & lingvæ morumque ignari essent, vel peregrè profecturi, vel procul habitarent, vel ægrotarent. Illis solis per alios agere concessum, sed in certis causis: Omnes enim criminum & de fundis controversiæ exceptæ fuerunt, ut quod de jure novello per expressum in causis soli & prædiorum permittatur procuratorem habere, modo eundem plenipotentia, sigilli manusq; suppositione roborata, instruat, indicio est, id antea non licuisse.

CAPUT VII.

De

Modis veterum probandi res dubias, & in specie de duello, seu Monomachia, Fenwich.

ARGUMENTUM.

*V*ia majorum pro indaganda veritate facti. Duellum judiciale, ejus origo & latitudo. Quibus in causis admissum. Quibus conditionibus & modis. Quando & quare sublatum.

Haec.

Hactenus personæ & præparatoria judicii;
nunc modos excutiamus, quibus usi sunt majores
nostri ad res dubias probandas. Veritas enim ju-
dicii anima est; *Veritas & rectum custodient ju-
dicium tuum.* Veritas rei est, rectitudo juris, hanc
ex præscripto juris, illam extrinsecus habere oportet,
nec semper facile est veritatem rei & facti invenire,
ubi confessio aut testes desunt. Itaque ne
causæ propterea diu protelarentur, aut etiam
prorsus indecisæ manerent, varios modos legitima-
runt, quibus veritas rei exploranda committeretur.
Inter hos vero duellum antiquissimus est, prope à
barbarie & ante Christi fidem; cum Christianismo
verò alter susceptus, per contrectationem ferri igniti.
Tertius vero & novissimus, per sacramentales
purgatio sive probatio canonica, de quibus
singulis ordine aliquid dicendum est, ac primo
de duellis, eorum origine, latitudine, quibus
in causis usurpata, quomodo, quando denique
& quare sublata desierunt. Fuit autem Monomachia
seu duellum (*centum* majoribus dictum) duplex.
Conventionale, ubi partes litigantes inter se de armis,
loco, tempore, modo pugnae conveniebant, absque
requisitione vel scitu judicis aut magi-

stratus superioris, qualia hoc seculo fuerint diu
 vetita, semper tamen retenta ; Et iudiciale, de
 quo hoc loco agimus, quod deficientibus aliis vel
 plenis probationibus partes eo pacto inierunt, ut
 victor, ipsa victoria legitime suam intentionem
 probasse iudicaretur, sine liti facto. Duelli ori-
 ginem Galli Normannis, Itali Longobardis, Hi-
 spani Gothis imputant. Sed verissimum est iura
 eorum latius viguisse, quam ut solis Scantianis tri-
 buantur. Vellejus Paterculus memorat eorum
 usum in Germania tempore Cæsaris Augusti, &
 existimat Quintilium Varum Romanorum legio-
 nes ex eo perdidisse, quod homo ingenio miti &
 moribus quietus, in media constitutus Germania,
 putaverit armis apud eos decerni solita, jure potu-
 isse terminari. Nec desunt ejus rei illustria in
 Germania exempla, etiam postquam religionem
 Christi accepissent. Gunnila Imperatoris Hen-
 ricæ III. conjunx sic pudicitiam suam per substitu-
 tum ivit probatum: Et Carolus Rex, patruus Lo-
 tharij Imperatoris, fidem conjugis Theitebergæ
 tentans, alterum suo, ut actoris, alterum uxoris
 nomine, ut reæ, inter se duello commisit, ex even-
 tu pugnae habiturus pudicitia argumentum. Et
 Ottho-

Otthonis Magni tempore litem inter patrum & nepotem de successionem Imperator ipse iudicio armorum commisit, quod & sub Henrico primo notant evenisse. Nec mirum, cum leges duellares jure Saxonico dudum receptæ essent, & ab imperatoribus approbatæ. Quare nostrates quidem morem duellandi judicalem aliunde invecum putant. Olaus Petri refert ad Frodeum pacificum Danorum Regem, Frode hin fridhgode. Sed siue nos à Germanis aut Danis, siue illi à nobis, communem certe cum illis habuimus, nec dubium est quin in Galliam & Angliam Normanni transtulerint. Apud nos antiquissimis temporibus magis ad contumelias & exprobrationes imbelliæ & ignaviæ vindicandas directæ fuerunt, quam ad res dubias explicandas, ut patet ex lege, quæ extat ad finem juris Uplandici in hunc modum:

Giswer madir oqwådins ord manni: tu är en "
mans mafi/och en madir i brysti. Et är madir som "
tu. Ther skulu mōtha/ a trigga wågha mothom. "
Komber dhen ord hafwer giswrit / och dhen komber "
en dher ord hafwer luthit/tå mun han wan wara/ "
som han heiter/ är en edhgånger och en wittnes "
båhr/ hwarti firi man, eller konu. Komber och "
dhen

„ dhen ord hafwer lutt/ och en dhen ord hafwer gif-
 „ wit/ tå opar han tree Nidingz op/ och marcker han
 „ a jordu. Tå see han madir thes wårre/ thet tå
 „ lade han en hålla tordi. Nu möthes ther badir
 „ med fullom wapnom/ faller dhen ord hafwer lu-
 „ thit/ giålder med halfwom giåldom. Faller dhen
 „ ord hafwer gifwit/ glöpa orda wårster/ tunga
 „ huftroudbani/ liggi i ogildum afri/ id est, ut verbū
 „ verbo ferè reddam. Si dicat vir viro probrosum ver-
 „ bum: non es vir viri compar, aut virili pectore (animo):
 „ ego vero sum vir (inquit alter) qualis tu. Hi in trivio
 „ conveniunt. Si comparet provocans, nec provocatus; ta-
 „ lis esto (provocatus) sequior ut dictus fuit, ut qui nec pro
 „ fæmina nec viro sacramentalis esse queat, intestabilis: Si
 „ vero comparet provocatus, nec provocans, quàm vehemen-
 „ tissime trino immani clamore exclamet, & signum in ter-
 „ ra radat, & sit vir ille (provocans) eo deterior, quod ver-
 „ ba locutus est, quæ præstare non ausus sit. Si jam uterq; com-
 „ parent, justis instructi armis, & cadat provocatus, dimidio
 „ multe pretio (cædes) expiator, Si vero provocans ca-
 „ dit, imputet temeritati. Capitalis ei lingvæ suæ petulan-
 „ tia, jaceat in campo in expiatus, id est, cæde prorsus
 „ impunita.

Talis antiquissima lex: postea verisimile est
 (nam

(nam nullæ manifestæ nobis de eo leges) ad causas promiscuè omnes duella fuisse admittæ, nec ad facti tantum, sed & juris quæstiones decidendas, ut ex exemplis supra memoratis patet, ideoq; quæ rudia initio fuerunt, expoliri cœperunt, & certis circumscribi conditionibus, ut esset in eo quod in se non poterat non esse injustum, justitiæ tamen aliqua ratio, neq; enim quemvis cum quo-
vis aut quandocunq; vel quomodocunq; prout hodie sæpe casu fit, congregari sinebant: sed iudex determinabat locum, tempus, arma: Patrinos & championes partes eligebant. Locus non trivium aut bivium erat, sed quilibet alius congressui aptus, in quo circulum designabant: quem postquam pugnaturi ingressi erant, egredi nisi victori non licuit. Temporis electio sæpius reo permissa fuit, quanquam ejus arbitrium interdum etiam penes patrinos esset vel secundos, uti vocant, qui præterea & arma præscribebant, & certaturos ante pugnam excutiebant, ne quis fraudibus foret locus ex armorum imparitate. Sed & championes etiam concessum fuit adhibere, ut si litigantes valde impares essent, vel viribus, vel ætate, vel dignitate, nefas enim robustum cum invalido, minorem

nem aut senem cum juvene, virum cum foemina,
 nobilem cum ignobili, aut in dignitate aliqua
 constitutum, cum homine status & conditlonis
 longe inferioris componi. Pracones vero judi-
 ces emittebant, qui partes ad constitutum locum
 & tempus in arenam citarent. Principes & viri
 illustres faciales cum cartello mittebant, quod
 etiamnum hodie privati faciunt, quibus hoc judi-
 cii genere litem terminari honorificum videtur, de
 quibus omnibus quia nihil jure nostro vetusto
 praecceptum extat, prolixius referre supersedeo:
 hoc saltem addito, principibus etiam & regibus
 quandoq; hoc processu uti placuisse, quibus satius
 visum fuerit litem proprio periculo casu alterius
 terminare, quam subditum sibi populum bello im-
 plicare, quomodo Franciscus primus Galliae Rex
 Imperatorem Carolum V. & noster Carolus IX.
 Christianum VI. Daniae Regem provocarunt, de
 quorum duellandi jure dubium esse non potest,
 siquidem belli justum est, tanto majore laude &
 gloria digni, quanto magis humano sanguini par-
 cendum existimarunt, quamvis ad effectum
 vel finem quem sibi propositum habent,
 hac via raro perveniant. Pauci enim
 Roma-

Romani & Albani, qui Horatiis & Cuiaciis rem
ita committant, ut ab eorum victoria aut casu vel
imperium accipiant vel jugum. Non desunt ta-
men qui etiam hodie inter subditos alienæ pote-
statis in certis casibus & inter certas personas ad-
mittendum censent, præcipue ubi metus majoris
mali subest: quemadmodum & olim, postquam
vetari cœperunt, in certis tamen casibus aliquan-
diu permissa fuerunt. *Incerti sumus*, inquit Rex
Luitprandus, *de iudicio Dei, & multos audivimus per*
pugnam sine iusta causa suam causam perdere. Sed pro-
pter contumaciam gentis nostræ Longobardo-
rum legem impiam vetare non possumus, impiam
certè; quid enim magis ab humanitate alienum
videtur, quam cum rationem & iudicium nobis
dederit Deus ad discretionem veri & falsi, iusti &
injusti, ad lacertos & robur corporis provocare,
& fortunam rationi, servam dominæ, antepondere?
Hoc enim belluarum argumentum & iudicium
est, ad quod homini tum demum confugiendum,
cum alio uti non possit. Quare post Christi fidē &
cultum humanitatis ubiq; ferè, quamvis ægrè, sub-
lata sunt. Haraldus, Svenonis Estricij successor
in Dania, *funditus singularium congressionum usum ever-*

N

tiss

tisse dicitur Saxoni Grammatico, & apparet id paulo post in Svecia & Norvegia factum, nullæ enim deinceps de duellis leges, quamvis in cæteris favor eorum ubiq; appareat, ad quid enim ut homicidæ provocati mitiore fruantur conditione, quam provocantes? elapsi, quã in flagranti crimine apprehensi? Certè si primas quærentium manus evadat homicida, de cætero securus videtur, præbente lege salvum conductum, etiam antequam petatur, cum tamen delictum utrobiq; æquale sit, solo tantũ casu & fortuna distingvatur. Quid? quod fugitivi, quasi ad cædem parati, in majore dolo videantur? Quod & de provocatis dicendum est, qui non subitaneo animi motu, sed parati & præmeditati conveniunt, cædem facere aut pati, idq; ideò, ne imbelliæ aut ignaviæ arguantur, quod opprobrium homicidio ipso gravius existimant, vanitate quadam juvenili, vel potius errore judicij, quem nescio quomodo leges nostræ foveant, dum temeritatem & pugnandi libidinem, in duello, tanquam palæstra ad bellum, mitius puniunt, nec fugitivis portas claudunt. Quid ergo aliud est, quam ut audacia & celeritas hæc pro solertia & exercitio militari habeatur, cujus ne quidem in maleficijs fructum perire voluerunt.

CAP.

CAPUT VIII.

De

Ordalio sive contrectatione ferri igniti.

ARGUMENTUM.

ORigo Ordaliij. Ejus incrementum & latitudo. Causa Ordalio sub-
jecta & necessitas. Diversitas modorum probandi per Ordalium.
Locus probandi. Tempus. Finis & effectus. Quando Ordalium ab-
rogatum & quibus de causis.

Euit hic primus probandi modus
militaris. Successit cum Christiana religio-
ne alius & quasi sacer, non melior aut cer-
tior, etiam periculosior, per contrectationem fer-
ri igniti, quæ majoribus nostris *Járnbyrdh* / por-
tatio vel gestatio ferri; Legibus West-Gothicis
& Scanicis *Ordalium*, id est, judicium *καὶ ἐξοχὴν*, vel
judicium Dei dictam fuit, de cujus origine, incre-
mento, modo, loco, tempore & fine, jam porro di-
cendum.

Ordalium
Járnbyrdh.

Origo ejus apud nos non obscure à religio-
ne cœpit. Poppo enim, qui primus in Boream
ad verbi Divini plantationem venit, in præsentia

Ejus origo.

N 2

Erici

Erici, Sveciæ & Daniæ Regis, injectâ manni chirothecâ ferreâ ignitâ, dubiam populo doctrinæ veritatem sic approbavit. Inde factum est ut deinceps in omni re dubia ad ejusmodi Dei testimonium provocaretur, & mos iste in legē abiret, quæ

Lex Ordalijs.

talīs extabat: *All dulzmähl ständi til Järn och Gud; domb/warder han skiär at järni/ wari fris/ men bränner at järni/ wari sälter.* : id est, *Res dubiæ stent ad ferri & Dei judicium, si non uritur à ferro, innocens: si uritur; damnas esto.* Ex eo usu venit ut omnia vera signa, olim ferri signa dicerentur, non

Järntectn.

Ejus latitudo.

secus ac hodie prodigia & ostenta eo nomine insigniuntur. Sed ut ut sit de ejus apud nos origine, constat tamen ante per totam ferè Europam usum ejus fuisse. Imo non desunt, qui ad vetustissimos Græcorum reducant ex Sophoclis tragiædia, ubi custodes se Regi Creonti sic excusant: *Sumus parati ferrum candens manibus tollere, per ignem serpere, Deosq; adjurare, nec fecisse, nec fuisse conscios.* Et refert Theodoretus in primitiva Ecclesia orthodoxorum quendam Episcopum cum Arriano contendentem hoc argumento usum esse. Certe, apud Gallos fuisse tempore Caroli Magni, lex Salica evincit: apud Germanos, jus Saxonicum. Nec desunt

desunt ejus rei illustria documenta & exempla in Italia & Anglia. Pontifex ipse Romanus testatur in Livonia fuisse, & Magistratum de crimine aliquo suspectos coëgisse ad ferri candentis judicium, sumpsisseq; de illis supplicium, si qua sequuta esset adustio. Fuit ergo ubiq; in aliquo usu.

Ceterum apud nos omnis controversia hoc judicio probari, poterat, controversia tamen facti, non juris, siue illa status esset, siue criminis alicujus, ut furti, adulterij, veneficij &c. Hoc autem observatum fuit, ut quamvis actor ad probandum non teneretur (nec hodie quidem jure communi tenetur, quamvis aliud in praxi ex æquitate observetur) ad jurandum tamen teneretur de calumnia & malitia, quod nec lucri nec odij causa tantum reo criminis impingeret & periculi. Quod juramentum tamen non alias præstandum fuit, quam si sponte reus judicium ferri candentis elegisset, dicebatur *a seurin Eedh*. Si vero ad Nembdam vel compurgatores reus (quod in ejus arbitrio fuit) provocasset, & ab iis destitutus ad hanc ferri candentis necessitatem compelleretur, remissum fuit actori calumniæ juramentum, perinde uti reus etiam sponte remisisse videbatur, cum actore

Controversiæ facti in Ordalum.

Juramenta circa Ordalijs causas.

N 3

non

non præsente, de innocentia, iudicij hujus aleam confestim exposceret.

Præterea reo necessitas imposita non fuit, contrectandi ferri, præcipue in homicidiis, nisi postquam depositione testium convictus esset. Videtur enim contra testes hic probandi modus fuisse admissus, tanquam ultimum illustrandæ veritatis remedium. Licebat alioquin reo se triplicato sacramentalium duodenario purgare & tueri. Si tamen aliquos inveniisset reus compurgatores, non verò tot, quot in plena probatione requiruntur, cadente ad ferrum causâ, præstandum erat illud, ab actore, quod diximus, credulitatis juramentum.

Probatio
per Ordali-
um reis tan-
tum conce-
ssa.

Illud præterea observatione non indignum est, quod tantum reis hæc misera defensio relicta esset, nemo enim actor tanto cum periculo hoc onus probandi sponte eligeret, cum nec ad alias quidem probationes, imputando alicui crimen, adigeretur, ut modo dictum. In quæstionibus tamen status cum petitione Regni conjunctis, actores etiam periculum fecerunt; tanti enim regnum ejusq; hæreditas fuit. Sic Haraldus Gille, postea factus Norvegiæ Rex, cum ex Hibernia venisset,

nisset, & se stirpis regiae, regniq; Norvegiae haeredem asseruisset: *Affirmationi suae fidem*, inquit Saxo Grammaticus, *divini examinis argumento prestare iussus, super candentes laminas, nudatis plantis, incessit, iisdemq; nulla ex parte corruptioribus, complures liquido incolumitatis argumento ad assertionis suae credulitatem perduxit.* Idem & plures Norvegiae Reges tentarunt & praestiterunt, utpote, Sigurdus Diaconus, Ostannus, Ericus Erlingus **Steenwagh** / Magnus & Haqvinius Haqvini filius, quorum primus ille, **Telemacho** Homérico multo confidentior, qui interroganti Nestori *cujus filius esset*, respondit, *se quidem Ulyssis filium dici, ceterum neminem esse qui certum de patre suo sciret*, ita patrem suum probare non dubitabat; posterior vero hic prudentius negotium ad matrem rejecit.

Locus autem experimenti ordinarie locus Locus contractandi ferri, judicij fuit: Omnis enim probatio in judicio fieri debuit. Postea tamen usu venit, ut quod in duellis planities, aut trivium esset, in probatione ferri templa & loca cultui divino consecrata forent, à rei enim dignitate visum, ut quia solius Dei testimonium eligeretur, etiam coram magno hoc teste in locis sacris & sede ejus res tota perageretur,

tur, faciente vel metum vel fidem, præsentia numinis, cujus intuitu aut debitas luerent temeritatis pœnas, aut supranaturale fiduciæ haberent argumentum. Itaq; Episcopi hic ut plurimum præsidebant, nec defuit illis operæ & laboris pretium, semper enim ab ejusmodi judicio aliquid lucri sacerdotibus obveniebat, quod inter ordinarios clericorum redditus postea receptum est.

Tempus
contrectan-
di ferri.

Tempus autem ad probandum erat, quod ordinarium alias judiciis, itaq; expresse vetitum ne probationes hæ admitterentur ab adventu Domini ad octavam Epiphaniæ, nec à Dominica Septuagesimæ ad Pascha, nec diebus rogationum aut septimana ante Pentecosten, aut ulla alia quæ diem haberet festum, quem jejunium aliquod præcederet, ne ei videretur injuria per jejunium irrogari. Hoc tamen solum excepto, si rem à fure aut latrone ablatam condicere vellet actor, pro eo omni anni tempore, quod & supra dictum est, concessum fuit hoc examen, ne mora diuturnior in damnum & jacturam cederet expectantis.

Præparatio
ad contres-
tationem.

Cum jam instaret dies probationis, triduo ante in pane & aquâ & vestimentis laneis reo jejunandum fuit, quæ præparatio ab Ecclesiæ ministro

nistro irrogata postea permansit, cum ritibus quibusdam aliis quos superstitio adjecit, postquam Ecclesiastici hanc probandi rationem sui iuris fecissent. Nam & Missa habita, & ferrum ipsum allatum est, & in praesentia ac conspectu populi ab Episcopo aut Ecclesiae Ministro consecratum, ad hunc ferme modum: *Vellet Deus benedicere & sanctificare illud ferrum à servo suo contrectandum, ut esset in causa N. N. salutare explorandae veritatis instrumentum, ne iniquitas dominetur supra justitiam, sed ut mendacium subiectum sit veritati.* Tandem juramentum in hanc rem conceptum, vel à iudice vel etiam ab ipso actore, reo praelectum est, quo misericordiam Dei & justitiam ad iuris sui manifestationem praesenti signo advocabat, & super hoc denique ferrum ipsum portando & calcando contrectabat. Priusquam vero contrectaret, nihil prorsus ipsum contingere fas fuit, nec caput, nec crines, nec aliquod vestimentum, ne illita unguento succum, aliquem manibus vel pedibus affricarent, quo per fraudem potius, quam innocentiam, eluderet efficaciam ignis.

Varij autem fuerunt modi contrectandi. Modi contrectationis.
 Vulgatissimus, ut reus ferrum ignitum, quod in
 O bacu-

baculo allatum erat, nudis manibus sumeret, &
 cum eo per novem vestigia procederet, tum de-
 mum proijceret. In causa furti consistebat reus
 & in alveolum, ad spatium duodecim pedum pro-
 cul positum, ferrum ignitum proijciebat, eâ con-
 ditione, ut si ab alveolo primo jactu aberrasset,
 ferrum iterum igniri, reassumi & proijci deberet,
 & toties quidem, quoties errasset, donec in alveo-
 lum immissum definito jaceret loco; hoc *Tryggvæ
 jærn* appellarunt. Interdum non manibus sed pe-
 dibus ferrum calcabant, interdum etiam pro nu-
 mero vestigiorum ferra multiplicabant, quod
 præcipue in causis status & homicidiorum factum
 fuit, ubi ordinariè duodecim ferra fuerunt con-
 tractanda, aliquando tamen & novem, quot &
 lege Salica in homicidiis præcepta fuerunt. Ha-
 raldus Gille, cujus mentio facta, super novem vo-
 meres ignitos ambulasse memoratur; tam forti
 scilicet argumento opus erat, ut venienti ex Hi-
 bernia & ignoto cederetur regnum. In fidem
 narrationis nostræ subjungimus modum hujus-
 modi processus à Scriptore Norvegico, in vita
 Regis Erlingi *Steenwäg* his verbis è veteri Nor-
 vegico sermone in Latinum descriptum & trans-
 latum:

latum. Erlingus **Steenwagh** profectus Tonsber-
gam altera vice contrectationem ferri igniti stipulatus est,
consecrante Episcopo Nicolao ferrum. Rex vero Wal-
demarus, qui ejus rei causa, eò venerat, concepit & præ-
legit juramentum, & modum contrectandi præfinivit, ap-
propinquante verò horâ ad probationem constituta, Rex
Waldemarus milites undiq; circum templum disposuit.
Episcopus vero Nicolaus produxit Erlingum ante fores
chori. Contrectatione jam peractâ, manum ejus nudatam e-
levavit & suos digitos imposuit, altâ voce clamitans : ER-
LINGUS SE RITE PURGAVIT. Rex ex-
tra fores chori astitit, & populus omnis ad vocem Episcopi
Deo gratias agere, & Te Deum laudamus canere inci-
piebat. Talis etiam processus Nidrosiæ observa-
tus fuit, in probatione natalium Regis Haquini
filij, proavi materni Magni Smekij.

Hic vero consideratione dignum, 1. Ad pur-
gationem hanc, non secus atq; in Canonica, diem
dictum fuisse, quem nisi reus ipse stipularetur, ju-
dex præscribebat. Erlingus hic sibi ipsi diem dixit,
& Sigurdus quidam vir illustris, cum cædis suspe-
ctus esset, recepit coram Rege se judicium hoc sub-
iturum. 2. Aliquando etiam liberum fuisse, ali-
um suo loco substituere, quod & in duellis cum
O 2 dispa-

Circa con-
trectione
observata.

disparēs essent litigantes, concessum diximus: Sed ita, ut cum ejusdem etiam periculo fieret, quamvis culpa alterius foret: nefas enim conditionem damnati recusare, cujus rei innocentiam temerē suscepisset probandam. Itaq; cum Margareta uxor Regis Norvegiæ suspicione veneni privigno dati gravata, Petrū quendā pro se adtulisset, isq; in contrectando sese vehementer exussisset, insuper ad aquas condemnatur & suffocatur, Regina ipsa supremam necessitatem celeritate fugæ anteveniente. 3. Interdum non tantum cum pluribus, sed & plura ferra fuisse contrectanda, prout aut magnitudo causæ, aut dignitas personæ id exegisset, id tamen penes judicem stetisse, nisi reus sibi ipse fiducia innocentiae id definivisset. In supra memorata R. Erlingi historia Rex Daniæ sibi arbitrium pro numero sumpsit, *Konung Waldemar rådde för Järnbyrden* id est, quot laminæ reo contrectandæ fuerunt. In controversia vero status quæ mota fuit Haquino Haquini filio, nondum Regi, mater ejus probatura patrem, cum agnatis filij sui, *Daghfind Bonde* / *Andrea Skulderbandh* / & pluribus aliis clericis & laicis, ferri candentis judicium consulto elegit, intrepida

tre pida subijt, & illaſa permanſit. Quæ cum ita fuerint, ſubit hic admirari magnam hominum iſti-
us ſeculi ſeu confidentiam ſeu temeritatem, qui a-
trocitatem periculi & multiplicatione oneris & in-
nocentium numero, accumulabant. Procul du-
bio aut integrius tunc vixerunt homines, aut li-
bentius à litibus & mutuis accuſationibus abſti-
nuerunt, ante oculos quotidie verſante tanti peri-
culi & magnitudine & metu.

Ceterum contrectatione peractâ, Episco-
pus aut Præſes eventum rei ſtatim publicabat, Post contrec-
tationem
obſervata.
quod tamen non ſemper aut ordinariè obſerva-
tum fuit. Plerumq; enim abſente adverſario poſt
contrectationem pedes aut manus panno involu-
ti, ſigillo appoſito, per triduum, & ut plurimum
uſq; ad diem Dominicum aſtringebantur, quo
majore pompa & ſpectaculo in præſentia tot te-
ſtium nudari poſſent & inſpici & prout tunc læſi
illæ ſive reperiabantur, imputati criminis reus vel
abſolutus vel condemnatus. Adverſarij autem
adventus uſq; ad ſolis occaſum præſtolandus fuit.
Niſi interea veniſſet, ejus præcipue cauſa ſigillum
appoſitum fuit, ne quid interea adhiberetur quod
veſtigia uſtionis tolleret aut obſcuraret.

O 3

Atq;

Duratio hu-
jus probatio-
nis.

Atq; hæc consuetudo & ratio probandi fuit
per ferrum candens, quæ in Svecia & Dania sub
Sveno - Otthone potissimum invaluisse videtur,
„ cum abrogata duellorum consuetudine, pleraq; causarum
„ judicia (teste Saxone Grammatico) eo experimenti ge-
„ nere constatura decernerent, controversiarum examen re-
„ lius ad arbitrium divinum quam ad humanam rixam rele-
„ gandum existimantes: Sed anno demum 1163, eas
leges scriptas dedit Scanicis Waldemarum primus,
quas Waldemarum secundus annis post circiter
octoaginta abrogavit, ex decreto Innocentij III.
Pontif. R. quanquam non is solus, sed & successo-
res ejus abolitionem apud Reges Septentrionis
valde urserint, cum antea Sacerdotibus interdixis-
sent, ne ejusmodi examini operam darent, ne Cle-
ricus probationi huic ferri candentis ritum cujus-
libet benedictionis aut consecrationis impertiret,
ideoq; in legibus Cimbricis, quas Waldemarum
Secundus tulit, nulla fit *Ordalij* mentio, quemad-
modum nec in ullis nostris, nisi tantum vetiti,
„ præterquam in West-Gothicis: *Delar Bonde*
„ *sigh vnder Landzting/ säger sigh en lagfallin wa-*
„ *ra/ ordelar han sigh innan nåste try Landztingh/*
„ *wari Saaklöð; gitter sigh en tá ordelet / hafwi*
åhnt

Abrogatio.

áhntá mánada dag/ och deli sigh vndi högsfi Dos
 marin/ glitter han sigh en tá / bõthi Saaf sina:
 Sensus est, dari reo tres juridicas & præterea mensurum
 spatium ad stipulationem defensionis ejusmodi coram supre-
 mo iudice, & nisi interea stipulatus fuerit, causa cadere
 Cap. 17. i Eedzöhres B. i Östg. L. memoratur
 Bergerum Iarlum legem illam abrogâsse, Nu mō-
 nis dhem Saaf til dhera/ tá war swa sörst i La-
 ghum/ at thõni skulle wärja sigh medh Järn och
 Gudz dom/ sedan gaff Birger Jarl aff Järns-
 byrdena etc. Idem constat ex jure Helsingico, fi-
 lium ejus Magnum Ladulåds & Nepotem Ber-
 gerum fecisse. Sed non ut edicto, ita statim usu
 tolli potuit, quod Religione sancitum à tempore
 robur acceperat, præsertim cum Deo iudice causa
 omnium optime decidi putaretur. Itaq; de novo
 Holmiæ Anno 1320 sub regimine Magni Smekij
 unanimi senatorum Regni decreto iterum pro-
 scripta est, & in totum sublata, ejusdemq; loco
 recepta, Nembdæ duodecim viralis declaratio,
 etiam ante vulgarem probationem usitata. Fu-
 isse enim videtur quædam quasi inconstantia vel
 vicissitudo modorum probandi, cum modo hunc,
 modo illum præferrent, in neutro certi aut securi,
 quod

quod perinde etiam apud Danos factum. Haral-
 dus enim qui vixit à nato Christo 1083. primus
 „ dicitur Saxoni Grammatico, permisisse reis juramento
 „ se tueri, quo nomine, quanquam acceptus feratur populo,
 „ qui minus periculi ex perjurio formidaret quam ex ferro, ta-
 „ men glisciente perjuriorum frequentia, revixit iterum, in-
 „ quit, ferri candentis usus, ea tamen conditione, ut esset in
 „ arbitrio Rei ad ferrum provocare, vel juramentum Nembdæ,
 „ sed si altero destitueretur, ut alterum subire necesse haberet,
 „ aut causa cadere, ut supra dictum. Mansit hoc usq;
 ad Waldemarum III. qui ^{συνεπον} fuit Magno
 Smekio, cujus tempore, Pontifice Eugenio, subla-
 tam tradunt quidam Danici Scriptores, quod ta-
 men verum non est. Nullus enim Pontifex Eu-
 genius eo tempore fuit. Crediderim certius sub
 Waldemaro II. factum, Pontifice Honorio, qui
 Concilio Slesvici indicto, opera Cardinalis de
 Crescentio, conjugia Sacerdotibus interdixit, ex
 eo enim interdictum Regis ad Scanenses superse-
 cutum est. Pancis vero ante annis missus fuit in
 Sveciam & Norvegiam Cardinalis Guilielmus Sa-
 binensis, cujus curæ etiam inter cætera commis-
 sum fuit, ut ferri candentis usum abrogaret, quod &
 sub comminatione excommunicationis faciebat.

Ex

Pontanus in
 vita Haraldi
 pag. 198.

Ex eo tempore venit Bergerus Iarl & eius succes-
sores. Quanquam enim revivisceret, præcipue
in Helsingia & Boreali illo tractu, ubi iterum re-
ceptum fuisse conquestus est Olaus Archiepisco-
pus Upsalensis, in eo quem diximus senatorum
conventu; ad ejus sollicitationem denuo edicto
publico abrogatus est, & jure sane optimo. Ni-
hil in eo est quod non merito arguas, sive supersti-
tionem, & vel læsam vel tentatam naminis pati-
entiam, sive locordiam judicum quæ sic fovebatur,
quod enim eorum imperitiâ aut etiam ignaviâ e-
rui non poterat, ejus judicij modum Deo præscri-
bebant, ut ab eorum arbitrio decideret, & miracu-
la ejus in legem eruendæ veritatis traherentur, cu-
jus sic inveniendæ nulla extabat promissio. Taceo
fraudes & fallacias quibus hic locus; quis enim ne-
scit eas intervenisse? præsertim cum grande pre-
tium esset, non impunitas tantum sceleris, sed &
gloria & præmium: imo non defuerunt istis tem-
poribus qui artem tractandi palam jactarent &
venderent. Sigurdus quidam Brabantinus offert o-
peram Regi Norvegiæ Haquino, qua mater ejus
probatura patrem, non alium quam quem dixisset,
fuisse, manu innectâ ferrum impunè tractaret.

Causa abro-
gationis.

P

Reje-

Rejecit filius fiduciâ opis divinæ (ita proditum Historico) nec fefellit eum spes, probavit enim mater illæsa. De quibusdam tamen non immeritò dubitare liceat, facile enim populo simplici imponi potuit ab ingeniosis & callidis, quales fuisse oportet, qui aut ex Hibernia aut Orcadibus insulis oriundi, patrem sibi & Regnum in Norvegia quæfiverunt pepereruntq̃. Quare suspecta fuit valdè hæc probatio, & plures etiam eo tempore duelum maluerunt. Magnus, qui Waldemaro Primo Daniæ Regi insidias struxisse ferebatur, cum
 „ ex more & lege à procuratore Regis ab Henrico
 „ Duce Saxoniz, apud quem fugâ divertit, ad iudici-
 „ um ferri candentis postularetur, palam protestatus est
 „ contra illam legem, ut iniquam, quod sæpe-numero in-
 „ fontem damnare & noxios absolvere soleret. Non inelegans est decretum Stephani V:^{ti} nec indignum
 „ quod hunc locum concludat: Ferri candentis examinatione confessionem extorqueri à quoquam, Sacri non
 „ censent Canones, & quod Sanctorum Patrum documento non est sancitum, superstitiosâ ad inventionem non est
 „ præsumendum. Spontanea enim confessione vel testium approbatione publicata delicta, habito præ oculis Dei timore,
 „ commissa sunt regimini nostro judicare; occulta vero & incognita

cognita sunt relinquenda ei, qui solus novit corda filiorum hominum.

Cum *Ordalium* in usu esset, fuerunt & plures ejusmodi modi probandi res dubias, utpote per aquam ferventem, per frigidam, per sacramenti vel Eucharistiæ participationem, per offæ vel casei manducationem &c. quorum vestigia etiam adhuc alicubi supersunt. Sed quia de his in vetustis nostris legibus nihil traditum extat, omisi.

CAPUT IX.

De

*Probatione per sacramentales &
purgatione Canonica.*

ARGUMENTUM.

Ratio & Essentia probationis Canonica: Origo & nominatio. Quibus in causis: Quando & quo loco præstata. Ordo & modus probandi. Sacramentalium numerus: Condicio & electio. Sacramenti qualitas, distinctio & varietas. Fidejussores. Antisacramentales. Testes. Probatio Canonica, ex parte abrogata, ex parte retenta. Tortura ignota & quare.

Probatio per ferrum candens hætenus vulgaris dicta, quandoq; etiam canonica fuisse videtur, quippe in locis sa-

cris & per ministeria sacrorum hominum peracta, quod sine consensu & approbatione primatum Ecclesiæ fieri non potuit. Certe non defuerunt ex patribus ejus, qui abrogationem ferri statim criminarentur, profanari scilicet religionem, & minori innocentix studio langvescere fidem Christi, qui hæc & majora credentibus spondisset, pandi vero fores sceleribus multis & licentiam peccandi crescere, postquam homines nihil à ferro metuerent. Sed, ut ante dictum, Canones posterioris seculi tamen improbarunt, in cujus locum successit hæc apud nos probatio, quæ καὶ ἐξοχή, Canonica dici meruit, & ferro & cum ferro etiam successit, usitata antea; de qua eò major nobis disserendi cura, quod jure Christopherianò authenticò & receptò approbata, etiam hodie ex parte in usu sit; de cujus ratione, nomine, origine, primò pauca: Deinde de latitudine hujus probationis, quibus in causis, quando & quo loco præstita fuit; tum de sacramentalibus ipsis, eorum numero, conditione & electione. Hinc de sacramento ipso, ejus qualitate, distinctione & varietate. Deinde de adjunctis, ut antisacramentalibus, fidejussoribus, testibus, &c. Postremò quibus
ex

ex causis videri possit ex parte abrogata, ex parte
retenta.

Ratio & essentia probationis hujus consistit
tota in nuda quorundam hominū contestatione,
qui cum veri testes non sint, testium tamen officium
& vices supplent, ideoq; ad rei dubiæ inquisitionem
aut declarationem, vel à partibus postulati, vel etiam à
iudice electi, de veritate ejus jurare tenentur, ut ex eo
deinceps nullâ interpositâ morâ sententia feratur.

Ratio & essentia
probationis
canonicæ.

Hanc probandi rationem quidam à Gothis &
Longobardis in Italia exortam volunt, unde postea
in jus canonicum recepta fuerit, quod an verum sit,
non scrupulose inquirō. A tempore usq; Caroli
Magni latè per Germaniam, Galliam & Angliam
in usu fuit, paulo tamen diversa ab hac nostra, cum
enim ad nos, Episcoporum præcipuè operâ, qui juri
condendo interfuerunt, venisset: simul multa
introduc̃ta vel superaddita sunt, ignota reliquis, nec
à jure canonico mutuata, quæ an antea in usu fue-
rint, pro certo asserere non audeo; Postquam au-
tem semel recepta fuit, adeo complacuit, ut non
tantum in omnibus fere causis adhiberetur, sed u-
na & sola, quasi nulla alia legitima foret: Unde

Origo & la-
tudo ejus.

illud in jure nostro; **Viuda Lagh**/ offerre sacramentales, **fåsta Lagh**/ stipulari sacramentales, **wed Lagum taga**/ admittere sacramentales, **må** eller **giöra Lagh**/ præstare sacramentales: (Anglⁱ vocant vadiare vel facere legem.) **Laga måhl**/ causæ sacramentales, & **Laghgiårdsmånn** ipsi sacramentales dicuntur. Atq; hinc explicanda videtur paragraphus ultima cap. 4.^{ti} de jure regio in,

» causis dijudicandis: **Han åger i Rikste sino aff**
 » **Gudi högsta Domb hafwa och swa Allmogens**
 » **fåremåhl effter Lagan / eller effter fulla vthletha**
 » **sannind höra/ hwad heller han will/ id est, Licere**
 » **Regi vel via hâc per sacramentales procedere, vel**
 » **quavis alia ad veritatem penitus eruendam ac-**
 » **commoda, utrumcunq; ipsi placuerit, quod ante**
 » **illa tempora judicibus inferioribus non erat con-**
 » **cessum, unde non incommode etiam altera illa**
 » **explicatio, sed generalior infertur: Regem no-**
 » **strum ad solennia juris non esse astrictum, sed hæc**
 » **obiter.**

Nominatio
unde.

Nomen autem probationis hujus apud nos à Latino est, quia enim à canonibus canonica dicta fuit, in jure canonico ordinaria & regularis & legitima, exinde etiam in jure nostro sic dici meruit,

ut

ut patet ex supra dictis. Ipsi vero per quos probatio canonica fit, *sacramentales* dicuntur ob interpositam sacramento fidem: dicuntur alibi *compurgatores*, specialius tamen, non enim omnibus convenit, ut imputati criminis aliquem absolvant vel condemnent, sed tantum quibusdam. Nam & alia causa in hanc probationem cadebant, ut mox demonstrabitur: De jure nostro *Isiadamán* dicebantur, item *wáte och wátismán*/ item *Eedh wáte*: statores, stipulatores seu conscij juramenti istius quod à principali, nostra voce *Hufwudmannin*, præstabatur. Instituta autem fuit hæc probandi ratio, ut superiores modi, ad facti tantum controversias dirimendas, id est, an esset, cur esset, quantum, quale: quid juris, perinde extra ipsorum officium fuit, ut extra cognitionem, quod & supra de *Nembda* diximus. Data autem fuit tam auctori quam reo, unde duplex etiam causarum ratio extitit, ut alia *witiss* sive *wáre jemáhl*/ alia *dulzmáhl* appellarentur, illæ asserentis erant vel defendentis, hæ negantis: Illæ quasi auctoris, hæ quasi Rei. Juramentum illorum *witiss Eedh* vel *wisford*: horum vero *dulz Eedh* nominabatur; pro illis præsumptiones militabant, pro his

Sacramen-
tales.
Compurga-
tores.

Isiadamán
Wáte
Eedhwithe.

In contro-
versis facti.

his nullæ aut contrariæ erant : Unde illæ fidem
 majorem merebantur, & ferè pro semiprobatis
 habebantur, adeoq̃ minorem numerum sacramen-
 talium desiderabant, quem tamen, si cunctaretur
 -| asserens intra tertiam juridicam exhibere, vices e-
 -| jus & conditio translata est in negantem, ut pro
 eo deinceps præsumeretur, liceretq̃ ei hoc quod
 diximus præstare juramentum, hac tamen condi-
 -| tione, ut si neuter, quod intendebat, probare pos-
 -| set, uterq̃ pœna aliqua plecteretur. Aliquando
 tamen, ut in crimine manifesto, ubi satisfactio præ-
 tensa fuit, aggravata est conditio asserentis & onus
 probandi per sacramentales multiplicatum. U-
 tracunq̃ tamen in causa pro actore vel reo jura-
 mentum hoc, quamvis promiscuè adhibitum, ante
 judicis præcedentem censuram præstari non de-
 „ buit, nisi irritum futurum & absq̃ effectu : *Hvar*
 „ *som Eedher gänger domalöst och skälalöst/ wari*
 „ *ogilder.*

Probatio
 Canonica
 quando ad-
 missa.

Præstari autem debuit die adulta, nec post so-
 lis occasum, præstari etiam debuit in judicio tan-
 tum ordinario, & *rättom Tingdagh agu Edha gån-*
ga/ och en å afstånno tingh. Quare in specie eti-
 am vetitum fuit, ne tempore aliquo jejuniij aut
 quadra-

quadagesimæ, aut summerum festorum, aut se-
mentis faciendæ, aut messis colligendæ, præstare-
tur, quia eò tempore nulla judicia ordinaria habe-
bantur, quod & antè dictum.

Præstari autem debuit in iudicio quidem, sed
non præcisè, ut hodie, in loco facti, si modo extra
territorium domicilij vel habitationis esset : No-
tos enim & ut plurimum vicinos advocabant, qui-
bus maxime probantis vita constare potuit, quos
tamen difficulter in alienam provinciam permo-
vebant, motâ tamen de fundo controversiâ, non
alibi canonice probari debuit quam in ipso fun-
do, præcipue ubi defendendus erat, sive illud syl-
va, pratum, ager, flumen aut lacus esset, quem mo-
rem etiam hodie alibi servant, secus præstita pro-
batio pro nulla & illegitima fuit, quod & hodie in
causis criminalibus observatur, quoad territorij ta-
men, non autem præcisè locum facti.

Ubi.

Ordo autem & processus erat, ut causa data
& lite contestata reus ipse vel actor sacramentum
hoc prima iudicij die stipularetur, altera denuncia-
ret, tertia exhiberet, *funi lagh sâster / sâsti d enom /
fighi til d androm / gangi a tridiom.* Hoc tamen
in causis nonnisi gravioribus obtinuit, ubi scilicet

Ordo & pro-
cessus.

Q

decem.

decem aut octodecim aut etiam plures sacramentales requirebantur. In causis vero gravissimis, ubi scilicet triplex juramento duodenarius exigebatur, non præcise tertiâ juridicâ præstabatur. Visum enim sufficere ob difficilem sacramentalium conquestionem, si à tempore stipulationis intra anni lapsum præstaretur. In stipulando vero & denunciando semissis sacramentalium nominanda fuit, dimidius scilicet numerus eorum, quisq; suo nomine & loco, ut de iis inquirendi facultas esset adversario. In minoribus vero causis, ubi unus tantum duodenarius aut etiam pauciores jurabāt, omnes nominare & indicare oportebat, adeoq; nisi eosdem etiam quos nominasset, sed alios eorum loco exhibuisset & præstasset, ut probatio, tanquam illegitima & nulla, non admitteretur. In controversiis vero de bonis immobilibus stipulatio remissa fuit, quemadmodum & fidejussio, de qua postea.

Numerus
sacramenta-
lium.

Numerus autem sacramentalium ex magnitudine causæ dependebat. Magnitudo autem causæ ex pretio rei controversæ, si civilis; ex quantitate mulctæ, si criminalis esset, æstimata fuit. Olim enim pœna etiâ quantocunq; crimini non nisi pec-
cu.

cuniaria. Pro causis ergo quadraginta marcarū, tri-
plex: pro sex marcarū, duplex: pro trium, simplex
duodenarius: ut plurimū enim & communiter per
duodenarios numerati fuerunt. Erant & causæ in
quibus duodenarij tredecim requisiti fuerunt, de
quibus postea. Variabat etiam numerus sacramen-
talium pro diversitate causarum, ratione objecti &
materiæ circa quam, ut in controversiis de fundis,
de emptione venditione rei mobilis, & cæteris
contractibus, item de criminibus, in quibus duo-
denarius unus, sesquialter, duplex vel triplex or-
dinariè injectus fuit, quem numerum nonnisi
cum in expeditione nautica essent, remittebant,
dimidiō ejus contenti. In causis verò levioribus
vilioris & minoris pretij, sex, quatuor, interdum &
tribus sacramentalibus contenti fuerunt. Sed nec
promiscuè hi, quotcunq; tandem essent, eligi & ad-
hiberi poterant, quare, post numerum, eorum con-
ditio & electio considerata veniunt.

Conditio vel generalis fuit pro omnibus
causis, vel specialis pro certis. In genere omni-
um sacramentalium conditio hæcerat, ut essent
viri liberi, majorennēs, stabiles, certi & domicilij
& fidei, testabiles, quicq; præterea nec haberent

Sacramēta-
lium electio
& conditio.

Q 2

simi-

similem causam in iudicio, nec eo die, quamvis alia
 in causa, iurassent. Itaq; & fœminæ ordinariè ex-
 clusæ fuerunt, & servi, & minores, & vagabun-
 di & extranei, & banniti aut exclusi, & qui præte-
 rea aut personam non haberent standi in iudicio,
 aut similitudine causæ præsumebantur præiudicio
 capti, vel onere paulò antè depositi iuramenti gra-
 vati; adversus hos in quavis causa excipere licuit.
 Conditio autem specialis ex conditione causæ de-
 pendeat. In negotiis enim quibusdā civilibus, ut
 cognationis eruendæ, familiæ eriscundæ sive hæ-
 reditatis dividendæ, cognati & agnati non admissi
 tantum, sed & requisiti fuerunt. In debitis autem
 & criminibus, à tali probatione pro nocente, pror-
 sus exclusi. Ut numerus & conditio, ita etiam ec-
 lectio non nihil variavit pro diversitate causarum,
 ferè tamen in omnibus penes eum erat, qui in sa-
 cramentalibus intentionem suam fundabat, eos
 propterea stipulatus; quis enim alius hanc rogan-
 di & conquirendi susciperet molestiam? In qui-
 busdam tamen iura utriq; partium hoc oneris im-
 posuerunt, ut in causis finium regundorum, pieta-
 tis denegatæ, transfugij, retractus. In quibus-
 dam iura dimidium sacramentalium offerunt ex
 ordi-

ordinaria Nembdâ, ut in duodenariis binis & trin-
nis: In quibusdam neutri partium hoc immedia-
tè concedunt, sed mediatè utriq; per binos electo-
res, quorum quisq; suum nominabat, ut illi duo
suo arbitratu sacramentales eligerent, ut in quæ-
stionibus status, cum de patre quæreretur, de quo
postea. In causis item emptionis venditionis, lo-
cationis conductionis fundorum: hi enim ab e-
lectoribus electi ad numerum firmatorum, qui in
ejusmodi contractibus adhibentur, adsciti, nume-
rum sacramentalium supplebant, & prout dein-
ceps decidebant, fundus vel pro conducto habi-
tus est vel pro empto.

Præter hos sacramentales, ad perfectionem
huius probationis in quibusdam causis etiâ spon-
sore sive fideiussore & testes requisiti fuerunt.
Fideiussorum (quasi iura nominant) officium erat,
non tantum cavere sacramentales iudicio sisti, sed
& illis denunciare, eos in iudicio enumerare, for-
mulam iuramenti concipere, deniq; ubi usus, factô,
de perfectione præstiti Sacramenti testari. Erant
itaq; quasi præsides sacramenti, pararij & sequestri,
qui quidem cum sacramentalibus in factum non
jurabant (hoc enim expresse vetitum) jurabant ta-
men.

Fideiussore
&
Testes.

Sponsorum
officium cir-
ca sacramen-
ta.

men in formulam & modum sacramenti, scilicet, hoc tempore, hoc numero, his verbis esse jurandum, adeo ut si super ea re, vel reo, vel etiā actori lis moveretur (poterat enim utrumq; fieri) ipsis denuo cum bino aut etiam sesquialtero duodenario jurandum esset, adeoq; ipsi parario jam opus foret etiam parario seu sponsore. Horum ratione pro una causa sæpe duplex sacramentum erat, *TafzEedh* & *GangzEedh*/ quorum alterum cum altero non erat confundendum, *Ingen mā qwā* *GangzEedh* *lia TafzEedh* *sör GangzEedh*. *GangzEedh* erat sacramentum ipsum principale de causa à pluribus præstitum. *TaafzEedh* vero fidejussorum erat paratorium tantum, & adhibitum pro decernendo juramento in negotio principali, quod vocabant *Swäria Eedz öhret nider*/ id est jurare, juramentum esse præstandum: Si tamen, cum utrūq; hoc præstitum esset, juramentum sacramentalium nihilominus impugnaretur, principali parti denuo jurandum erat, sed spretis prioribus, cum novem sacramentalibus, & quidem pluribus binario: hoc vocabant juramentum juramento impingvare, si-ve juramentum juramento addere, quod eatenus tamen permissum, ut unum uno liceret, non plura uno:

ono: Man skal giöda Eedh medh Eedh / och egh
trwä medh enom: Quare hoc iuramentum con-
firmatorium etiam impingvatorium dictum fuit.
Giödd; lu Eedh: alterum vero & primum illud (vp
rättu Eedh) directum fuit sacramentum; quod
super compositionibus & transactionibus præsta-
batur, Sättis Eedh. De hisce omnibus, quoties
malè aut animo pejerandi præstita dicerentur,
Nembda Ecclesiastica Episcopalis cognoscebat;
atq; hæc præcipuè de jure nostro Gothico.

De jure Sveonum paulo mitior fuisse vide-
tur hæc probandi ratio, scilicet per testes & ante-
sacramentales, pro quolibet, vel etiam ad quemli-
bet duodenarium, binos vel trinos, quibus adhibi-
tis amplius impugnari non poterat, och wari thet
lås; firir tritolfftum Eedh: Esto (inquit) sera &
clausura juramenti per tres duodenarios præstiti.
Sed ut ad pararios sive fidejussores revertar, toti-
dem in omnibus causis requisiti fuerunt, quot e-
rant duodenarij, exceptis Controversiis super fun-
dis: Super his enim iuramenta præstanda, nec sti-
pulationem nec fidejussorem præexigebant, all
fordadelu hana a / hwarte såsta eller tafa / han a
ofåst och otakat a iswer sto såmpt ganga. Fuerunt
autem.

Edhatafa/
Fratafa/
Wädietafa.

autem fidejussores sive **tafa** / ratione objecti in triplici differentia, **Edhatafa** / **Fratafa** / **Wädietafa** / id est fidejussores sacramentum præstari, fidejussores iudicatum solvi, fidejussores iudicio sisti, si res scilicet in eo versaretur, ut aut iuramento, aut solutione, aut appellatione prosequenda esset, tantum de illis.

Föredispmän

Dixi autem testes adhibitos fuisse, testes sive ante sacramentales, **Föredispmän** / ita enim nominantur. Fuerunt, sed in causis tantum gravioribus, & pro quolibet duodenario, bini tantum legalis complementa sacramenti, quorum officium, in quantum destiterit officio sacramentalium, ipse quidem ignoro, nisi quod post testimonium depositum, inter sacramentales cooptari cumq; iisdem iterum jurare deberent : **Aller tolff manna Edhe skulu medh wittenom gangas : Twe män wittne bára / och áther i Edhe standa.** Ius novellum non in omnibus quidem duodenariis, aliquibus tamen, testes desiderat, videantur Cap. 16. §. 3. i **Ríðr. B.** 14. 22. i **Gíffm. B.** 16. 20. i **Tiuswa B.** **Twenne aff dhem ágha wittne bára och áther i Edhe standa :** Unde etiam **Föredispmän** dicti fuerunt, ut modo dictum.

Iura-

Juramentum autem ipsum ratione qualitatis
precise in rem ipsam vel factum prestabatur, &
primo quidem à principali, quem scilicet causa
proxime tangebatur, quomodo etiam ante sacramen-
tales jurare oportet. Sacramentales verò ipsi
non directe quidem in factum aut rem controver-
sam jurabant, ita tamen ut non aliter consecutio-
ne necessaria accipi posset. Jurabant enim quod
juramentum principalis verum & legitimum esset,
at hina swuru sant och Eaghreen och icke meen:
quæ formula in hodiernum usq; diem in processu-
bus judiciariis usitata fuit. Juramentum hoc
quandoq; remissum fuit, sed cum consensu omni-
um quorum intererat, itaq; si quid ex ea causa ad
Regem aut universitatem spectaret, alter in alte-
rius præjudicium remittere non potuit. Sed &
certæ causæ fuerunt, in quibus juramentum, quan-
vis omnium voluntate & consensu, remitti tamen
non placuit, ut in controversiis super fundis, cau-
sis violatæ pacis & securitatis, furti, vis, rapinæ,
veneficij, sententiæ Regis impugnata. Item in
causis gravioribus ubi sacramentalium duodena-
rius triplex a jure impositus fuit. Juramento au-
tem ad modum & formulam supra scriptam, &

Juramentū
live sacra-
mentum
quomodo
prælitum.

Juramen-
tum verita-
tis.

R

quidem

Juramenta
cōtraria ad-
missa,

quidem à tot sacramentalibus præstito, causa pro
decisa haberi poterat, nisi tot præcedentibus re-
quisitis, tot etiam exceptionibus locus datus fuisset
denuo impugnandi. Irrita enim fuit omnis
opera, si in minimo peccaretur, vel loco, vel tem-
pore, vel stipulatione, vel numero, vel qualitate,
vel formula. Ita quæ ex aliquo illorum sacramen-
tum facile impugnari vel improbari poterat, ut
aut ad fidejussores, aut testes, aut etiam novos sa-
cramentales denuo redeundum esset. Sed nec
sic quidem res stetit, in suspenso causa mansit ali-
quando sub eventu contrarii juramenti, si forte
ab adversa parte plures forent qui id producti
præstarent. Id enim etiam licuisse, non solum
ex jure provinciali Gothico, sed municipali Suder-
copenſi aperte liquet, imo etiam Sudermannico
Cap. 1. Jorda B. etiam Uplandico Cap. 16. &
17. i Rödreckie B. LL. extat in jure West-Gothico
» regula: Allir ju Tolſſter med Wittnum och Hå-
» radzdom ganger Skulu standa och ey åtherganga:
» vthan adra tvenne ganga moot samma malit / tå
» ligga thet til Stu mannom aff Nembda: In e-
jusmodi ergo casu causa ad Nembdam ordinari-
am devoluta fuit, ut in alteram partem decideret,
& finem

& finem tandem liti imponeret. Certæ tamen cau-
sæ fuerunt, in quibus contra sacramentum testi-
um jurare non licuit, ut quando de nova fabrica,
cultu, statu &c. deposuissent, moot Bygginga-
wittnom/ Vofzwittnum/ alla Landzwittnum ther
ganger ingen Edher a moot.

Ultimò notandum, quod & ab initio dictum
fuit, hanc ferè solam fuisse probationem, non e-
andem tamen semper impunè tentatam fuisse,
quemadmodum nec ferrum in duello aut igne.
Si enim reus quod stipulatus erat, præstare non
potuit, non tantum causâ cecidit, sed duplicata in-
super pœna criminis imputati, tanquam in convi-
ctum, ut satius fuisset simplum solvere, quam tam
operosa, tot sacramentalium, & frustranea tamen
si in minimo peccaretur, conquisitione duplam:
eò enim ad extremum res rediit, ut constet ex
jure Ost-Gothico Cap. V.^{to} titulo de criminibus.

Atq; talis ferè fuit veterum per sacramenta-
les probandi ratio, ex quorum legibus me vix ex-
trico, difficilius illi se excusis, tot nexibus quos
sibi ipsis neverant, implicati, quorum nulla tamen
in jure Canonico habuerunt fundamenta. Nam
sive rem ipsam directè & in se, sive obliquè & per

Probationis
canonicæ e-
ventus.

Quæ vitia
probationis
Canonicæ.

consequentias intuemur, multa hic videntur criminationibus obnoxia. In genere nimis catholica fuit hæc probandi ratio, cum una ferè & sola dominaretur, & ad jurandi necessitatem homines non duceret, sed cogeret. Iuramenta sacra sunt, non temerè tractanda, quo enim rarius adhibentur, eò sanctius ut plurimum præstantur, quod Gothi in Hispania prudentius perspexisse videntur, qui lege caverunt ne ad Sacramentum facile veniretur. *Hoc enim justitiæ interest* (inquiunt) » *potius indagatio vera commendet, ut scripturæ ex* » *omnibus intercurrent, & jurandi necessitas sese* » *omnino suspendat.* Nostri domesticis Gothis jurandi necessitas non solum cum reliquis probandi modis, sed & ante illos fuit à religione cæpta, sed religioni maxime adversa. Assiduitate enim vilescunt & consuetudine morem pejerandi publicum inducunt, unde contemptus numinis ab impunitate, & quod hinc sequitur, concussa fide, generis humani vinculo, universa hominum locietas contrahatur.

Frequentia
jurandi.

Perjuria.
Quod de fa-
cto alieno
jurarent.

Peierare enim tam pene necesse fuit quam jurare, cum sacramentales isti in factum alienum, cujus probabilis fuit semper ignorantia, jurare tenerentur,

nerentur, imo in scientiam etiam & ignorantiam alienam. Non enim est quod hic excusent, quasi ultra conscientiam nemo urgeatur, quasi credulitatis non autem veritatis iuramentum exigatur: Contrarium enim iuramenti formula lege prodita & supra memorata evincit. Præterea infinita juris loca: Cap. 30. i. *Jorda B.* 10. i. *Högm.* *B.* 4. i. *Tiusw B.* i. *LL.* 9. & 10. i. *Kidpm B.* 7 & 16 i. *Tingm B.* i. *Vpl. L.* 8. 9. & 16. i. *Egna Salur.* 31. 4 i. *Winford; B.* 5. i. *Giffm B.* 3 & 13. i. *Drápm B.* 6. 8. 12. i. *Drápm B.* i. *Östg. L.* Deinde etiam praxis quæ in hodiernum usque diem fuit, à compurgatoribus, tanquam testibus, veritatis non credulitatis assertionem exigens, denique etiam poena eorum, quorum iuramentum irritum redditur. Ex iuramento enim credulitatis intestabiles non forent, nec aut pecuniæ mulcta, aut infamiae nota plecterentur, quorum utrumque, tamen tanquam in perjuros obtinuit, si post probationem sic factam aliunde de rei veritate constaret. Nonnihil tamen (fatendum est) discriminis intercessit, quoad poenam inter principalem ipsam, ante sacramentales, & sacramentales ipsos. Illi, principalis inquam, & testes manifeste scientes & volentes,

Probatur,

R 3

perjuri

perjurerant, ideoq; illos nulla privata confessio vel absolutio à pœna & pœnitentia publica liberabat. Sacramentales vero perjuros quidem, sed nimia simplicitate vel credulitate, non vero ex proposito aut conscientia, in tantum privata præcedens confessio juit, ut saltem publica liberarentur, minore etiam pecunia mulctarentur : in cæteris pares. Quantum vero negotii facessit olim Canonicis nostris hæc jurandi licentia, Canones Ecclesiastici, præcipuè juris Ost-Gothici, nos facile docuerint; sementis enim sacramentorum copiosa in secularibus judiciis facta est, unde illi in consistoriis suis uberrimam messem metèrent, multa enim ex perjuriis ad Ecclesiasticos venit, quod haud scio an à jure pontificio mutuati sint, neq; enim ex illo quod & antea dictum, fundamentum ejusmodi juramenti habuerunt. Expresse enim ibi præceptum exstat, non aliter jurare Sacramentales quam quod ex sua conscientia
» sit immunis (principalis scilicet) vel quod credant
» illum verum jurasse : vel quod hoc, sicut ipsi credunt, verum juraverit : hoc enim nostratibus non visum sufficere. Quare etiam suo tempore hoc animadvertit Saxo Grammaticus, abrogato ferri candem

Juramentum credulitatis.

candens usu, occasionem multis datam fuisse per ejusmodi sacramenta pejerando sese polluere.

Nimis verò quàm multis, (hoc enim alterum est quod non immeritò arguitur) intolerabilis ille sacramentalium numerus, pro tribus scilicet marcis, duodenarius: Et si causa fuisset majoris pretij, etiam plures juxta regulam juris generalem, *alla stadha hogis swa Edher som both / och öfis hwart effter adru* id est, pro causæ magnitudine augeatur ubiq; namerus sacramentalium, & pro numero satisfactio vel pœna. Itaq; duodenarii non dimidio tantum, sed & duplo, vel etiam triplo plures ducti fuerunt, imo etiam decuplo vel tricecuplo: Exempli causa, si quis se eadem expiasse asseveraret, probandum hoc erat juramento, quod à tredecim duodenariis præstari debuit; jam si fidejussores singuli & bini antefacramentales ad singulos duodenarios adnumerentur, erunt in universam centum nonaginta quinq;. Quis non deficeret tot hominibus conquirendis? cum in tanto etiam numero, nec patri nec fratri locus daretur, nec ulli qui similem haberet causam. Itaq; necesse fuit aut inopia probationis reum cadere, aut quam plurimos in animæ periculum induci, atq;

Numerus
sacramentalium.

Pejerandi
necessitas.

Promiscua
probationis
ejusmodi
admissio.

In deferen-
dis reis.

atq; haud scio,annon satius esset illum causa desti-
tui quam tot homines gravissimo perjurij pericu-
lo temere involvi. Nam cum quandoq; etiam
contraria admitterent juramenta, non tam occa-
sio data quàm necessitas pejerandi imposita vide-
tur. In contradictoriis enim alteros falli oport-
uit, unde factum est postremo ut quod remedio
esset ad litium terminationem, idem incremento
foret ad earum amplificationem,manentibus cau-
sis perpetuo fere dubiis & incertis. Iam si præ-
terea & illud consideretur, quod hæc probatio
promiscue admissa fuerit, manifestum est an sam-
datam fuisse obrectatoribus in deferendis reis, qui-
bus etiam innocentibus purgandi & diluendi cri-
minis necessitatem leges imposuerunt, etiamsi al-
ter nihil vel verisimile saltem attulisset; è contra-
rio reis,quando nocentes essent, adversus testes &
firmiores rationes eadem purgandi facultas con-
cessa fuit : id ipsum Saxo Grammaticus non im-
merito arguere videtur, cum ad hunc modum de
Rege Haraldo successore Svenonis Estricii, differit,
*adversus provocationem, inquit, restipulandi jus edidit, pri-
oresq; defensionis partes quàm accusationis instrumenta con-
stituit, reo siquidem actoris jus in resellenda accusatione*
con-

concessit, quam antea testium fide subnixam defensionis praesidio repellere non licebat. Quod jus usurpatione firmatum ut familiare libertati, religioni pestiferum evasit. Ipsa namque defendendi potestas, non armorum, non testium usu, sed sola sacramenti fide subnixam, multorum conatus, votorum cupiditate perjurio polluit. Atque hinc est quod Ericus Rex Norvegiae bellum denunciasset scribitur Regi Daniae Erico *Mænvedh*/ inter ceteras etiam hanc ob causam, quod in comitem Iacobum ejusque complices ex Sacramento Nembdæ juxta probationes factas, lata sententia esset, nec illis permissum jure scilicet recepto sacramentalium juramento, se tueri, quos ex agnatis aut cognatis advocasset: *Ut them war swur in saak oppå/ och at the icke sielss medh Kõns Eedh måtte enskylla sigh.* Atque hæc sunt præcipue in hoc probandi genere reprehensioni obnoxia, quod scilicet (ut summatim complectar) nec ratio ad stipulationem sacramenti, nec modus in numero sacramentalium esset, quod cum certo interdum & inevitabili perjurij periculo præstaretur; denique quod & contra testes admissum fuit, & cum testibus etiam requisitum, quorum alterum omni ferè gentium juri contrarium, alterum supervacuum fuit. Quare postero-

S

ribus

Quæ in mo-
do probatio-
nis canonice
remissa.

ribus seculis multa hic remissa sunt, non in usu tan-
tum & de vetudine, sed & legibus posterioribus,
cum primis vero contraria juramenta, etiam lege
contraria, vetita & sublata: *Gange aldre Eedh
moot Eedh eller Nâmbd moot Nâmbd för samma
Rätt i samma Saak*: Fidejussores etiam & an-
te sacramentales desierunt: sufficere enim visum,
si reus verbis promitteret, & in diem certum sti-
pularetur. Testes autem postea admissi sunt,
etiam soli, ita tamen, ut in arbitrio actoris pone-
rent, utrum vellent ad rem probandam testes ad-
hibere vel admittere adversarij canonicam pro-
bationem: eâ tamen conditione, ut si ad testes
provocâssent, iisq; defecisset, reus deinceps non co-
geretur ad sacramentales, cujus alioquin necessi-
tas ei incubuisset, id quod deinde novissimo jure
obtineuit, idq; præcipue ex decreto Gregorij Pont.
» Rom. Accusator, inquit, ille quod asseverat probare se
» non posse profitendo, reum necessitate monstrandi contra-
» rium non astringit, cum per rerum naturam factum negan-
» tis probatio nulla sit. Itaq; hodie ante omnia ad te-
» stes & alias probationes recurritur, & si causa sic
» liquido probari potest, nullæ sunt sacramentali-
» um aut etiam Nembdæ partes: *âru tvittnum til*
» *tâ*

td gånge the söre Nämnd. Sed si testes defuncti,
tenetur actor suam intentionem, vel per indicia
saltem vel præsumptiones, verisimilem facere, alio-
quin non tantum absolvitur reus, sed & actor in-
mulctam, si modò culpa, quæ actione intentata
fuit, infamasset, condemnatur infamantem, aut
etiam in pœnam quam subiturus erat reus, si con-
victus fuisset, quod & lege Rhemica apud Roma-
nos cautum fuit: *justissimâ patiendi vice, ut quod quisq;* “
alieno excogitavit supplicio, excipiat suo. “
Nullus ergo
delator auditur, nisi fundamentum accusationis
monstretur, præcedente aut publicâ famâ aut
præsumptionibus gravioribus: tam demum (quod
& auctoritate ejusdem Gregorij factum, & in jus
nostrum translatum videtur propter scandalum
removendum) compurgatores admittuntur, quo-
rum numerus hodie duodenarium nunquam ex-
cedit. Quin etiam nuper sufficere visum est, si
ad sensum juris Canonici ex fide aut credulitate,
non vero absolute in rei veritatem jurent, quomo-
do olim Norvegi jurasse videntur, & Vallium in-
habitatores: *At the witta ey sannarin / an at*
han soor / at the eng wittne telrsannare firi Gu-
di / an at han soor effter sine hygglo / id est, quod

S 2

coram

coram Deo non aliud verius norint, quam quod is (principalis scilicet) iuraverit ex animi sui sententia vel conscientia: Adhibetur autem ob defectum claræ probationis, & supplet vicem ejus quod in causa desideratur, ut lites eò citius expediantur. Rens enim quasi in æquilibrio ob semiprobatum crimen constituitur, donec accessione sacramenti hujus in alteram partem aut elevetur aut deprimatur. Æque solliciti videntur majores nostri fuisse, ne insontes evaderent, quam innocentes dimitterentur, quam innocentia faverunt, tam oderunt vitia, ut quod ille de uxore sua, hi de civibus suis existimasse videantur: oportere illos non crimine tantum, sed & criminis suspicione vacare. Innocentia ergo studendum erat, ut si casus ferret, in omnem eventum parata haberentur defensionis instrumenta. Habet vita honeste acta hoc præmij, ut ex ea de præsentis testes inveniatur, qui talem jurati existiment esse, qualem fuisse constat. Testimonium vitæ præteritæ, munimentum est præsentis, & incitamentum ad bonæ famæ studium. E contra pio si quis compurgatores non invenerit, indicium est, vitam ita egisse, ut ei nulla fides haberi possit, Quatq; etiam si pro tempore innocens, poenam tamen

men reatus præteriti, quod & apud Persas sub considerationem in æstimatione pœnæ veniebat.

Hæc una fortasse & præcipua toleratæ tamdiu probationis hujusmodi causa. Altera est ab odio torturæ, quam nunquam, nec in semiprobatiss quidem criminibus, admiserunt, pœnam enim illam crediderunt delicti manifesti, non viam manifestandi, ideoq; res dubias non eculeis & tormentis, sed tantum quorundam bonorum viro-
rorum conscientia commiserunt. Illorum arbitrium genti animosæ & liberæ potius placuit quàm fidiculis confessionem incertam extorquere, & ad ultima supplicia per gradus excarnificationis descendere. Satis grande tormentum rati, ex sufflamine litium per tot processuum ambages, inter spem metumq; diu trahi. *Acerbissima enim crudelitas est, ut Seneca ait, quæ trahit pœnam: & misericordiæ genus est, citò occidere (quia tormentum ultimum finem sui secum affert, quod antecedit tempus, maxima venturi supplicij pars fuit) satis est tormenti tam diuturna litium flamma uri.*

CAPUT X.

De

*Modis exequendi sententiam &
Pœna veterum in genere.*

ARGUMENTUM.

*Executio sententiæ pro ratione modorum probandi. Pro ratione causarum.
Executio in capitalibus quandoq; actori concessa, etiam in civilibus.
Nam & repressalia. Contumaciæ pœna olim exilium aut excommunica-
tio. Pœna veterum in genere in criminalibus.*

Vltimum quod restat in processu
judiciario, est Executio. Re dubiâ qua-
litercunq; probatâ, nec sententiam ferre
difficile, nec exequi. Ac singulari quidem con-
gressione, omnis litis processus confestim termina-
tus fuit, quippe ultimo ictu, simul & res probata,
& sententia lata, & executio facta est. Ad ferri
vero probationem candentis, ulterior judicis de-
claratoria accessit, qua reus vel honestè dimitte-
retur, vel in pœnam lege crimini constitutam
condemnaretur: Ustulatio enim pedis aut manus
non pœna delicti, sed præmium temeritatis fuit.
Idem

Idem etiam obtinuit post Nembdæ & sacramentalium probationem, nam prout aut absolvissent, iudex vel ab accusatione liberabat, vel poenam à jure indicebat.

Executio autem in capitalibus, quandoq; auctori concessa fuit, ut si cædes vindicanda esset post sententiam latam, qua reus post diem & mensem ad cædem prostitutebatur, non tantum auctori concessum, sed fere imperatum, inimicum persequi & vindictæ insistere. *Suscipere enim* (quod Tacitus de Germanis dixit) *tam inimicitias seu patris, seu propinqui, quam amicitias necesse fuit.* Leges modernæ non id quidem imperant post lapsum salvi conductus: Connivent tamen persequenti ab initio homicidam auctori, ut si intra diem & noctem à cæde facta, uno quasi impetu cædem cæde vindicaret, minime capite aut exilio luat, sed poenitentia tantum publica & exigua pecuniæ mulcta.

In civilibus etiam executio aliquando auctori relicta fuit: Si enim reus judicatum non spontè solvisset, licebat non implorato prætoris ^{au} xilio sibi rapere, quod majores nostri *Nema* vocarunt, & capturam ipsam *Nam* unde *Witernamiam* est, quo hodie Saxones & Angli *repressalias* otāt, quarum

Executio in capitalibus,

“
“
“

Executio in civilibus,

Nema.

Nam.

um maxima est cum hoc executionis genere affinitas, nisi quod illæ in alterius potestatis subditos tum demum permittantur, cum manifesta est iustitiæ denegatio, & tamen non ultra debiti mensuram, in quod prætenditur. Cæterum hæc captura. (Nam) de jure nostro vetusto certis conditionibus & terminis circumscripta fuit, fieri enim non debuit nisi post rem judicatam, & si modo bona debitoris extra fundum ipsius apprehendi possent. Nam si aut debito non planè liquido, quamvis judicatum esset, aut in ædibus debitoris id juris sibi actor vindicasset, periculum & vitæ & causæ faciebat. Licebat enim reo se suaq; tueri, etiam cum cæde & vulneratione impunè, cum è contrario creditor hoc casu, si quid fecisset, in duplum teneretur pœnæ ordinariæ, præterquam, quod & causa caderet, &, ut invalor, mulctaretur. Leges nostræ *Vallium* vel *Dalice* determinant hanc capturam ad certas res & ad certum tempus, ut ea præcipue quæ parabilia & obvia essent, & quotidiano in usu, rapere liceret. De jure West-Gothico idem, etiam re non judicata, licuit, modo debitum liquidum esset, & reus de eo per testem vicinum compellatus : *āhn Madir frāfrot man*
skuld/

Skuld / tã skal han a Granna hans falla lãtha them
wedhwahru / och hõra / at han frãfwer han
Skuld ; tã mã han Nema han sidan / åhn han
wil. Idem juris in Norvegia fuit, requisitã ta-
men prius à Præfecto Regio licentia. Idem etiam
in Dania, Semel tantum rapere licuit, & eã qui-
dem conditione, ut si pretium debiti res capta non
exæquasset, denuo raptum repetere non liceret.

Sed hæc exequendi ratio apud nos abroga-
ta est tempore Canuti Regis, ac demum à Berge-
ro larlo penitus prohibita & sublata, ejusq; loco
constitutum, ut nisi de fuga suspectus esset debi-
tor, ipsi dies statueretur ad solvendum; si eo non
solvisset, vel peculiari mulcta ob contumaciam,
plectebatur, dato ad solutionem novo termino,
vel etiam confestim ex Nembda arbitri dabantur,
qui ex substantia debitoris judicatum emetieban-
tur, quod & hodie de jure communi obtinuit. Su-
spectum vero de fuga, vel bona ejus, ubiq; credi-
tor attinere potuit, sed postea id etiam non te-
merè sine judice aut teste. Perhibet Scriptor
Norvegus de jure Uplalensi fuisse olim constitu-
tum, ut si intra diem constitutum non solvisset ju-
dicatum rens, pelleretur in exilium bonis publi-
catis,

Emensiores
judicatæ
per arbitros

T

Exilium re-
fractarij.

catis, quorum semissis Regi, semissis actori cederet. Idem certe de jure antiquo Gothorum fuit: *Sáls* *lis* *madir* *á* *Tingi* *firi* *Saat* / *och* *áhr* *Málzágans* *den* *swa* *wánnför* *eller* *tóhr* *en* *sielswer* *sófia* *sin* *rätt* *vith* (per capturam ut modo dictum) *bidir* *Háradz* *höfðinge* *giðra* *sigh* *rätt*. *Tá* *skal* *Háradz* *höfðinge* *honom* *dagh* *gíswa* *tíl* *annan* *ingh* / *giðr* *han* *en* *málzáganden* *rätt* / *tá* *lágge* *Háradz* *höfðinge* *han* *fridlósan* *um* *Hárade* / *tíl* *han* *rätt* *giðr*.

De jure Ost-Gothico aliquantulum ampliatur terminus, & datur pœnitentiæ locus, donec supremum vel Liongæ judicium supervenerit. Nisi interea sese reus emendet & sententiæ pareat, proscribitur & bona publicantur, in quantulacunq; etiam causa, ut esset ad extremum exilium pœna contumaciæ, perinde in puncto executionis ut citationis. Quod nonnunquam in Camera etiam Imperiali de jure Cæsareo obtinuit, testibus *Gailio* & *Mysingero*: Sed hoc mirum, quod de jure nostro prædicto, eidem quoq; pœnæ actor, si destitisset, subijceretur: inique satis, cum nemo invitus ad agendum compelli debuit. Fuit olim & alia non dissimilis ratio contumaciæ
puni

puniendæ: Excommunicatio scilicet in subsidium brachij secularis ab Ecclesiasticis impetrata, sub eo tempore cum eorum potentia hoc fulmine præponderaret. Huic etiam Reges sese obnoxios dabant, si decretis judicum non itetissent, etiam vim ejus in alienis subditorum suorum causis implorabant, ut aut sententiæ parerent, aut etiam appellarent. Veteres Gothi in Hispania contumaciam interdum mulctâ, interdum etiam flagellatione puniverunt, quæ in præsentia judicis vel pro ratione culpæ, vel etiam conditione personæ in quinquaginta vel triginta ictibus terminabatur.

Excommu-
nicatio,

Ceterum executio omnis in pecuniam & bonâ fuit; in bona ad æstimationem pecuniæ pro ratione temporum, per emensionem, uti nominant, quæ non nisi à Nembdariis fiebat, & quidem in judicio ad hoc deputatis, à quibus etiam provocare licuit: Vetusissimæ enim leges rarò capitis etiam quântocunq; crimini imponunt supplicium, si modo reus par mulctæ fuerit. Regula enim universalis fuit, *Gjâlde ingen Gjiff firi Gjiff/ eller Lem gen Lem som bothom orckar / eller ock Borgen til fulldra botha* / id est, *nemo vitam pro vita aut membrum pro membro ponat, qui mulctam præstare,*

Executio in
bona.

in vitam ra-
ra.

T 2

poteſt,

poteſt, aut cautores de mulcta. Itaꝑ; ſacrilegia, par-
ricidia, homicidia, etiam in imbellem ætatem vel
ſexum, poenæ tantum pecuniariæ & poenitentia
publicæ ſubiiciebantur: atꝑ; ita quidem de jure
Uplandico (reliqua hic excipio) ut ſi mulctam reus
præſtare non poſſet, non tamen capite aut corpo-
re lueret, ſed aut proportionaliter decederet ijs,
quibus mulcta debebatur, aut etiam propinqui
in partem mulctæ vocarentur.

Executio in
bona cogna-
torum.

Nam & hoc peculiare erat, quo executio
non tantum in principalem reum ſed & agnatos
& cognatoſejuſ fieret, quæ ſatisfactio majoribus
noſtris *Oranboth* vel *Atteboth* dicta fuit, & à fa-
milia familiæ dabatur, quod præcipue factum
eſt in homicidijs, adulterijs & ſtupris, damno da-
to, &c. de qua prolixius infra inter criminalia di-
cendum.

CAP.


CAPUT XI.

De

*Multa sive poena pecuniaria, &
ratione veteris monetae.*

ARGUMENTUM.

Multa veterum in quibus consistebat. Pecunia olim ignota. Quo-
modo defectui pecuniae suppletum. Species & ratio veteris monetae.
Marca nomen, valor & partes. Ora & ejus partes. Quadrans, Octans,
Sextans, Semissis, Triens, Pecuniola. Decretum monetae nostrae per secu-
la & aetates, & quae ejus causa. Mensura veterum in aridis & liquidis.

 **U**ia capite praecedenti dictum
est executionem praecipue in bona & pe-
cuniam factam esse, quod non apud nos
tantum, sed & veteres Germanos & Gallos factum;
occasio invitatur, ut postremo loco aliquid de mul-
ta & ratione veteris monetae adferatur.

Nobis olim pecunia omnis ignota. Nos Pecuniae u-
Germani & Angli, Germanos olim Romani pecuniam sus.
accipere docuerunt, instrumentum tam vitiiorum
quam virtutum, prout aut habet aut habetur. Ius
enim & fas & quicquid in rebus humanis sanctum
est

est, huic succubuit : huic vicissim debetur, quod omnia commode agantur, belli & pacis artes floreat, quippe cujus interventu homines cohærent, commercia vigent, & parari potest quicquid in hac vita aut juvat, aut delectat.

Mulcta in
mercibus.

Sed ante pecuniæ usum, ut commercia in permutatione sola consistebat, ita mulcta in mercibus tantum imposita fuit, in pecore, armento, frumento, suppellectile, nam hæ solæ divitiæ erant. Rex *Amundus Ráhlbránna* mulctam etiam in ædibus posuit, ut pro qualitate aut quantitate delicti, vel ex parte, vel etiam in totum igni subijcerentur, sed præterquam quod id hostilem quandam devastationem præ se ferret, & in publicum triste visu & deforme esset, cum nec aut læso satisfactionem, aut reo grande damnum afferret, torpentibus de cætero ad ædificiorum curam civibus, statim abrogatum est, cum perpetua Regis istius ignominia, quæ nomini ejus etiam posteroribus seculis adhæsit.

Postquam autem pecunia inuenta est, ejus usu adhuc raro in arbitrio rei relictum fuit, vellet ne mercem vel pecuniam dare.

Mercibus autem ut bobus, vaccis, panno domestico

metico &c. à lege pretium impositum fuit, non
tam comparatione ad pecuniam (quæ primitus
nulla aut rara) quam ad rem aliquam vulgarem,
quæ communiter in substantia familiæ fuit, cujus
usus necessarius. Exempli gratia, vacca bimula
aut trimula loco pecuniæ erat, à qua æstimatio cæ-
teris mercibus pluris aut minoris pretij animatis
accessit, ut esset scilicet duplo minoris quàm equus,
parte tertia quam taurus, quadruplo pluris quam
capra trimula, aut ovis, & hæ vicissim duplo plu-
ris, quam hædi, agni, anseres, porci, &c. In com-
paratione vero ad pannum domesticum, vacca tri-
mula duodecim ulnis constaret, &c. De jure com-
muni Christophoriano etiam invito hypotheca-
rio mercibus quibusdam, ut cupro, bobus, butyro,
lardo, &c. pignus lui potest, sed quibus tempora
pretium rectius imponunt. Pecunia ergo pri-
mitus rara & peregrina, & à peregrina omnis no-
stra & ortum, & nomen & valorem accepit. *Ster-*
lingorum mentio fit in vetustissimis contractibus, in
vetustioribus etiam *Noblorum*. *Grossi* & *albi* tempo-
re Regum Germanorum fuerunt. *Skillingi*, *pennin-*
gi, sive *pecuniolæ* etiam anteriorum. Nos illos mit-
timus qui amplius nostri non sunt, & ex libris
quoq.

Mercibus
pretium im-
positum fu-
it.

Pecunia pe-
regrina.

quoq; perierunt: de solis *marcis*, *oris*, *ortugis*, *pennin-*
gis dicamus, quia horum in omni & vetusto & re-
 centi jure mentio, & juxta hoc antiquitus agro-
 rum & æstimatio & divisio instituta, quæ etiam
 hodie usitata est & vulgo nota. *Thalerorum* enim
 recens & nostri seculi nomen est, differentia &
 valor notus.

Marca.

Marca ergo antiquissima, usitatissima & ma-
 xima moneta fuit, ab eo nomen adepta quod ar-
 gentum signatum esset: *Marck* enim signum si-
 gnificat, non nobis tantum, sed & quam late mar-
 ca in usu fuit, per Germaniam, Belgium, Angli-
 am, Galliam. Continebat autem ab initio selibram,
 sive octo uncias argenti puri, ut plerisq; visum est,
 (alij enim aliter nonnihil ponderant & æstimant)
 quanti olim annua hominis alimentatio constitit,
 & quanti etiam *ortarium* sive portio fundi jüge-
 rum, nobis *örigland* venderetur. Eandem vero
 mihi rationem habuisse marca videtur, quam *As*
Romanus, excepto valore, quod hæc argentea, ille
 æreus esset, hæc octo tantum, ille duodecim unci-
 as contineret. Sed ut sub *asse* fuerunt, *semissis*, *tri-*
ens, *dodrans*, *sextans*, ita sub marca *semissis* tantum &
octans, quæ vicissim sub se partes habebant: *Se-*
missis

missis dimidium marcæ fuit, *oëtan*s octava pars *ôre*
nominata, ab Anglis procul dubio accepta, quod
nomen hodie licet ipsis inusitatum, olim tamen
in usu fuisse satis constat, nisi forte primitus hinc
à *Danis* eò transectum est. Idem autem quod *un-*
cia, & ejus ponderis etiam fuit *ora*, ut supra dictû.
Cæterum *oëtan*tis partes fuerunt, *semis*sis, *triens*, o-
lim & *sextans*, hodie etiam *quadrans*, cujus tamen in
legibus vetustis vestigium & nomen non extat:
apparet nuperum & Germanicum esse ex nomi-
ne, quod primitus quadrangulari forma cusum
fuit, *Syrick* / & quia ex ære puro fuit, nobis etiam
ex eo, ejusq; colore *Blåmesing* dictus. *Sextan-*
us vero usus colligi potest ex cap. 5. i *Råffst. B.*
i *Östg. L.* *Semis*sis vero, cujus nuper maximus u-
sus, mentio fit Cap. 36. i *Manhelg. B.* i *Vp. L. L.*
& cap. 11. i *Tiuswa. B.* i *L. L.* nobis hodie *dimidi-*
um ora nominata, *Hålsöre* / quæ tamen olim minus
in usu fuit, ut colligi potest ex cap. 8. i *Sårm. B.*
m. w. i *L. L.* præterquam quod rarissima ejus quoq;
in jure vetusto mentio fiat. *Trientium* vero ma-
ximus & vulgatissimus usus, hæc enim moneta in
jure notissima, omnibus seculis celebratissima fuit,
juxta marcas & oras *Orugh* nominata, id est
U portio,

Ora.
Oëtan.
Semis.
Quadrans

Sextans.

Triens.

— protio oræ, vel potius, ut jura vetustissima habent,
attungh/ id est, *octans*, quod scilicet octo in se pecu-
 nias ex minutissimis contineret, non vero ab *oræ*/
 ut quibusdam visum, cum illud *quadrantem* signifi-
 cet, hæc enim ut dictum est, triens oræ, non qua-
 drans fuit. Hujus vero trientis partes vicissim
 — *octantes* erant, octo enim pecuniolæ, ut modo di-
 ctum, trientem oræ constituebant, ut pars essent
 vigesima quarta oræ, centesima decima secunda
 marca. Postea vero, manente trientis puritate,
 cum minutulæ illæ pecuniæ vilescere cœpissent,
 duodecim, imo & tredecim ex his minutioribus
 Pecuniolæ. *Ortugam* constituisse videntur. *Penningi*, minutis-
 sima monetæ nostræ species, à pecunia procul du-
 bio vocati, pecuniæ enim nomen tantum æri da-
 batur, cum nummi nonnisi argentei essent, sed, ut
 Romanis, nomen deniq; promiscuum factum est,
 & æ etiam de auro & argento dictum, ita hic pen-
 ningi, olim peculiaris monetæ species, facti omni-
 bus generales usu loquendi, quos in speciali signi-
 ficatione magis in calculis & rationibus, quam
 loculis, hodie habemus.

Hæc species & ratio monetæ nostræ ex legi-
 bus; superest ut decrements ejus inspiciamus.

Nummus

Nummus, ut sermo, valet, variatur singulis
fermè seculis, & si ad rerum pretia attendimus, ut
plurimum decrescit, crescente nequitia hominum.
Perspecto enim & vulgato etiam apud barbaras
gentes insigni pecuniæ usu, avaritia nostra & cu-
piditas habēdi diligentior fuit in visceribus terræ,
tam novi quam nostri orbis, unde rerum pretia,
quæ talia incrementa non habuerunt, cœperunt
intendi. Sed & altera causa fuit ab ejus adulte-
ratione, & imposturâ monetariorum, quando, ma-
nente eodem pecuniæ & nomine & specie, paula-
tim & quantitate & qualitate à seipsa deficeret.
Quantitas primùm minui cœpit, consistente ad-
huc puritate, id quod pecuniolæ *Sigtanenses* testan-
tur, quas *Olaus Petri* se vidisse asserit, quarum qua-
tuor partem decimam sextam uncix constitue-
bant, seu sesquibellam Romanam æstimatione
hodiernæ monetæ, *ett halfft qvintijn* / ut marca,
quæ initio selibris seu octo unciarum, vix tum es-
set unciarum trium. Qualitas verò admixtione
æris paulatim etiam deterior evasit, quod præci-
puè exteris imputandum, quorum minuta mone-
ta juxta nostram valuit, non sine ingenti incola-
rum damno. Monetam enim ejusdem nominis,

U 2

non

non pretij invexerunt, quæ cum aliquandiu pari valore recepta esset, tandem deprehensa fraude, discrimen poni captum est, ac primum quidem inter marcam selibrem & marcam vulgarem.

Marca seli-
bris.

Marca selibris antiqua, erat pure argentea, qualis hodie signata quidem, ad usum nuspiam extat.

Marca vul-
garis.

Marca vulgaris vero altera deterior, in vulgari usu, disparente altera illa selibri, quam aut peregrini evexerunt, aut etiam argentifabri conflaverunt. Præcipue enim istis temporibus horum opificum opera suspecta fuit, qui cum pleriq; exteri essent, ingeniis nostratum nondum ad eas artes assuefactis aut in fraudem intentis, impune poterant peccare, & peccaverunt. Idcirco publicis legibus coërcendi fuerunt, cap. 2. i. *Riöpm. B. E. E. Bp. E. E.* & in constitutionibus senatorum Regni factis *Calmarie* Anno 1474. sub poena vivi-comburij sancitum est, ne quis opificum istorum monetam Regni conflaret. Sed nec marca vulgaris diutius in eodem perstitit pretio, quam cum, alia deteriore substituta, occasionem, & ipsa invenisset exeundi.

Marca viri-
lis *Karlsgill*.

Itaq; de novo differentia posita est, ut marca vulgaris, alia diceretur *Karlsgill* / virilis seu iusta: alia *Riöpgill* / usualis, mercatoria vel currens.

Hujus

Hujus usus promiscuus erat in contractibus, præcipue emptionis venditionis: Illius in solutione veteris debiti, aut ubi mulctæ executio facienda fuit, alla laghgiöld dhe áþro farlgill/cap 23, i *visder B. B. i L. L.* secus quam de jure civili Romano, ubi pecuniæ, quæ debebatur ratione delicti vel maleficii, solutio fieri poterat in pecunia currente. Marca illa virilis & justa, alioquin argentea dicta fuit; altera vero, marca numerata *ráðnad eller talda*/ quia scilicet moneta minor ad ejus æstimationem, aut eius loco, adnumerata fuit. Conjectura mea est, fateor, quia in legibus nostris non inveni pecuniam appensam, per libram scilicet, sed saltem numeratam. Forte virilis illa sola fuit, quæ etiam pondus justum habuit. Confirmor in hac opinione, quia olim video etiam apud *Anglos* hanc distinctionem fuisse, ut notat *Spelmannus* in voce *libra*. Hæc sæpe exotica, illa patria & *Stokholmensis*, juxta quam jus authenticum *Christophorianum* præcipit, ut executio in mulctam detur.

Mauca usu.
alis currens.
Riöpgill.

Marcarum fatum etiam insecutum est semisses ejus & trientes: ut enim hodie eodem nomine aliæ *cupreæ* aliæ *argenteæ* dicuntur, ita & olim,

Orarum differentia.

alix eorum *viriles* seu potius *viragines* haberentur, alix, quasi enervatæ, *mercatorix* sive *meritorix*, quas ad usus quotidianos & promiscuos prostituebant, cum alteras illas sibi quisq; ut meliores reconderet, Cap. 1 *Manhålgz* B. Cap. 2 I. ibid: & 3 3, 24, 28. i *UpL. L.* Tale discrimen etiam in *Skillingis* fuit, quorum tamen parca, & non nisi in jure *Uplandico* mentio: alij eorum *legitimè*, alij *usuales* dicebantur, & videtur legitimus *Laga Skilling* triente oræ fuisse deterior, cum ex minutissimis pecuniolis tantum quatuor constaret. Fit & alibi distinctio inter pecuniolas minutas sive *pennin*gar/ & pecuniolas *Sveticas* *Svenska Penningar*/ quarum tamen octo ex utrisq; trientem oræ constituebant. Videntur alteræ istæ fuisse *Germanicæ*, cum ad differentiam hæ *Sveticæ* dicerentur, ut fere duplo pluris essent. Videatur cap: 7. i *Ridre* B. & cap. 26. i *Bygda* B. i *Suderm. Lagum*. Item cap. 11. i *Christm. B.* i *Östg. L.*

Pecuniola-
rum.

Valor mo-
netæ per
quinq; secu-
cula.

Hæc de specie monetæ nostræ, ejusq; decremento, quod singulis seculis propemodum & annis factum est, excrecentibus interim, ut fieri solet, rerum pretiis; Quæ paucis jam ad singula quinq; retro secula ex jure vetusto & historiis nostris

flris adnotamus. A tempore Divi Erici Regis ad initium imperij *Jarleorum*, id est, ab anno circiter 1160. ad annum 1250. marca pondere duplo minor fuisse videtur selibri, quo tempore quatuor boves tribus marcis æstimati fuerunt, duodecim ulnæ panni domestici unâ orâ; Tunna frumenti orâ besse, vel etiam integra ora, panis grandis pecuniola, pullus equinus gradarius, markæ semisse, vulgaris vero aut gradatorius scæminei sexus duplo minoris, vitulus una ora, hædus, agnus, anser, orâ triente, uti colligitur ex cap 16. & 21. i *drápm.* B. 14. & 17. i *Ersda B.* 11. i *Christina B.* 25. & 45. i *Bngda B.* juris Ost. Gothici quod circa ea tempora in usu fuit.

Tempore Regis Magni *Ladulasij* Anno 1260 & paulo post marca besse minor erat selibri, Sexcentæ enim markæ vulgares æstimatæ fuerunt ducentis selibribus, teste *Olao Petri*, & id ipsum etiam colligi potest ex legibus *Scanicis*, ubi tres markæ, unam argenti puri constitutere dicuntur, rerum tamen pretia ferè eadem fuisse videntur, præcipuè pecoris & armenti. Porcus enim, capra, ovis, hircus, anniculi orâ triente constabant, bimi vero besse. Equus sex oris, equa & taurus quatuor, vacca
tribus

tribus & triente, uti colligitur ex cap. 23 & 28. **Widherboa B:** Iuris Uplandici, quod eo tempore edidit *R. Bergerus* Magni filius Anno 1295. Eo tempore etiam pretium agris constitutum fuit, quod præcipue in gratiam eorum factum est, qui jus *protimiseos* sive *retractus* habebant, ut *orarium*, sive portio fundi duum iugerum unâ marcâ purè argenteâ constaret, si modò emptor frumentum & canonem accepisset; sin minus, triente tantum marcæ. In solutione verò ejus quod pro maleficio debebatur, si nihil aliud superesset, ut *orarium* pro duabus marcis daretur, quod postea mutatum est, & in retractu quidem pretium arbitrio agnatorum vel cognatorum commissum: In exactione vero pro debitis, quanti unquam plurimum vendi posset. Tempore *R. Magni Smekij* Anno 1350 jam marca selibris plus quadruplo melior erat vulgari, ita enim lege constitutum fuit, ut quicumq; negotiarentur in exteris, juxta singulas pretij quadraginta marcarum merces, etiam unam selibrem argenti puri importarent, reciperentq; pro ea marcas vulgares quatuor cum dimidia. Itaq; & pretia rerum nonnihil aucta fuerunt, equus enim mediocris, octo; præstantior duode.

duodecim, equa sex, taurus quatuor, porcus, ovis, caper, capra, anniculi singuli unâ orâ constabant, ut colligitur ex cap. 24. i *Bygda B.* juris illius quod *Sudermannis* dedit & confirmavit.

Non diffitendum tamen est quod marca selibris pauld pōst etiam Anno 1360. pluris valuerit, id est sex marcis, ut patet ex contractibus ejus temporis: tempore Regis *Alberti, Margarete & Erici Pomerani*, marca selibris primo septem, mox sex marcis vulgaribus æstimata fuit.

Pretia vero rerum jam intensa, jam remissa, quod & ante & aliàs sæpe post factū, Anno 1375 & 1377. par boum selectissimorum sex marcis venibat, vacca præstans duodecim oris, & tonna butyri quatuor marcis. Eō tempore hic albi & grossi erant, non peregrini tantū, sed & domestici hic cusi, peregrinis tamen meliores. *Albus* enim *Sveticus* trienti oræ æquiparatus fuit, vel octo pecuniolis, & *Grossus West-Gothicus* ejusdem erat valoris. *Albus* vero *Germanus* sex tantum pecuniolis æstimatus fuit: *Gotlandicus* quinq;

Ab Anno 1424 ad annum 1429 marca selibris valuit octo marcas vulgares, quo tempore & pretia rerum exsurgere cæperunt: Tonna butyri

X

decem

decem marcis: Taurus sex, ovis aut capra dimidia constabant. Annis proxime sequentibus, id est, ab anno 1429. ad 1466 jam dimidia plus octo, marca selibris constitit, nisi quod anno 1452, aliquantulum etiam supra esset, sed & Anno 1444, aut biennio ante, cum *Jus commune authenticum* e-deretur, marca selibris novem cum dimidia marcis Stockholmen- sis monetæ æquiparabatur, quo tempore sex oræ *florenum* sive *semiunciam* argenti puri constituebant. Pretia verò rerum, ut ex authentica illa colligitur, ad hunc modum se habuerunt. Quadrans hordei tonnæ nostratis constabat triente oræ, *ortuga* scilicet, quæ pars est, ut ante dictum, vigesima quarta marcæ; hædus, agnus, anser, paulo plus quam semisse oræ vel triente: quæ pretia tamen ex jure antiquo transumpta videntur; Verisimile enim est aliquantulum supra fuisse; annua tamen hominis alimonia nonnisi trium marcarum fuit, & hoc tamen luculentum & liberale *ἡ ἀρχαία* fuisse, colligi potest ex cap. 27 & 31 i *Zorodab. i. l. l.* quippe quod parentibus debebatur. Tres ergo marcæ faciebant mihi eo tempore, vel octodecim tonnas frumenti, vel viginti quatuor juvencos, vel septuaginta capras vel oves, vel deniq;

niq; argenti puri uncias ferme septem. Fuit ergo multa pecuniaria, quæ à jure nostro Christophoriano imponitur, pro nostro quidem tempore levis: pro isto autem gravissima, & propè est ut dicam iniqua, nisi ea rerum fuerit copia, ut tam vili constarent, quod mihi tamen non facile persuaderetur.

Sub initio regiminis Gustaviani, id est, Anno 1520. præterpropter tonna frumenti, tritici duodecim oris vānibat, siliginis octo, totidemq; pondo vel libræ butyri viginti, & tamen conqueritur in literis Apologeticis ad ordines Regni, de difficultate suorum temporum rerumq; omnium caritate, commemorando felicitatem superioris seculi, in quo pretia rerum triplo minoris erant. Alterum jam à Gustavo primo seculum est, in quo pretia plus quam decuplo creverunt, & quorsum tandem cadent, exhaustis & nostris & *Indiæ* & *Africæ* montibus, nisi partem vel maria vel viscera terræ iterum auferant & abscondant.

Ut pecuniæ ita & veterum mensuræ aliqua ratio habenda est: neq; enim semper executio facta est in pecunia, quæ rara, quamvis pœnæ fere omnes pecuniariæ, sed in pecore, esculentis, frumento,

mento, utensilibus, auro, argento, cupro, ferro, pannis laneis & lineis, & aliis ejusmodi, quæ ex cultura soli vel re pecuaria hic proveniunt, aut industria parantur, & mensurari solent, vel ad pondus vel ad cavitatem vasis alicujus, vel ad utrumq; simul, vel etiam ad extensionem in longitudinem vel latitudinem, excepto enim pecore & utensilibus, quicquid in solutum dari debuit, per aliquam harum mensurandi rationem ad æstimationem pecuniæ venit, arida & liquida per vasa numerabantur & æstimabantur, ut frumentum, mel, cerevisia, pisces saliti, &c. quanquam nonnunquam etiam ad pondus, præcipuè in magna annonæ caritate, ut pisces & frumentum. Frumenti vero mensura maxima & summa, ut apud Romanos, *Modius* fuisse videtur / **Spann**; ac proportionem quandam habuisse cum ora nostrate, & quoad divisionem sive partes, & quoad valorem. Ut enim ora continebat sub se trientes, semisses, quadrantes, nummûlos, de quo supra: ita & modius has ipsas partes habebat, non quod non plures esse possent sub modio mensuræ, ut apud Romanos, *sextarij*, *hemina*, *acetabula*, &c. sed quod non plures apud nos in usu essent: quilibet

bet ergo modius continebat in se duos *semodios* vel
semisses *Halffspänn*/ deinde tres *trientes*, quorum
quilibet, ut erat, ita & dictus fuisse videtur *Tröð*/
cujus mensuræ & nomen & usus, & hodie superest
in *Vallibus orientilibus* & *occidentalibus*, & per totum
illum districtum ubi leges *Dalicae* in usu fuerunt, in
quibus hujus nominis fit mentio, in aliis ignorata
vel omissa, nisi quod mensuram ipsam tamen, sed
alio nomine habeant, & à Germanis *Stieppor*
nominant, ut in *WestroGothia* & *Smolandia*. Hinc
quadrans est, quarta scilicet pars modij, & ideo no-
bis etiam *Sierding* dicitur, quod nomen etiam ho-
die vulgo retinetur, quamvis cum mensuratio fit
per tonnas, ejus non quarta sed octava pars sit.
Etsi enim tonnarum in antiquo etiam jure fiat
mentio, quæ duos in se continet modios, videtur
tamen modius maximam & primam mensuræ ra-
tionem habuisse, fundamentum quasi & basis,
proportionatus, ut ante dixi, ad oram & ejus par-
tes, etsi valor interdum, jam supra, jam infra esset,
prout annona vilior aut carior, *Quadrans* verò
in se continebat *sextarios* quatuor, nostrâ lingvâ
Saat eller *Rappar*; tantundem enim sunt; qui-
libet vero *Sextarius* continet in se sesquialterum.

X 3

scil.

scil. unum cum dimidio *cantharum*, ut nos nominamus, ut *Romani in libram*. Et Quod paulò plus est quam *hemina Romana*, & exactè respondet nummulis sive pecuniolis nostris, quorum viginti quatuor oram constituunt, ut supra dictum, & totidem *canthari modium nostratem*. Minor enim mensura quamvis dari possit etiam in frumento, sub numerationem tamen non veniebat, meriebantur enim largè & cumulativè, non ut alibi aut hodiè, exactè.

Hæc autem quamvis ad cavitatem vasis numerarentur, ut supra dictum est, frumentum scilicet, pisces saliti, cerevisia, mel, vinum, nihil tamen obstitit quo minus etiam non ponderarentur. Verius enim tunc pretium adæquari potuit, ut etiam hodiè fit, ubi in exigua copia aliquid horum venditur. Sed aliæ merces, ut æs, aurum, plumbum, & metalla omnia graviora & vilia ponderabantur ad *stateram*. Maximum autem pondus erat apud nos, *Norvegos & Danos*, quod continebat quatuor *Centenarios*, sive libras nonaginta sex, sive ut nostrates loquuntur, *Stieppundh* /cujus vigesima pars erat sedecim vel ut alibi, duodecim librarum, vel etiam viginti quinq; , vulgo *Stieppundh* / non libram

enim æquè ubiquè hæc mensuratio exactè ad libram fiebat, sed aliter alibi, prout etiam libra non ubiq; eandem rationem habuit. Domestica enim ponderatio, quam sibi quisq; domi habuit per stateram, quæ quatuor centenarios continebat, non sibi par ubiq; fuit, quemadmodum nec hodie, sed alibi viginti quatuor, alibi sedecim, alibi duodecim libras continebat, ut etiam hodiè fit pro diversitate locorum, & prout quisq; princeps stateras sub suo imperio ordinavit, juxta quas ejusmodi merces ponderari jubet. Itaq; de his certum aliquid decerni non potest, sed relinquendum consuetudini & usui provinciæ, qui ut hodie, ita etiam olim variabat. Apud nos duo tantùm genera maximorum ponderum fuerunt **Stieppund** & **Lispund**. Minimum vero in libris, seu ut nostrates vocant, marcis, quæ marca tamen aliquantulum pluris erat quam libra. *Germani*, præsertim superiores, ad *centenarios* pondera exigunt, **Gentener**/ quorum unus centum marcas seu libras continet. *Norvegi*, alibi & *Dani*, stateras seu pondera habent sexaginta librarum, vulgo **wágh**/ quibus utuntur in piscium, præcipuè tostorum, venditione, quorum usus in jure nostro non extat.

LIBER

LIBER SECUNDUS.
 PARS PRIOR, DE CIVILIBUS.

*Jure personarum & rerum, & causis
 civilibus & criminalibus.*

CAP. I.

De

Nuptiis & jure conjugum.

ARGUMENTUM.

Conjugium, fons civilis societatis. Marita olim raptæ. Vestigia ejus
 moris in legibus modernis. Fœmina nostra sub perpetua tutela. Ali-
 quando tamen tutrices. Etas conjugij pro fœminis, pro viris. Etas
 militaris. Gestatio armorum. Sponsalia. Dos & ejus necessitas. Dos
 nostratibus duplex *Omyndh & Orgiâff*. Donationes propter nuptias.
 Finitudo contractus conjugalis. Convivium nuptiale, ejus apparatus & mo-
 res. Comites sponsi & sponse. Obsides. Formula elocandi. Convi-
 varum numerus. Donationes. Lectus genialis & concubitus. Dotaliti-
 um sive Morgengavium, ejus ratio & quantitas. Ceremonia circa dota-
 litij promissionem, Nobilium, plebeiorum. Vestes nuptiales. Fus um-
 brarum & ludionum. Privilegia convivarum. Formula elocandi expli-
 cata. Bigamia. Nomina uxoris. Fus ejus in bonis viri.



Exposita sunt hætenus ge-
 neralia, quæ ad judiciorum consti-
 tutionem pertinent, quoad perso-
 nas tam judicantes, quam litigan-
 tes, tum modos procedendi, pro-
 bandi, judicandi & exequendi. Superest ut jam
 illa

illa explicentur, circa quæ lites potissimum versantur, & quid juris super illis à majoribus nostris fuit constitutum.

Sunt autem civilia vel criminalia prout causæ vel actiones, quæ intenduntur, quibus actor, quod jure sibi debetur, exigit, vel emendationem, aut pecuniam, vel pœnam delicti, infamiam, exilium, mortem aut corporis aliquam inflictivam.

Veteres à connubio suas exorsi sunt leges, quod illis fons esset, cui originem debemus civilis hujus societatis, quæ est inter maritum & uxorem, parentes & liberos, dominos & servos. Primo ergo loco leges & mores veterum nuptiales inspicimus.

Nihil olim gloriosius fuit quam bello & raptu more *Laconum* maritali, quare qui hosti aut inimico sponsam, uxorem aut filiam ereptam sibi copulasset, egregium & viro dignum patrâsse facinus visus est, celebratus laudibus, quarum plenæ sunt historiæ & cantilenæ *Scaldorum* vetustæ. Vis ea postea lege repressa fuit: cap. 1. i *Erfsda B. i Bp. E. Madir skal konu bidia och en med wâld tafa: han skal godh wilia thera atlistha.* Sed tamen si semel promissa & desponsata denegaretur,
Y
etiam

Mos veterum maritali.

Vestigia e-
jus moris.

etiam rapi & per vim capi fas fuit, quo in casu, impunè fores frangere, verberare, etiam necare licuit, si aliter obtineri non posset, cum è contrario illi qui obsisterent, duplicatione poenæ ordinariæ plecterentur: *Och heete sedan the Konulaghta fin och en rantafin* / id est, *dici debet legitime capta, non virapta*; qui enim jure sibi concessio utitur, & facit id quod leges permittunt, nec damnum dedisse, nec vim intulisse intelligitur.

Tutores

Fœmina autem à tutore peti debuit, & quoad nubendi licentiam, sub perpetua fuit tutela, perinde vidua ut virgo. Tutor autem vel nubendi author (*Gistomadir*) pater fuit, post illum frater majorennis modo, deinde avus patruus, avunculus, aut proximus ab illis, & cæteris paribus, agnatus non cognatus. De jure tamen *Westmanico*, vidua sui juris fuit, quamvis in consilium admittere teneretur patrem & propinquos. Ius Uplandicum & Helsingicum matri & sorori hoc juris tribuunt, ut alio propiore non existente, super nuptiis dispensent filia vel sororis.

Veteres *Gothi* in *Hispania* fœminam juniore viro nubere non permiserunt, cauti scilicet, ne fine conjugij, generatione sobolis, defraudarentur.

De

De nostro domestico jure, ætas conjugio concessa, nullo alio, præterquam *Helsingico*, perinde ut *Romano*, ad annum decimum secundum terminata est, sed in fæminis: adolescentibus enim nec militiam nec Venerem ante decimum octavum: *Uplandicum* non ante vicesimum permittit, eo enim demum instruuntur gladio, securi, casside, scuto, arcu &c, Tunc primum in confessum armatos venire fas fuit, tunc primum viris annumerari, hæc apud illos *toga*, hic primus *juventæ honos*, ante hæc domus pars, tunc *Reipublicæ* videbantur. Nec dubium est, quin, ut *Tacitus de Germanis*, in ipso concilio, vel principum aliquis, vel pater, vel propinquus, his armis cum ritu aliquo juvenem ornaverit, cum & hodiè in nobilium aulis hunc morem servant, ut suffecturum in conventu aliquo pauca de virtute præfati, percussâ prius mala, gladio donent. Ex quo autem publice hoc auctoramentum consecuti fuerunt, nihil neq; publicæ rei neq; privatæ, nisi armati egerunt, adeo quidem ut etiam ad sacra facienda cum armis venirent, quæ templum ingressuri in atriis ponere solebant, unde etiam hodiè atria illa, armorum ædes nuncupantur, *vapnhuus*. Ad judiciorum etiam conventus armati veniebāt,

Ætas conjugij.

cc

Ætas militaris & ejus auctoramentum.

Y 2

quod

quod tamen posterioribus seculis, præterquam in hominibus militaribus vetitum, nec tamen planè obtentum fuit. *Gustavius Primus* legem tulit & interdixit, ut nec ad iudicij, nec ad Ecclesiæ, nec mercatus frequentiam armati venirent, quod tamen nec in totum obtentum, alibi etiam, adhuc hodiè, ad minimum bipennem quilibet rusticus secum adfert.

Sponsalia.

Sed hæc obiter; à Marte ad Venerem iterum veniamus. Postquam scæminæ & tutoris consensus impetratus fuit, sponsalia sub testibus ab utraq; contrahentium parte binis celebrata fuerunt, & dos sponsæ constituta & æstimata. *Dotem*, inquit *Tacitus*, *non uxor marito, sed uxori maritus affert*: Sic olim & apud *Sveones* fuit, etiam hodie, de more & jure communi, Lege enim cautum non est, ut uxor viro, sed vir uxori dotem adferat, quod *Morgengavium* nuncupant, de quo postea.

Dotis constitutio & Promissio.

Dotis necessitas.

De jure autem *Gothico* dos pro scæminis requisita fuit & in tribus constitui debuit: In læticialibus, in fundo & servis, in auro & argento, & ea quidem necessitate, ut si non vivæ daretur, mortuæ hæredibus constitui deberet, & tam ducenti uxorem filio, quam nubenti filiæ: Hoc *omyndh*

Dos duplex

vel

vel *hemföld* / illud *öförgið* vel *hemgið* dictum
 fuit: illud ut dixi filiae, hoc filio familias dabatur,
 sed non nisi respectu conjugij ad familiae onera
 sustinenda, & quidem respectu sobolis, illa enim
 deficiente quasi spe nominis sublata, ne in aliam
 familiam deveniret, redibat ad datorem, aut ejus
 haeredes ad tertiam usq; generationem; Si vero
 ex illis non superessent, dabatur gradu proximis;
 prole autem ex duobus conjugijs superstitite, in
 stirpes, non in capita, divisa fuit, unde saepe uni fœ-
 minae tantundem datum est, quantum octo filiis,
 sive filio sive filiae data fuit. Mortuo altero conju-
 gum, ad collationem inter haeredes defuncti vo-
 cabatur, & si proles defecit, tota, ut dictum est,
 revocata fuit: Nihil quicquam enim ex ea super-
 stes sibi vindicare poterat. Quin imo, si quid
 forte à viro in uxorem commissum fuit, dignum
 castigatione legis & pœnâ pecuniariâ, pars mul-
 ctæ, quæ ~~aut~~ actrici uxori læsæ debebatur, doti e-
 jus accrescebat: doti præterea accrescebat, quic-
 quid constante matrimonio mulieri aut donatio-
 ne aut hæreditate obveniebat: Et quamvis dos
 respectu liberorum data fuit, tamen post mortem
 mariti in divisionem cum liberis non veniebat, sed

manſit mulieri integra & ſuperſtes, nulla alia conditione à marito alienanda, quam fundus allodialis, videlicet, ſi aut fame premerentur, nec alia ſuperſſent media vitæ ſuſtentandæ, aut mulier in captivitatem ab hoſtibus abducta, redimenda eſſet.

Arrhæ ſponſalitiæ.

Post dotem promiſſam & conſtitutam, arrhæ ſponſalitiæ non ſponſæ, ſed ejus tutori, vel ſponſori dabantur. Interim etiam ſponſæ aliquid datum eſt: præcipue vero equus frænatus & veſtes, ſi ditior eſſet, aut etiam boves: *munera, ut Tacitus ait: non ad delitias muliebres quæſita, nec quibus nova nupta comatur.* Olim enim præter equam & boves etiam arma dabant, quod & Tacito non ſine commendatione obſervatum. *In hæc, inquit, munera uxor accipitur, hoc maximum vinculum, hæc arcana ſacra, hos conjugales deos arbitrantur, ne ſe mulier extra virtutum cogitationes, extraq; bellorum caſus putet, ipſis incipientis matrimonij auſpiciis admonetur, venire ſe laborum periculorumq; ſociam, idem in pace, idem in prælio paſſuram auſuramque; hoc juncti boves, hoc paratus equus, hoc arma data denunciant.*

Contractus hic futuri conjugij rarò aut nunquam irritus fuit, quod magis levitatis & inconstantix notam inureret, quam quod cum aliqua repu-

repudiati ignominiâ foret, neque enim tantum, si in causa Sponsus, donationes suas perdebat; si Sponsa, eas referre necesse habebat; sed insuper etiam mulctabantur, & præterea cum duodecim sacramentalibus publice attestari & notum facere debebant, se nulla ipsius aut generis ejus ratione eò fuisse compulsos: *Ut hon weet hwarcken last eller lythe å han/ eller å ått hans/ mehra nu/ ån så han badh och såste.* In potestate autem & arbitrio sponsi erat, quandocumque vellet, nuptias celebrare; secus enim quam hodie, in ejus ædibus, ejusque impensis fiebant. *Te-* nebatur tamen sex antè septimanis tutoribus sponsæ denunciare, quò paratiorem traderent, pridie autem aut etiam perendie, pro distantia loci, diei nuptialis, sponsus propinquos & amicos suos congregabat, quos pro sponsa advehenda emitteret, quorum comitatu præerat ex honestioribus aliquis, quem jura *förmyndare* *Man* vocant, & officium ejus in eo constituunt, ut dotem nomine sponsi recognoscat & recipiat, & sponsam securam & tutam in familiam sponsi reponat, adeo quidem, ut nisi sponsam integram & inviolatam in lectum ipsius adeoque sinum deponeret, ipse cum

Repudium

Nuptiæ.

cum comitibus suis gravi pœna plecteretur: duplicatione scilicet mulctæ quæ in homicidio vulgari debebatur, ob sponsam; tum vero ob liberos, quorum generatio sic impedita vel interrupta iudicabatur, triplicatione: filium enim 40, filiam autem 80 marcis æstimaverunt, qui quia nati non erant, sed in potentia tantum existerent: **Ustas barn** dicebantur, id est *liberi*, scilicet *sperabiles*. Quare nihil mirum est, si quod a vetustissimis seculis usitatum fuit, armati venirent, & qui, cum in domum sponsæ venissent, obsides darent & acciperent. Post hos utrinque datos et acceptos, tutor sponsæ arma et ephippia sub clavium custodia servabat: tunc dos prius constituta extradita fuit, deinde symposium institutum. Postridie sponsa deducta fuit in domum mariti, sequebatur illam tutor cum aliquot familiaribus, cum primis verò fœmina gravitate morum conspicua, ceremoniis et ornatui sponsæ præfecta (**Brutti Frammo**) et puellulæ aliquot cognatæ vel agnatæ, quæ virgines sponsæ dicebantur, **Bruttimod**: Copulatio autem tunc primum à tutore facta est, consecratio vero ab Ecclesiæ ministro: nihil ritè fieri potuit nisi præsentem tutorem, aut qui ejus locum

supple.

suppleret, absq; eo enim si consecrasset sacerdos,
 gravissima pœna puniebatur tanquam si cædem
 fecisset. Copulatio autem hâc solenni verborum
 formula à tutore peragebatur: *Zagh giffter tigh* “
min Dotter (Syster) til Heder och Hustru / och “
til halswa Sång / och til hwar tridie penning / som “
t ågen och åga så ån i Lööfödhron / och til allan dhen “
rätt som Upland; Zagh åhru / och then H. Erich “
gaff / I Namn Faders / Sons / och then Helige “
Andes / id est, ut verbum verbo reddam: Conjūgo tibi “
filiam (sororem) in honorem, & uxorem, in jus dimidij tho-
ri, & clavium, & trientis in bonis omnibus acquisitis & ac-
quirendis, juxta jura Uplandica, & ea quæ dedit divus E-
ricus, in nomine Patris &c. Hæc conjunctio facta est
 olim excusso per ferrum & silicem igne: mutatum
 postea & faculæ ac cerei prælati, sed & alios alibi
 ritus habent, post quos tamen ubiq; symposium
 alterum & summum à sponso institutum fuit. Duo
 enim legitima fuerunt, id est, à jure non conces-
 sa tantum, sed & jussa; primum ad dotem, alterum
 ad nuptias: ad hoc autem tenebatur sponsus, sub
 mulcta annuæ alimonie pro singulis, invitare
 quotcunq; ipsi aut sponsæ intra tertium gradum
 sanguine aut affinitate essent conjuncti: Leges
 Z sumptua-

Convivium
 nuptiale.

sumptuarias dixeris, sed quæ sumptus jubeant, non vetent, non enim suffecit tot invitasse & liberaliter tractasse, nisi eosdem etiam donis prosequerentur, quæ jura etiam injungunt, ad genus scilicet præcorum temporum, à quorum consuetudine nec hodiè quidem in totum recessimus, nisi quod more postea inductum est, ut aliquid novis nuptis ab hospitibus convivis retribnatur.

Nullæ autem donationes fiebant ante concubitum, nec ulla etiam inter conjuges bonorum confusio, ante confusionem corporum: Itaq; si alter conjugum post consecrationem & copulationem legitime factam, ante noctem concubiam decessisset, nihil juris sibi superstes ad divisionem vindicare poterat, in quod tamen, ut modò ex formula copulandi dictum est, fuit conjunctus. Finito primæ diei symposio, solenni ritu & ceremoniis lectum genialem cum cantu & tripudiis, & cum faustâ convivarum acclamatione ingressi sunt. Postridie dotalitium promissum, nobis Morgengavium dictum, quod mane posterioris diei daretur, & quidem ob virginitatem; hac enim demum conditione de jure *West Gothico* exigì potuit, nisi concubitus promissionem & nuptias antever-

Dotalitium
seu Morgengavium
natica.

tevertisset; qua enim fronte fœmina peteret, cum
ejus rei quapropter dari soleat, copiam jam ante
gratis fecisset? Honestæ tamen viduæ etiam da-
tum fuit, pari enim jure cum virginibus fruebantur.

Dotalitium autem datum fuit in mobilibus
vel immobilibus, allodialibus vel acquisitis, non-
nisi certa tamen & à jure definita quantitate: il-
lam si excessisset, irritum & revocabile erat ab hæ-
redibus viri, nisi sponte in id consensissent. Quan-
titas hæc, quoad pretium, pro singulis ordinibus
determinata fuit: melius *Gothi in Hispania* pro ra-
tione facultatum illam definiuerunt, ut non exce-
deret decimam substantiæ partem, siue à viro da-
retur uxori, siue viro, loco dotis, à tutoribus fœmi-
næ. *Morgennatica* autem hæc non sine solennita-
te aliqua & ceremoniis promissa fuit. Nam si
fundus aut prædium dabatur, duodecim testes, siue
ut jura eos nominant, firmatores requisiti fuerunt,
quemadmodum in omni fundi alienatione quæ
modo legitima censeretur. Nobilium enim nu-
ptiis etiam hastam vexillarem complicatam infe-
rebant, deponebant ad pedes sponsæ, elevabant, ac
demum finito de *Morgennatica* sermone & promif-
sione,

Ceremonia
in dotalitij
promissione

sione, ante novos conjuges à duodecim illis firmatoribus contactam eijciebant, quem morem etiam hodie servant, videntur enim hasta usi, loco baculi quem firmatores duodecim in omni contractu contingere debebant, uti alienatio fundorum facta fuit, sive per emptionem, sive mutationem, sive hæreditariam divisionem, sive deniq; donationem, ut in nuptiis, de qua re infra in loco de *contractibus*. Plebei vero alio ritu terminant. Ingressus enim domum convivalem sponsus cum pronubo suo, sumpto poculo, quod maritale vocant, ac paucis à pronubo de mutato vitæ genere præfatis, in signum constantiæ, virtutis, defensionis & tutelæ propinat sponsæ, ac simul *morgennaticam* promittit, quod ipsa grato animo recolens, pari ratione & modo, paulo post mutato in uxorium habitum operculo capitis, ingressa, poculum, uti nostrates vocant, uxorium leviter delibans, amore, fidem, diligentiam & subjectionem repromittit. Donationem ad hunc modum factam, cum olim instrumentorum publicorum usus rarus esset, inter plebejos fere nullus, mulier quolibet decennio coram judicio vel Ecclesia publicare tenebatur, quod præcipue tamen apud *No-*
ricos

ricos factum fuit. Quicquid autem sic datum fuit, non tempore vitæ, aut ad usum fructum tantum mansit, ut in Regum, principum, hodie & nobilium *morgennaticus*; Sed absolute, translato plene dominio, ut mulieri esset facultas de ijs pro lubitu disponendi, eaq; mortua, ab intestata transiret ad ejus hæredes. Si vero mulier ante virum decessisset, fiebat illud, ut ante fuerat, viri; in casum enim diuturnioris vitæ datum fuit. Itaq; ex eo nihil sibi successores mulieris, ut in triente mobilium vendicare poterant, nisi si liberi superessent ex eo matrimonio: ijs enim hæc donatio cessit, & inter materna quidem, non vero paterna bona, adeo ut invitis liberis, nec usum fructum quidem lucraretur pater, quod hætenus in usu fuit. De jure *Uplandico* donum matutinale, vivo marito, rationem habet uxoris peculij; mortuo, trientis; confunditur enim & dividitur. Itaq; si in bonis mobilibus datum fuerit, non video, quid mulier acquirat, quod non alioquin jure matrimonij ad ipsam & ejus hæredes esset perventurum, ex eo enim, quo nupta fuit, statim jus illud trientis bonorum mobilium viri consecuta est, nisi forte ex bonis mobilibus extra trientem hæc donatio facienda

fuit. Si vero in allodialibus detur, Incratur, contra jus commune, quod ejusmodi alienationem non promiscue admittit, sibi & suis quicquid datum fuit.

Moris præterea erat, ut diebus nuptiarum in honorem sponſorum, quaterni urrinq; præter ipsam ſponſum, vestes nuptiales gestarent, ſingulari colore & forma, nulli poſtea uſui futuras, quas ideo peractis nuptiis, promiscue donare, vel moris erat vel religionis, De hiſce poſtea lege cautum fuit, ut potius in uſum Eccleſiarum aut monaſteriorum, quam ludionibus aut citharœdis darentur. Hos enim majores noſtri, ut inertes & voluptatum opifices, qui vires tam animi quam corporis frangerent, extremè odiſſe videntur. Quare ſive pulſi, ſive ſpoliati, ſive cæſi eſſent, peſſima erat eorum conditio, & pœna ob id fere nulla, ut uberius poſtea monſtrabitur in loco de injuriis & homicidiis.

Effectus cō-
jugij ſeu
conſequētia

Ceterum ritus hi, ut olim, ita & nunc, pro diverſitate provinciarum, variant. Alibi adhuc in uſu ſunt, alibi obſoluerunt. Videamus porro effectus conjugij, quoad poteſtatem maritalem & communionem bonorum, qui in formula ſupra

pra memorata optimè comprehensi extant: da-
 tur enim scēmina viro in honorem & uxorem, ut
 nomen sit & honestatis & voluptatis, nomen do-
 minæ domus sortita est proprietate lingvæ nostræ,
 non servæ. Reverenter ergo habendam, & ut
 membrum proprii corporis amandam & foven-
 dam jura præcipiunt. Et vir uxorem verberans
 ex malitia, invidia, zelotypia, vel insania aut ebie-
 rate, duplicatione pœnæ ordinariæ punitur: Ca-
 stigare tamen ob culpam permissum impunè, sed
 si forte in castigatione modum vir exceßerit, pœ-
 nam non corporis inflicтивam, sed juris privativam
 leges imponunt; non enim hic eventū, sed propo-
 situm spectari voluerunt, quod in uxorem præ-
 sumptum non fuit, nisi evidenter probatum.
 Quamvis itaq; de vita, ut parricida, non periclitare-
 tur, præter trientem tamen & legitimam, quæ hæ-
 redibus uxoris cessit, etiam trientem ex suo, quod
 reliquum erat, hæredibus uxoris, præter mulctam,
 persolvebat. Datur etiam uxor in jus dimidij
 thori, in quem nec adultera, nec concubina, nec
 altera conjunx induci potest.

Honestas
 nominis ux-
 oris.

Castigatio
 uxoris.

Jus dimidij
 thori.

Adulterium de omni jure & semper prohi-
 bitum fuit, de cujus pœna postea. Concubina-
 tus

Concubina-
 tus.

tus olim hic in usu & concessus erat, sed talis qualis proprie fuit, conjugium scilicet cum propria serva. In illas enim nihil non juris domini habebant, & liberos ex iis susceptos pari ferme loco cum reliquis habebant. Postea depretiati sunt ad conditionem matris: *Inga stadi år nofet barn/ mödirnur frillo barn/ vthan ther i thessa malinu/ nu Bonde hafwer Hionalagh wedh ambutt sina.*

Quare in jure OstGothico differentia est inter liberos ex concubina, scorto & adultera natos, *Frillo barn/ Huustono Barn och Hore Barn.*
 Bigamia. Bigamiæ vero in vetustis legibus nulla mentio, vel concessæ vel denegatæ. Constat tamen ante

Christiana sacra hic etiam ut alibi polygamiam in usu fuisse: *Quisq;* (inquit *Adam Bremensis de Svecis*) *secundum facultatem virium suarum, duas aut tres aut amplius uxores habet & filios ex tali conjugio natos legitimos habent:* id quod etiam ex historia *Haraldi Pulcriconi Regis Norvagiæ* constat, & nostri *Olai Skottsonung*/quantumvis Christiani. Iuxta uxorem enim splendidis natalibus ortam, etiam aliam habuit natione *Wandalicam*, conditione servam, ex qua filiam *S. Olao Regi Norvegiæ* dedit. Et procul dubio hæc uxorum pluralitas gentem in immensum

sum multiplicavit, unde tot examina ejus, diversis temporibus hinc exierunt. Sed pluralitas illa paulò post in religione desijt, sibi jus dimidij thori beneficiò novæ legis, tantum unâ vendicante, nec dubium tamen est, quin quod *Tacitus* in commune de *Germanis* asserit, quod soli barbarorum singulis uxoribus fuerint contenti, hic quoq, ut plurimum antea obtinuerit.

Datur etiam uxor in jus clavium, quæ potestas etiam lege duodecim tabularum data fuit, itaq, ubi repudij libellum miserunt: *Res tuas tibi habeto: Tuas res tibi agito*, una etiam claves ademptæ sunt, & de jure nostro *Uplandico* datur mulieri actio clavium raptarum à viro, & de jure *Danico* usucapitur ex concubina vel consuetudinaria uxor, si modo per triennium cum viro uno non cubuerit tantum, sed & claves ipsius gestaverit. Ab hac clavium gestatione, quæ diligentiam & fidelitatem præsupponit, quidam uxorem nostra voce *Husfro* dici volunt, quasi fidem vel fidam domesticam. In jure *OstGothico*, *Norvegico* & *Islandico* *Huussfrea* id est, *Venus domestica*. Utraq, originationo convenit, altera potestati clavium, altera honestati uxoriæ, de qua modo dictum. Additur præ-

Jus clavium

Nomina uxoris.

Aa

terea

Jus trientis
in bonis mo-
bilibus & ac-
quisitis.

Allodialium
jus hodiernum.

terea ut jus trientis in bonis mobilibus, à concubitu enim consensum matrimonij subsecuto, communio fit omnium bonorum acquisiteorum & acquirendorum, quorum tertia pars mortuò marito cedit uxori aut ejus hæredibus, quod jus tamen perdit adulterio commissio, nec in triente tantum, sed & *morgennaticâ* & dote, imo etiam in bonis allodialibus. De jure *WestGothico*; nec tantum in hoc casu, sed etiam si virum malitiosè deferat, hæc omnia viro cedunt. Non ita de jure communi hodierno, nulla enim in iis facta est per conjugium communio, nisi tantum usus fructus. Itaq; mulier nunquam in tantum peccat, ut ea viri faciat, quorum nec constante matrimonio Dominus esse potuit: *3 Lagum wårum giff-tes en Bonde i odel-Jord/ eller Huus/ watn wår- ta Husfru sina/ en och hon i hans / vthan i alla andra Lööföhre*. Inter bona mobilia autem fundi & prædia cõnumerantur, quæ constante matrimonio acquisita sunt; ex communi enim & indiviso parta præsumitur, in quibus tam fœminæ quam viro jus est. Jura vetusta vicissim inter allodialia servos & aurum nominant. In iis enim perinde ut in fundis & prædiis

prædiis communionem vetant, ut & in pecore;
quod hoc pascatur in fundis & cum servis quasi
cohæreat fundis ad eorum culturam.

CAPUT II.

De

Jure parentum & liberorum.

ARGUMENTUM.

Parentum cura & officium circa liberos. Castigatio liberorum & disci-
pulorum quousq; permessa. Pena modum excedentis. Patria potestas
quanta & quousq;. Emancipationes nostratum quales. Arrogationes &
adoptiones ignotæ. Liberi parentes querebant. Ratio investigandi pa-
trem. Pena non inveniendi parentem: Anni pubertatis & tutela. Cu-
ratela ignota. Tutores legitimi. Tutela dativa ignota. Custodia re-
rum pupillarium. Legitimatio per declarationem. Declaratio qualis.
Jus declarati.

Inis & fructus conjugij, liberi sunt, quos in cura & potestate parentum esse, donec adoleverint, rerum omnis natura testatur. Cura autem parentum præcipuè contitit in educatione & defensione. Modum educandi nullæ leges præscribunt, sed cujusq; arbitrio

&
Castigatio
liberorum.

bitrio relinqvunt: Castigare tamen quamcunq; ob noxam permittunt, sed quomodo maritis uxores, cum moderamine. Connivent tamen, si modum parentes exceſſerint, & pœnam magis in juris privatione quam aliqua corporis afflictione ponunt. Præſumitur enim in individuo, quod reperitur in genere; amor ſcilicet ſobolis & ſtudium corrigendi non delendi. *Gothi in Hiſpania* idem etiam in diſcipulos & famulos extendebant, ſi modo in caſtigazione nihil invidiae aut malitiæ interveniſſet. Difficile enim judicabant non interdum modum excedere, in iis quibus ſeveritatem correctionis & diſciplinam debebant, utrocunq; tamen modo excidunt jure ſuo, ſi quid iſſis ex morte liberorum aut diſcipulorum in ſucceſſione foret, juxta regulam juris noſtri univerſalem: *Engin mā annan ſig til arſ; drāpa/ dhen ā gher aldre arſwa ſom drāper eller hāns āttelāgger/ hwad heller hān drāper med wāda eller wilia:* unico tantum caſu excepto, ſi infantem mater in ſomno oppreſſerit, longius à dolo videtur, quam ſi in caſtigazione modum exceſſiſſet, cum hic aliquis iracundiæ ſtimulus præſumatur, ibi vero nullus, niſi culpa tantum. *Saxones* etiam neceſſariæ defen-

defensionis & ignorantiae homicidia exceperunt
tanquam invita aut nulla.

Ceterum patria potestas de jure vetusto ad
vitam usq; liberorum durabat, non tantum natu-
raliter, in eo scilicet, quod nullo non tempore ex
jure divino parentibus honos, reverentia & obe-
dientia debeatur, sed etiam quoad juris civilis ef-
fectus: Filius enim quantumvis uxoratus, quam-
diu cum patre cohabitabat, non sibi sed patri ac-
quirebat, in cujus erat potestate cum tota familia,
adeo ut si quid liberis hæreditate aut alia ratione
obvenisset, iis morientibus, non pater, sed avus
succederet.

Fuerunt tamen & emancipationes in usu, Emancipa-
præcipuè apud *Gothos* nostros, ubi pater filium pu-
blice & in judicio à potestate sua liberabat, datis
ei bonis maternis, & quantum vellet ex suis. Ho-
diè emancipatus creditur, cum aut in alienam fa-
miliam transit, aut propriam constituit. In alie-
nam autem familiam transit, non adoptione aut
arrogatione, ut jure civili *Romano* (hæc enim fili-
andi genera hîc ignota, aut jure certe non prodita)
sed per connubia, non gentilitio mutato nomine,
sed rerum suarum statu translato, acquisito novo
Aa 3 jure,

Patria pote-
stas.

Emancipa-
tio,

Arrogatio
& adoptio
ignota.

jure, non priore tamen in totum perditō, quod perinde etiam fit, si propriam familiam constituat, in tantum à patria potestate liberatur, ut sibi non patri acquirat, nec tamen jus suum succedendi amittat.

Ratio inve-
stigandi pa-
tris.

Patrem autem qualitercunq; nato habere & monstrare necesse fuit, nam filij hîc patres potius quærebant, quam orbi filios. Gentem enim multiplicationi studuisse ex sequentibus patebit, & in immensum quoq; auctam fuisse, tot gentium examina, quæ diversis temporibus hinc evolarunt, testantur. Pater certus autem quærendus erat filio, nisi civitate & omni jure privari vellet. Prioribus autem seculis faciebant hoc per ferrum candens, quæ miseris via in tanta cœcitate, ut fuit, nimis dura & aspera visa. Quare alium indagandi modum jura recentiora præscripserunt. Si enim is, ex quo se gravidam fœmina asserit, neget, in judicio duodecim viros ex sua parte, & totidem fœmina ex sua nominabât: hi viginti quatuor, duos electores eligebant, & hi duo jurati vicissim sex alios, qui sex sine omni exceptione cum vicinis & domesticis ad facti veritatem eruendam obligabantur. Horum judicio Parentela omnis stetit, & vel

& vel liberatus vel condemnatus ad onera alimentationis & curam infantis. De jure Sudermannico causa in suspenso fuit, donec puer pervenisset ad annos pubertatis, qui si mater sua ab initio fortè causa cecidisset, nec valuisset per duodecim sacramentales verum filii patrem efformare, redintegrat filius jam adolescens, cum iisdem viris, & juramentum & causam, sed eo periculo, ut si causa iterum cadat, tanquam extraneus eijciatur è civium consortio & cœtu. Rem dixeris magni momenti, ad cujus inventionem, non secus ac apud *Venetos* magistratum electionem, per tot eligentium ambages, veniendum sit ad electores. Sed interfuit Reip. non minus educi quam nasci liberos.

Minorennnes & curatelam jura nostra ignorant, pubertatem & tutelam agnoscunt. Hanc vero decimo quinto anno terminant, quædam etiam decimo secundo, ex eo & cædes & vulnera & quidquid privilegio ætatis excusari solet, æstimant. Alibi tamen videntur ad decimum octavum progredi, imo & vicesimum: Iura *Saxonica* ad vigesimum primum: eò usq. juvenes, & post sexagesimum, senes iterum sub tutelam reponunt.

Anni pubertatis & tutelæ.

Nostris

Nostri tamen senibus lex posita non est, quorum auspicijs ut plurimum res familiares administrantur, nisi quod decrepitis tamen, fundi allodialis venditio interdicitur.

Ad tutelam autem vetera & recentiora jura non uniformiter vocant. Recentiora proximum quemq; promiscue admittunt, nullo habito respectu agnationis aut cognationis, nisi in tantum, si cætera sint paria, quod agnatum præferant. Vetus vero, præcipue *Gothica*, semper à tutela arcent cognatos, etiamsi propiores, si modo agnati supersunt. *Sveonica* vero ad tutelam non tantum admittunt, sed & requirunt cognatos simul cum agnatis, modo pari gradu à pupillo distent, nec viros tantum, sed & fœminas, ita ut post patrem, mater sit ante fratrem, & ante fratris filium aut patrui, soror & ejus maritus, præcipue quoad dispensationem conjugij & administrationem domus, in qua jus *WestGothicum* etiam pupillo servum libero præponit, & vernam matri, sed nuptæ, matri tamen claves reservantur, potestas etiam debita exigendi & solvendi, id est tutricem revera constituit, cum eam tamen alibi sub perpetua tutela concludat. Tutelam dativam jura antiqua igno-

ignorant, itaq; si legitimi tutores, aut ætate aut
furore, aut prodigalitate, aut partialitate, removē-
di sunt, succedunt in eorum locum sanguine pro-
ximi, ex sententia judicij, non vero provisione
decedentis.

Res pupillares etiam mobiles & putredini Res pupilla-
res.
obnoxias distrahi jura vetant, quasi non pretio
suo sed charitate possessoris fuisset æstimāda, sive
ignorantibus usuram pecuniæ, & omnis ex ea qua-
stus & lucri inexpertes. Itaq; non de specie tan-
tum sed & individuo intellexerunt legem illam,
qua asseritur res pupillares nec incendio nec illu-
vione perire posse, nec culpam tantum latam, sed
& casus fortuitos & vim majorem ab eo præstan-
dam esse, qui eas custodia haberet, & ubi non i-
dem posset numero, idem tamen pretio esse resti-
tuendum.

Arrogationi tamen vel adoptioni non dissi- Legitimatio
sive adoptio
milis videri potest, legitimatio sive declaratio illa,
quæ in *Norvegia* & *Islandia* certa conditione & ritu
peracta fuit. Ut enim quis recte & efficaciter le-
gitimari vel adoptari posset, imprimis consensus
proximi hæredis ejus, qui adoptaret, requisitus fu-
it, quæ aſnos viginti aut supra natū esse oportebat.

Bb

Deinde

Deinde hi tres, legitimans, ejus proximus hæres, & legitimandus, coram janua templi, in conspectu populi, porrigente Ecclesiæ ministro librum sacrum contingebant, dicente hæc verba, adoptante; *Legitimo hunc virum vel fœminam, ut capax sit omnium rerum, quæ ipsi dono, & juris omnis in successionibus quæ adoptatis debentur.* Itaq; legitimatus vel adoptatus quolibet vicennio legitimationem suam publicabat, donec hæreditatem adiisset. Hæres autem esse poterat, non ejus tantum qui adoptasset, sed & aliorum quibus ipse hæres esset, atq; ita judicatum in causa *Ulferi Tordi* ab una parte, nomine uxoris suæ *Gudrunæ*, & ab altera parte *Gunnari Erici* de hæreditate relicta ab avia paterna *Gudrunæ*, *Ragnildâ*, cujus filius *Hariolphus Gudrunam* & ejus sorores adoptavit. In *Dania* etiam adoptatio recepta fuit, sed filij tantum naturalis, quasi legitimatio quædam, ut capax esset hæreditatis, quæ publice & in judicio peracta, atq; sic adoptatus, patri tamen nonnisi in dimidium portionis ejus quæ reliquis fratribus debebatur, matri vero & reliquis patris agnatis aut cognatis, ut reliqui legitimi, ex toto hæres esset. Aliam quamcunq; legitimationem jura antiqua non ignorarunt tantum

tam, sed & improbarunt. Nescio tamen annon jura *Gothica* usurparint, pro certo non facile dixerim, certa enim lege iis qui videntur adoptasse data fuit. Ut scilicet adoptatus ex libera succederet adoptanti & non vice versa, excepto tamen si quis sanguine proximior esset in primo gradu, id est vel filius vel filia, frater vel soror, pater vel mater.

CAPUT III.

De

Successionibus.

ARGUMENTUM.

*F*us liberorum in successione. Successio à testatis ignota, legata tamen usitata. Testamentum item militare. Donationes etiam inter vivos, sed certa rei & certo modo concessæ. Decima ex pecunia. Discrepancia juris successorij, Svedici & Gothici, & utriusq; à jure civili Romano. Successio de jure Gothico, ratione sexus, gradus, lineæ. Fæminæ olim exclusæ à fratribus. Fæminæ alibi in semissem succedunt. Successio de jure Sveonum, ratione sexus, gradus, lineæ. Fus Sveonum varium & diversum. Successio respectu personæ. Adulterini exclusi. Naturales in partem admissi. Extranei post definitum tempus rejecti. Successio non baptizati. Successio in arma, *Wigharff*. Successio in cortis casibus, ubi non constat qui prior vita decessit. Distributio hæreditatis: etiam debitorum.

Bb. 2

Iuri

Jus liberorū
in succeden-
do.

Iuri parentum proximum est li-
berorum, quod præcipue consistit in suc-
cessionibus in jus & bona defunctorum.

*Hæredes, inquit Tacitus apud Germanos, sui cuiq; liberi
& nullum testamentum, si liberi non sunt, proximus gra-
dus in possessione fratres, patrui, avunculi. Quò plus pro-
pinquorum, quo major affinium numerus, tanto gratiosior
senectus, nec ulla orbitatus pretia.*

Testamenta
ignota.

Id revera hic fuit,
ignota enim omnis à testatis successio, nisi quod
donare tantum vel potius legare permittatur, idq;
tamen non sine hæredum consensu, si res sit im-
mobilis & hæreditaria avita, & non nisi certa eti-
am & à jure definita quantitate. De jure tamen
provinciali hodierno absolute licet, sed de bonis

Donationes
& legata
permilla &
quatenus.

tantum quæsitis; non ita olim. Sano enim tan-
tum semissem permittebant donare, valetudinario
trientem: tanquam eum, qui minus parare pos-
set, etiam minor deceret liberalitas: an quod sæ-
pius vidissent, sanos pœnituisse, quicquid ægroti
concessissent? De jure *Norvegico* quartam tantum
ex bonis acquisitis, decimam vero ex hæreditariis
sine consensu hæredum proximorum donare vel
legare permissum fuit.

Apud nos tamen in u-
sus sacros & pios, peccatum non fuit, vel integri
allis

affis erogatione, eo scilicet tempore, quo aucta superstitione, bona & imperium orbis ad se Pontifices *Romani* trahebant. De jure *WestGothico*, quod antiquissimum est, nihil quidem absq; hæredum, primi gradus ad sensu legare licuit, sed consensum iisdem de jure divino imperat, inhibet scilicet altera manu quod alterâ largitur: eodem erga sacra zelo concesserunt clericis decimas, non tantum ex fructibus terræ & pecorum proventu, sed ex pecunia defuncti hæreditate acquisitâ. Sed hæc legata favore cultus divini olim introducta, jam dudum desierunt. Legare hodie cuicunq; & quantumcunq; licet, sed quod modo dictum, non nisi ex bonis acquisitis, & quidem ruri: In urbibus enim & oppidis restricta sunt, ne legitimam excedant. Legitima autem quæ suis hæredibus debetur, dextans est; quæ reliquis à latere, bes: Id est, extantibus liberis legare licet non nisi decimam; aliis verò propinquis tertiam tantum partem: quam legandi rationem juris nostri conditores testamentum vocaverunt, nec aliud norunt, nisi quod jus tamen *Uplandicum* constitutis in expeditione aliqua nautica vel terrestri nominare, vel declarare hæredem permittat, procul dubio

mutuato à vicinis, illis vicissim à *Romanis* more, sine solennitate aut numero testium, testandi, quorum voluntatem, in hoc duntaxat casu pro lege habendam esse censuerunt.

Differentia
juris succe-
dendi inter
provincias.

Ceterum jus successionis legitimum, id est, illud quod jura ab intestatis conferunt, apud nostrates valde variavit.

Quælibet enim provincia peculiare habuit, quod nec cum reliquis, nec cum jure *Saxonico* aut civili *Romano* conveniebat, nec in totum tamen discrepabat, in lineæ tamen descendents primo gradu omnia conveniunt, suos cuiq; successores liberos. Quamprimum ab hac lineâ & gradu ad ascendentem & lateralem proximos vel ulteriores gradus divertunt, abeunt à se invicem & variant. *Gothica* inter se maxime conveniunt, & in quibusdam etiam cum jure civili *Romano*, nisi quod sola gradus, nulla ferè linearum habeatur ratio, excepto primo gradu in quo descendens ubiq; præfertur ascendenti, ascendens vero collateralis: idq; de jure *WestGothico*, secus de *OstGothico* & communi hodierno. Circa secundum vero ascendens præfertur quidem reliquis, collateralis vero ascendenti. Circa tertium deniq; ascendens vicissim

cissim præfertur collateralis. Fratrum & Sororum liberi præferuntur avibus & excludunt etiam pronepotes, & vicissim avibus excludunt patruos, avunculos &c. nulla præterea representationis habetur ratio in iis qui æquali gradu distant, etiam in linea descendenti, sed tantum sexus: *âhr man af konu als vthkommin/ och kona aff manni alff/ tã tãter swa myckit kona som madir/ âr man af manni als vthkommin/ och kona af konu / tã tãter han syra lottã/ och hon sembtung. Nu âr kona af kona alff vthkommin/ och annir aff manni alff/ tagi hon tva lutti aff manni alff vthkom / och hin tridung/ id est, vir ex fœmina descendens & fœmina ex viro, ex æqualibus portionibus hæredes sunt. Vir vero ex viro descendens, dodrantem: fœmina ex fœmina quincuncem capito; fœmina vero ex viro, bessem, fœmina ex fœmina trientem sibi vindicato, ubi scilicet in pari gradu ad hæreditatem vocantur. Jus OstGothicum in eo convenit cum jure civili Romano, discrepat autem à jure nostro communi, quod parentes una cum liberis in capita tantum succedant, ita tamen, ut si mater cum solis filiis, vel cum filiis & filiabus simul concurrat, tantundem capiat ac filius: si vero cum solis filiabus, non plus quam filia. Deinde etiam Germani prorsus*

prorsus excludant consanguineos & uterinos in
 successione fratrum vel sororum, contra jus no-
 strum commune, quod illos in quadrantem tan-
 tum, quotcunq; fuerint, conjunctim cum Germa-
 nis admittit, quod quam exigua nitatur æquitate,
 dabitur alias dicendi occasio. Minore constat
 ratione reliquum succedendi jus, quod nec cum
 civili Romano, nec cum Sveonum, cum vetusto sal-
 tem Saxonum & Islandorum jure convenit. Jus
 repræsentationis nec in linea quidem descendenti
 admittere videtur, habita semper graduum & se-
 xus ratione, quod & in jure WestGothico fit, in eo
 tamen ab eo discrepat, quod in concursu descen-
 dentium, ascendentium & collateralium primi
 gradus, descendentes quidem, excludant reliquos,
 sed ascendentes vicissim collaterales. Itaque post
 filium filiamvè defuncti patrem vocat, post pa-
 trem matrem, post matrem fratrem, post fratrem
 sororem, post sororem nepotem ex filio. Ex æquis
 autem portionibus admittit ad hæreditatem de-
 functi neptem ex filio, & nepotem ex filiâ, avum
 maternum & aviam paternam, nepotem ex sorore
 & neptim ex fratre, quamquam si in descen-
 denti linea hi soli concurrant, possit non magna
 quidem

quidem, sed tamen aliqua subesse ratio, ut enim in primo gradu, habita ratione sexus, pater matrem, aut filius filiam, vel frater sororem excluderet, ita vicissim in secundo gradu aut tertio pro ratione sexus id compensaretur. Quæ succedendi ratio in regnis quibusdam hæreditariis obtinuit, excepto quod non dividantur, quo jure *Philippus II. dñs Castiliæ Rex* & ejus nati regnum *Portugalliæ* adversus modernos ejus Reges *Bregantiæ* Duces tueri volunt, quamvis enim hi descendant à fratre, illi vero à sorore, tamen cum hæreditas cecidit, ex-
tabat ab hac parte virilis sexus semper potior fœmineo ejusdem gradus. Ultra hos gradus, aut propinquiores, excludunt remotiores, aut si pari propinquitate defunctum contingant, descendentes ascendentes, masculi fœminas, aut ex masculis oriundi ortos ex fœminis. *Ta ganger hater til/ och hufwa fraan/ förvthan thön Enstkon seen.* Item *i allum alffdum taker then sig taal i manna alff/ och qwinna alff ganger fraan/ åhn dhe åhru badir åmmar och badi manstön.*

Quæ vero hic juris inconstantia videtur circa fœminarum successionem, quæ modo admittuntur, modo excluduntur, ea ortum habet ex

Cc

com-

commixtione juris antiqui cum novello. Ante
 tempora enim *Bergeri Jarli*, soror, nec in trientem,
 quidem cum fratre successit, quod & apud *Saxo-*
nes observatum fuit, & de jure etiam divino obti-
 nuit, propter familiarum conservationem, quæ in
 filiis subsistunt, per fœminas verò extingvuntur,
 neq; periculum erat, ne non ducerentur, paupe-
 res scilicet & indotatæ, cum lex eadem omnes eas
 constringeret, ex quibus uxores erant capiendæ,
 & patres, fratres vel propinqui, ad dotem dandam
 tenerentur: cujus ratio, postquam cum fratribus
 ad hæreditatem admissæ fuerunt, evanuit.

Bergerus Jarl non secus ac *Justinianus* Impe-
 rator, iniquum existimans, ut qui semine & sangvi-
 ne juncti essent, conditione dispares forent, trien-
 tem saltem sorori concessit, quo jure etiam hodie
 utimur, sed dilatato ad fœminas, cujuscunq; gra-
 dus & lineæ, ubi cum masculis concurrunt, & suo
 non alieno jure succedunt. Jus *Os Gothicum* in
 primo tantum gradu lineæ descendens fœminas
 cum masculis in trientem admittit, in ulterio-
 ribus postponit, ut modo dictum. De jure *Dalico*
 fœmina etiam in primo gradu postponitur, &
 nunquam ad hæreditatem admittitur, existente
 in pari

in pari gradu masculo aut ejus liberis: post eos tamen admittitur, & ex asse quidem, si sola sit, vel ejus liberi. Olim semper fuisse exclusas, vel ex eo apparet, quod hanc legem, qua post fratrem aut masculos ejusdem gradus, vocatur, fuisse in usu dicat, postquam ejusdem provinciæ valles incolerentur. Urbicolis hodie & clericis promiscue omnibus hoc privilegium datum est, ut uxores eorum & filia ex semisse cum hæredibus maritorum & fratribus succedant, qualis successio apud *Gothos* in *Hispania* promiscue usitata fuit. Idem etiam usurpant ex antiquissima consuetudine incolæ territorij sive communitatis *Wernheredensis* provinciæ *Smolandia*, quod ab *Hakone Kingh* accepisse existimantur. Cum enim sceminæ territorij istius in eo prælio, quod omnium maximum in *Septentrione* gestum est, adversus *Haraldum Hildetan Danorum* Regem, insignem operam navassent, in præmium fortitudinis, huic sexui & ejus posteris hoc tribuisse Rex iste refertur, de quo tamen valde dubito; existimaverim potius sibi tacita conventionem hanc legem constituisse.

Sveonica jura à *Gothicis* in quibusdam dissident, conveniunt autem cum jure civili *Romano*,

Cc 2

nec

nec in omnibus tamen. Ius *Uplandicum* repræsentationem admittit in linea descendenti & collaterali ad quintum usq; gradum. Ultra secundum gradum jus hodiernum expressis verbis repræsentationem non extendit; quamvis usu & praxi hodie obtinuit, ut in linea descendenti etiam ulterius admittatur. In linea vero collaterali disputatur, nec desunt in utramq; sententiam, & nunc, nuper, & olim, præjudicata. Deinde ad hæreditatem defuncti sine liberis admittit uterinos & consanguineos una cum patre & matre, quos & jus civile *Romanum* & *Gothicum* & commune hodiernum excludunt. Ubi autem pater & mater concurrunt ad hæreditatem defuncti, excludunt nepotes ex fratribus & sororibus ejus. In linea ascendenti, ut æquum est, gradu propinquior excludit ulteriorem: Sed tamen contra jus commune semissem maternis progenitoribus addicit, cum tamen in primo gradu non nisi trientem matri concedat, qui triens tamen non ex hæreditariis sed bonis aliunde quæsitis capi debet. In res autem hæreditate acquisitas, utracunq; ex linea venerint, patres maternos cum paternis progenitoribus capere jubet portionē, quā in re jura etiam *Sveonum* reliqua

reliqua consentiunt, cum hæc omnia tamen in linea descendenti & collaterali fœminis non nisi trientem concedant. De jure *Sudermannico* ascendentes in primo gradu excludunt collaterales ejusdem gradus, contra jus commune, quod eos una vocat, & hi vicissim ascendentes in secundo gradu: fratres scilicet & sorores excludunt avum aviamq; , avus aviaq; , vicissim nepotes ex fratre vel sorore defuncti, cum tamen sint ejusdem gradus. Jus *Wesmannicum* & *Dalicum* solam sexus & gradus habet rationem: Jus representationis in linea descendenti & collaterali ultra secundum gradum non extendunt (quemadmodum nec jus commune (*Christophorianum*)) sed fœminam non vocant, nisi post masculum aut ejus liberos, quare eo jure aut nullam aut totam capiunt hæreditatem:

Hæc juris successorij varietas effecit, ut nec hodie in quibusdam gradibus satis certum videatur. Et si enim jus commune hodiernum à temporibus *R. Christophori* pro authentico in judiciis receptum fuerit, præcipuè postquam Rex *Carolus Nonus* confirmasset, majorem tamen in eo desiderari lucem, tot nobiles controversiæ superiori seculo agitatæ satis superq; ostendunt. Quod ut

Ratio succedendi in jure novissimo.

Cc 3

clarius

clarius elucescat, paulò altius res repetenda est. *Rex Christophorus* aut potius *Magnus Smeek* ex varietate illa, unam certā succedendi rationem statuere conatus est, certis quibusdam regulis subnixam, quas (ut videtur) in deferenda hæreditate sibi observandas præfixit.

I. Ut prima & potissima ratio haberetur graduum, posterior linearum, ut quacunq; in linea quo quisq; propior defuncto gradu esset, prior esset in successione, nullo jure repræsentationis admissio, nisi tantum in secundo gradu, ubi vero concursus esset hæredum ex diversis lineis, in pari gradu lineam descendantem præferendam.

II. Lineæ collateralis nullum esse peculiare jus, collaterales enim ex fratribus & sororibus transire in jus descendantium, venientes vero à latere ex aliquo superne ascendentium, annumerari ascendentibus; itaq; cum concursus est horum cum reliquis ex latere, illi descendentes, hi ascendentes habentur, ac propterea in pari gradu illi præferuntur.

III. Fœminas in pari gradu cum masculis ad hæreditatem pro rata admittendas.

IV. Supputationem graduum ex præscripto
juris

juris canonici faciendam, quæ omnia ex tertio & quarto capite liquent. Ex hisce regulis pro nepotibus non saltem ex fratrum & sororum liberis, sed etiam ex propriis, aufert hæreditatem, & defert non tantum ad avos, patruos, avunculos, sed etiam patruales consobrinos, ut manifestum est ex capite tertio: sive quod non existimavit aliquem eo usq; victurum, ut pronepotes ex se aut fratribus suis videret, sive etiã quod chariores habeamus notiores, quibus cum nobis major familiaritas intercessit, verum quam adversum hoc sit & naturæ & aliarum gentium legibus, satis superq; patet. Nam cum jus *Christophorianum* in linea descendenti ultra nepotem non eat, sed ab eo hæreditatem ad lineam ascendentem & collateralem deferat, si gradu proximiores sint, ut dictum est; iniquum videtur, ut certe est, si existens pronepos aut proneptis, ab aliquo ascendentium aut collateralium excluderetur, cum & natura omnis & vota parentum magis prospiciant quam respiciant, & majore à se genitos amore complectantur, quam ab avunculis, patruis, fratribus aut sororibus genitos. Majores nostri statim à Rege *Christophoro* ab hac parte juris desciverunt, secuti rationem
& æqui-

& æquitatem juris *Uplandici*, cujus universalis regula hæc est: *Romme aldrig Baatarff eller någor annar arff ther innan / å mån något lesfwer aff Bröstarfwi*: Quæ tamen lex haud ita pridem iterum disputari cæpit, in causa quadam inter nepotes & pronepotes Matronæ cujusdam honoratissimæ, sed definitio ejus hæcenus in suspensio mansit. Ex hac ratione etiam in linea collateralis majores nostri, sequuti jus illud, ut dixi, *Uplandicum*, ad quintum usq; gradum detulere hæreditatem, pari ratione ut in linea descendenti representationem admittentes. Majorem enim linea collateralis cum descendente habere similitudinem & cognationem videtur, quam cum ascendente, quod cum ij, qui utrinq; ex transverso descendant, quamvis gradu eodem distent, non pari tamen sanguinis propinquitate contingant. Patruï mei filiam ducere uxorem jura non vetant, at vetant fratris neptem, quamvis gradu eodem distet: & vetat in infinitum jus civile & canonicum in linea descendenti: Quare etiam nati ex fratre aut sorore, nepotes & pronepotes dicuntur, ut quæ ratio valeat, propter sanguinis representationem ad impediendas nuptias, eadem etiam videatur

videatur valere debuisse ad deferendam hæreditatem: nec caret ea res exemplo, etiam politarum gentium, & quæ in reliquis utuntur jure Romano, & Rex *Johannes Tertius*, qui potestatem habuit tam explicandæ quam condendæ legis, non aliter hanc succedendi rationem explicavit & definivit, in nobili illa sententia, quam anno 1580. convocatis ex toto Regno juris nostri peritis, inter Dominum *Ericum Sparre* & Dominum *Hogenskild Bielte* super hæreditate à Dominâ *Gorvelia Abrahami filia* relicta tulit, cum ex professo totam hanc successionum materiam ad sensum juris nostri explicasset, jus repræsentationis in linea collateralis ultra gradus prædictos confirmavit: nec aliter etiam judicatum fuit ad annum usq; 1634. cum à judicio supremo Regio *Holmensi*, non sine præmissa tamen gravi deliberatione, contraria ferretur sententia, inter Domini *Jacobi Bæ* liberos & Dominum *Carolum Christierni Månestiold* super hæreditate à Senatore Regni *D. Erlando Beronis* relicta, ad observantiam juris *Christophoriani* quod & cum jure civili Romano in plerisq; *Europæ* provinciis usitato convenit. Hæ fuerunt controversiæ circa descendentes in recta linea, & à latere.

Dd

scenden-

scendentes ab aliquo ascendentium ex transversa
 linea, fuerunt & olim controversiæ, ut videre est
 ex sententia Senatorum Regni quam tulerunt an-
 no 1579. in causa supra memorata : apparet e-
 nim illos jus repræsentationis, in ascendenti etiam
 linea, admisisse, in eoq; sequutos jus *Uplandicum*
 quod medium vocaverunt, ut ipse arbitror : Rex
 vero *Johannes* postea improbavit, tanquam suppo-
 sititium, quod aut non extaret, aut depravatum &
 falsum : Fratres enim aut sorores non admitte-
 re secum fratrum aut sororum liberos ad hæredi-
 tatem ex nepote aut nepte, ex fratre aut sorore, re-
 lictam, cum uno gradu proximiores & potiores
 sint, qua in re jus *Christophorianum* idem est cum
Uplandico; sed non defuerunt tamen hodie quidam
 juris nostri periti, qui hanc legem accipiendam
 putant, non quoties lis est inter membra unius fa-
 miliæ, ubi jus repræsentationis valere voluerunt,
 sed quando inter maternos & paternos genitores
 disputatur, tunc potiolem esse, qui gradu mortu-
 um propius contingeret, idq; indicare verba illa :
Gisfrim ångte vth i andro Glächteñe. Verum pra-
 xis, optima juris dubij interpreter, qui sensus sit
 legis aut esse debeat, luculenter ostendit.

Sed

Sed ut ad jus nostrum antiquum iterum redeam, fuit hæc successionis variatio respectu linearum & graduum, fuit &, cæteris paribus, quidam personarum respectus. In adulterio enim concepti, aut ex incestu, ab omni prorsus hæreditate fuerunt exclusi, & eorum etiam descendentes, quamvis legitimè nati, à collateralibus repulsi sūt, quomodo judicatum est ab *Haquino* Rege *Norvegiæ* inter patrum quendam *Halfdanum*, qui patris filius successit patruo *Gunnaro Andrea*, exclusis nepotibus ex filia, quamvis legitimè natis, cum illa ex matre esset adultera, nemo enim plus juris in alterum transferre potest, quam ipse habet. Ipsi etiam adulteri & adulteræ, exclusæ fuerunt à successionem liberorum suorum legitimorum, succedentibus proximis agnatis, nisi constaret de culpa, ab innocente conjuge remissa. Liberis naturalibus certa & à lege definita portio datur, ubi succedunt ascendentibus, collateralibus enim succedere non possunt, si germani inter se sint, ipsis vero de jure *Uplandico* pater & mater ex semisse utrinq; succedunt. De jure *Ost-Gothico* mater prorsus excluditur, de jure communi hodierno pater ex bese, mater ex triente succedit. Ius *Ost-Gothicum*

Successio
eorum qui
aut ex adul-
terio, aut ex
concubina-
tu, aut ex in-
cestu, aut ex
promiscuo
coitu, ut
spurijs, nati
sunt.

Dd 2

Spurios

spurios ab omni prorsus hæreditate excludit, nec parentibus quidem concessum quicquam illis legare, nisi cum hæredum consensu, & judicialiter quidem venia in id impetrata, quod & de jure *Danico* cautum fuit. Ius vero *WestGothicum* spurium & legitimum ex æquis portionibus vocat ad hæreditatem matris, quemadmodum ius civile *Romanum* naturales. Matri enim succedere permittit, patri vero & parentibus paternis, tum demum, si liberi legitimi, non alij supersunt, aut uxor iusta, sed non in totam tamen, verum hæreditatis portionem sextam.. Ius *Sudermannicum* & *Wesmannicum* cum jure civili prorsus convenit in hæreditate materna, quam una cum legitimis ex æquo capiunt, & ijs vicissim succedunt cognati ut legitimis, in quo ius commune etiam convenire videtur.

Successio
Extraneo-
rum.

Extraneo & alienigenæ, cui alias juris sanguinis successio debetur, non alias datur, quam si intra annum causam & ius suum declaraverit, atq; ita tamen, ut decimæ prius deducantur & municipio præstentur, si scilicet in urbe aut municipio vixit. De jure *Uplandico* & *Sudermannico* triennium indulgetur, post cujus lapsum, nisi interea venerit, ex semisse una fiscus, ex altera Ecclesia succedit.

cedit. Hoc vocarunt *Danaarff* quod nomine peregrino nulli notiores *Danis* essent, quibus cum tunc maxime commercia intercedebant.

Exulis & deportati nullum jus, nulla hæreditas, nec eorum qui in exilio concepti sunt & nati, omnia enim civitatis jura amiserunt. *Sveno Canuti* Rex *Norvegiæ* legem sanxit, anno 1030, quâ si qua hæreditas ipsis obvenisset, ad fiscum deveniret, sed quod avaritiam & cupidinem Regis saperet, avertit animos subditorum. Itaq; alia & æquior statim surrogata est, quæ aut jacere jubet hæreditatem, in eventum reditionis ab exilio, aut ad eam proximos vocat agnatos, quo jure etiam nostrates usi fuerunt, nec ulla in commissum cadunt exulis bona, nisi ubi immediatè contra Regem & Regnum peccatur, quod præcipuè fit in criminibus læsæ Majestatis, & tamen in hujusmodi etiam sese nuper ad redonandum alicui ex agnatis, Reges obligaverunt.

Exulum, deportatorum, & peregrè sine animo revertendi abeuntium.

Nulla hæreditas etiam eorum est, qui sponte exiverunt sine animo revertendi. Factum hoc olim à *Gothis*, *Longobardis*, *Normannis*: novissimè vero à multis, catervatim in militiam & terram sanctam proficiscentibus, quo potissimum respi-

Dd 3

ciunt

ciunt leges *WestGothicae*, quæ vetant ne vir in *Græcia* residens, hæreditatem in patria capiat: Inge sine Mans arff / take dhen man i Gireklandi siter. Item far Madir aff Lande / wänder Hål och Nactå at heemfnum / och stiger Gothum af Fosterlandi / ther skulu årswir wara / år skuldaster war honum / td han heeman faar / ån han kommer ey effter til heemfnum / scilicet, Si quis emigrans obvertat talos & verticem domesticis agnatus, ponat pedem extra patriam, hæredes ejus proximi sunt, qui tempore, exitus succedere ipsi poterant, nisi revertatur. Pleriq; nostratium hoc de *Gothis* accipiunt, quod mihi probabile non est, periculum enim non fuit, ut qui ante aliquot annorum centena hinc in *Sarmatiam* primùm, deinde *Thraciam* & *Græciam* egressi fuerunt, ad aliquam in patria aspirarent hæreditatem: Itaq; in eam rem lege non opus fuit, sed constat eo tempore, & paulo ante, cum jus *WestGothicum* scriberetur, multos hinc & è *Norvegia* catervatim, ut dixi, in terram sanctam profectos esse, & in transitu etiam Imperatoribus *Græcis* *Constantinopolitanis* militasse, quosdam reversos esse, quosdam ibi resedisse, id quod historia *Snorlæ Sturlæ* f. luculenter testatur; sed hæc obiter.

Successio-

Successiones etiam non baptizatis nullæ datæ fuerunt, quæ leges in favorem Christianismi, cum primum hic plantaretur, introductæ, postea retentæ sunt, ad acuendam parentum curam in religionis studio & sacrorum initiatione. *Gothi in Hispania* non baptismum tantum, sed & 20. dierum vitam requisiverunt, ut capax esset hæreditatis. De nostro vero jure *Sveo-Gothico, Danico* etiam & *Saxonico* sufficit: Si modo perfectus fœtus spiritum ducat & mammam suget: *Warder södd medh Nägel och Näsa / medh Huud och Häär / drager anda och titt fram. Hedinng må en arff tafa.* Solum jus *Sudermannicum* discrepat, quod absq; alia mentione Christianismi, hæreditatem tribuit, modo constet de perfectione & vita, & recte quidem, meo judicio. Baptizari enim non est in arbitrio infantis. Itaq; si quid parentum aut tatorum culpâ hic peccatur, potius ipsis, quam soboli imputetur, quamvis in ipsos quoq; , ut proximos successores, sæpe damnum redundet.

Successio
nulla non ba
ptizati.

Ut autem personarum, ita & quædam rerum hæreditariarum fuit respectus, quædam enim leges cavent, ut in successione ascendentium res hæreditariæ ad eos redeant, unde, ut è quorum fa-

Successio
in bona avi-

ta. non pro-
miscue agna-
tis & cogna-
tis data.

milia venerunt, & ut in jure retractus, ita & successionis, cæteris paribus, bona paterna paternis, materna maternis addicunt, quod postea tamen, observata graduum distantia, in praxi antiquatum est.

Successio in
arma.

Sed & ut apud Sveones Geradæ vel rerum expeditoriarum, peculiaris etiam apud nostros fuit in arma successio, tantum masculis concessa, in qua & accurata graduum distantia observata fuit, *Wigharff* dicta, de qua nihil cautum est in jure communi hodierno.

Successio ubi non constat de hærede proximo.

Non longe tamen ab illo jure abeunt leges & modernæ & antiquæ, quæ suos cuiq; proximos agnatos ad successionem vocant, in casibus ubi simul conjuges, parentes & liberi pereunt, ut in naufragio, incendio, prælio, peste, hostili invasione &c. ubi incertum est, uter alteri supervixerit. De jure civili *Romano* præsumptionibus hic locus fuit, & in dubia benigniorem interpretationem sequi maluerunt, ut superstes conjunx & parens, luctuosam conjugis aut filij hæreditatem solus retinere posset, cum hos magis quam consanguineos affligerent casus ejusmodi acerbi. Ius nostrum familiis favet, & quatenus potest, sua cuiq; retribuit:

buit: Dela ther dult och fölla en vittne/thå haf-
wer then wihord innan kōn wil witta.

Sed hæc hætenus de varietate succedendi,
respectu personarum & rerum: Fuit & quidam
personarum respectus in ipsa rerum hæreditaria-
rum distributione. Non enim ut hodie inter co-
hæredes sortitio facta est, sed post factam portio-
num exæquationem, quod & de jure *Saxonum* an-
tiquo usitatum, electio natu minimo data fuit
prima, secunda ei, qui ultimum ætate proximè
præcederet, & ita consequenter, ut, inverso com-
muni ordine, is ultimus fieret, qui primus, ut æta-
te, ita jure esse debuit. Spectasse videntur im-
belliam ætatis vel etiam juniorum imperitiam,
aut etiam vota parentum, qui ut plurimum infir-
missimis favent & junioribus.

Distributio
rerum hæ-
reditariarū.

Debita defuncti, ut res etiam hæreditaria,
inter successores pro rata divisa fuerunt, secus
quam hodiè, ex indiviso enim solvenda sunt. Ni-
hil, inqvies, interest: immò creditorum maximè,
quibus invitis debitores mutari non possunt,
& qui minus gravantur, si ex indiviso accipiant
priusquam hæreditas distrahatur. Deinde in
solutionem debiti res mobiles prius deveniunt,

Debitorum
distributio.

Ec

ac

ac demum, nisi illæ suffecerint, immobilia æstimantur, paratior autem ex mobilibus solutio.

CAPUT IV.

De

Jure Dominorum & Servorum.

ARGUMENTUM.

Error Johan. Magni de servis nostris. Servorum origo. Servi spontanei. Servi facti inviti, bello, maleficio, ære alieno. Servi nati. Servorum nomina. Servorum conditio in genere & extra maleficia. Servorum conditio in maleficiis. Servorum conditio in specie, ex officio proprio vel dominorum. Servorum liberatio & servitutis abolitio. Donatio libertatis. Manumissio. Ratioprocessus & modus vindiciarum. Conjugia liberorum & servorum. Prohibitio emptionis venditionis servorum, & ejus ratio. Servitus tarde abrogata & quare.

Post mariti & uxoris, parentum & liberorum jura explicata, tertio loco dominorum & servorum ratio habenda est, non ea quæ hodie, mercenaria scilicet & stipendialis, quæ dierum, mensium aut annorum spatium terminatur, sed qualis hodie apud gentes *Orientales & Australes* est, qualis etiam olim hic fuit, quæ

quæ eò plenius hic excutienda est, quo magis dubitatum fuit, an talis unquam hic fuerit. Noster enim *Johannes Magni* in vita *Bergeri* Regis sugillat eos, qui abrogationem servitutis præfato Regi tribuunt, Cap. 24. Lib. 20. Præterea, inquit, hoc loco dissimulandi non sunt quidam novelli patriæ suæ calumniatores, qui affirmant Regem *Bergerum* abstulisse quandam legem de venditione mancipiorum: quasi id antea lege concessum fuit. Immo vero concessum fuit, & noster hic *Johannes Magni* crasse errat, nec excusari potest in re tam clara & evidenti, addo & recenti. Vix dum enim, cum historiam suam scriberet, annicentum quinquaginta fuerunt ex quo plane & plene desit, ut enim jura vetusta mittam, ex quibus hic omnia servitutis jura distinctè explicabuntur: Extant in jure novissimo, vestigia ejus & vox ipsa, *Trääl* / satis nota significatione rem ipsam ostendens. Tacitus cum de *Sveonibus* scribit, in specie servos ipsi tribuit: nec arma, inquit, ut apud cæteros Germanos, in promiscuo, sed clausa sub custode, & quidem servo, quia subitos hostium incurfus prohibet *Oceanus*. Otiosa porro armatorum manus facile lascivunt. Enim vero neq; nobilem neq; ingenuum, ne libertinum quidem, armis præponere, regia utilitas est. Servi

Error *Joh. Magni* de servitute.

Ec 2

ergo

ergo apud nos & ante & post acceptam *Christi* fidem fuerunt, de quorum origine nobis primo dicendum est, deinde de eorum nominibus & differentiis, de conditione in genere & specie &c. deinde, quomodo ex servis liberi facti, quando servitus, & quibus ex causis hic plane abolita fuit & sublata.

Origo Servorum.

Servorum originem quod attinet, hic ut alibi facti sunt, sponte scilicet vel inviti. Sponte cum quis semetipsum vel pretio accepto, vel etiam sine, in servitutem traderet. quis crederet? cum nihil magis secundum naturam videatur, quam proprio arbitrio vivere, ad quod etiam bruta feruntur? Sed tamen factum apparet ex jure vetusto, ubi interdictum extat, ne quis in servitutem aut detur aut accipiat: *Hafvi ingen wald*

at *gisea siab til giäfferälz*: ingen mä och annan til *giäfferälz tafa* id est: *Nulli fas esto, vel se in servitutem dare vel sic datum accipere.* Et factum hoc saepe à miseris, vel ob inopiam consilii, vel quacunq; alia de causa, cum de subsidio vitae diffiderent, vel constat plures saepe sibi ipsis & communi utilitati magis profuisse, cum opera illorum aliorum ingeniis gubernaretur. Pauci tamen

tamen sponte, plures inviti servi facti sunt, ut qui vel bello vel latrocinio capti fuerunt, vel maleficio meriti, vel ære alieno oppressi. Ære alieno oppressos *Romani* olim servilem in modum vexabant, adeo ut lege duodecim tabularum, debitoris corpus qui solvendo non esset, creditores inter se dividerent. *Galli*, referente *Cæsare*, humanius eos habuerunt, & honoris quodam loco circumse: nominabant eos vero *ambactos*: Quod non dubito quin idem sit, cum nostro *ambat* de quo paulo post. His non immerito adnumerantur illi, qui vel aleæ jactu aut quocunq; lusu de libertate, ac de corpore contenderunt, victiq; voluntariam servitutem adierunt, *alligari se & venire passi*: quod *Tacitus* de *Germanis* refert; hos perinde ut dedititios illos, qui ingenuitatem suam pretio mancipabant, honestius tractarunt, & ut *Gallici* illi *ambacti*, ita hi *Liti* dicti fuerunt. Nostri cum debitoribus ex maleficio non multò durius egisse videntur: Si enim impares pœnæ pecuniariæ erant, quæ pro delicto à lege imposita fuit, arbitrio actoris leges servitutis accipiebant, vel ad menses & annos, ut olim apud *Bavarios*, vel etiam ad vitæ tempus, quod præcipue in furtis erga fœ-

Ec 3

minas

minas obtinuit, quarum vitæ jura *Gothica* semper
 parcunt : Hæwi then wald som stulin ward/
 annattigia giswa foni Liff / ella bôthi ena marc
 Konunge och andra Hârade/ och wari hans am-
 bat. Item hæwer han Godz at bôtha/ ella wil
 naqwar bôtha firi hona/ ta år thet godt: år hwar-
 te til/ ta hæwer han firi stulit frâlse sina: löße en-
 tera: antiggia Mälzågande eller Konungz So-
 cnare/ eller Hâradhöfdingia widher twa / och
 wari hans ambat. *Sit in arbitrio ejus cui furtum fa-*
ctum est, vel vitæ furis fœminæ parcere, vel unam marcā
Regi solvere, alteram communitati, & sic ejus esto serva.
 Item si pœnæ pecuniariæ sufficere potest, vel alter pro illa,
 bene est, sin minus, libertatem suam furto perdidit : Et pro
 ea vel fiscus vel communitas vel causæ possessor cui furtum
 factum est, solvat mulctam alteris utrisq; debitam & serva
 ejus esto. Ius Scanicum tamen in hoc concursu Regē
 præfert, adeoq; ei soli furem in servitutem addicit:
 nulla ferè facta mentione actoris, cujus tamen po-
 tissimas diximus fuisse partes. Bello autem servos
 capere, vel etiam furto & latrocinio in servitutem
 abripere aut vendere olim usitatissimum fuit ;
 quamvis modorum alter propè à laude, alter pro-
 pè ab infamia sit. Notum est de jure vetusto jus
 post-

postliminij, & pœna plagiariis hoc nomine debetur.

Ceterum ex servis quomodocunq; factis, Servorum liberi. quidquid natum erat, in parentum conditione & necessitate serviendi vivebat: olim quicquid etiam ex libero & serva, nisi aut matrimonio sibi servam liber copulasset, aut partum pater in libertatem redemisset: & rectè quidem: ex ancilla enim aliena acquirere non licuit quod partus de jure ejus esset, cujus fuit ancilla, quæ non sibi aut aliis sed domino acquirebat: itaq; & de jure Saxonicō, quicquid ex libera & servo natum erat, matrem sequi voluerunt.

Sic servi facti sunt, qui generali vocabulo Servorum nomina. in jure antiquo dicuntur *annōdugh* / quasi dicas *invitos*, quod sic ut plurimum agant, vel ut aliis placuit, quod tempore messis (quæ *an* vel *and* nobis dicitur) opera eorum cumprimis necessaria sit. *Annōdugh* autem servilem omnem conditionem includit, & semper opponitur libero, *frāls eller annōdugh*: Item *annōdugh Stānd*: Interdum & substantivum addi solet *annōdugh Stion* / qui & significatione eadem alibi in jure *heembhion* dicuntur & opponuntur liberis qui *Sold frālsbhion* & in-

& ingenuis qui *frisbohrne* nominantur. *Tittbo-*
ren degenerem notat. Quemadmodum *Fråls* &
Fullkynnader liberum & stirpe generosum signifi-
 cat. *Tråål* autem generaliter servum cujusvis con-
 ditionis. *Tråål och ambut warin badin ena both.*
 Videtur autem illud antiquius *ambat* prout in ju-
 re *Gothico*, *Sudermannico* & *Wesmannico* nominatur,
 idem esse cum illo *ambacht* *Cæsaris*, nisi quod apud
 nostrates tantum foeminis tribuatur; Ut illud
Tråål tantum masculis, ac proinde strictius nec
 prorsus idem quod *mancipium*. *Glåfferåål* spe-
 ciale est, eum enim significat, qui, ut supra dictum
 est, semetipsum in servitutem dabat: *Brythi*, cu-
 jus mentio etiam in jure novissimo, existimant
 quidam etiam servilis conditionis nomen esse,
 sed non est nisi ejus qui pretio aut mercede servis
 præficitur, & ruri, aut servis & familiæ præest, aut
 agriculturam excercet, id quod manifesto colligi-
 tur ex jure *West-Gothico*: *Sar bryti fran Bonde/*
sedan in år bārgat om Hösten/ eller giswi honom
Bonde orloff/ år Brythi Saaflööß/ och håller
Bonde hans Penningar sedan/ böthe &c. Item
sar bruthi fran Bonde/ vthan rättan Ståmbnu-
dagh/ vthan Bonda willia/ hāthi widh &c. Neutri
 sub

sub pœna permissum esse, nec Brytio ante exple-
tam operam discedere, nec domino ea præstita in-
solutum aut invitum retinere. Officij ergo no-
men fuit quod tam in hominem liberum, quam
vere servum quadraret: ut patet ex cap: 12. i
Winsford; B. i ôstg. E. Ab initio tamen existi-
mo facile tales fuisse (id nomen innuere videtur à
vertendo & fodiendo) quales apud Romanos ascri-
ptij glebæ fuerunt, aut agri censiti, qui non per-
sonæ sed prædio annexi erant, tanquam ejus par-
tes, quales pauci in Dania, Pomerania & Anglia eti-
am hodie supersunt: In Livonia vero rustici ferè
omnes. Hoc non obscurè colligitur ex cap. 14.
i Dråpm. B. i ôstg. E. ubi manifesta est differen-
tia inter Brythium & hominem liberum, qui à mi-
nisterio est domini alicujus. Bryttios vero gle-
bæ & prædiis ascribit vel Regiis vel ducalibus, vel
Episcopalibus, vel etiam privatis, Bryti i Upsala
ôdom / Bryti i Rodzboo / Bryti i Stafz / och
Stolzboo / Bonda Brythi.

Fostre masculini & fostra fœminini generis,
crediderim vernas ex ancillis natos, & servos ori-
ginarios: quia tamen & peculium & familiam
ipsis habere concessum fuit, fuisse quod apud

Ff

Roma-

Romanos liberti, aut iis proximi videntur. Nam & in iudicio agere poterant, & matrimonia etiam cum liberis contrahere, sæpius tamen cum servibus alienis, sed ita, ut ad hæc consensus utriusq; domini accederet, & hac quidem lege, ut *Foster* (servo) mortuo, dominus servæ non tantum in relictâ bona & peculium, sed & liberos, si qui nati essent, ex triente hæres esset, ex besse vero dominus servi, Si *fosira* (serva) decessisset, quod idem plane & apud *Gothos* in *Italia* in usu fuit.

Conditio
servorum.

Has servorum differentias in jure nostro vetusto reperimus; sequitur conditio, quæ in genere talis fuit, qualis cujuscunq; alterius rei possessæ, animatæ & inanimatæ, cujus usus unicè ad domini voluntatem & utilitatem dirigebatur, pro mortuis quoad vitam hanc civilem, vel potius pro nullis habiti fuerunt, ut qui nec caput nec personam haberent, aut standi in iudicio, aut agendi, aut testandi. Ut pecudes autem, alienari poterant, per donationem, per mutationem, per oppignorationem, hæreditatis transmissionem, emptionem, venditionem. Extat locus cap. 16. i *Gistm. B. i dñg. E.* Ubi pleriq; hi modi servos acquirendi recensentur. *Nu áhra ther annódugh Nlon/ár/til.*

till omtyndh giord åhro/ och åhru swa gammul/ at
 thön åhru engsins före/ hafwa badin nått / eller
 garwin badin frälse/ ta ganger ther fullnader firi /
 år thet salt/ burt/ ella löstis/ ella dödt/ ella år thet
 lupit bort/ ta sylli Bonden twee marc för thet es
 na hufvudet / id est: Si mulier attulit in dote, servos
 adeò ætate decrepitos, ut nihil valeant: Si constante ma-
 trimonio, uterq; aut usi sunt, aut libertatem donaverint, pro
 iis supplementum maritus non debet heredibus uxoris. Si
 vero aut venditi sunt, aut redempti, aut mortui, aut aufu-
 gerint, debet pro capite unoquoq; tres marcas. Quia sci-
 licet mortua uxore dotem transmittit ad ejus hæ-
 redes, nec ex ea sibi quicquam retinere potest,
 quod & ante dictum, nec hodie amplius de jure
 aut in usu est.

Ceterum emptio venditio servorum, ut pe- Emptio ven-
ditio servo-
rum.
 cudum, per mediatores & testes fiebat: Tråål
 skal man medh win och wittne fiöpa som Håst.
 In emptione autem eorum, ut equi & bovis, non
 dabantur experientie dies, sed de tribus cavere
 venditorem oportuit: ut habile esset tam novilu-
 nio quam plenilunio, quod morbo fontico non c
 laborarit; quod provectioris, quam dixisset, non
 esset ætatis: Bonde skal warda / så år sål Tråål
 If 2 och

och ambat/ them år fôpin/ bade ny och neder/ ther
nâstu firi brote/ ân firi gridum allan aldâr.

In communi autem pretium & æstimatio ser-
vorum lege definita fuit; olim validum & robu-
stum mancipium duabus marcis vænibat *Olao Pe-
tri* teste. Iura *Gothica* & *Scanica* pretium ponunt
trium marcarum: Iura *Sveonica* variant: *Wesman-
nicum* æstimat servum vulgarem tribus cum dimi-
dia marcis: Servum vero cui clavium & ædium
custodia commissa fuit; duplo pluris. *Uplandi-
cum* vero in communi septem marcis, procul du-
bio quia temporibus posterioribus, pretia eorum,
ut rerum aliarum, excreverunt: æstimationi etiam
fuerunt pro fide, pro artificio, pro ætate, pro qua-
litate & officio, non suo tantum, sed & domino-
rum, quod præcipuè in mulcta cædium & vulne-
rum attendebatur, propter damnum datum. E-
jus enim potissimum causa factum videtur, quod
tam sollicite iura servos æstimaverint: & in eo
etiam quædam servi prærogativa visa fuit, quod
ejus quacunq; ex causa, vel etiam mero casu in-
terfecti, æstimatio semper præstanda esset, cum
ita liberi hominis pretium statui non posset, nec
deberet: nam si fortuito casu cæsus aut vulnera-
tus

tus esset, eventus fortunæ culpa excusatus fuit,
 non rigorosa rei restitutione mulctatus. In cæ-
 de autem servi, non idem quidem numero, idem
 tamen specie, aut ejus pretium restitui potuit.
 Idem obtinuit, si quis servam alterius imprægnas-
 set, illa vero ex puerperio moreretur; non tan-
 tum lucrum cessans & operas illius præstare do-
 mino, sed & pretium mortuæ addere compressor
 debuit: *i thöm döda warder annödugh gildare
 än then frälsta.* Hoc, inquit, casu mortis, pretiosior
 libero servus. omnia vero præstabat, donec con-
 valuisset & laboribus iterum sufficeret: *then barn
 a ambut/ han skal warda hämin/ til thet än han
 gitter qvarn draga/ och föo midlefat.* Absq; hoc
 autem pro solo concubitu aliquot oras domino
 debebat, & duplum ejus vel triplum pro liberta,
 & tantundem fere si quis sine ullo domini damno
 alienum servum pulsasset; paulo plus, si libertum:
 hi enim eodem jure, quo exteri, fruebantur, *Angli*
 scilicet & *Sundenses*, quorum non eadem fuit ratio,
 quæ indigenarum. Atq; hæc mulcta debebatur
 tantum propter injuriam & contumeliam quæ
 censebatur domino facta. Itaq; à conditione
 dominorum sæpe aucta fuit. Facta enim Regis
 Ff 3 servo

servo, maximi; ducis aut Episcopi, majoris: Iudicis provincialis, magni & supra, quam reliquis facta, judicabatur. Ubi vero damnum juxta datum est, pretium ex lege & lucro domini taxatum fuit. Itaque in cæde servi alterius, liber non de homicidio quidem accusatus fuit, æstimationem tamen ejus præstabat juxta ea, quæ jam dicta sunt, prout aut domini aut servi, aut tempora fuerunt. Idem factum, si servus alterius servum domini interfecisset, aut noxam dominus dedere, aut pretium occisi debebat. De lege *Salica Francorum* servum homicidam inter se domini dividebant, quomodo *Romani* debitorem. Sed quid? Si in maleficiis servus foret, exempli gratia, vel liberum hominem interfecisset, vel etiam crimen commississet violati juramenti regij? etiam pœnam pecuniariam dominus servi præstare debuit, sed gravissimam, & quæ pro capite libero constituta fuit. Neque enim servum in exilium pellebant, quod fortassis etiam insons elegisset, neque etiam statim neci dabant. Non parum enim supplicij esse putabant in prorogatione vitæ ad diuturniorem servitutis patientiam. Si tamen dominus ejus mulctam aut nollet, aut non posset, servus homi-

micida, ad portam illius, torto ex cortice quercino fune suspendebatur, tamdiu pendulus foetore domum domini & familiam infestans, donec fune cum putrefacto decidisset: Si enim dominus ejus convinci potuit antea solvisse, mulctam qua suspendendum liberare poterat, suspenso solvere ex lege tenebatur; quam legem haud scio an nostrates à Saxonibus, an vero Saxones à nostris mutuati sint. Idem enim statuerunt in cane homicida, in arbitrio autem actoris posuerunt utrum dimidium vel integrum *Werigeldum* à domino canis mallet, dimidium jura imperant absq; onere, sed & integrum etiam postulanti concedunt, ea tamen conditione, ut omnem domi suae sibi aditum pracludi patiatur, praeter unum, qua foras prodeundum est, ibi è limite canem homicidam suspendebant, donec compatrefactus nihil praeter ossa albicantia reliquisset. Sic lucrum pecuniae foetore cadaveris justè emi. Nam si aut canem amovisset, aut alio ostio exiisset, jus perdebat integri *Werigeldi*, solo semisse concesso. Idem & nostrates in servo ante portam suspenso spectaverunt, inhumanitatem, sordes & avaritiam exprobrantes. Ius tamen *Wesmannicum* dominum servi liberat, si modo

modo noxam hæredibus defuncti dederit, ut eâ faciant, quidquid velint: & præterea pretium præstet vel offerat servi homicidæ: eo tamen eventu, ut si forte servus sibi fuga consulnerit, mulcta duplicetur. Hoc autem interfuit inter servum & liberum hominem, quo servi causa potior videri potuit; ut si ad eadem alicujus cum homine libero concurrisset, cædis culpa & pœna, non servo, sed homini libero imponeretur, perinde ut factum etiam fuit, si cum viro ad eadem mulier concurrisset; idem factum est etiam in furtis; liber suspensus fuit, servus dimissus; *ganger at stidla/ Bryti och Tråål: Bryti skal vphånga och en Tråål*: procul dubio quod alterum libertas, alterum necessitas impelleret. Alter enim sibi, alter domino parabat, impari ergo studio ad istud venisse præsumebantur. In eade etiam, qui sui juris non esset, alieno obsecutum consilio & imperio existimaverunt, & cum culpa illa omnis pecunia lui posset, rectius & citius illam à libero quam servo extorquendam esse.

In respectu autem ad dominum, servorum conditio talis plane fuit, qualis dominis placuit. Pro ipsorum enim libitu & arbitrio, vivendi & servi.

serviendi necessitas incubuit. Itaq; si sævi illi & truculenti, nihil servis miserius; nulla enim per-
pessio quæ non imponi potuit, nulla actio quæ
non quovis modo extorta. Extat in jure *Christo-*
phoriano vox trålbår/ vel testis vel index castiga-
tionis servilis, vertit illam *Ragvaldus* per immaniter
tractat, recte quidem ad sensum, sed sic, ut servos,
quos projectos in terram sævius pullasse videntur
& peculiari quodam verberationis genere, ut ho-
die *Muscovita* suos. Alibi in jure nostro *Tråål* &
Fothrodh conjunguntur, & servos occidere solent,
inquit *Tacitus*, non disciplina & severitate, sed impetu
& ira, ut inimicum, nisi quod impune: Nostri quid-
em non consuetudine magis & more gentis,
quam legibus etiam publicis de impunitate cau-
tum fuit: *Rune Bondin* ella *Huusfrua* ella barn
thera trålin något giðra/ hwarðh thet år ella i drå-
pum ella i *Sårom*/ wari alt ogilt i alla lagum:
Ergo proprium servum interficere licuit, aliquan-
do & alienum, sed sic, si se ad pugnam cum homi-
ne libero composuisset: Then frålse gilder och
tråål ogilder/ in han war en *Folckfrålß*. Extra
hunc calum æstimatio ejus præstanda fuit, quod
& ante dictum. Adversus dominum ergo nulla

Gg

actio

actio servis data fuit, nisi si quaestio status ei qui se pro libero gessisset mota fuisset, aut ab extraneo maleficium ei imputaretur, qui insons esset, quo casu, non servus sed dominus rei partes in iudicio defendendas suscipiebat, aliquando tamen & servi in iudicio testari poterant, ut de partu foeminae, de iis qui fortuito casu periissent, aut vi maiore, ubi & foeminis testari permissum: *i thessum malum ta mā funa annoduga wittne bāhra och Edhe swāria/ och i engumandrum.*

Differentia
servorum.

Hæc in genere de servis & eorum conditione; ut autem inter servos differentia fuit, ita & conditio sæpe variavit. Omnium vilissimi fuerunt, qui sese sponte in servitutem mancipabant, duplo minoris enim constabant, & recte quidem: Servitute enim electa tam vile sui pretium ipsimet posuisse videntur, vel animo degeneres, vel corpore inutiles aut infirmi: Omnium autem optima videtur fuisse *fostorum* conditio. Iplis enim & peculium & familiam habere concessum, & cum servi in genere intestabiles essent; *fostis* nostris hoc privilegium datum est, ut quomodo liberi, testari possent, & in iudicio ipsi agere: *Fostre mā wittna/ ty at hanc Boo skal stiftas/āhn han*

han draper man. *Fostri* etiam duplo pluris, quam alii servi, duplo vero minori pretio quam ingenui taxati sunt, sive mulctam darent, sive caperent, cujus trientem semper patroni sive domini aut præstabant aut sibi vendicabant. Diximus supra **Britti** non tam servi, quam officii nomen fuisse, ejus tamen, qui operam superiori locaret, cujus æstimatio magis à dignitate domini quam usu aut opera pendeat. Itaq; in cæde ejus, injuria aut damno, semper ad dominum leges respiciunt, qui quo major & dignitate, vel officio illustrior, majorem etiam, à servo læso, accepisse injuriam putabatur, ac majore proinde mulcta vel castigatione pecuniaria vindicandam, quæ **Tucta** dicta fuit, quasi à tactu, ob existimationem vel dignitatem quasi tactam, imminutam vel læsam.

Hæc de illorum conditione & pretio, superest ut illos manumittamus & liberemus. Postquam persuasum nostris, non convenire Christianis, christianos habere servos, cohæredes cœlestis gloriæ & regni, excogitati sunt pio zelo à Regibus plures modi, quibus sine damno dominorum servitus paulatim abrogaretur. Itaq; primo com-

Abolitio servitutis.

Gg 2

men-

Libertatis
donationes.

Redemptio
servorum

mendata est libertatis donatio, tanquam res Deo gratissima & animarum saluti utilis. Libertas itaq; à religiosis & devotis promiscuè tam alienis quam propriis servis dari cœpit, & propriis quidem semper dari potuit, sed & alienos redimere licuit, neq; tamen, ut primum libertas data fuit, etiam pro libero habitus fuit, quoad juris effectus, ante ejus publicationem: publicatio autem fiebat vel in judicio à judice, ad professionem sive contestationem domini, vel etiam à Sacerdote in conventu parochianorum aut Ecclesiæ, si scilicet libertas testamento relicta fuit. Ex eo tempore libertus, non liber factus, si absq; prole decessisset, patronum hæredem habebat, prout etiam jure civili *Romano* constitutum fuit, nisi quod de jure nostro in successione non sui tantum, sed & legitimi hæredes patrono præferantur, in primo tantum gradu: *Atleddis mader/ adelfena barn/ eller wiisdgangit/ ta taker thet arff hans / och ey hin han atleddi: Item, åhr sun til ella dotter/ fader ella moder/ broder ella Syster/ ta saar icke then aff arff wi åhr atleddis åhr ingen thera till/ ta skal then taka år atleddi: id est, Servi manumissi proles legitima, vel sic agnita, hæres esto, non manumittens. Item*
si fili-

si filius aut filia, pater aut mater, frater aut soror existant, ne adito hereditatem patronus, si verò superstites non sunt, heres esto. Alienis autem servis ut libertas daretur, pretium intervenire oportuit.

Erat hic alter modus quo servi in libertatem, vel emi vel redimi poterant, imo & debebant, si agnatos habuissent: dedecus enim & ignominia liberæ familiæ aliquem ex suis in servitute videre aut pati, neve emptores æstimatione nimia à dominis gravarentur, favore libertatis pretium non arbitrio contrahentium, sed lege definitum fuit, & quod ex proprio suo, non servi peculio, redemptores conferre debuerunt, sed nec inter redemptores esse poterant, vel mulier, qua cum rem habuisset servus, vel libertus, aut qui ipse redemptus esset. Redemptio quoq; prohibita fuit tempore messis & sationis, vel certe nulla conditione admissa, nisi ut redimendi loco operarium domino conducere.

Ceterum redemptionis seu vindictiarum hic erat processus; primo publicatio ejus rei facta est, jus libertatis servo denunciatum, pretium domino promissum, & conventus judicij eâ de re indictus. *Wilia fränder sin vr annödugh stad lösa / ta*

Gg 3

stulu

skulu ther a han manhelgd Insa/ så firi han biuda
 och ting stamma : hoc eo factum ut cum libertas
 in suspenso esset, nihil fieret quo jus ejus laedere-
 tur. Si quid enim interea à domino ei factum
 est, tanquam commissum in liberum hominem,
 puniebatur: quemadmodum etiam, si quid inte-
 rea servus commisisset, ejus culpam non dominus,
 sed redempturi præstare tenebantur. Deinde
 etiam statò judicij confessu pretium oblatum est,
 absq; eo enim præsentaneo nihil actum. Illud
 autem, ut ante dictum, pro ratione temporum
 variavit. Ius *West-Gothicum* aut duas oras aureas,
 aut duas marcas argenteas definit. Iudicij autem
 confessus ad id requisitus fuit, ut omnibus consta-
 ret de manumissi libertate; dominum enim præ-
 sentem esse oportuit & abalienare, aut si ipse ab-
 sens esset, cum sacramentalibus jurandum fuit id
 factum volente & consentiente domino. Si au-
 tem tergiversaretur oblato pretio manumittere
 dominus, res ad supremum provinciale judici-
 um devoluta est, ubi redemptores aliquid horum,
 de quibus controversiæ potissimum fuisse viden-
 tur, per sacramentales probare debebant, aut ser-
 vum cā sanguinis propinquitate esse, ut debeat
 redimi:

redimi: Ut han them/ swa nidiom når/ och knām
 funniger/ at the aga han lösa i lagh manna; aut
 in liberam familiam reverâ, nec novam servitu-
 tem redimi; Ut wir lösum han/ til kyne och fun-
 dra manna: aut deniq; suo ære, nec servi pecu-
 lio vel ære vindicari: Ut thâr war frânda såå/ och
 egh hans såå/ och en widergåld hans såår. Per-
 inde autem fuit, siue redemptores siue etiam re-
 demptus probaret, utricunq; actio mota fuit:
 ex præscripto juris & ipse ad probationem admis-
 sus fuit, aut se manumissum cum consensu & libe-
 ralitate possessoris; Ut han war atleddir medh lu-
 wi och jaqråde råttz ägande: aut se propinquo-
 rum ære & juramento redemptum esse, at han war
 löster medh såå och fränder Edhe. Favore enim
 libertatis concessa fuit probandi facultas pu-
 gnantibus pro libertate, ut cum sedecim, octo vel
 etiam quatuor jurarent, quod impugnantibus li-
 bertatem præstare, ut tunc fuerunt tempora, non
 fuisset difficile, ther giff; wald och witzhord / thâr
 sig will giöda. Sed si & liber nec unquam servus
 fuisset, in quaestione status tamē pro illo meræ præ-
 sumptiones non valuerunt, nisi insuper probasset
 se conditione nunquam servum fuisse: Ut han är
 frälz

fräl; och fridhåtta. Ubi vox hæc novissima pileum pacis significat, quod non minus apud nos, quam *Romanos*, libertatis indicem hunc gestare licuit iis, qui aut manumissi erant, aut parentum alterum vel utrumq; habebant liberum, ac de iis qui utrumq; habebant, nullum fuit dubium: quod alterum vero attinet, de jure vetustissimo, partus conditionem matris secutus est; unde quidam se matris non patris filios nominarunt; ut *Ingeburdis*, *Esthridu* filios &c. De jure vero novello liberi libertatem, non sexum sequuntur: *gangin å barn a bätteri alff*. Itaq; si quis ex propria serva liberos genuisset, donare; si ex aliena, emere libertatem debuit. Si verò ex communi (communes enim servos & servas etiam habebant) & ex suo dare, & in hoc de suo, reliquos etiam consentire oportuit. Libertas enim ex parte dari non potuit, neq; propterea sociis æstimatio debebatur: quod tamen apud *Gothos* in *Hispania* factum: *Egh ma Bonde Barn sitt i sälder söra och egh annödugt hafwa / och egh sin Brodur / och egh Syster sina*/ atq; hic tertius modus erat acquirendæ libertatis.

Quartus erat huic suppar vel idem potius,
ut

ut si quis servum servamve pro libero in matri-
monium alicui dedisset, vel ipse sumpsisset, eo ipso
libertatem donâsse, & jus suum in eos perdidisse
judicatus fuit. Nu taker mader fostra sin / och
bedin frâlsa konu med och fallar han frâlsan wa-
ra: Nu bidir frâl; madir fostrum bonde / fallar
hana frâlsan vara / hafwin thesfore gisvrit wan
sine / och thôn warin frâl; och alt thet aff them
fomber / Sensus est: Si dominus dixerit vernam vel
libertam liberam esse, & pro libera elocaverit, perdit jus in
eam, prout extitit ejus vel dominus vel patronus; neq;
enim quemquam ex dolo suo vel alterius cum
damno locupletari voluerunt: Sed si sciens ser-
vo mulier nupsisset, vel servam vir duxisset, nisi
redempti forent, in tantum acquisitum dominis
jus imminuere non poterant, quo minus etiam ex
tali conjugio supersticibus, mortuô servô, in bes-
sem; servâ in trientem domini succederent, quod
& factum supra diximus, si servus alterius domini
servam sibi contubernio junxisset, nisi quod tunc
etiam successio in liberos esset, hîc vero nulla,
quod semper libertatem sequantur Si vero ex
furtivo concubitu aut illegitimo liberi essent, in
eos nihil juris sibi vel servus vel servi dominus

Hh

vindi-

Conjugia
cum servis.

vindicare poterat: domino enim servæ acquisiti sunt, cui præterea etiam pecunia debebatur, ut ante dictum. *Wil tråål faa Huuskono / gif wi tæa ðre til them ær han a æcki kepsir i barnum.* Item de jure *Old Gothico*: *Mu ganger Foster mans effter fostro / ta a egh fæpsir innan barnum / id est, partus vernæ ex alterius vernâ non pertinet ad illum.* Si autem mulier libera ignorans servo nupsisset, nuptiæ irritæ fuerunt, ubi constitit de servili statu; liberi tamen libertatem sequebantur. Si autem tempore vitæ quæstio status ei mota non fuit, libertas præscripta fuit, nec actio deinceps ulla data adversus liberos eo nomine: *kombir trål a land wårt i laga giffu: qwål ingen han i hans liifzdagum / hæwi sedan ingen wiðordh at qwålia barn hans*: quamvis enim liberis statim ab ipsa nativitate libertas ob alterum parentum novâ hâc lege connasceretur, nomine tamen parentis, servi alia jura constante matrimonio perdere poterant, quæ ipsis ex ignorantia status accrescebant.

' Interdicta
de servorū
emptione.

Postremo quò magis servorum usus rarefceret, etiam commercio servorum tanquam rei illicitæ interdictum fuit: ac primo quidem ne quis liberum hominem in servitutem venderet vel traderet,

(226)

deret, quod antiqui vocabant *lágga i sutt*: deinde ne quis semetipsum in servitutem traderet, à *Bergero Farlo* cautum fuit, cum nondum tamen vetuisset accipere vel emere vendere. Sed nepos ejus *Bergerus Magni* filius etiam emptionem venditionem sustulit, edixitq; libertatem eo ipso acquisitam servo, quo constaret venditum esse, ut emptori quidem adversus venditorem ad pretij; venditori verò nulla ad servi restitutionem actio daretur. *Sål Christen mader Christnan/ och är ta hans trål/ ta warder han frälst sum säl der är med the salu/ och hñ taki wurd sitt atter / som köpte / och är ingen boot at / och wari aldri ofrål; sidan.* Interdictum autem illud *Bergeri* in jure *Sudermannico* repetitur, indicium etiam eo tempore fuisse, quamquam rarissimos. Author enim ejus sive potius confirmator, *Magnus Smeef* in solenni sua regni circumscriptione prorsus sustulisse dicitur, servis omnibus qui tunc fuerunt, libertate publicè data, neq; enim post ejus tempora, servi, aut de servis leges.

Ceterum causa abrogationis in interdicto ponitur: *Hafwi ingen Christen mader wald christnan at sália/ ty at ta Christer war/ ta löste Christer*
Hh 2 fier

stier alla *Christina*. Quæ tamen ex affectu christianæ charitatis magis svadere, quam edicto aliquo numinis cogere potuit. Christus enim servi formam assumens venditus est, non ut terrena aliqua servitute nos liberaret, sed ut venundatos sub peccato in libertatem spirituales assereret.

Verisimile quidem est *S. Ansgarium*, qui inter primos Christi prædicatores hic fuit, hæc inter alia, quæ de ipso referuntur, svasisse, sed nullo effectu: Servitus enim & ejus jura manserunt. Postquam autem Cardinalis *Gunhelmus Sabinensis*, qui tempore Regis *Erici Blasi* in *Sveciam* è *Norvegia* venit, ut sacerdotibus conjugia interdiceret, inter alia etiam ferri igniti & servitutis abrogationem urfisset; fundamentum abrogandæ legis à *Bergero Jarlo* cœptum est; quod nepos *Bergerus* continuavit, pronepos vero *Magnus Smeef* perfecit, & finem imposuit, spatio fermè centum annorum. Res enim tanta, quæ cum multorum damno conjuncta fuisset, sine motu publico semel & simul tolli non potuit.

CAP.

CAPUT V.

De

Contractibus,

ARGUMENTUM.

Contractuum materia amplissima. Nobis tamen non exculta & quare. Permutatio antiquissima, & cum venditione ferè eadem. Venditio certis regulis astricta. Venditio per testes & mediatores: & quare: per utrosque. Ad manuum complexum, *Dandsabla/Dandsöhl*. A contractu quando recedere licuit. Quarum rerum sine testibus & mediatoribus emptio, Emptio sub conditione ad dies experientia, *Freslmart*. Fundorum venditio sive alienatio publicanda, quorum & quare. Peculiare Regis privilegium circa venditionem fundi. Ceremonia circa venditionem fundi. Scotatio *Stidörning*. Contractus baculi *Stofft och kassa*. Formula alienandi. Firmatores quales & quot pro varietate contractuum requisiti. Publicatio fundorum quare recepta, & hodie etiam usitata. Differentia fundorum. *Abdiales* & *adventitii*. Differentia horum & super his controversia hodierna. *Jus retractus* sive *protimisecus* quale & quam varium, ut & pretium fundorum in retractu. *Æstimatio* fundorum alibi usitata, alibi hodie deserta. Fundamentum *æstimationis*, & controversia super *æstimatione* hodierna. *Oppignorationes* fundorum quando legitima. *Usura* prohibita & *jus anticrisecus*. Sententia super hoc superioris seculi. *Locationis* conductionis agrorum mos varius. *Arrha* sive *donarium*, *Städzle/wingid*. *Canon* *Doelgtäsf* *Astradh*. Differentia inter centum & canonem pro ratione agrorum. *Commodatum*, *mutuum*, *depositum*, & *jura* super his nostra.

Hh 3

Con-

Contractuum materia amplissima est; per quos, homines, de quorum jure jam actum est, mediante fidei vinculo per commercia rerum in hac civili societate cohaerent. sed de contractibus pauca jura antiqua habent, ut hominum qui nec negotia cum exteris multa haberent, & domi mercimonia & artes quaestuosas non exercerent, paucis quæ cuiq; suus ager suppeditaret, contenti. Quidquid autem defuit, id permutatione earum rerum quas superfluas habebant, acquirebant, in quem finem successu temporis in singulis provinciis & locus & tempus constitutum fuit, ubi & quando ad mercium commutationem convenirent, quæ *Græcis* ἐμπόρια, nostris *fiōpung* dicta fuerunt, quæ vox etiam hodie plerisq; nostratum oppidis remansit.

Permutatio.

In hisce emporiis permutatio mercium fiebat, pecuniæ usu adhuc vel ignoto vel raro, quem defectum tamen supplere conati sunt, constituto sive definito rebus pretio quas pecuniæ loco repudiare nefas fuit. Id quod cum primis ex cap. 8. *Jorda B. LL.* juris *Christophoriani* colligi potest, ubi in retractu fundi allodialis, si emptor frumentum,

tum, boves, pecudes, lardum, butyrum, caprum, ferrum, pannos laneos sive lintheos, aut aliquid horum offerat, ad pecuniam cogi non potest, quod & ante dictum.

Ceterum in emptione venditione gens simplex & minimè omnium astuta, ne circumveniretur, satius existimavit regulis quibusdam contractum illum constringere, quam libertati cujusq; relinquere. Primò enim omnium, rei quantulacumq; vendibilis nullam emptionem fieri voluerunt, nisi sub testibus & per mediatores. Testes adhibiti fuerunt ne contractus negari posset: nulla enim primis temporibus scriptura in usu. Mediatores verò, tum ut pretium moderaretur, tum ut caverent de evictione & titulo, si ita usus factio esset: videntur autem ad certam verborum formulam contraxisse, quam mediatores hi præibant, ut postea factum est, & hodie fit in instrumentis publicis circa alienationem fundorum: *In skal win tako til aldra fiðpa/ at han skal ordina giðra um all fiðp/* id est, *mediatores ideo capiendi sunt, ut in formula contractus verba præeat.* Hos moderatores viros esse oportebat, non tantum sui juris & qui familiam haberent, sed & qui eo in territorio habitarent.

Emptio per
testes & me-
diatores.

Manuum
complexū.

bitarent, ubi emptio venditio fiebat, cives non peregrinos, then som win skal wara/ han skal wara bultsfåster man och inländskor/ i thet landet tiöpet görz i/ och wårda at thet rätt fångit år/ som han wingar honom. Post hoc ad emptionem venditionem manuum complexum præceperunt, antea enim contractus non erat perfectus. Sidan skulu their handur tafast. Item han skal handsala honom &c. & in jure nostro autentico, Tager handom år sammantafit / wart och wingat/ ta år laglifa tiöpt. Handsala ergo verbum est, vendere significans per mutuam manuum complexionem, unde Handsalu nomen venditio talis dicitur per manum, & participium Handsöludh vel Handsaludh id est, venditum perfectè siue ad complexum manuum: postea usu loquendi Handzööl etiam pretium illud dici capit quod post complexum manuum (quod veteres juris consulti mancipationem vocarunt) siue ejus loco statim numerabatur: eo enim facto & fide utrinq; datâ & acceptâ, à contractu recedere non licebat. De jure tamen *WestGothico* recedere permissum, sed sub pœna trium marcarum, sub qua etiam de jure novissimo à societate discedere licuit

licuit ante tempus constitutum. Post traditionem tamen aut recognitionem non erat poenitentiae locus. sed de hisce ceremoniis posterioribus seculis aliquid remissum est, ubi enim constitit de pleno utriusq; partis consensu, praecipue vero numero pretio, non admodum necessaria visa fuit manuum stipulatio, ut propter ejus defectum contractus irritus redderetur, aut etiam eo nomine actio daretur. Deinde, cum ad rerum omnium etiam vilissimarum emptionem, supervacua videretur, etiam difficilis esset mediatorum & testium conquisitio, sufficere arbitrati sunt, si tantum in emptione venditione rerum pretiosarum testes & mediatores adhiberentur, utpote in emptione venditione auri vel argenti elaborati, aedium, armorum, vestium, equorum, boum, ovium & caprarum &c. sine mediatore vero & teste, res minoris momenti, ut anser, gallina, canis & felis emi poterant, *Höns och Gids / Hund och Ratt må tiöpas vthan vin*: quia nec magna pro his, si furto caperentur, de jure imposita poena, quæ alioquin in abigeos obtinuit.

Hoc primum ergo erat, ne deciperentur, cum testes & moderatores adhibuissent: alterum

li

ab

Ad dies ex-
perientiae.

ab hoc consistebat in diebus experientiae, qui in jure dabantur in venditione vel permutatione equi, equae, bovis &c. dicebantur *Fråsmard*/ id est, emptio sub conditione experiendi ad certum tempus, quod vel tres vel quinque; vel quatuordecim dies fuerunt pro ratione distantiae inter domicilia contrahentium: Sic prospectum videbatur simplicitatis, cum esset poenitentiae locus, & liceret emendare errores proprios, cavere alienos. Idem, quamvis non eodem modo, spectavit jus civile Rom. cum, si quod rei emptae vitium fuisset, modo non manifestum, nec de eo emptor sciverit, concedat emptori aut redhibitori actionem aut aestimatoriam, quibus agitur vel ad resolvendam venditionem, vel saltem, quanti plaris emerit, ad pretium à venditore recipiendum.

Hisce tamen actionibus non erat locus, de nostro quidem jure, inter incolam & peregrinum, quando aut ad testes contractum fuit, aut etiam in foro vel mercatu publico sine testibus: *Sori Torgsköpp liigger ingen fråsmard*. Item *saar madir Håst aff andrum eller af wågfarande manni medh köp eller skipte/ och medh köpswittnom/ thår*

thâr âr ingen frâstmarck forî. Sibi ipsis enim imputandum, quod non essent cautius mercati.

Sed hæc hæctenus de emptione tantum bonorum mobilium. Bona soli vel immobilia non ita ubivis, cuivis & quantivis distrahere licuit, etiam si mediatores & testes intervenissent. Eorum enim emptio venditio non aliter rata fuit, quam si publice & in judicio fieret, atq; eo usq; pœnitentiæ locus fuisse videtur. Contractus enim privatum factus, nostris vulgo *Båndekstöp*/ quasi dicas, ad scamnum emptio, nullius momenti fuit, ut quæ facillime impugnari aut revocari posset: cum autem in judicio contractum profiterentur, tum demum sibi constare videbantur, ut ipsis deinceps minime ab eo discedere liceret. Peculiare tamen Regi privilegium fuit in venditione fundi sui vel etiam publici, post trinam enim publicationem (quâ Reges perinde ut privati in contrahendo tenebantur) emptor Regem invitare, & tribus eum ejusq; comitatum mensis ad convivium excipere debuit. In horum præsentia Rex particulam ex terra venali in sinum emptoris excutiebat, in signum simul totam tradi. Sed tamen, si venditionis eum pœnituisse, antequam alterum pedem à

Emptio venditio bonorum immobilium.

Ceremoniæ in fundi venditione.

Scotatio.

Baculum
contactus.

limine non extulisset, habebat regressum in integrum; secus, si utrumq; eliminasset. Ad hunc modum olim etiam privati contraxerunt, manibus assistentium extenso emptoris pallio, in quod terræ modicum venditor conijciebat, cum solenni alienandi formula, quæ sola posterioribus seculis retenta fuit, & vox sine ritu: Nam & hodie confirmatio judicialis, quæ fit super ejusmodi contractu, *Scotatio* dicitur: *Skjöttning*/ ob terræ istius quæ olim facta fuit ex sinu venditoris in sinum emptoris excussionem. Adhibebant præterea & baculū, quem duodecim firmatores tangere debebant in signum perfecti jam contractus. Utraq; hæc ceremonia diu in usu fuit, postmodum altera, hodie neutra: tantum, ut dixi, voces ipsæ: *Stafft och Skjöttning*: quæ dicuntur de tabulis sive instrumentis judicialibus super contractu factis. Antequam contractus per ejusmodi ceremonias & ritus confirmaretur, audiendus erat venditor, si pœnituisse facti, modo pecuniam pœnitentiæ legibus constitutam solvisset, quæ si simplex tantum præcessisset promissio vel stipulatio, non magna quidem, sed tamen contra quam jure civili *Romano*, aliqua fuit; si vero manuum complexu firmata

firmata esset, triplo major erat de jure *Scanico*, de jure *Gothico* plusquam decuplo. Post *Scotationem* vero vel terræ excussionem non poterat contractus tam solenniter confirmatus rescindi, nisi sub conditione adeo gravi, ut pro singulis firmatoribus, totidem mulctis lueret pœnam inconstantiae venditor, quæ cum soli emptori (*widerlagg* = *ôre* dicebantur) cessissent, hoc lucro satis contentum fore arbitrabantur, præcipue si nondum occupasset & coluisset. Ius *Scanicum* sic ea de re statuit, qui promissionem super venditionem alicujus terræ noluerit adimplere, duas oras secundum quosdam, si nudam & simplicem promissionem fecerit: Sex oras communi judicio, si contactu manuum roborata fuerit; Tres marcas, si *scotationis* solennitate interveniente aliena terra vedita, quod promisit effectui mancipare non poterit, præstando emendabit. Formula autem ad *scotationem* alienandi hæc fuit; *Jag affhänder mig Jord mine/ lagbudin och lagstandin/ swa myckla/ och i then by/ närby och fiärre/ med allo thy/ som ther til ligger/ innan Gård; och vthan / och affhänder mig och minom Arfwom / vnder tigh och tina Arfwe/ för swa mange penninge / och thesse*

Formula
alienandi.

tolff ære ther fastir æth : id est, ut verbum verbo reddam : Alieno à me fundum meum legitime publicatum & statum, tantum & in illa villa N situm, cum omnibus quæ ad illum pertinent, intra & extra villam, prope & procul, & alieno à me & meis hæredibus, sub te N & tuos hæredes tanti N & bi duodecim NN & testes sunt & firmatores. Simul excussio terræ facta est, quæ, ut modo dictum, obsolevit, cum formula hæc etiam hodie in omnibus instrumentis publicis retineatur & inseratur, cum firmatorum nominibus qui in omni fundorum distractione, sive illa emptione venditione sive permutatione, sive etiam donatione fieret, adhibebantur : Ideo nostra voce *fastir* id est, *firmatores* dicti, quod contractum valident, & firment, qui ante scripturam & instrumenta publica recepti, etiam postea manserunt, in eum tantum finem, ne dubitetur de titulo & bona emptoris fide, si illos contractui allegaverint : deinde si instrumenta pereant, ut horum assertione & testimonio controversia decidatur. Ante annum millesimum trecentessimum scriptura in iudiciis non fuisse in usu videtur, nec ulla ante illa tempora super fundis contractuum instrumenta reperiuntur, & rarà admodum ante millesimum quadringentum.

Firmatores
fastir.

dringentesimum, sed ad hos firmatores ut rever-
tar, vivos, non mortuos, provocandum fuit: **Väri**
ingen säst a sötti dödom/ och må engin gaa til hö-
ga at hemuld letta/ id est, *Ne referto firmatorem ad*
pedes mortuorum, nec quisquam pro evictione ad tumulos
adito. Hos autem firmatores vivos esse oportebat, qui & familiam haberent, & habitarent in territorio, ubi fundus situs, in quorum locum hodie Nembda successit. Fuerunt autem definito quidem à jure numero, sed non semper eodem. In oppignorationibus quatuor, **Mädsästa** / in venditionibus duodecim, **Ridpsästa** / totidem in permutationibus, **Stipsästa** / totidem etiam in donationibus jus commune requirit, **Gläffästa** / & totidem etiam in societatis contractu, **Bolaggsästa**. Iura *Sveonica* variant hunc numerum pro quantitate & portione fundi. *Gothica* non ultra octo requirunt, quos **Odelsaster** nuncupant, nonnunquam tamen & nonum addunt, ut directorem sive verba præeuntem, **Styrissaster** / qui hodie præses judicii est, qui formulam recitabat. Ceterum si plures fundi unâ vice ab uno uni venderentur, singuli fundi suos habebant firmatores, quod etiam observatum inter patrem & filium,
vel

vel fratres, ubi emptio intercessit, & vice versa, si vir uxoris fundum venderet, cum essent ab una parte quasi duo contrahentes; diversi pro viro, diversi pro fœmina fuerunt, etsi res una tantum, ab iis venderetur. Firmatores autem hi ubicunq; quidem nominari & vocari, non alibi tamẽ quam coram iudicio dari & accipi debebant. *Allir sástar sum til Jord skulu gíftvas / ther Kiðpsástar áhru / the skulu a Tinge / eller a Kirku gíftvas och tafas.* testes enim rei publicæ sunt.

Publicatio
alienationis
fundi.

Publicatio autem contractus in iudiciis facta est, duplicem ob causam, primo ut omnibus constaret de hoc contractu, quod esset iustus & legitimus ad differentiam eorum, qui privatim, sive ut nostrates loquuntur, ad scamnum fiebant, *Bándetiðp* / ideoque revocabiles, quare etiam fundi adventitii (*aflinge*) publice, etiam in iudiciis proclamantur ad emptionem, non quod iis faciendi quidquid velint, dominis non sit libera potestas, sed ut plane constet de voluntate contrahentium, omnisq; doli & fraudis suspicio absit: Deinde etiam, ne cuiquam præiudicium fieret in jure *protimiseos* sive *retractus*.

Insignis enim olim ut & hodie differentia
inter

inrer fundum *allodiale* seu *avitum*, qui in hæreditate mea est, & *adventitium* seu *acquisitum*, quem mihi, vel emptione, vel donatione, vel cultu, opere & industria comparavi. Quamvis enim in alienatione uterq; ut dictum est, publicari debuit, cum hoc tamen discrimine, ut *adventitium* cuivis & quantivis vendere liceret, permutare, etiam donare: hæreditarium vel potius *avitum* nec donare nec vendere licuit, nisi certis personis, certo pretio & in certis causis. *Allodiale* autem vocamus, non quomodo *Feudistæ*, quatenus contradistinguitur *Feudali*, in quo & directum & utile dominium dominus habet, nam hac ratione etiam *adventitij* *allodiales* esse possunt, sed ut in jure nostro vetusto indigitatur, hæreditarium *avitum* (*alda odal*) qui fuerat in possessione familiae, & ex aliquo progenitorum devolutus, jus *Norvegicum* determinat ad quartum usq; hæredem familiae. Quia autem jure novissimo satis exacte hoc deductum non est, nata est nuper satis gravis controversia, an fundus hæreditate ab aliquo descendente vel transversali linea acquisitus, qui tamen in hæredis istius familia nunquam fuerat, censeatur inter *adventitios* vel *allodiales*? Certè si natura

Differentia
fundorum.

Fundus al-
lodialis avi-
tus.

Adventitius

Controver-
siae hodiernæ ex disti-
ctione fun-
dorum.

K k

& jus

& jus protimiseos spectetur, non aliam ab causam introductum est, quam propter familiarum conservationem, ut prædia & fundi, quoad ejus fieri possit, in familia, in qua fuerunt, permaneant, quare agnatis datur potestas retrahendi paterna, cognatis materna prædia, nec ultra jus etiam novissimum potestatem illam extendit, ut non tantum cessante ratione legis, sed & lege ipsa tacente, odiosum sit valde, facultatem illam, quæ libero homini competit de rebus suis disponendi, eripi & restringi.

Cessat enim ratio legis in familia extincta. Potuit enim primus acquirens obligare posteros suos lege in id obtenta & confirmata, ne paterentur bona seu prædia à se ad ipsos devoluta in alienam familiam, nisi sub certis conditionibus, transire. Non potuit in adventitiis, ut aliunde, ipsis acquisitis, nec præsumendum quidem est facere, voluisse in gratiam hæredis ex aliena familia, libertate suorum imminuta. Quare prædia ejusmodi extincto ultimo familiæ hærede recidere videntur in eum statum, in quo fuerunt tempore primæ acquisitionis, ut iis faciendi quicquid velit æqua sit potestas ultimo descendenti quæ primo acquirenti.

renti, Et si hæc ratio militat pro ultimo descen-
dente, militabit multo magis pro ejus hærede, qui
extraneus est, si intestatus decesserit. E. G. ut si pa-
ter succedat filio suo in prædiis ejus maternis, ea
cum non ulli progenitorum suorum debeat, sed
tantum filio, atq; eapropter quamvis hæreditate
sibi obvenerint, nec paterna nec materna dicere
possit, inter adventitia seu acquisita ejus (nam &
hæreditate prædia acquiri possunt) censenda sunt,
de quibus tenet regula illa seu lex universalis cap.
9. *Ustinge må man giðra hwad man wil/ giswa
sália hævem man wil/ och som man gitter dyrast.*
Cum enim ab illa lege nulla nisi avita in eo capite
excipiantur, *¶* iuris est: *exceptionem firmare
regulam in casibus non exceptis.* Quapropter
cum in jurisconsultorum scholis frequentatum
sit, leges odiosas non esse ampliandas, sed potius
restringendas: hæc autem quæ potestatem ho-
minis limitat & libertatem tollit circa administra-
tionem bonorum suorum, extra controversiam
una ex odiosis sit, non est extendenda ad plures
aut novos casus, quem quos lex ipsa expresse tan-
git. Ceterum ut hæc libertas sibi constet, ex-
tincto jure familiæ, quod eam in bona sua primus

K k 2

acqui-

quirens habere voluit, intelligendus est hæres ultimus, non quivis, sed qui ultimus sit in linea descendenti à primo acquirente. Certum enim est & argumenta ejus rei non obscura in jure nostro sunt, hic olim, ut hodie in *Norvegia*, & in quibusdam etiam *Belgij* provinciis non successisse patrem aut matrem in bonis liberorum maternis aut paternis, quamvis alius gradu propior non esset, sed tempore vitæ duntaxat retinuisse, rediisse vero postea in familiam ad eum qui proximus in agnatione aut cognatione defuncto esset, nec aliter judicavit judicium supremum *Ionæcopense* in causa Dn. *Johannis Kyhle* adversus Comitem Dn. *Axelium Ellia* cum non huic sed illi tribuisset jus retrahendi prædium maternum, quod Dn. *Catharina Strand* vendere volebat (quia maternum fuit Dn. *Johanni Kyhle*) Comes vero, quamvis gradu propior per patrem, id ut paternum retrahere non potuit. Et lex, ubi alienationem vetat, loquitur tantum de bonis avitis: *Byrd / gamla Byrd / Sæderne / Møderne*. Quæ sola in jure nostro opponuntur, vel contradistingvuntur acquisitis, asringe. Nec obstat quod argumenta sive initia cap. 2 & 9, de bonis hæreditariis in

in genere loqui videantur. Quæ enim illa hæreditaria sunt, textus legis in prædictis capitibus clare & evidenter ostendit, scilicet avita, ut dictum. Iuxta textum autem legis, non argumenta ejus, controversia decidenda est. Argumentum enim siue Rubrica ad textum legis conformanda est, non textus legis ad rubricam, hoc enim perinde esset, ac si quis faciem vivi hominis corrigere & emendare vellet, ad picturam ejus in tabula.

Sed hanc controversiam juris praxis hodierna aliter explicavit, & in quibusdam tantum casibus, ut satis certum non videatur, quid statui in hac causa debeat. Concesso enim semel (ut concedi necesse est, nulla enim in jure novissimo exceptio prodita est) quod ut quisq; gradu & sanguine propior est, succedat promiscue sine distinctione in bona defuncti adventitia & avita, frustra disputatur de jure alienandi, ejusmodi enim bona jus alienare vetat, nisi sub certis conditionibus, ut ante dictum, frustra etiam disputatur inter agnatos & cognatos de præferentia in jure retrahendi, regula enim universalis est: *then är närare at lösa börd / som närmer är effter arffvali* / siue ut jus *Uplandicum* clarius expressit, *then är närare*

Att at bërda som nåster är at arfwî ån Bondan
 döder är / id est, prior gradu in jure succedendi, prior
 est etiam in jure retrahendi, atq; ita judicatum fuit à
 Rege ipso in causa supra memorata pro Comite,
Axelio Vilia / contra *Johannem Ryhle* / & sententi-
 am supremi judicii *Jonæopensis*.

Privilegium
 fundi aviti.

Fundos hæreditarios avitos, ut sæpius jam
 dictum, nec vendere licuit promiscuè, nec dona-
 re. Nam si vendendus erat, oportebat causam
 constare venditionis, quæ raro admissa fuit, nisi
 aut fame premente, aut captivitate alterius conju-
 gû, multo minus ergo donare sine expresso hære-
 dum consensu, nisi ad sacros tantum usus, & tunc
 non ultra decimam tamen fundorum partem. Si-
 ve autem donandi erant, sive vendendi aut permu-
 tandi, publicatio requisita fuit, testes & firmato-
 res, præcipuè verò circa venditionem in gratiam
 retrahentium bona avita non tantum publicè in-
 timata sunt, sed & proximis hæredibus oblata,
Enom a gârde / allom a tinge / id est, uni domi, omni-
 bus in judicio: nec primis tantum & proximis, sed
 & post illos qui proximi essent ad quartum usq;
 gradum, ubicunq; etiam extra territorium consti-
 tutis: quin imo de jure *Helsingico*, cum proximus
 emere

emere non posset, in tantum inhibetur distractio, ut primâ vice, non plus quam ad triennii alimoniam; alterâ verò post iteratam de novo denunciationem, tum demum liceat totum divendere; ubi hoc obiter notandum venit, nusquam nec in antiquo nec novissimo jure prohibitum fuisse, prædia per partes distrahi, quod posterioribus seculis nonnunquam factum est, præcipue propter censum, qui fisco debetur ex fundis, ne hac ratione vagabundus & incertus foret. Ceterum ad retractum jura pleraq; ut & commune hodiernum, *Retractus.* post tertiam publicationem annum indulgent: Ost-Gothicum triennium: West-Gothicum saltem mensem: Sveonica variant, & vel strictius vel laxius definiunt, prout retrahentes intra vel extra territorium, provinciam, vel regnum sunt constituti. Pretium autem redemptionis, nec ex placito contrahentium, nec arbitrio bonorum virorum, ut hodie ex jure communi, sed à jure ipso determinatum fuit, ut esset scilicet selibra argenti puri pro quolibet octario (quod portio agri est non multum infra jugerum Romanum, si scilicet duo pedes numerentur in ulnam nostratam ut infra dicetur) quod censum est in frumento & pecunia:

+) *nia*: triente verò minus pro ejusmodi octario,
 quod tantum pecuniam pendit. *Ius Norvegicum*
 imperat ut quartâ parte vilius agnatis vendatur,
 quam extraneis. *Ius commune* ad arbitrium, ut
 dixi, bonorum virorum reducit, quorum trini â
 contrahentibus utrinq; nominati illud determi-
 nant, & est ut plurimum in singulis provinciis
 certum & statum, quod inter rusticos, juxta cu-
 jusq; provincie receptam æstimationis consuetu-
 dinem, ut plurimum etiam hodie servatur. At
 inter nobiles alteriusq; ordinis homines, jam lon-
 go temporum decursu nemo sic vendidit, nemo
 emit aut redemit, & cum nuper in controversia
 nobili ad legem illam provocaretur, major exor-
 ta est lis super fundamento æstimationis, neq;
 enim placitum quorumvis qualicunq; arbitrio
 committere, nisi certis regulis pro basi astricto,
 & rursus si daretur mensura ad morem
 fisci juxta canonem veterem, fallacem fore,
 fundis non olim ut hodie exultis: nec minus
 in novo & nuper imposito errari posse, aucto su-
 pra modum censu & multiplicata sobole, crescen-
 te cupidine redituum augendorum, unde quæstio
 etiam hodie indecisa pependit, invalescente
 quoti-

quotidie contra legem confuetudine, jam fententiis Regiis etiam confirmata, unde fatis liquet mutua magis conventionem, quam vi aut coactione juris, arbitrio bonorum virorum determinari. Alii & inter quosdam pretia fundorum vendibilium nec femper, nec ubiq; obfervantur.

Nata eft hinc altera nec parvi momēti quaestio, nec minore animorum & argumentorum contentione agitata in concursu creditorum & propinquorum retrahere volentium, utri utris praeferendi? E. G. Si creditor oppignoratum, & obligatum fibi habeat praedium aliquod decem millibus: agnati vero vel cognati non tanti redimere velint, fed ad aestimationem & arbitratum bonorum virorum: an cogi poffit creditor, fi debitor alias folvendo non fit, ut de fuma debiti aliquid remittat & praedio abfiftat, agnatis tātū celfuro quanti aestimatum fuit? non effer hīc controverfiæ locus, fi fuis legi vigor fteiffet: Si oppignorationem omnem aestimatio legitima praecederet, praedictum fanguine proximis nullum creari poffet. In fundo enim judicialiter aestimato ac tanti oppignorato non dubia effer, cæteris paribus & fatalibus obfervatis, praeferentia agnatorum: Sed

Ll

quia

Controverfia altera de praeferentia inter creditores & retrahentes.

quia jam dudum ab illa lege recessimus, nec quicquam hodie minus usitatum est quam judicialiter oppignorare per testes & æstimatores, nihil vulgarius vero quam privatim & per scripturam, & de validitate tamen ejusmodi contractus nemo hactenus dubitavit, quam nec in judicio contrahentes infringere, nec judex improbare ausi sunt: invidiosum esset, quæ culpa communis est, & tam debitoris quam judicis, solum luere creditorem, ad hæc si creditores præferuntur in solidum liberis in hæreditate adeunda, quid ni & agnatis ac cognatis? neq; enim in gratiam illorum magis quam liberorum aliquid remittere æquitas patitur, cum liberi maiori favore digni judicentur. Iam vero manifestissimi est juris hæreditatem adiri non posse nisi debitis solutis: & si adeant, obligari in solidum ad solutionem omnium debitorum, etiamsi hæreditas non suffecerit. Præterea ne quis non existimet creditorem in solidum semper esse præferendum, jus nostrum favore debitoris aggravat æstimationem fundi, qui in solutum dari debet, ut facilius ei fiat solutio, som the tollf sâga dyrafi wara wârdt. Longe alia vero est æstimatio fundi vendibilis, inter fratres, sorores, agna-

agnatos & cognatos, ut inter membra unius familiae, facilis & vilis, quorum nullus est respectus, quoties fundus pro debito dandus est, sed quanti maximi potest, atq; ea conditione ut nec debitor, si intra triennium velit, eum minoris luere possit, quâ fronte ergo minoris petant agnati & cognati? Creditor enim jus habet debitoris sui in fundo sibi oppignorado, nec aliud ad possessionem, nec aliud habent agnati & cognati ad retractum, nisi quod ab eodem & post illum acceperunt. Atq; hoc eò magis militat, si contractus bona fide initi sunt, & necessitas aliqua debitum expresserit: cum enim jure naturali sibi quisq; proximus sit, non verisimile est primum fundorum acquirentem, ita nepotibus & posteris favere voluisse, ut interim filios & sibi proxime junctos negligeret. Secus se res habet, ubi dolus dedit causam contractui, & simulatur debitum, ut sanguine proximi bonis avitis excludantur. Quare ut hunc locum de retractu concludam, quia ex his aliisque procul dubio rationibus supremæ curiæ & sententiæ Regiæ pro creditoribus fuerunt, lex illa c. 7. *Jord. B. L. P.* inter antiquatas censenda est, præcipuè vero cum *antiquas* eo capite inrerdicta & prohibita, prævaluerit

Anticrisi
hodie in usu

luerit tamen ex æquitate suâ contra legem in iudicijs, reclamantibus frustra canonistis, quorum nunc nemo ferè est, qui alia conditione in pignus prædiale pecuniam mutuo dare volet, quam ut pro usura pecuniæ lucretur canonem & fructus, de qua re jam mox dicendum.

Oppignora-
tiones fun-
dorum.

In oppignorationibus enim agrorum, quæ & species alienationis est, etsi sub conditione & ad certum tempus, ut emptiones venditiones, publice & in iudicijs ut jam innuimus, etiam de jure novissimo & *Christophoriano* sub testibus & firmatoribus fiebant, æstimatione factâ, quanti esset & quis ejus fructus & redditus, idq; præcipue propter agnatos & cognatos, quibus etiam in ejusmodi contractibus jus retrahendi saluum & integrum mansit, & ut ante alios essent, si vellent, & ut post definitum à contractibus luendo terminum, ipsi ante extraneos luerent, si oppignorans non posset aut nollet, ad quod jura hodie annum, olim triennium indulserunt, iis præterea & reo in tantum favent, ut ex sorte mutuatae pecuniæ, redditus & fructus pretium detrahi permittant, ut in partem pecuniæ solutæ numerentur: Omnis enim usura majoribus nostris ignota, etiam legibus

legibus prohibita, nec ullus compensationi locus
 quæ hodie obtinnit, non quidem ex jure scripto,
 sed consuetudine & æquitate, ut cum debitor gra-
 tuita pecunia utatur, creditor de fructibus rei sibi
 pignoratæ ad modum legitimum usurarum reti-
 neat, etiam cum quantitatem usuræ fructus longe
 superent, idq; valere volunt juris civilis *Romani* in-
 terpretes, etiamsi expresse non ita convenit pro-
 pter incertam fructuum spem, quæ pro ratione
 locorum & temporum variant; secus, ut dixi, de ju-
 re nostro, quod fructus, juxta æstimationem fa-
 ctam, expresse jubet in sortem accipi. **Och så**
aff Huswudgålden sra mycket han aff the Zord
hafwer upburit: ad normam procul dubio juris
Canonici, quod *Divino* niti videtur, quo potissimum
 juris nostri conditores respexerunt. Atq;
 ita judicatum fuit superioribus seculis in causis
 præcipue fiscalibus, ut sub imperio Regis *Magni*
Smekij inter Fiscum & *Elizabetham* *Mareschalli* fili-
 am circa redemptionem *Lijstriae* & *Blekingiæ*, quas
 oppignoratas possidebat. Item tempore *Chri-*
stiani primi inter Fiscum & Nobiles, tempore eti-
 am *Stureorum* inter Fiscum & Nobiles. Sub im-
 perio etiam *Gustavi Primi*, cum bona monasteriis
 L1 3 & Eccle.

& Ecclesiis oppignorata revocarentur. Quan-
quam hæc res magnam invidiam conflaret iis, qui
iudiciis his præfuerunt, & in *Dania* turbas non
exiguas excitaret, teste *Huitfeldio*.

Locatio cō-
nuētio fun-
dorum.

Atq; hæc de fundorum emptione & oppi-
gnoratione. Circa conductionē variatum fuit. Post
servitutem abolitam simplices coloni fuerunt ho-
mines liberi ad prædia colenda certâ mercede con-
ducti. Ut plurimum tamen domini ijs eloca-
bant, ut & hodie fit, quorum alij nummos, alij par-
tem fructuum, alij alia persolvebant, quibus ta-
men de jure quædam servitus eo ipso imposita vi-
detur, quod non pari jure cum locatore in hoc
contractu gaudeant. Si enim ante tempus con-
stitutum fundi conductor discesserit, non tantum
vi reduci, impune etiam vulnerari, quandoq; &
interfici, si scilicet defensionem tentet, sed etiam
ad præstationem ejus quod interfuit, cogi potest,
cum è contrario si locator colonum ejecerit, ad
nihil teneatur præter pretium usus ejus, quod
arrhe loco in contractum dedit. Æquius jus ci-
vile *Romanum*, si colonus fundo frui à domino aut
ab eo prohiberetur, quem dominus prohibere, ne
id faceret, posset, tantum ei præstare jubet, quanti
ejus

ejus interfuit frui, in quo etiam lucrum ejus continebatur: Sin vero ab eo interpellaretur, quem dominus prohibere propter vim majorem aut potentiam ejus non posset, nihil amplius ei quam mercedem remittit & reddi jubet. Ab eo jus *Norvegicum* & *Gothicum* non multum discedunt, quod non tantum arrham reddi mandant, sed & canonis pretium, perinde ut mercenario mercedem stipulatam, si nulla sua culpa à domino repudietur.

Antiquitus omnis agrorum sive prædiorum locatio definitum & tempus & censum habebat, cum hodie ut plurimum arbitrio relinquitur contrahentium. Tempus de jure *Sveonum* vetusto octennium fuit. De novissimo *Christophoriano* sexennium: Veteres *Romani* in quinquennium locabant, quod lustrum vocabant, imitatione lustris publicis, quo vectigalia solvebant. *Belgæ* & *Galli*, ut nos, in sexennium, quo elapso & pretium usus & canon præstari debuit. Illud donarium erat nobis, *giffet/ städgle/eller wingiäff/* hoc *asrad* vel *Boolgäff* nominatum, hodie quotannis solvitur, cum alterum illud statim ab initio contractus dari soleat; utrumq; certa lege determinatum fuit, sed

Reditus fundorum.

cc

lc

sed hoc præcipue pro quantitate fundi : Nööt
 vñ sex halma aff attunga fiurar tunna forne / och
 halff marcē wadmahl / och halff marcē penninga /
 tvåggia nåfwina bredt dagzwärckia um war / an-
 nat um ann / aff attunge / id est, pro fundo octan-
 tario (de cuius quantitate capite sequenti) *bos sexen-*
nis in pretium scilicet usus, pro canone vero quatuor tunnae
frumenti, dimidium marcæ in pecunia & tanti valoris pan-
nus domesticus, & præterea bidui operæ, unius diei tem-
pore sationis, alterius tempore messis : Sed hoc ex fun-
 dis, ut apparet, fiscalibus aut nobilium, qui eloca-
 bantur, quamquam id etiam valde variet pro situ
 locorum & cultu. Qui enim littora maris acco-
 lunt & ex piscatione vivunt, pisces plerumq; præ-
 stant salitos vel tostos, qui saltus & sylvas insident
 vel pecuariam excercent, pelles & carnes, buty-
 rum, caseos, &c. qui agros colunt, frumentum, qui
 mineralia erunt, ferrum, cuprum aut alia ejus-
 modi; ad pecuniam cogi non possunt (nisi ita con-
 venit) cum nec in retractibus quidem necessitate
 aliquâ desideretur, si aliquid eorum quæ in censu
 legitimo censentur, præstare possint. Agri vero
 censuales sive vectigales non elocabantur ad hunc
 modum, cum à dominis suis ut plurimum possi-
 derentur,

Plattbohl.

derentur, & quod ab iis fisco penditur, non cano-
nis sed census nomine veniat, qui pro quantitate
fundi, ceteris paribus in respectu ad canonem
minor fuit. Possunt tamen & hi elocari, & elo-
cantur sæpe eâ conditione ut conductor censum
fisco præstet, & præterea in recognitionem exi-
guum aliquid domino fundi vel portionem ali-
quam ejus usui & cultui relinquat.

De mutuo, commodato, deposito pauca Depositum,
mutuum,
commoda-
tum.
jura nostra habent à jure civili Romano discrepan-
tia, & pauca in universum, tantum quod condu-
ctor, commodatarius & depositarius, dolum, cul-
pam levem & latam præstare teneatur, non vero
(ut nec æquum fuit) vim majorem; *firi ofåfle
skal en warda.* Vim majorem tamen aliquanto
latinse extendunt, non tantum ad ea, quæ vitare no-
stræ non fuit potestatis, ut inundationem, incen-
dium, hostilem invasionem & direptionem,
sed & quæ difficile caveri possunt, ut à pecore
commodato, ignem, raptum, ursum, tabem, i-
ctum &c. *Velda rådn Vidrn / Stinger och
Staren / dijsse år afåfle / Usifia :* Sed in deposti-
to (inlagdz såå nostro jure) etiam vis major. *Lågs
ger madir såå sitt til glåtz luthe / ma thet såå en
Mm tappas*

tappas hvarte medh skyld ella ráðn: id est, si quis ponat rem suam alicui in custodiam, res illa nec furto nec raptu perire potest, quasi dicat, non levat depositarium, si dicat furto aut raptu ablatam esse, quod cum etiam hodie in rebus pupillaribus observetur, depositarij, ut periculum hoc vitent, templorum fidei sæpissime committunt, tanquam si ab ejusmodi casibus tutissima forent. Iura tamen recentiora hanc exceptionem admittunt, ut de restituendo depositarius non teneatur, si res proprias etiam E. G. incendio vel furto periisse probare possit. Iura nostra dolum præsumunt, si una non pereant, quod tamen de jure civili Romano & Saxonico non obtinuit. Admittitur enim, hoc non obstantè, probatio depositarij, culpæ enim nomine, desidii & negligentia non tenetur, cum custodiam gratuitam præstat. Nos contra tantam fidei rationem habuimus ut nemini prorsus sua credulitas damno foret.

CAP.

CAPUT VI.

De

Fundorum ratione & differentiis.

ARGUMENTUM.

Agrorum seu fundorum cognitio necessaria. Consideratio & divisio agrorum ratione quantitatis. Alibi atq; alibi alia. Apud Romanos & Hispanos. Apud Sveones. In nummularia, oraria, marcaria &c. & quanta quaq; portio fuerit. Apud Gothos juxta assis partes in Sextantaria, octantaria &c. Divisio fundorum ratione qualitatis in publicos, communes & proprios ex possessione & usu. Fundi publici vel communes *allmenning* in quadruplici differentia. Fundi publici Regij in quibus omnibus incolis jus qui uti frui possunt. Fundi vel loca communia unius provinciae. Communia hæredæ. Communia paræciae aut pagi. Divisionibus semper obnoxia ubi petuntur. Ratio divisionis circa loca talia observata. Præscriptio locorum communium, qualis & quousq; concessa. Usus communium fundorum in quibus consistebat. Dominium locorum communium vel fundorum. Fundi proprii in singulorum dominio. Alij fiscales: Alij feudales. Alij Allodiales tam plebejorum quam Nobilium. Alij Emphyteutici utriq; communes. Feuda veterum qualia. Feuda hodierna. Controversiæ hodiernæ super fundis censualibus. Rationes pro Emphyteuticis. Rationes in contrarium censuales non omnes esse Emphyteuticos. Agrariæ contentiones quid importent, in democratiis, Aristocratiis & Monarchico statu.

DE fundis & agris quatenus in contractus veniunt, hætenus dictum, quia vero eorum consideratio peculiarem titulum

Mm 2

lum

lum meruit in jure antiquo, non erat alienum ab instituto & pleniore cognitione status nostri, si ulterius etiam agatur, de eorum differentiis & divisione, ratione quantitatis & qualitatis, tum de eorum cultu & quæ ad cultum sequuntur, ut viarum, pontium & villarum mutatione & ædificatione, deniq; de pastione, piscatione, venatione, aucupio, de operis rusticanis & mercenariis &c. quæ sub titulo quarto & quinto juris hodierni continentur.

Agrorum
seu fundorum
ratione
quantitatis
considera-
tio.

Agrorum ratione quantitatis consideratio in contractibus comprimis necessaria est, propter pretium in emptionibus, venditionibus, propter canonem & censum in locationibus, conductionibus, etiam in oppignorationibus: deniq; etiam propter divisiones inter vicinos, qui quædam inter se communia, quædam etiam peculiariter habent.

Modi quibus agri ratione quantitatis mensurantur, alij alibi & tam diversi fere quam gentes ipsæ, quoad nomen, nam in re omnes conveniunt. In *Hispania* ulteriore *Varrone* teste cap. 9. lib. 1. metiebantur jugis, in *Campania* versibus, apud *Latinos & Romanos* jugeris. Iugum vocabant

bant quod juncti boves uno die exarabant, quem-
admodum & hodie in *Savolaxia* Finniæ provincia,
suos fundos per juga mensurant, seu saltus censi-
tos vulgo *Esttmarken*/ quæ non exarant qui-
dem, sed per intervalla cadunt & exurunt pro
semente faciendâ; *Versum* vero quadratum erat,
quoquo versum, centum pedes longum & latum.
Jugerum vero duos quadratos actus continebat,
quilibet vero actus continebat CXX pedes in
longitudinem, & totidem in latitudinem. Iuge-
ri pars minima dicebatur *scrupulum* & contine-
bat decem pedes in longitudinem, æquali etiam
latitudine: *Quadratum* enim erat *Sveonibus* &
Gothis antiquissima, & hodie etiam usitatissima a-
grorum divisio & mensuratio est, respectu pecu-
niæ antiquæ, in *nummularia*, *trientaria* *oraria*,
marcaria, *sextantaria*, *octantaria*: Sive quod
potius crediderim, quod tanti censita fue-
rit, ut scilicet exinde colonus vel usufructuarius
tantum pro canone vel vectigali aut censu solve-
ret.

Nummularium (*Penningzland*) prout num-
mus minima moneta, minima etiam agri portio e-
rat, quam proxime accedens ad *scrupulum* Roma-

*Nummulari-
um Penningz-
land.*

M m 3

num

num, nisi quod aliquantulo major esset : Consta-
 bat enim una pertica in longitudinem, & præterea
 una ulna in ejus quadrante : in latitudinem vero
 dimidia pertica, duabus ulnis & ulnæ quadrante :
Pertica vero nostra continebat in se novem ulnas
 nostrates. Erat ergo nummularium latum sex
 ulnarum cum dodrante, longum vero decem ul-
 narum cum quadrante, id est, triginta circiter pe-
 des longum & viginti latum. Huic proximum
 erat *Trientarium*, sive ut nostri vocant, *Ortugarium*
Ørtugaland / quod novem perticas longum, sex la-
 tum erat, sive quod perinde est, octodecim lon-
 gum, tres vero latum : quo paulo majus erat *se-*
missarium *Halfföresland* / longum scilicet novem
 perticas & totidem latum, sive octodecim perti-
 cas longum, & quatuor cum dimidia latum : du-
 plo pluris erat *Orarium* *Ørisland* / quod continet
 in longitudinem octodecim perticas, novem
 vero in latitudinem, continet autem in se tria
 trientaria sive viginti quatuor nummularia.
 Quia vero, ut dixi, vel canonis causa vel pro-
 pter pretium in emptionibus venditionibus hæc
 mensurandi ratio introducta fuit, necesse fuit in
 mensuratione, non quantitatis solius, sed etiam
 quali-

Trientariū
Ørtugaland.

Semissariū
Halfföres-
land.

Orarium
Ørisland.

qualitatis terræ aliquem respectum haberi: Itaq; si situs loci justam longitudinem non admitteret, suppletum est latitudine, & vice versa, si latitudo angusta esset, procederet mensuratio in tanto majorem longitudinem; deinde ut terræ scrupulosæ vel arenosæ nulla haberetur in mensuratione ratio. Deinde ut ad differentiam glebæ fertilioris de argillosa aut glareosa tantò plus in compensationem adderetur. Sed hæc mensurandi ratio apud *Sveones* præcipue in usu fuit; Cum primis verò in *Uplandia*; quæ introducta censetur sub Rege *Magno Ladulasio* anno 1482. in Comitibus *Holmiæ* in Junio habitis, ubi singulis orariis certus census impositus perhibetur, qui ad hodiernū usq; diem permanfit, in pecunia, frumento, pecore, labore. In *Gothia* vero divisio facta fuit ratione quantitatis juxta assis partes: In *Uncias* in *Ottungas*, *Siettungas*, *Tolfftungas*: & hoc etiam ratione vel intuitu pecuniæ, quæ tunc in usu fuit. *Tolfftung* enim *uncia* fuit, quarum duodecim *assem* constituunt, sed omne subiecta tabula melius explicaverit: non enim nostra lingua omnia assis nomina habuimus, sed tantū *Unciæ*, *Semissis*, *Assis*,
1. *Tolff*

Mensuratio
agrorum a-
pud Gothos
juxta assis
partes.

1. Tolfstung år $\circ \circ \circ$ $\frac{1}{12}$ id est, *Uncia*.
2. Tolfstung år $\circ \circ \circ$ $\frac{1}{6}$ id est, *Sextans*.
3. Tolfstung år $\circ \circ \circ$ $\frac{1}{4}$ id est, *Quadrans*.
4. Tolfstung år $\circ \circ \circ$ $\frac{1}{3}$ id est, *Triens*.
8. Tolfstung år $\circ \circ \circ$ $\frac{2}{3}$ id est, *Bes*.
12. Tolfstung år $\circ \circ \circ$ *Ottung* id est, *As*.

Semissis Gothicus quam proxime accedebat ad *Trientarium* sive *Ortugarium* *Sveticam*, pendeat autem in censu ordinario, duas, tres vel etiam quatuor tunnas frumenti, pro qualitate scilicet terræ vel agri. Alia ratione quantitatis mensurandi ratio est alibi, ut in *Alandia* per *marcas*, in *Finnia* diversimode, in *Ingria* & *Livonia* per *uncos*, quæ quia legibus nostris non prodita sunt, lubens hic omiserim.

Agrorum
ratione qua
litis confi-
deratio.

Agrorum, ratione qualitatis, præcipua ex possessione & usu distinctio. Vel enim tales sunt, in quibus vel omnibus, vel pluribus, vel singulis, tantundem juris est ad usum aut usufructum, quo nomine etiam aquas & sylvas intelligimus, quæ sic affici & determinari possunt.

Fundi com-
munes *Al-*
menning.

Agri in quibus jus omnibus vel pluribus est, publici vel communes appellantur, *Almenning* i.e. loca talia quæ omnium sunt vel omnium usibus inserviunt, & in

& in quibus alter alterum impedire aut prohibere non potest. Majores enim nostri cum primum has terras occupassent, & in provincias primum, mox etiam in centurias sive hæredas dividerent, apparet plus fuisse, quam quod ab unicuique centuræ vel provinciæ assignatis inhabitatoribus occupari & coli posset, sive etiam quod aliqua insignis utilitas aut etiam necessitas svaderet, publicos vel communes esse, ut idem juris in iis omnibus esset. Videntur autem fuisse in quadruplici differentia, quidam omnibus Regni incolis communes, qui alioquin *publici Regij* nominabantur *Konning; Allmenning*, quod soli Regi de iis disponendi esset potestas. Talia fuisse videntur deserta illa versus *Norvegiam* & montes illos intermedios, & imensa illa Sylvarum spatia quæ *Lappones* pervagantur. Talia etiam loca quædam maritima intra & ad sinus *Finnicum* & *Bothnicum*, ubi piscaturam vitulorum, marinorum & halecum, omnes promiscuè, nemine impediante, exercent, de quibus etiam decreto comitali, quod habitum est *Holmiæ* Anno 1282. constitutum est, ut ea solius Regis essent, ad quæ respexisse videtur Rex *Carolus Knutsonius*, legibus illis quas piscatoribus præ-

Communes
omnibus ci-
vibus sive
regij *Ko-
nung; All-
menning.*

N n

scripsit

Communes
provinciali-
bus, Landz-
Allmenning

scripsit quas vulgo *Hamn-strādā* nominant, id est, *Statuta portualia*, quibus vitandæ confusionis & violentiæ causa collecta ex pluribus & diversis provinciis multitudo iis in locis viveret & uteretur; De his tamen nihil jure communi hodierno, sed de iis tantum, de quibus jam dicam, *Landz Allmenning*.

Sunt enim quædam loca publica sive communia unius tantum provinciæ, quibus non aliis quam ejus provinciæ incolis uti frui permissum est, vulgo *Landz Allmenning*/ de quibus ut supra dictum est, disponendi facultatem iudex provincialis habebat, quoties scilicet aliquis portionculam ex iis sibi ad culturam exposceret, nomine & cum consensu communitatis illius veniam colendi dabat, terminos culturæ circumscribebat, censum imponebat, concedebatq; ut qui vellent, ea deinceps emptione vel jure Emphyteuticario perpetuo possiderent, uterentur fruerentur, ita tamen ut pretium in ærarium provinciæ daretur, & canon etiam non Regis fisco, sed provinciæ præstaretur. In jure *West-Gothico* recensentur quam plurima ejus provinciæ ejusmodi loca, & quidem saltus & sylvæ triginta octo, montes octo, Lacus viginti

211, 6, De fundom rane e
Differi.

(266)

vigintiduo, flumina tria, quorum pleraq; hodie in privatorum dominia descripta sunt. Non desunt tamen & in aliis provinciis ejusmodi loca, etsi nominibus suis in jure non designentur.

Sunt deinde loca ejusmodi quæ uni tantum Centenæ (centuriæ) vel Heredæ communia sunt (Hærad; Allmenning) circa quorum dispositionem & curam, idem juris habebat judex loci ordinarius, quod habuisse diximus judicem provincialem in elocando, censendo, vendendo &c. atq; hoc promiscue quoad sylvas & saltus: nam in aqua communi, præcipue quæ hæc cum piscationi inserviebat, in usu non obtinuit, ut quis emptione venditione vel quocunq; alio contractu privatam & sui tantum juris faceret, nisi in quantum ad agros aut prata alicujus terminaretur, nec id etiam ubivis.

Communes
hæredæ Hæ-
rad; Allmen-
ning.

Deniq; sunt quædam publica vel potius communia, parœciæ uni vel pagis aliquot vel etiam incolis unius pagi (Bya Allmenning/ item Granna Allmenning/ alias Gamfält) ut pascua, sylvæ caducæ, flumina aut aqua lacustris, quæ tantum illius parœciæ vel villæ incolis communia sunt & permanent, quamdiu inter vicinos convenit,

Communes
parœciæ vel
pagi alicujus
Bya Allmen-
ning.

N n 2

nit,

nit, ubi vero plus altero alter fruitur, divisio ad distributionem agendi conceditur juxta censum, & canonem olim impositum, præsumitur enim gravari, qui id tantum quærit quod suum esse potest. Si vero ante petitionem divisionis aliquid ex communi fundo ex cultum & elaboratum est, jura antiqua id cultori ad sexennium permittunt, aliquando & in perpetuum, sed eâ conditione, si modo vicinis tantundem cultui aptum monstrare possit, atq; eâ quidem lege, ut postquam & illud excoluissent, inter socios vel vicinos, ex æquo prorata, nova omnis cultura divideretur. Majore certè æquitate & ratione, quam jus novellum, quod usum tantum ad triennium concedit, ac deinde in priorem statum reponit, habitâ procul dubio ratione ad id, quod sine communi damno desiderari non potest, quamquam damnum nullum foret, si quam favent jura antiqua industriis & laboriosis, tam niterentur omnes ad culturam. Sed hæc tantum inter vicinos unius pagus ubi vero inter plures controversia fuit, non juxta quantitatem canonis aut census, nec pro numero incolarum, sed pagorum, divisio facta fuit, & seu pauciores seu plures essent, æquales singulis portiones data, nisi

nisi sylva esset frugifera adeoq; sepimento circum-
munita, ea enim juxta censum in singulos villicos
divisa fuit, quæ leges etiam hodie obtinent.

Loca communia territorij aut provinciæ ali-
cujus ad divisionem raro permissa fuerant, lice-
bat tamen usucapere & præscribere, ut factum vi-
demus in *Uplandia* circa saltum vel sylvam commu-
nem *Troydensen*, quæ cum tot Regum privilegiis
munita & legibus circumscripta fuit, de ea tamen
hodie parum superest. Præscriptio autem cur-
rebat, cum sepibus aliquid in communi sylva
comprehensum esset, & ad conniventiam vel ta-
curnitatem eorum quorum interfuit, tandem u-
surpatum, donec putrefactis duabus tertiam re-
staurassent. Villis enim loco publico vicinis ali-
quid ex eo delibare concessum, sed certa mensu-
ra, quam jus *Osst Gothicum* ad clamorem & jactum
determinat, in aqua ad jactum, in sylva ad clamo-
rem. Posita enim ad arundinetum navicula no-
vem ulnarum, cujus prora in arundine, puppis in
alto esset, quantum retro à puppi, vir jactâ cu-
spide, spatij in aqua emetiri poterat, pro proprio
adversus communitatem sibi vendicabat. In
sylva verò vir consistens, in ultimis agelli sui ter-

Quomodo
loca publica
sive commu-
nia præscri-
bi poterant.

Nn 3

minis,

minis, quousq; elata voce clamor ejus tranquilla nocte, cum est brevissima, exaudiri poterat, eo usq; terminos possessionis suæ in loco publico proferebat, vel ut jus *Helsingicum* definit, quousq; jumentum agere posset, cum dies est brevissimus, sic ut domo abiens paulo ante solis exortum cum caesorum palorum vehiculo redire possit ad meridiem.

Quid cuiq;
juris in locis
publicis five
communi-
bus.

Atq; sic quidem loca publica vel communia singulorum fieri poterant. Ius autem quod singulis in loca illa, quatenus publica vel communia, competeat, consistit præcipue in ligatione, piscatione, fœnifecio. Modum in singulis hisce jura vetusta non præscribunt, sed ut cuiq; libitum, permissum, & ligna quidem non ad focos tantum sed & ædificia & sepimenta construenda, etiam ad carbonariam exercendam cædere sylvam licuit, & exurere pro semente facienda, quod & hodie concessum, sed sub certis conditionibus; pastio & piscatio promiscua fuit, fœnifecium certo tempore alligatum. Atq; de hoc quidem usu nullum dubium unquam fuit: De dominio & proprietate eorum major difficultas videtur, quia enim non tantum usus fructus ex æquo ad omnes pertinuit, sed etiam ubi controversia inter ejusmodi

modi fundos, inter territoria & provincias, exorta fuit, ipsi incolæ domini litium fuerunt, quorum consensu, si quid ex iis excolendum, elocandum vendendumve foret, non præfectus aut vicarius Regis, sed iudex vel provincialis vel hæredarius siue territorialis disponderet, de jure eorum ad dominium non ambigendum esse videtur, præsertim cum publicos ex iis redditus sibi vendicarent, ex quibus tantum trientem Regi, dodrantem sibi reservabant, argumentum non leve popularis status, diviso cum Regibus jure fisci, nec in his tantum sed & mineralibus, quæ perinde ut reliqua omnia fundi dominum comitabantur, & in privatorum erant possessione. Rex Magnus Ladus Idæ in comitiis quæ habita fuerunt *Holmiæ* anno 1282. legem rogasse fertur, ut quæ provinciales siue etiam privati sibi propria fecissent, in ripaticis fluminibus quibusdam & molendinis, mineralibus & fodinis, cum primis vero ubicunq; & in quacunq; provincia aliquid reperiretur cultui aptum, nondum à privatis occupatum, id fisci censeretur, atq; ex eo decreto permanisse certum numerum fluminum, piscationum, molendinorum, fodinarum, sylvarum &c. quæ Regi cesserunt, reliqua

reliqua fuisse & etiam aum esse in privatorum dominio. Videtur tamen Regibus etiam antiquitus fuisse jus aliquod ad dominium fundorum ejusmodi communium ex jure *Old Gothico*, ubi processus præscribitur Regi in venditionibus ejusmodi fundi observandus. Sed lapsu temporum, ut fieri solet, in tanta vicissitudine per electione obnoxii aut ignaris Regibus, jura filci vel remissa sunt vel etiam omissa, quo minus mirari liceat tantum sub Rege *Christophoro* extero & precario licuisse, ut loca ejusmodi populi facerent, & judicum dispositioni subijcerent. Satis constat enim posterioribus seculis loca ejusmodi absq; ullo discrimine, provinciæ ne fuissent, centenæ vel paræciæ, Regis & filci censita fuisse, Regia vocari & Regis vicarium vel præsidem provinciæ nomine Regis habuisse de iis disponendi facultatem, terminos culturæ definivisse, copiam colendi fecisse, censum imposuisse, deniq; in tabulas & libros rationum inter prædia filci retulisse. Edidit de ea re edictum *Gustavus Primus*, ne quisquam absq; venia Regis fundos ejusmodi exercere, & sui juris facere præsumeret, licere autem ut fiscales colere, vel etiam ut censuales aut jure Emphyteuticario, si id

21, 6, De fundom rane
differi.

(272)

si id probari posset. Similia in mandatis, suis re-
visoribus dedit Rex *Ericus*, & brevi crevit nume-
rus prædiorum fisci. Idem factum sub Rege
Johanne & Carolo Nono, cujus etiam edictum extat,
ut qui ejusmodi fundos excolere vellent, ejus rei
veniam à Rege impetrarent, quam tum demum
à suis præfectis dari jussit, quum per inspectores
in hoc deputatos certo constitisset, fundum com-
munem esse, nec pagi aut villæ alicujus commodi-
tates vicinitate novæ colonix impediri. Constitu-
tiones novellæ distinctionem quandam innuere
videntur pro decisione hujus controversiæ, quâ
Regi non tantum dominium supereminens in
omnia (de quo hoc loco non agitur) sed æquale
seu potius commune cum reliquis territorij aut
provinciæ incolis tribuitur, eo ipso quod redditus
ex ejusmodi fundis ex æquo dividat cum fisco,
provincia aut territorio; pœnam etiam pecunia-
riam, quæ delinquentibus contra præscriptas de
jure hoc communi leges imponitur, eodem plane
modo; cum jus commune soli territorio vel pro-
vinciæ & redditus istos & mulctam tribuat. Fun-
damentum & ratio hujus videtur, quod cum in
quolibet territorio vel provincia fundi & fiscales
sint & vectigales, sive nobilium sive plebejorum,

Jus Régis in
fundis com-
munibus vi-
deri.

O o

æqvissi-

Proprij.

Fundi Regii
sive Fiscii
Upsala dñe,

æquissimum etiam sit ut domini eorundem ex eodem jure participant & fruantur : atq; hæc quidem de fundis, quatenus publici vel communes sunt. Proprij in certi alicujus & particularis domini possessionem definiti, sunt vel Regis, vel coronæ, vel subditorum, nobilium & plebeiorum, atq; hi omnes vario jure possidentur, de quo mox.

Regis vel fiscii prædia *Upsala* dñe dicebantur, id est, possessiones *Upsalenses*, vel possessiones Regum *Upsalensium*, quia ibi olim sedes Regum & centrum Regni : Fuerunt autem antiquitus certi in qualibet provincia, nec numero quidem multi, quare Rex *Magnus Ladulås* conquestus est in comitijs sæpe dictis, non posse se ex iis familiam & dignitatem regiam sustentare, obtinuitq; ut regalia fiscii plura constituerentur, quia vero certissimi & soli fere fuerunt redditus ex fundis coronæ, cura cum primis in iis augendis & excolendis fuit, cautumq; ne aut exteris traderentur aut quovis modo alienarentur in præjudicium successoris in Regno, quippe cum fundi hi, perinde ut regnū ipsum, utpote electione aut hæreditate per conventionem certis legibus delatum, jure feudali possiderentur. Describuntur autem sic, ut vel
anti-

2, 1, 6, De fundom rane
et differ.

[274]

antiquitus sic nominati fuerunt, **Vpsala**, **ödhē**/vel
etiam si eo nomine non appellati, ab immemoria-
li tamen tempore in possessione coronæ fuissent,
quocunq; tandem titulo devenissent: **Vpsala**
ödhē/ eller så gamla **Gronegot** / at ingen min-
nes eller aff samme **sagu weet**/ huru thet först vn-
der **Gronan** kom. Certis tamen casibus etiam
posterioribus seculis fundi privatorum, Regis &
fisci fieri poterant, ut si quis patriæ arma intulisset,
Regi insidias struxisset, hostem ope aut consilio
juvisset, aut alioquin crimen aliquod læsæ Maje-
statis commisisset. Item si debitam ex fundis
suis militiam non præstitisset, si instante prælio au-
fugisset. Olim tamen trientem tantum ex iis fiscus,
trientem populus, trientem sibi damnum passus
vindica vit; hodie Rex jus suum ad fundos ejus-
modi alicui ex agnatis vel cognatis cessit, quate-
nus ejus criminis non rei, sed officio suo meruisse
videntur. Feudales etiam redeunt ad coronam,
conditionibus non sequutis aut non impletis.
Censiti quoq; sive vectigales in proprietatem fisci
cadunt, si census impositus toto triennio non per-
solvatur, ita tamen ut proximis hæredibus eo præ-
stito redimendi sit facultas. Nec refert domini

O o 2

an

Agri privatorum.

Fundi allodiales

Agri vectigales.

Agri seu fundi Emphyteutici.

an coloni vel usufructuarii culpa census soluti non sint; fiscus agrum ipsum obligatum habet, in quo ab initio tacitam videtur habuisse hypothecam. Agri vel fundi qui in privatorum sunt dominio, vel allodiali, vel feudali, vel jure emphyteuticario possidentur. Allodiali jure possidentur multi tam nobilium quam plebeiorum agri & fundi, quibus faciendi quidquid velint, dominis est libera potestas; ac de nobilium quidem fundis, qui vel hæreditate vel emptione, aut alio iusto titulo acquisiti sunt, nullum est dubium, qui liberi dicuntur (*Gräfsse*) non quod ab omni prorsus onere liberi sint (ex illis enim militia equestris & alia nonnulla præstantur, sed comparative & in respectu ad vectigales & emphyteuticos qui majora præstant. De plebeiorum fundis vectigalibus major dubitatio esse potest, ex rationibus quæ mox deducuntur. Interim certum est eos hæreditate transmitti, vendi, donari, mutari &c. prorsus ut liberos allodiali jure, & differunt non in hoc tantum à fiscalibus, sed quod iis olim census impositus minor sit quam fiscalibus aut emphyteuticis. Nam est & hæc species quædam nostratum agrorum mediæ quasi naturæ inter fiscales

les & vectigales : **Sāmje = heller Stadgegodz** :
dixeris *pactitios* vel *conventionales*, ubi inter domi-
num fundi seu locatorem, & conductorem olim
ita convenit, ut statim in annos censu, conductor &
ejus haeredes perpetuo utantur, fruantur, ea ta-
men conditione, ne emphyteuta vel per partes
vel in totum fundum deteriore faciat, aut etiam
alienet, quemadmodum nec nullo modo alienare
potest, ut possessorem liberum, se tantum vecti-
galem faciat: deinde ut si toto triennio census
non solvatur, exspiret contractus & expelli possit,
quod supra diximus etiam de vectigalibus. Eius-
modi fundi monasteriorum aut Ecclesiarum fu-
isse videntur, & habebant hoc peculiare, ne sin-
gulis septenniis conducerebantur, quod jure in no-
bilium & fisci fundis obtinuit.

Feudali etiam jure plurimi fundi & prædia
apud nos possidentur, tam à nobilibus quam ple-
beis, Ecclesiasticis quam secularibus, & olim alio
fermè quam hodie modo, cum feuda non essent
nisi vitalicia, aut ad certum tempus vel ordini ali-
cui vel personæ concessa: atq; hinc feudum no-
men habet quod ad alimoniam & sustentationem
datum fuerit.

Vox *allodij* & *feudi* & *vasalli*, ut

Oo 3

hoc

Agri seu fun-
di feudales.

hoc obiter dicam, origine plane nostra sunt & domestica, circa quorum tamen originationem se juris feudalis interpretes nequicquam miserè torquent. *Ulda Odal* extat in jure *Uplandico* in sua propria & nativa significatione. *Feudum* vero majores nostri alimoniam vocabant, ut & hodie alibi in *Vallibus Orientalibus*, ubi & voces, & phrasæ seu modi loquendi in jure antiquo usitati, adhuc retinentur. *Feudum* ipsis alimonia: *Wesall* opis alienæ indigus, & tales fuerunt quibus primitus alimonia pro servitio præstito data fuit, neq; enim semper in fundis datum fuit, aliquando etiam in frumento aut alio redditu, quod à feudistis *feudum soldatæ* nuncupatur, quia plerumq; in solidorum datione consistebat. Feuda vero in fundis, nonnisi ad vitam, ut dictum est, dabantur, etiam illustribus personis, quomodo hætenus etiamnum in *Daniâ* collata fuerunt, nec ulla alia feudi speciei vestigia in jure antiquo extant, nisi quod Ecclesiis & monasteriis in perpetuum darentur ab hominibus privatis, non ut personarum tamè, sed officiorum essent, nec in hæredes sed successores transirent, quo iure etiam hodie fundi pastorum ruralium, Gymnasiorum & Academiae *Upsalensis*

lensis possidentur, nisi quod à militia equestri & omni alio ordinario onere liberentur. Postquam vero regnum hæreditarium factum est, ad normam & condiciones *juris per Europam feudalis* etiam feuda ejusmodi introducta sunt, constitutis Ducibus, Comitibus & Baronibus, donec tandem anno 1604 decreto *Norcopenfi* jus hoc in hunc modum constitueretur, ut si deinceps à Corona alicui ob merita & servitia præstita vel præstanda daretur, id fieret certis sub conditionibus. 1. Ut non transiret nisi in descendentes masculos, iis deficientibus in filiam ejusq; masculos hæredes, si modo ei nuberet, quem Rex approbaret, & qui capax esset fendi, aut ex feudo dotaretur, recidente ad dominium directum feudo. 2. Ut nova investitura intra annum à novo principe peteretur. 3. Ut non liceret feudum ullo modo venditione vel oppignoratione alienare, nisi ut directo offerretur domino, vel ejus consensu & permissione alienaretur &c. Ex eo tempore jus hic feudale in viridi observantia fuit.

Ceterum de fundis vectigalibus sive censitis, gravis & magni momenti quæstio est, jam annis probe multis magna animorum contentione & mo-

Controver-
sia super fū-
dis vectiga-
libus.

& motu, & privatim & publice agitata. Quid juris habeat corona in ejusmodi fundis? & cum eos sæpe donet vel vendat, quantum juris donatario vel emptori possit conferre? Seu quid sit jus illud censendi vel, ut rectius dicam, soluto censu possidendi, *Statterättigheet*/ de quo toties & tantopere possessoribus eorum cautum est, & cavetur, in quo consistat, & quam late pateat? Quidam enim putant jus illud in eo saltem consistere, ut possessor & ejus hæredes libere habitent & commorentur, ne pellantur aut ejiciantur, etiam ut alienare, donare, vendere possint, sed in totum, non per partes; etiam pro lubitu colere, sed sine præjudicio domini directi, id est, ut uno verbo dicam, possideri eos jure *Emphyteutico*, his potissimum de causis:

I. Quia verisimile est, ut hodie, ita & olim dominia in fundos acquisita fuisse à plebe, per occupationem, ubi loca inculta aut deserta, quæ in dominio Regis & Reipublicæ fuisse videntur. Notum enim est in partibus Regni borealibus & versus occidentem, ubi ingentia sylvarum spatia & latifundia, ut quisq; labore & industriâ excolit & exercet, in præmium diligentiae pro se & suis hære-

haredibus retinere, etiam cum potestate alienandi, vendendi, donandi, mutandi &c. volente & consentiente fisco, quippe cujus redditus eo ipso post annos libertatis augeantur, nec ideo tolli dominium Regis, sive supereminens, sive etiam directum. Loca enim ejusmodi ab initio Regis & Coronæ fuerunt, *Alla Förstrande åre Kongens/ och thet ingen mann åger hörer Kongen til/ id est, Littora maris Regis sunt, & quæ nullius sunt, scilicet ex iis quæ intra terminos Regni & imperio subsunt, ex jure Danico, Regis censentur.*

Hoc ipsum etiam arguere videntur constitutiones quæ olim factæ sunt super ejusmodi fundis, ut ne quis illos per partes alienare possit, ut si census toto triennio non solutus fuerit, fundus recidat ad fiscum, ut quotannis aliquid in iis ædificetur, & vel lupulus vel arbores plantentur, id est, ut melior non deterior reddatur &c. quæ omnia obtinent in fundis emphyteuticis. Si enim plenarium esset possessoris dominium quis prohiberet quò minus pro arbitrio re sua uti, etiam abuti posset? Quis circumsciberet libertatem disponendi, donandi, vendendi vel in totum vel per partes? aut, ut si quando fundus in solutum dari de-

Pp

beat,

beat, sine æstimatione præstetur? hoc enim, nisi jam ante dominium fiscus haberet, iniquissimum foret & contra omnia jura reliqua, quæ quanto res pluris fuerit, jubent debitori restitui.

Ex nulla re vero id manifestius elucescit, quã instrumentis publicis, quippe cum fiscus ea vel vendat pro pecunia, vel donet vel mutet, & jam allodiales jam feudales faciat, quid aliud nisi ut ostendat eo ipso in possessione dominij esse? Nec est quod excipiatur vectigal vel census tantum vendi aut donari, id enim in instrumentis illis non distinguitur, sed fundus simpliciter & absolute cum omnibus suis attinentiis, in agris, sylvis, pascuis, fluminibus &c. venditur vel donatur, unde quamvis emphyteutam pellere non possint (de eo enim ipsi in instrumentis cavetur) juxta eum, tamen colunt, si quid incultum jacet, pascunt, lignant, piscantur, venantur &c. freti illo jure quod rustico censuali non plus liceat agri vel fundorum cõemere, aut sibi vendicare, quam ipse colat & exerceat: Præterea cum corona æquali pretio vendat agros fiscales & vectigales tantum juxta canonem vel census olim impositum, sequitur æquali pretio dato, vel in utrisq; dominium
trans-

transferri in emptorem vel donatarium, quomodo non ergo in censualibus? Fiscus enim eodem jure vendit, nec in alteris reservat sibi dominium, in alteris transfert.

Verum enim vero certum est, plebejos, qui agros vectigales vel censuales habent, 1. iam ab aliquot retro seculis possedisse, sine ulla ipsis à fisco mota controversiâ pro suis & propriis, & per generationes infinitas transmisisse ad hæredes, divisisse, donâsse, mutâsse, oppignorâsse, vendidisse &c. pari prorsus cum nobilibus jure & libertate quoad hoc, etiamsi majorem fisco pendant censum, id quod infinita super ejusmodi contractibus publice à iudicibus confecta & extradita instrumenta testantur. 2. Iura præterea omnia, & antiqua & recentiora, in id consensum suum præbere, nec quemquam etiam hodie nomine fisci ausum fuisse jus illud judicialiter impugnare aut avertere. 3. Sed nec leve argumentum est pro proprietate & dominio plebis in fundis suis, quod idem prorsus juris habent cum fisco & nobilibus in locis publicis, sicubi aliquid ex iis vel elocandum sit vel vendendum; ut enim ante dictum est, hoc negotii datum fuit *præfecto communi-*

Pp 2

tatis,

tatis, *Nomarchæ* vel *præsidis territorij*, ut quidquid ex eo proveniret, id in usum communitatis inferretur, cujus lucris vel pretij æque participes forent omnes istius provinciae vel territorij inhabitatores. 4, Præterea, si plebei censiti jus domini non haberent in fundos suos, non vocarentur ad comitia, nec jus suffragandi haberent, cum id non nisi civibus & qui bona immobilia possident, detur; lam vero constat ejusmodi homines ordinem quartura constituisse, & jure suo cum reliquis ad consultationes, publicas admissos fuisse, ut quorum interest, propter bona quæ habent & possident, & ex quibus censum præstant, scire & consulere quid è Republica videatur, & ex bonis suis contribui possit; Reliquos vero omnes, qui alienos fundos colunt, ab hoc cœtu excludi. 5. Nec tolli dominium plebis eo ipso, quod corona vendat, aut in feudum conferat, juxta consuetam in dominiorum translatione circa fundos alienandi formulam: Formulam enim, quæ moris causa usurpatur, non conferre plus juris quam fiscus habeat, nec fieri posse, ut eodem modo fiscus, quo possessor, conferat aut vendat; Duo enim unius rei in solidum domini esse non possunt; Quid?
quod

quod Inſpicari licet formulam iſtam ex ſuggeſtio-
ne quorundam irrepiſſe, præcipue exterorum,
ſive ignorantium rationem ſtatus noſtri, ſive eti-
am cupientium ea Regum facere, quæ per Reges
ſua fieri vellent, cum ergo qui poſſidet, vendit
juxta formulam ex jure præſcriptam, neceſſe eſt
illud de dominio & proprietate intelligendum
eſſe: Cum fiſcus vero; de cenſu & vectigali quod
fundo iſti impoſitum eſt, aut imponi poſſit, atq;
ad hunc modum integras ſæpe provincias in feu-
dum Ducatus, Comitatus, Baronatus &c. confer-
ri, nec præterea tolli aut confundi dominia ſingu-
lorum. Nec refert quod plebeis cenſitis lege
interdictum ſit, ne plus agrorum coëmant aut
conquirant, quam ut exercere & colere poſſint,
eo ipſo enim liquet, quod pro dominio ſufficit ali-
quando plebeis emere conceſſum. Lex enim illa
non tollit poteſtatē ſed terminat ad culturam, ne
ſcilicet debito fiſco cenſus ſubtrahatur, qua lege
propterea omnes ſimulati contractus ſuper fun-
dis etiam inter Nobiles & plebeios eadem lege
vetiti ſunt: Lex hoc ipſo dominium fundi Regi
non aſſignat, ſed tantum præſcribit quomodo
plebei agros ſuos colant & exerceant cum fiſci &

proprio ipsorum commodo, quod in provinciis nonnullis ante seculum, & quod excurrit, factum constat, quæ ut plurimum prius steriles, tunc novo à Rege monstrato modo culturæ, fecundæ evaserunt. Quin imo nobiles ipsi, vel militares, qui ejusmodi fundos acceperunt, eo ipso dominum plebis in ipsos agnoscunt, quod volentibus vendere, jus *protimiseos* nuper acquisiverunt, ut post agnatos & cognatos qui jus retrahendi habent, primi essent in emptione, quod necesse non haberent, si bona illa emphyteutica essent: 6. Porro si fundi ejusmodi omnes emphyteutici sint, quis eos plebeis in emphyteusim dedit? Contra distinguuntur enim allodialibus, non nisi per modum possessionis ex locatione conductione. *Allodiales* enim sunt ejus qui locat: *Emphyteutici* dicuntur respectu ejus qui in perpetuum pro se & suis hæredibus conducit, non potest autem monstrari, quando fiscus eos in emphyteusim dedit, constat enim per multa retro secula Reges electione ad Regnum pervenisse, & præfuisse autoritate magis suadendi, quam jubendi potestate, minime vero jus sibi aliquod in bona subditorum suorum vendicasse. Regibus enim certus prædiorum numerus

(286) 21,6, De fundom rane e
differi.

merus ex qualibet provincia constitutus fuit, quem minuere aut alienare jus vetat, sed nec augere poterant cum injuria subditorum, nisi sub certis conditionibus, ut si vel crimen læsæ Majestatis intervenisset, vel census aut militiæ onera ex ijs non præstarentur, ut ante dictum, sed nec Reges successionem facti jus aut dominium aliquod nacti sunt in bona plebejorum & prædia subditorum suorum. Unio enim hæreditaria ab ordinibus Regni sponte cœpta, approbata, hoc tantum effecit, ne successor in incerto foret, de reliquo dominium subditis in bona sua ademptum non est: Reges enim populo debebant jus suum, ideoq; Regnum non patrimoniali jure, quomodo bona sua avita, sed hæreditario feudali possederunt, ut extincto ultimo hærede, potestas iterum ad ordines recidat, ut quamcunq; velint Reipublicæ formam amplecti possint. Quare non liquet, unde, & à quibus plebejorum agri & bona emphyteuticafacti sint, præcipue cum certus numerus sit eorum, qui vel à corona vel Fisco vel Episcopis & Abbatibus in numerum emphyteuticorum relati sunt, ut frustraneum sit eodem jure confundere *Censuales cum Emphyteuticis*, cum utriq; hic apud
nos

nos supersint, ut ante dictum. Præter enim ea bona, quæ proprie *Emphyteutica* habentur, **Sām-
se heller Stadge-Goh**/ quæ sparsim reperiuntur, verisimile est Reges nonnullos nostri seculi bona quædam fiscalia in Emphyteusin vendidisse, quod præter vile illud pretium, quo bona illa sui juris pro solutione consueti canonis emptores fecerunt, instrumenta super hoc facta facile arguunt, in quibus nulla sit domini translati mentio, sed juris tantum possidendi pro se & hæredibus in perpetuum; sed nec obstare dominio plebejorum, quod edicta Regum nonnulla exierint, de non distrahendo, vendendo vel dividendo prædio censuali per partes, cum enim jus commune id permittat, imo aliquando præcipiat, nunquam vetet, edicta illa vim legis universalis non obtinuisse, sed & ante, & post publicationem illorum, juxta *jus commune* practicum & decisum esse constat, id quandoq; & publice interesse: Locupletem enim, & divitem agri egeno vendere posse, illius cum commodo & suo sine damno & nisi olim divisiones ejusmodi admittæ fuissent, præcipue in borealibus montosis & sylvosis provinciis, nunquam in tantum, hoc nostro seculo, aut numero

mero colonorum aut reditu fisci crevissent, em-
ptiones venditiones vero, si quæ per partes vetan-
tur, fieri cum conditione, ne debitus fisco census
detrahatur, oportere ergo censum translato do-
minio fundum sequi, atq; ea ratione, nec Regi nec
plebi præjudicari. Quod autem censualia præ-
dia post triennium, non soluto censu, publicentur
& confiscentur, nihil obesse dominio eorum. Fieri
enim hoc non tantum in *Emphyteuticis*, sed & *libe-
ris & vectigalibus*, ut tacitam in ipsis fundis, unde
aliquod fisco debetur, fiscus quoq; habeat hypo-
thecam, & propterea juxta jus nostrum, nisi in-
tra certum tempus luatur, pignus publicari & di-
strahi possit, nec ideo dominium tolli nisi post fa-
talia lapsa. Quod autem eo modo fundus sine
æstimatione in possessionem fisci deveniat, non a-
deo esse iniquum, cum quantulocunq; illo censu
qui restat, possit & possessor antiquus vel ejus hæ-
redes & proximi redimere, & in eo præferuntur
fisco, in quorum gratiam potissimum favorable
pretium. Hæc & alia non exigui momenti ar-
gumenta adferuntur, de quibus non meum est ju-
dicare, hoc saltem observato, acerrimas, ut hodie,
ita & olim fuisse agrarias contentiones, & prædia

Qq

nostra

nostra, præcipue *fiscalia* & *vectigalia* fuisse in perpetua vicissitudine, quæ res nonnullis concussura statum videtur, vergente ut plurimum eò potentia, quò bona deveniunt: Unde notat *Aristoteles* in Democratiis semper legibus cautum fuisse, de certo agrorum modo pro singulis, & notæ sunt apud *Romanos* agrariæ controversiæ & leges. Dani antehac, ut statui Aristocratico consulerent, à Regibus suis obtinuerunt, ne ulla bona libera emerent & fisco adjicerent, cum tamen *fiscalia* libera facere, & semel libera facta, quamvis plebeio donata, non tamen ad hæredes ejus transmittere possint, sed intra annum à morte possessoris vendenda sint nobilibus, cum vice versa, nobilium fundos nemini ex plebe emere liceat. *Gustavus Primus*, primus etiam absolutioris potentia regis stator & fundator, cum ejus tempore Ecclesiasticorum potentia, coemptis undiq; , vel oppignoratione, aut donatione acquisitis agris, statui gravis esset, quippe qui ultra trientem Regni jam possiderent, lege obtinuit per senatores Regni latâ, ut bona ejusmodi, quæ à tempore Regis *Caroli Knutsonij* ad eos devenissent, in pristinum statum, & ad Dominos suos reducerentur, vel redempta,
vel

vel etiam nullo interveniente pretio revocata, prout scilicet venditione aut donatione fuerant alienata, quod difficile factu non fuit, cum reditus (ut ante dictum) in sortem numerati, in solum acciperentur; Quā ratione, ut fisco & nobilitati, quæ tunc exhausta fuit & depauperata, consultum: ita vicissim nobilibus paulo post interdictū, ne emptione, pignoratione aut quovis alio modo bona censita, vel vectigalia ad se pertraherent, ne ea via contra leges, reditus etiam fisci imminuerentur. Mutationes ejusmodi in quamcūq; partem, raro feliciter, nunquam sine magna animorum acerbitate perficiuntur, id quod historiæ etiam nostræ testantur.

CAPUT VII.

De
*Fundorum cultu, villarum ædificiis,
pontium & viarum refectione.*

ARGUMENTUM.

Cultus rard præscriptus, Cuiq; pro lubitu permissus, ut olim Germanis.
Frumeni raritas, & alimonia penuria unde subvenum. Hordecum, avena, si-

na, filigo, Triticum, myrica, Lupulus & leguminum quorundam cultus nondum tentatus. Edificiorum cura, villarum & molendinorum. Fluminum diversitas & ratio. Pomium & viarum.

Cultus agrorum.

Nec de agrorum ratione & diversitate pro arbitrio humano, de eorum cultu nihil ferè præceptum est vel in quantitate vel qualitate, nec præcipi potuit in tanta varietate soli, quæ pro ratione cœli & situs, alium alibi desiderat, ut in eo non integræ tantum provinciæ, sed sæpè parœciæ & villæ à se invicem abeant. Olim cum universales & communes essent, quantum & quomodo libet colere permisum fuit, sufficiebant enim ex publico; nec semper vomere, sæpius sarculo actum est in exustis pro semente facienda sylvis, unde quidam nomen nos accepisse putant; Quem agricultura modum juxta alterum per vomerem, etiam hodie habent ubi saltus & sylvæ sufficiunt; quædam provinciæ etiam solum, ut Finni versus Septentrionem, Savolaxij & Carelij, non secus ac olim Germani, de quibus Tacitus: *Arva per annos mutant, & superest ager, nec enim cum ubertate & amplitudine soli labore contendunt, ut pomaria conserant, & hortos rigent, solo terræ seges*

leges imperatur. Ad extremum tamen nonnulla etiam arborum cura accessit, præcipuè quercus & fagi, quas cuilibet promiscue & ubivis plantare concessum videtur ex cap 33. i Bygda B. Lite enim inter possessorem fundi & arborum ortâ, præfertur is, qui segetum culturam mavult, solo segetibus apto, solo vero ad segetum fertilitatem inepto, præfertur in possessione, qui arbores possidet: Olim enim non lues tantum, sed & homines glande vescebantur, nec glande tantum, sæpe & cortice abetino & quercino, cum summa sæpe esset annonæ caritas, agriculturâ adhuc rarâ, si-
ve quod pabulum ex eâ non sufficeret tantæ multitudi-
ni quæ olim hic fuit, unde tot gentium examina diversis temporibus *Europam* inundarunt. Quare frumentum non tantum evehere, sed & mercenario in mercedem dari prohibitum, ne aut agrum latione, aut familiam alimonia defraudent. Sed nec servo frumentum accipere licuit sub pœnâ commissi in dominum fundi, perinde enim ut aliud pabulum in fundo consumi oportuit. Crebescente autem cultu, avenæ & hordei plurimus usus, ut qui ubivis cresceret, multus etiâ

Cultus a-
grorum ra-
rus.

Qq 3

sili-

siliginis, tritici rarior, lupuli vero nullus aut exiguus, cujus loco myricâ usi sunt, de qua antiquæ leges cavēt, ne aut in aliena sylva, aut in communi ante festum Divi *Olai* legatur. Perinde ut nec lupulus ante festū *Bartholomæi*, sed lupulus sylvestris, ignoro adhuc sativo & domestico, quem posteriorum seculorum leges imperant & ordinant, quæ si in viridi observantia essent, certa que culturæ ratio adhiberetur, quia solo natura subest, tanta & copia & bonitate haberi posset, ut advectio minimè foret necesse. Nec dubium est, quin alia quoque legumina & fructiferæ arbores fruticesque hic crescerent, si modo experiri, nec ad unum aut alterum eventum subsistere, sed vel modum vel solum variare placeret. Tentavit & vidit nostra ætas multa majoribus ignota, & ad eum, quæ jam feliciter excercent, culturæ modum pro cuiusque soli vel climatis indole nonnisi longa experientia edocti pervenerunt.

Ædificiorum cura.

Culturam soli ædificiorum cura sequatur, non ante eam, primum enim unde vivere & ubi possis, considerandum venit, postmodum ut securus ab incurſu aliorum & tutus ab injuria cœli. In sepiendo nihil antiquæ leges discrepant à modernis.

dernis. De villarum ædificiis admodum pauca ha-
bent, quia revera ea nec majoribus nostris magna,
quidquid tandem de magnitudine eorum à qui-
busdam deprædicatur : ruditas certe fuit, si ad se-
culum nostrum conferatur. Nos cultum cum re-
ligione à *Germanis & Anglis*, illi à *Romanis* habue-
runt, qui cum imperio & literis & steterisse videtur
& cecidisse ; olim ergo pro lubitu ædificatum, &
quod *Tacitus* de *Germanis* : Coluerunt discreti & di-
versi, ut fons, ut campus, ut nemus placuit, ædificiis tran-
sitoriis & in annum aut mensem positis. Quare & leges
vetustissimæ ædes colono injungunt, sed trinas
tantum pro homine, pecore, frumento, quas se-
cum coloni aut venientes advexerunt, aut manen-
tes ædificarunt, & discedentes abstulerunt, perin-
de ut sepes, excepta tantum ea quæ villam inclu-
deret. Ædificiorum tamen, si quando plures co-
habitarent, situs & ordo legibus astrictus fuit, in
certa & ab invicem distantia, & ad solis ortum,
meridiem & occasum mensione, til samsdres och
ratta Soollskipt. id est, ut *jus OstGothicum* ait, then
nämmer solu som nämmer a/ och then fiärmer
solu sum fiärmer a. id est, ut quisque fundum possidet
vicinior, vel remotior à sole sive oriente, ita habitet ; ut
por-

portiones uniuscujusque in agro, prato, sylva, aqua, &c. correspondeant ad situm villæ: *Uter epti Tompt/ Ång epter Uter/ gardsto eptir ång.* *Swa Stogar tha liggi alt epta tompt/* aut si hæ ante constitutæ sunt in sua certitudine, ut villa ad situm earum ædificetur: *Ligga dhen all a Sår/ ta skall tompt epter them/ och en thön epta tompt/ tha är thet laga låge.* Atque ad hunc modum situantur etiam hodie prædia rustica in provinciis Regni principalioribus.

Molendino-
rum.

Inter ædificia necessaria etiam molendina merito referuntur, de quorum possessione non convenit inter jus modernum, *Christophorianum*, & antiquū. De jure moderno & novissimo fiscus sibi vendicat, *Christophorianum* dat possessoribus fundi, antiquum vero occupantibus sive primum ædificantibus. Cum enim olim sibi quisque in pistri- no moleret, magno labore & molestia, nondum cognita & in usum traducta vi ventorum & aquarum, favet iis qui primi tentarunt, sive in communi fundo, sive etiam alieno, adeo ut è vestigio ipsi occupanti in præmium diligentia & novæ rei tentatæ, jus aliquod tribuatur ne pelli possit; *Saa madir a myllom Stådth/ är first giårwårcka/ huad*

hwad thet är allär a aldra Gjötha äga / eller al-
dra granna. Item ä a Nadir myllom Stådh
medan the fang äru all vrröttin / id est, *Ut si cesset
possessor fundi ædificare vel molendinum collapsum restau-
rare, succedat in ius loci extraneus, imo vicinis etiam
necessitatem imponit vendendi, aut de solo occu-
pato cedendi volenti ædificare, adeo valuit boni
publici respectus.* Recentiora jura possessori-
bus tantum fundi jus ædificandi tribuunt, tanquā
in loco vel proprio, vel communi, sed hoc pro
rata, juxta quantitatem canonis vel census, si pos-
sessores unius pagi fuerint; pro dimidio vero si
flumen inter duos pagos decurrat, non observato
pluresne vel pauciores fuerint, & quia molendi-
nis nullus census erat impositus, quemadmodum
nec hodie in provinciis borealibus, ubi ferè sin-
guli sua propria habent, arbitrarium erat vel ædi-
ficare vel omittere. De jure novissimo in omnia
ejusmodi flumina, in quibus vel molendina vel of-
ficinæ metallorum excudendorum ædificari pos-
sunt, jus fiscus prætendit.

Quare inter privilegia nobilitatis numera-
tur, quod liceat ipsis in fundis eorum propriis ejus-
modi opera vel officinas ponere, ne à præfectis

Rr

Regiis

Regiis impediuntur, aut censu onerentur. Hoc
 jus fisci tamen restringendum videtur ad flumina
 publica, quæ aut navigabilia sunt, aut quorum u-
 sus pluribus provinciis aut territoriis est commu-
 nis, ut intersit mediam eorum partem pro piscium
 aut navigiorum transitu parere, quam nostrates
 idcirco venam Regiam appellant: **Kongzadræ:**

Pontium &
 viarū ratio.

Pontium & viarum, præterquam in proprio
 fundo & in usum tantum villanorum, olim exigua
 cura, libertate non singulis tantum provinciis sed
 & hominibus integra. Itaq; prout cuiq; visum
 expedire, vel ædificarunt vel diruerunt, securiores
 ubi aut nullus aut difficilis foret commeatus, cum
 provinciæ sibi invicem infestæ essent, aut à vici-
 nis infestarentur, an quod laborum tæderet, quo-
 rum fructus non ex æquo ad omnes redundaret:
 Postquam vero commerciorum utilitas & unius
 imperium prævaluit, ad publica hæc quamvis sin-
 gulis profutura, svadendi magis quam cogendi e-
 rant, etiam per præcones verbi divini & ministros
 sacros. Pontes itaq; sæpe propter animæ salu-
 tem à piis & religiosis ædificati sunt, deinde vis im-
 perii accessit & legibus demandata, cum discrimi-
 ne tamen, prout major minorve census erat, ita
 quisq;

217, De fundom cultu villam
(298) ædificij, pontibz & viis.

quisq; in proprio fundo instruebat, aut reficiebat.

Postremo etiam viæ Regiæ in singulis provinciis constitutæ, sed primo minus strictæ, ut quæ scilicet ab æde parochiali in urbem & oppidum proximum ducerent: Deinde laxius, ut quæ, tanquam venæ & arteriæ in corpore vehicula sanguinis & spirituum, ducerent à Regni limitibus aut oppidis & arcibus ad Metropolim Regni vel sedem Regiam, quales suo tempore Rex *Gustavus Primus* per *West Gothiam* & *Smolandiam* determinavit, quas etsi cura earum ad Regem pertineat, provincia tamen vel territorium quodlibet, per quod ducunt, ædificare vel reficere tenetur, sub inspectione præfecti Regij. Dictæ ideo *Allmänna vägh* / id est, *via publica*. Item *Konungz vägh* / *Karle vägh* / *via Regis*, *via viri*, ad differentiam earum quæ aut ad locum judicij, aut ædem parochialem ducerent, quarum tamen idem fere juserat, *Tingz vägh* / *Rådsvägh* / *via judicij*, *via Ecclesiæ*.

Rr 2

CAP.

CAPUT VIII.

De

*Venatione, Aucupio, Piscatura
& Pastione.*

ARGUMENTUM.

*V*enatio antiquitus promiscua. Successu temporis restricta ad certas feras : Certa loca : Certa tempora : Venatio ferarum noxiarum omnibus concessa. Modi pro capiendis feris noxiis aut extirpandis : Avibus item rapacibus. Aucupia olim in usu per falcones & accipites. Fera semper prohibita : Certis locis : Certis temporibus. Jus venandi quando & quomodo restrictum : Ad personas, ad saltus, sylvas. Fera capta divisio. Pisces Regij & privilegiati. Piscatio in aqua communi. Piscatio olim promiscua, nec ad tempus restricta. Pastio.

Venatio olim promiscua & concessa

AD rem rusticam, de qua hactenus, etiam pertinet venatio, aucupium, piscatio, pastio. Ut enim ager frumentum & panem, ita obsonium aqua & sylva dabunt. sylva ex venatione ferarum & pastione pecoris cicuri. Venatio ferarum olim *Stiōga* dicta fuit, à verbo *Stiōga*, id est, in sylvam ire, eamque frequentare pro feris indagandis & capiendis. Hæc venatio promiscue omnium olim, & omnibus & semper fuit concessa. Animantes enim
feras

feras & sylvestres jure gentium & naturali existi-
marunt esse communes & fieri capientium. Itaq;
nullo habito loci, aut temporis, aut personæ re-
spectu talis lex prodita fuit: Then a hāra ār hāns
dier/ then a rāff ār reser/ then a Warg ār winder/
then a Blörn ār batir/ then a Elg ār säller / then
a Otter ār or a tafir/ id est, Leporem habeat qui pre-
hendit; Vulpem, qui elicit; Lupum, qui suspendit; Ur-
sum, qui confodit; Alcem, qui prostravit; Luttram qui
flumine extrahit. Omnium enim maxime meru-
isse visi sunt, qui difficilissimam in captura operam
præstiterunt.

Ius hoc postea ad certas feras limitatum fuit: Cum enim aliæ essent noxiæ, ut ursi, lupi, vulpes, gulones, hæ & ubivis, & à quovis, & omni tem-
pore capi & interfici poterant, quin & in necem
eorum, præcipuè lupi & ursi, omnes adacti fuerūt:
Alla agu Warg och Blörn söfia ty at han ār
vråfle/ id est, Cuilibet fas est ursum & lupum persequi,
à quo vis major timetur; præcepta tamen data & in-
venta ad eorum internecionem. 1. Sepimenta
ita exædificata, ut feras eo proVectas reciperent &
includerent. 2. Per foveas ad eundem fere mo-
dum factas, ut descendentem ad escam (quæ in me-

Venatio re-
stricta ad
certas feras
cuius & fem-
per necan-
das.

Rr 3

dio

dio polita esset) lupo facilis esset, ascensum vero
 & reditum denegaret. Deniq; 3. per retia, quæ
 certa mensura quemlibet secum adferre oportebat
 ad venationem publicam. De his enim olim
 leges latæ, quomodo & unde instruerentur, quæ
 hoc seculo in desuetudinem ferè abierunt, rarò enim
 retia habentur, & impune, sepes nullæ, & fo-
 vearum tantum privato studio & sponte instruuntur,
 nulla amplius publica auctoritate. Iura Suderman-
 nica, meo iudicio, longe melius privata ausa publi-
 co promovent honorario. Luporum enim &
 urforum interfectores præmium decernunt,
 exiguum à singulis (pecuniolam scilicet unam aut
 alteram) ab omnibus magnum, quæ si in usum
 revocarentur, haud scio, annon ut olim in *Anglia*
 & *Scotia*, majore effectu & efficacia, & minore
 fisci sumptu, & labore rusticorum, pecoris illæ pe-
 stes tandem funditus perirent: Dråpir nogor
 gamblom Warg eller öder full allan medh vngom
 Wargom/ giswi honom Bonde hwar i fierdunga
 them een sina Penning. Hwar Båörn dråpir
 giswi honom Bonda hwar fierdunge them är een
 Swenskan Penning! Idem olim etiam juris *Ger-*
manis fuisse ex *Cæsaris* commentariis didicimus:

Varia

Varia, inquit, genera habent in Hercinia sylva, boves-
 feros, alces, sed imprimis ursos, hos studiosè foveus captos in-
 terficiunt. Hoc enim labore durant adolescentes, atq; hoc
 genere venationis exercent, ut qui plurimos ex his interfe-
 cerunt, relatis in publicum cornibus, quæ sint testimonio, ma-
 gnâ ferant laudem. Nec dissimilis mos Islandis, cu-
 jus meminit noster Olavus Magni, ut quicumq; noxiam
 bestiam occidisset, à fisco vel Regio præfecto, juxta crudeli-
 tatem præsentati cadaveris constitutum susciperet emolu-
 mentum. Ideoq; juvenes, cum plures occidissent,
 capita tantum abstulisse, ac pro eorum numero
 decretam à jure mercedem exegisse; quod jus &
 nuper reduci cœpit. Idem juris fuit circa aves
 rapaces, quas & semper, & omnibus necare, non
 tantum licitum fuit sed & lucrosum, ut colligi po-
 test ex jure West-Gothico & Scanico, ubi solutio mul-
 ctæ permittitur in ala aquilæ, quæ pretii æstima-
 batur 18 pecuniolarum. Milvos & corvos jus
 Norvegicum ubiq; interfici sinit, falcones vero in
 aliena sylva sub hac conditione capi, ut bes pretij
 domino fundi persolvatur, quod de nostro jure
 tenuit. De hodierno illorum jure prorsus Re-
 gii sunt, ubicunq; tandem reperiantur, à nemine
 capi possunt, præterquam solius Regis scitu &
 jussu

justu cap. 49. i *Landzlene B. i Norske Eagen*. Contra enim quàm hodie, falcones hic in usu fuisse circa aucupia, ideoq; in pretio, patet ex jure modò dicto *Scanico & WestGothico*, ubi cavetur ne quis falconem inventum sui juris faciat sub poena furti, nihil attento ubicunq; apprehendi possit, si modo crure fasciatus fuisset, & jus *Wesmannicum* idem ostendit, venationes scilicet canibus, aucupia falconibus fuisse instituta. Itaq; in querela damni dati, hæc suggerit fuisse dicta: *Tu beet man ihial med Höfer och Hunde tinom/ item gör Skada med Höfer och Hunde/* id est, *Tu occidisti hominem, vel damnum dedisti cum falcone & cane tuo*: Frequens enim, & vulgare fuisse videtur, de quo leges præcipiant. Hodie querelæ & ejusmodi avium transfugia rara, nisi quod nuper tamen, & ante paucos annos in extrema *Finlandia* necatus à rustico accipiter insigni magnitudine ostendebat Regem *Gallie* dominum fuisse, altero crure aureum, altero ex argentea lamina habens annulum cum hac inscriptione: *Je suis au Roy: Duc de Cheureuse me garde*: Sed hæc obiter.

Venatio res
stricta pro

Ut autem feræ hæ, de quibus jam dictum, semper, & ubiq; & omnibus concessæ, ita è contrario,

trario quædam & ubiq; & semper denegatæ, quæ-
dam certis tantum temporibus, & locis; Damæ &
capreæ semper prohibitæ fuerunt, quas nec nobi-
libus olim in proprio fundo necare permissum,
Regi enim ubicunq; degerent, reservatæ: Ingen-
mâ Xââ til sima saga/ vthan Konungar til sine
nytt och en ellers: Et longe ante jus Ost Gothicum,
Bönder mâ en Xââ tafa/ ty at han är Konungz
Djur/ id est, Rustico damam capere non licet, fera enim
Regis est.

certarum
ferarum im-
munitate.

Quod idem postea, & de cervis obtinuit.
Cervi enim antiquitus non fuerunt, sed paulo an-
te tempora *Gustavi Primi* introducti, cervi inquam
tales, quales hodie in australibus Rēgni provinciis
reperiuntur. Nam species illa cervorum, quæ in
borealibus degit, quos vulgo *Renos* vel *Rangiferos*
vocant, ut hodie, ita & olim fuit, tam cicurum &
domesticum, quam ferum & sylvestre. Damas
& cervos posterioribus seculis indultum est, etiam
nobilibus in proprio fundo capere, quo jure etiam
hodiè nobiles, & quidem privilegiati, gaudent,
exceptis locis, quæ expressè inter reservata Regi
sunt. Qua ratione *Ålces* in *Alandiâ*, cervi & da-
mæ in *olandia*, lepores & feræ promiscuè omnes,
Ss qvarum

Venatio
certis locis
prohibita
Regis reser-
vatis.

quarum caro in deliciis & pretio, in saltibus Regiis prohibentur. Saltus autem hi ut plurimum circa arces Regias sunt, aut bonis adjacent iis quæ sunt in patrimonio Coronæ, ita ut definiuntur, *Konung; Parcker* är Konungens eenstykte Egor som Upsal ödhe och annat tolskin. *Parci Regii solius Regis sunt, ut possessiones Upsalenses, & alia ejusmodi, quo nomine etiã in Gallia, Anglia & Belgio, vocantur parci, Vivaria, sive loca clausa a tendis feris ad delectationem principum destinata. Sed parci nostrates latius patent, quàm ut solis vivariis concludantur, neq; tamen ita latè extendendi, ut jura aliorum, quæ ab immemoriali temporum decursu in fundis suis habuerunt, tollantur.*

Venatio ad
certum
tempus re-
stricta &
certa loca.

Respectu locorum & temporum, alium venatio prohibita fuit, & respectu quidem temporis, ubiq; , à tempore *quadragesimæ* ad initium mensis *Augusti* : ab illo vero tempore concessa fuit, sed certis in locis, in *Dalia Westrogothiæ, Dalia Wesman-niæ, Wermelandia, Gestricia, Helsingia, Angermannia, Finnia.* Respectu temporis, ubiq; etiam captura *Sciurorum, Martium, mustellarum* vetita fuit, ante festum omnium Sanctorum. Ab illo vero tempore permessa ad festum purificationis *Mariæ* nullo

nullo locorum respectu. Jus Sudermannicum ad festum D. Michaëlis retrahit, quod & boreales hodiè observant. Jus Vallium à die S. Catharinæ permittit ad æquinoctium vernale, aut etiam ultra. Eo enim tempore promiscuè licitum, feras & aves necare jaculo, tendine, laqueis, decipulis &c. Cum hæc tamen exceptione, ut si fortè ad ædes parochiales, aut alio versum profecturi, incidunt in sciuros aut aves, liceat illos capere & interficere quocunq; tandem tempore. Commodè antiquitas ad tempora & loca respexit, ne aut multiplicationi officeret, si ubiq; , aut utilitati capientium, si intempestivè caperentur. Huc enim locorum electio spectabat, ut ibi permitteretur, ubi immensæ sylvæ, ingens copia & facilis ob vicinitatem transitus in *Norvegiam* & *Moscoviam* ipsas alioquin incolis subduceret: huc temporum electio, ut non tantum liberè generationi inservire, & foetus suos educare possent, sed & pretium pellibus conciliaretur, quibus ex hyberno frigore, melior pilus & color & consistentia comparatur. Sed hæc leges quamvis sæpius tot Regum edictis munitæ & reductæ, & nuper etiam ad aves & pisces extensæ, ut foetura eorum consuleretur: raro tamen ob-

servantur, ubi libertatis quisq; pristinae memor & tenax suo se jure uti putat. Cuiq; enim in proprio fundo quamlibet feram quoquo modo venari permissum, ut ante dictum, donec tandem venatio etiam quæ fit per canes, funes & retia, interdiceretur, hodie etiam per arcus & sclopetos plebi, tantum Regibus concessa, ut jus illud Regium, quod primo feris, deinde saltibus nobilitatum fuit, postremo & modo venandi à reliquorum jure discriminaretur. Quod jus tamē nobiles in fundis suis iterū recuperarunt, sed certis limitibus circūscriptū. Plebei, cane, jaculo, laqueis, tendine, decipulā agunt, in *Vallibus* vero & borealibus Regni provinciis etiā sclopeto omnes, tamē cū discrimine in suo, alieno, publico vel communi fundo. In alieno enim nisi urfos, lupos, vulpes, gulones persequi non licuit: Licuit tamen feram in proprio vel communi fundo percussam, in alieno & persequi & consequi, si institisset, secus si semel destitisset. Cessit enim inventori, si vero in proprio vel communi fundo investigasset, persecutionem vero lassus, in alieno aut communi deseruisset, posito in vestigiis feræ arcu vel jaculo, divertere & redire licuit, ita tamen ut si intra binoctium ab alio caperetur, jus tantum armi unius cum pelle sibi vendicaret

caret investigator, reliquum vero corpus caesor.
 Ex jure Gothico, qui trinoctium a persecutione ab-
 est, dereliquisse judicatur, nec in ullam partem ad-
 versus postea occupantem actionem habet. Ubi
 vero plurimum operâ fera indagatur, aut etiam oc-
 ciditur, ut convenit divisa fuit, ex lege tamen per-
 cussori armus, canum dominis dimidia viri portio,
 & quod reliquum erat, inter socios æquabiliter
 distribuebatur, quod præcipuè obtinuit in urso-
 rum, alcium & rangiferorum captura, quorum
 carnes non minus in esu, quam pelles in usu. Ca-
 stores autem & Luttras in alieno captas restituere
 domino fundi tenebatur: In communi vero fun-
 do retinere licuit: *Biur a sår bõle som bonde/
 hœir som dråpir biur och bræter hidhe hans / låte
 atir biurin / thån som egnena atte och a trim mar-
 cfom / id est: Castor propriam ædiculam seu foveam ha-
 bet ut rusticus, qui occidit castorem & convellit foveam e-
 jus, reddat castorem fundi possessori cum mulctâ trium mar-
 carum: feras autem fortunâ inventas ut quæ non
 industria humana, sed vel casu, vel ab ursis & lu-
 pis prostratæ cecidissent, licebat inventori ex par-
 te suas facere, quemadmodum & in sylva inventi
 apum examinis pars dimidia domino fundi, altera*

inventori cedebat; secus de jure novello quo nihil inventori præter gratias debentur, secus etiam de jure *Danico*, quo fera inventa, item balenæ & cete tantum fisco addicuntur, cum aliquo tamen monstrantis beneficio. De jure tamen *Islandico* dimidium inventi piscis domino fundi, dimidium inventori adjudicatur, quod frequentia ibi cete, nec alia piscatura fructuosior, undè se sustentant. In *Dania* vero rara, ideoque Regia, quare & ceti & sturionis piscatio, nemini præterquam Regi concessa.

Piscatio.

In piscium vero genere nemo apud nos fuit proscriptus, nemo privilegiatus, sed cuique, suus factus quem fortuna sive in proprio, sive in communi fundo obtulisset, quandoque etiam alieno. Communibus enim sumptibus ut plurimum piscabantur, etiam hodiè in tractura retium tempore hyberno; Itaque si unus alterve eorum qui fundi vel aquæ possessores sunt, nolint sumptus aut labores cum reliquis ad opera & instrumenta piscatoria conferre, concessum est extraneum asciscere, & prædæ participem etià ex alieno facere, alioquin in alieno piscari nunquam concessum. Quod autem de feris & piscibus dictum est, idem ferè juris circa volucres esiles: *Um sugla gildi och biura wari lagh sammu sum um andra gildi.* Pastio

Pastio ultimum est in re rustica, de qua cum Pastio.
leges modernæ ab antiquis nihil differant, nec
multa tamen præcipiant, iis non operosè inmo-
ramur, non ultra mercedem & officium pastoris
procedunt, cum scilicet abolita servitute condu-
ctitii essent. Majores nostri communia ut pluri-
mum & pascua & pastores habebant: nec inter-
fuit plus minusve pecoris vel census haberet, nisi
tantum in sylva glandaria, in qua numerus peco-
rum uniuscujusq; esse debuit, pro quantitate cen-
sus vel canonis, quod & observatum fuit circa re-
liquum pecus, sed in insulis tantum, aut locis se-
pimento circumscriptis, quod hodiè tamen nisi
modus excedatur non curant aut attendunt.

CAPUT IX.

De

*Beneficiis humanitatis, hospitalitate
& liberalitate.*

ARGUMENTUM.

*Beneficentia majorum. Beneficia fraderi non imperari. Apud nos
etiam imperata legibus. In casu paupertatis: ex incendio: Nau-
fragio.*

fragio. In casu aduersæ valetudinis. In casu mendicitatis. Fius mendicorum. Leges tabernariæ R. Magni Ladulasii. Hospitalitas gratuita. Legibus subleuata & quare. Leges in favorem viatorum, in casu necessitatis vel etiam extra.

COronidis loco inter civilia beneficentiam majorū commendamus. absq; dubio viri boni fuerunt hoc elogio digni, sine odio enim & imputatione alter alterius fortunam sublevâsse videntur, nondum tanta habendi cupidine, adeoq; minore avaritiâ apud subvenientes, minore impudentia apud postulantes, cum ex alterâ parte necessitas peteret, ex alterâ humanitas daret, unius quasi patris familias fuisse videntur, cujus ingenuæ probitatis umbrâ & vestigia etiam hodiè animadvertere licet, in populo versus septentrionem, qui procul ab urbibus & commerciis aliorum positus, plus candoris & simplicitatis habet, arctius quoq; inter se amare & peregrinos humanius complecti videtur, fallere necius & falli. Diceres mores ab aureo seculo proximis, nisi fæda quorundam avaritia impudentissima petacitate, paulatim illos depasceret & deformaret.

Mores majorum circa beneficia.

Quamquam

Quamquam autem beneficentia & humanitas eam quidem obligationem non pariat, ut actione aliqua in foro civili ingratus, inhumanus vel immisericors conveniri possit, cum beneficia suaderi debeant non imperari, si beneficia dicenda sint; apud majores nostros paulo aliter tamen res habuisse videtur, cum mores pro lege fuerunt, & ex iis quidam etiam in leges describerentur, quales sunt hæ: 1. Si quis ex incendio aut naufragio pauperiem pateretur, tenerentur singuli istius territorii incolæ, in quo damnum acceptum est, nemine prorsus excepto, sive Clericus, sive nobilis esset, qui modo domicilium & familiam haberet, juxta æstimationem damni accepti a bonis viris factam, fortunam ejus sublevare & resarcire, quod subsidium jura nostra **Brandstüd** vocant. Olim definitum & certum a singulis, sed in electione quærentis positum, utrum illud a territorio petere mallet, vel ab eo qui causam damno præbuisset. 2. Ut si tempore messis servi alicujus aufugissent, vel adversa valetudine domestici detinerentur, opitularentur vicini in messe colligenda ad minimum ut quilibet unius diei operam præstaret, etiam postpositis domesticis suis ejusdem

Beneficia
suaderi non
imperari.

Beneficia
imperata.

In casu pau-
pertatis ex
incendio.

In casu fu-
gæ vel ad-
versæ vale-
tutinis.

T t

operæ

In casu men-
dicitatis.

operæ laboribus. 3. Nec pauperes & debiles li-
ceret arcere, ut non ad minimum & alimentum &
nnius noctis moram, & abeunti jumentum con-
cederent. *Jus Norvegicum* vetat quemquam pau-
perem post solis occasum, & ante ortū quacunq;
tandem hora venissent, domo expellere, si quis
vero recusasset suscipere, hospitio denegato,
& illi fame aut frigore morerentur, teneretur is
pœna ordinaria homicidii casualis juxta illud *Au-*
gustini; *Si non pavisti, occidisti*. Hæc lex vero tan-
quam exceptio addita est, ad illas quas de diversi-
toribus & tabernariis omnium primus tulisse di-
citur *R. Magnus Ladulasius* Anno 1260. quæ ex-
tant capitibus, 24. 25. 26. 27. libri primi juris *Chri-*
stophoriani: ne scilicet obligaretur gratis itine-
rantes alere, sed justo pretio, severissima in illos
pœna constituta, qui contravenissent. Ante illa
tempora revera hic fuit, quod *Tacitus Germanis* in
genere tribuit: *nefas scilicet fuisse quemquam mortali-*
um tecto arcere, pro fortuna quemq; apparatus epulus exce-
pisse, & notum ignotumq; quantum ad jus hospitii neminem
discrevisse. *Adamus Bremensis*, qui vixit paulo ante
tempora *Ladulasii*, hoc præcipue nobis tribuit his-
ce verbis: *Hospitalitate insignes præcipue sunt Sveones,*
quibus

Hospitali-
tas.

quibus est omni probro gravius, hospitium negare transeun-
tibus, ita ut certamen habeant inter se, quis dignus sit hospi-
tem recipere, cui omnia exhibent humanitatis officia, quam-
diu & quot illic commorari voluerit diebus, ad amicos suos
illum deinde certatim per singulas dirigit mansiones. Hæc
ille. Quædam jura adeo hospitem securitati fa-
vent & cavent, ut cum vitæ civium parcant, etiam
in gravissimis delictis, puta parricidiis in parentes,
liberos, in incestu cum iisdem, necatorem tamen
hospitis peregrini, vivum cum mortuo colligari &
puniri mandent. Sed ut ad liberalitatem nostra-
rum redeam, mansit hæc liberalitas etiam post le-
ges à R. Ladulasio latas, quæ quamvis tot subse-
quentium Regum decretis renovatæ sint & con-
firmatæ, ne nostro quidem seculo plenum robur
acceperunt, in gente sive gratis dare & accipere.
Hanc autem de pauperibus & mendicis exceptio-
nem in jure, quo hodie utimur, omisit Rex Christo-
phorus, perinde ut & alteram illam de mutuis sup-
petiis, ad beneficentiam & opera misericordiæ
homines potius sive dari quam imperari, aut illud
fortasse reputans, quod Tiberius ad petitionem M.
Hortensii: Langvescere industriam, intendi socordiam, si
nullus ex se metus aut spes esset, sequuturos omnes aliena
T t 2 subsidia,

subsidia, sibi ignavos, aliis graves. Omissæ sunt & aliæ ejus generis : ut si viatori necessaria denegarentur, vel nemo diceretur esse domi, liceret divertenti alimentum sibi rapere, & pretium ejus, quanti visum esset, penes sequestrum deponere. Liceret etiam viatori equum pascere in prato alieno, sed ad certam à via publica distantiam, tempore etiam brumali ex horreo alieno impunè sine pretio, tantum fani capere, quantum ad refectio- nem equi lassi sufficeret, & eunti per hortum, coryletum, quercetum aut raparium, liceret non modo carpere & degustare ex fructibus, sed etiam aliquid, quamvis ad exiguam mensuram, secum auferre. Quæ leges postea, ut dixi, obsoluerunt, vel, ut leviores, omissæ, quis enim modum poneret alienæ liberalitati? Jus Norvegicum cautius itinerantibus subveniendum duxit, nec nisi necessitate urgente, ut si navigantes ventis adversis detinerentur, nec alimenta aliundè suppeterent, fas esset pecora, cujus- cunq; tandem essent, capere, modo cornua cum corio & in iis pretium relinquerent in portu. Idem concedit itine- rantibus Jus *Wesmanicum*, si alimenta & pabulum dene- getur, nisi quod pretium, quanti visum fuerit, penes seque- strum deponi jubeat. Juris *Angariarum* & *Perangariarum* meminerunt leges *Helsingica* & *Wesmannica*, sed sic ut soli Regi & ejus comitibus vecturam præstent, & præterea ei, qui literas & mandata Regia defert ad provinciales, & præterea pauperibus, mendicis & debilibus.

LIBRI

221, De processu in criminalibus.

(316)

LIBRI SECUNDI
PARS POSTERIOR.

De
CRIMINALIBUS.

CAP. I.

De
Processu in Criminalibus.

ARGUMENTUM.

Criminalia primo loco à majoribus tractata & quare. Processus in Criminalibus. Citatio. Captura. Proclama. Salvus conductus, quibus, quando & à quo dari poterat. Executio adversus contumaces. Emensio, Proscriptio. Distinctio criminalium in majora, *Höghmähl* : Minora, *Nidermähl*.

HActenus civilia fuerunt. sequantur criminalia, de quibus tamen antiquæ leges primo loco agunt. Cum enim Regis officium in eo potissimum consistere judicarent, ut vim & injurias à civibus suis propulsarent, concordiam

Criminalia
olim in jure
præmissa, &
quare.

T c 3

inter

inter illos conservarent, ante omnia, quæ eò spectarent, præmittenda censuerant, tum demum de bene vivendo cogitandum esse, cum prospectum esset ut securi & tuto vivere possent.

Processus
in criminalibus.

Processus in criminalibus à processu in civilibus parū distabat, quoad litis contestationem, probationem & executionem, præcipuè vero in criminalibus, modi illi probandi rem dubiā, quos supra memoravimus, locum habuerunt, per pugnam, ferrum candens & sacramenta, rarius in civilibus, quia crimina omninò nolebant in dubio, ideoq; impunita.

Captura.

Pro citatione in manifestè capitalibus, vel captura in usu fuit, quemadmodum & hodiè, si comprehendi reus possit; vel proclama, si aufugisset: rarò tamen captura, quia rarò crimen aliquod capitale. Deprehensum enim in ipso facinore, cæde aut verberibus multabant, & impunè quidem, si cum læso aliquo propinquitatis gradu conjuncti essent: fugientes vero non diu persequerentur, si enim intra spatium viginti quatuor horarum prehendi reus non posset, dabatur ei à jure salvus conductus, ut tutus & securus, si vellet, & comparere coram judicio posset, & discedere.

Salvum

Salvum conductum non iudex tantum, sed & quilibet & civis rusticola dare poterat, cuius modo fidei se reus iudicio sisti commisisset, præcipuè vero si reus proscriptus eadem fecisset: adeo ut si reus contra fidem ab ipso datam violaretur, dabatur ei actio violatæ fidei publicæ, multamq; quæ eo casu decreta sibi rusticus ille vel civis vendicaret, argumentum non leve popularitatis, etiamsi sub nomine regio fieret à ministro non regio aut publico. Si autem reus comparere nollit, executio facta est tanquam in confessum aut convictum, juxta ea quæ deinceps dicuntur: ut si quid in bonis reliquisset, pretium causæ ex iis emetirentur: si nihil, ipse proscriberetur, & ^{non} tantum actoris, sed et cuiuslibet vindictæ exponeretur, quando & proscriptio facta est, & emensio etiam ex bonis relictis, vel potius eorum confiscatio, prout causæ gravitas exigebat. Criminalia majores distin-
runt in majora & minora. Majora *Höghmähl* nuncupabant, id est, causas graves, ut quæ pœnam annexam habebant ut plurimum & mortem & publicationem omnium bonorum, dicebantur alias *uhrbotha* vel *oborha mähl* id est, *cause immediate* dicabiles, quæ restitui non possent, & quarum gra-
tiam

Salvus con-
ductus.Distinctio
criminum

tiam olim nec Rex ipse facere posset. Reges enim quædam condonare poterant, sed minora tantum crimina, nec ea semper tamen, sed in primo suo & solenni Regni circuitu, quem vulgo *Erichzgatu* nominabant, quum post electionem & inaugurationem singulas Regni provincias visiterent, & acceptis obsidibus subditos suos recognoscerent & recognoscerentur, tunc tribus tantum reis in quolibet provincia gratiam delicti & poenam remittere poterant, modo culpa non foret inter graviora, hæc irremissibilis & supra Regis potestatem. Crimina hæc peculiarem in jure novissimo titulum habent, jure *Gothico & Norico Nidingzwerd* nominata, hodiè & jure *Christophoriano* vox ista strictius usurpatur.

Minora crimina reliqua omnia dicebantur *Nidermähl*/id est, causæ inferiores, à poena præcipuè, ut quæ non vitam vel totam substantiam tangerent, sed aut in aliqua corporis inflictiva, aut exilio, aut infamia constarent, præcipuè vero in multa & poena pecuniaria, quæ primitus omnibus delictis concessa fuit. Nos scrupulosè hanc distinctionem non servamus, sed unumquodq; crimen, prout materiæ ratio exposcere videtur, ad ductum præcipuè juris novissimi prosequemur.

CAPUT II.

De

Fornicatione, stupro, adulterio, bigamia, raptu, vi, lenocinio, incestu, sodomia, bestialitate.

ARGUMENTUM.

Fornicationis pœna. Freqventia concubitus illiciti. Lex Frisionum & Gothorum. Stupri pœna. Vis & raptus pœna diversa. Jus nati ex violento concubitu. Adulteri pœna diversa. Adulterum interficere licuit & adulteram, ut mulare naso, auribus, crine. Gestatio lapidum civitatis. Circumductio adulteri & adultere. Statua Turonis, Scheningæ. Amissio juris in dote & triente. In successione ab ascendentibus & descendentibus. Bigamia pœna. Lenocinium. Incestus. Senecæ sententia laudata. Sodomie cum bestiis pœna: de jure hodierno. de jure Gothico. Incestus. Privata confessionis operatio. Pœna confessionarii privatam confessionem revelantis.

Fornicationis pœna mulieri duplex, Infamia & successionis privatio in bona paterna & materna. Mulier fornicatrix semper infamis habetur, nisi nupserit ei quo cum consuevit, aut alioquin honestate aliquâ conjugii legitimi sublevetur. Favore enim ejus infamia aboleri solet, & catenus quoq; jure succedendi

Fornicationis pœna.

Pro fœmina in infamia & successionis privatione.

V v

privatur,

privatur, quatenus constat culpam à parentibus ei non fuisse remissam: Agnatis enim & cognatis etiam invitis succedere potest.

Pro viro in pecunia. Poena vero pecuniaria fæminæ imposita non fuit, sed viro: Illa autem pro ratione temporum varia, & qualis est ex jure *Uplandico*, quæ notam censuræ Ecclesiasticæ vix effugiat, quod ex frequentia illiciti concubitus minuatur culpa, tollatur poena. Pro puella enim prima vice, quatuor cum dimidia, pro vidua tres marcæ debentur: alterâ vero vice pro eâdem tres, pro vidua sesqui-altera, post hac nulla debetur: ut in uno eodemq; delicto quo pluries fæmina deprehendatur, eò minor viri culpa videatur, quantumq; accedat ad cumulum peccati illius, tantum decedat de poena hujus in damno pecuniæ. Si vero ultra tertiam vicem fæmina, secundam vidua, mutatis viris libidinem iterent, leges vetustæ virum prorsus dimitunt, procul dubio tanquam si rem habuisset cum meretrice publica, cui nulla facta esset injuria. Fæminæ vero satis esse supplicii in ipsa turpitudinis professione & infamia vitæ. Eandem legem habebant *Frisiones*, veteres *Gothi* in *Hispania*, fornicatrices flagellatas è provincia vel civitate ejece-
runt

Frequentia
fornicatio-
nis.

runt, & si rediissent, alicui pauperi in perpetuam
servitutem addixerunt.

Stuprum vero, quod in virginem vel honestam viduam commissum fuit, gravius puniverunt, nisi enim stupratam oppressor duxisset, naso mutilabatur, quæ sanè pœna repagulo fuit multorum libidini, & pudicitiae munimento, ut aut non tangerent ingenuas, aut viciatas ducerent. Pœna hæc postea commutata est in pecuniariam, sed ut tunc fuerunt tempora, gravissimam, scilicet 40. marcarum, quæ etiam homicidii ordinaria erat, quæ plerumq; infamiam comitem habuit, utpote qua nasi mutilatio redempta fuit, quandoq; etiam relegatio conjuncta, nisi tutor fæminæ intercessisset, lösa näsa sin med 40. marker och flyr än ther med Staden. Sed infamia & ejectio in desuetudinem abierunt, & quod levissimum est pro ratione moderni temporis, pœna tantam pecuniaria retenta.

Stupri pœna.

Stupro, vis & raptus proxima. Raptus in volentes etiam committi potest, vis non nisi in nolentes. Illius pœna exilium fuit & publicatio bonorum omnium mobilium, hujus etiam vitæ supplicium. *Gothi in Hispania raptorem cum*

Pœna raptus.

Vv 2

omni-

omnibus suis bonis addixerunt raptæ sponso aut tutoribus in perpetuam servitutem, ita tamen ut medietas bonorum una puellæ, altera ejus tutori aut sponso cederet, nec unquam concessum fuit sub pœna mortis raptorem raptam ducere, quantumvis non ii modo, sed & parêtes in id consensissent. De jure tamen *Scanico* id licuit, nec pœna major quam duplicata stupri.

Vis de jure nostro etiam hodierno, vitæ supplicium meretur & publicationem sive confiscationem bonorum, aut exilium perpetuum, si comprehendinequeat. De jure *Saxonico* etiam ædium demolitionem in quibus patrata fuit, etiam animalium brutorum decollationem qui juxta essent, quasi opitulari debuissent & noluisse. Ceterum si ejusmodi violenta compressione mulier concepisset, nihil impediabat, quo minus sic nata proles, ex asse hæres existeret, quasi legitima: animum enim judicarunt, non corpus peccâre, & in generatione consensum magis quam conceptum esse spectandum & æstimandum, dicebatur *Bruchbarn*/id est, filius luctæ.

Nihil gravius in adulteros statui posse videtur, quam quod arbitrium vitæ & necis maritis esset

Partus ex
violento
concubitu.

Adulterii
pœna.

esset permissum. De jure Gothorum in Hispania adulter extraditus est ei contra quem peccasset, sive is maritus, pater, frater aut tutor esset, nec tantum cum libidinem ad effectum perduxisset, sed & ob conatum; deprehenso enim sollicitasse pudicitiam uxoris aut filiae, quidquid vellet tutori faciendi ei fuit potestas. Leges nostrae uxorem cum adultero deprehensum est vestigio interficere permittunt viro, etiam uxori adulteram viri sui, sed ita demum impune, si in flagranti crimine alter vel etiam uterque interfecti, cum vestium & stragulorum involucris in iudicium deducerentur. Jus Norvegicum & Islandicum non tantum hoc in propria uxore admittunt, sed etiam in matre, sorore, filia, fratris uxore, tanquam si iusto dolore dedecus familiae vindicetur ab eo, qui vel tutor est vel tutoris loco, quae leges prorsus eadem sunt cum Draconis, nisi quod intra hunc vindictae ambitum concubinam etiam comprehendant, fratris vero uxorem excludant. Jus Saxonicum meretricem & concubinam etiam hoc privilegio complectitur. Leges hae latae usurpatae etiam ubi Romanae valuerunt, cum aliquo tamen discrimine. Nostrae enim vel utrumque, vel alterutrum necare

permittunt, id est, adulterum & adulteram, modo in flagranti crimine ἐπ' αὐτοφθόρῃ: id quod involu-
 cra lodicis & stragulorum sanguine maculata, in
 iudicium delata ostendere debebant. *Gothorum*
 vero *Hispaniensium* & *Burgundionum* leges præcisè
 utrumq; neci dari volunt vel neutrum, alioquin
 eadem personæ magis quam criminis odio fieri &
 alterius occisi pretium solvi imperant legibus con-
 stitutum, præcipue adulteri si interfectus fuisset.
 Nam ob filiam solam pater non tenebatur homi-
 cidii apud *Gothos*, aut enim patrem non esse qui
 filiam occideret, aut exemplo cæteris parentibus
 & liberis terrori futurum, qui maluisset nullam,
 quam impudicam habere filiam, ideoq; excusan-
 dum. Quod autem in deprehensos, id in sus-
 pectos aut etiam convictos non licuit, legibus enim
 & viâ juris, non vi agendum, & nisi crimen con-
 fessis rarò vitæ supplicium indictum. De jure
Scanico, accusatus adulterii ad ferrum candens
 provocare debuit, & si causâ caderet, vir in exili-
 um, fæmina à thoro dimissa fuit, nisi fortè ad in-
 tercessionem actoris pœna remitteretur. *Gothi*
 nostri fæminarum vitæ perpetuo pepercerunt,
 nec in adulteriis tantum, sed & aliis criminibus
 capi-

capitalibus, etiam *Sveonum* vetustissimæ leges, solâ ignominia aut aliquâ corporis inflictiâ contentæ: *Jus Wesmannicum* adulteræ aut aures aut nasum præscindi jubet, aut statum ejus decurtari in perpetuam vitæ ignominiam. *Jus Uplandicum* multo crudelius, simul & aures & nasum & capillos aufert, relicto ostentui deformi & tristi spectaculo, cujus legis autorem ferunt *Magnum Ladulasium*, qui fortasse rigorem addidit mutilatione ista membrorum, meminit enim ante eum antiquissimæ apud *Germanos* legis *Tacitus*, quæ consistebat in crinium detensione & ejectione, his verbis: *Adulterii pœna præsens & maritis permissa, accisis crinibus nudatam coram propinquo expellit domo maritus, & per omnem vicum verbere agit.* *Jus nostrum municipale*, sola ignominia & relegatione contentum est, sed ignominia quâ major adulteris excogitari non potest. Asservabant enim in curiis duos lapides, quos lapides *publicos* sive *civitatis* nominabant, *Stadzens Stena*. Hi scapulis adulteræ impositi sunt, ac deinde funiculus ad genitale adulteri membrum astrictus, quô sic onerata sessorem suum publice per oppidum circumducebat. Ad opprobrium mariti ejicientis

tis hæc scilicet contumelia turpissimi ductus accessit, ut pudorem quem fæmina domi non habuit, foris & in propatulo irrisus populi incuteret, dum oblectamentum libidinis suæ, quod secreto & clam admiserat, cogeretur publicè & palam ostendere. Variabant alibi: In oppido *Scheningensi* refert *Olaus Magnus* statuam fuisse *Turonis longi*, ad cuius genua, publicâ quæstione corripiebantur adulteri, qui inter brachia statuæ connexa ferreis catenis, saxa, ludibriis spectantium expositi, in collo elevata tenebant. Sed siue ad statuam cum saxis starent, siue pudendo spectaculo circumducerentur, siue à maritis deformatæ verberibus agerentur, ignominia semper spectata fuit & publicum exemplum terrori ceteris quæsitum. Nulla enim publicatæ pudicitiae venia, unde etiam rara, quod *Tacitus* fatetur in tam numerosa gente adulteria. Sed leges hæc postea obsoluerunt, admissâ pecuniâ, quâ omnem ejusmodi ignominiam redimere concessum est. Præter hanc verò vitæ vel membri aut famæ jacturam, civiliter etiam adultera punita fuit in privatione juris sui, ad dotalitium & trientem ex bonis mobilibus viri, quod inito matrimonio consequutam supra diximus,

diximus, quæ leges & hodiè vigorem suum ob-
 tinent: kan Kono hoor giöra / td hafwer hon
 förgiörde Morgongåffwo sin / och alt thet hon
 war giffwin och giffe til / thet taki bondan: Jus
WestGothicum clarius, Warder hon en wardt/
 wardti skal hon gånga från boö och bodzelöhre
 i hwardag; Klådom sinom / ne veste quidem aut
 integumento corporis nisi vulgari concessio, quod & *Ta-*
cito observatum, cum coram propinquis nudatam di-
 cat expelli. Paritatem circa viri adulterium ex-
 tranei *Gothi* servabant. Fæmina enim non so-
 lum dotem recipit, sed & morgennaticam sive
 sponsaliciam largitatem, & quidquid alioquin
 vel constante matrimonio habere poterat, vel
 soluto. Adulteræ etiam à successione exclusæ
 sunt, non parentum tantum, de quo ante dictum,
 sed etiam liberorum suorum, quos ex legitimis
 suis maritis conceperunt, tanquam indignæ, un-
 de tanta labes soboli accessisset, ut inde fructus
 aliquid aut emolumenti sperarent. Prope ad
 adulterium *Bigamia* est, quæ olim licita, quamvis
 rarior post Christi fidem, prohibita legibus no-
 stris, primum pecuniæ, mox vitæ pœnam habuit,
 quæ cum hodiè in usu sit, pluribus non est di-

Pœna Bi-
 gamiæ.

Xx

cenda.

Lenocinii,
Sodomiae
pœna.

cenda. De lenocinio, Sodomia cum masculis, & antiquæ & novellæ leges silent, indicio, crimina incognita & inaudita, ne nomine quidem hic nota fuisse, ideoq; magis vitata quam si vetita essent.

Seneca de
clementia,
lib. I.

Summa enim prudentia altissimi viri & rerum naturæ peritissimi, maluerunt velut incredibile scelus & ultra audaciam positum præterire, quam, dum vindicant, ostendere fieri posse.

Coitus cum
bestiis.

De coitu tamen cum bestiis leges Uplandicæ nonnihil habent, sed sic ut delatori arbitrium permittere videantur tacendi vel agendi, & ad pœnam prosequendi, quæ in convictos vivicomburio aut defossione sancita fuit, ut quoad ejus fieri posset, etiam memoriam tanti sceleris abolerent. Gothi castratione contenti fuerunt, æquum rati, ut in posterum perpetuo ejus membri usu privarentur, quod semel tanto & tam foedo dehonestassent abusu.

Incestus.

Incestus solæ leges WestGothicæ & Dalicæ meminerunt, quem illæ *Þörnârward* Incestus, id est, peccatum appropinquationis nominant, & terminant, inter parentes & liberos, fratres & sorores, cum duabus sororibus vel fratribus, cum matre & filia, patre & filio, neq; ulterius ad præscriptum

scriptum juris *Canonici*, quod tamen in plurimis
 sequutos fuisse scriptores juris novissimi, satis
 superq; liquet, extendunt. Hoc incestuosos *Ro-*
mam mittit: *Dalicæ* tantum novem marcarum
 multa plectunt, neutrum capitis supplicio affici-
 unt: & tamen fatentur priscis temporibus vivi-
 comburio ea peccata punita fuisse, & extat or-
 dinantia facta ab Ecclesiasticis & militaribus
 Anno 1439 in suburbio Boreali *Holmensi*, quæ se
 refert in consuetudinem & leges Regni, quæ
 procul dubio fuerunt, quamvis hodiè non repe-
 riantur. Constat ergo olim severissimè in illos
 animadversum fuisse, & quidem vivi-comburio
 si gradus esset lege divina prohibitus, nec con-
 fessio publica præcessisset. In cæteris crimini-
 bus quæ statutam lege haberent pœnam, nihil
 confessio sive publica sive privata juvit. Ubi
 hoc tamen obiter notandum, si de delicto ali-
 unde constaret: nam si confessionarius priva-
 tam alicujus confessionem criminis revelâset,
 teneretur iste pœnam subire, quam leges ejus-
 modi crimini imponebant, reo confitente abso-
 luto, tanti scilicet constitit confitentis crimina
 scire & divulgare.

Confessio-
 narii pœna
 crimen re-
 velantis:

X x 2

CAP.

CAP. III.

De

*Violato juramento Regio, vul-
gò Edzöhre.*

ARGUMENTUM.

*Species criminis Edzöhre. Legis hujus author. Ratio ejus crimi-
nis. Variatio ratione objecti in corpus vel bona. In corpus, cæde,
verbere, mutilatione membri, stupro, captivitate. &c.*

PEccata illa in corporibus & cor-
pora præcipue nostra, quamvis & aliena:
quæ sequuntur, in corpora sunt præci-
pue aliena & fortunas proximi, quæ cum variis
modis lædi solent, etiam varia fuerunt pœnarum
genera. Est fuitq; majoribus nostris quædam
species criminis quæ Edzöhre dicitur, sive Ros-
nungz Edzöhre. id est: *Juramentum juratum vel
juramentum Regis juratum.* Rex in auguratione
juxta capitulationes in jure præscriptas, cavebat
subditis suis, quemadmodum & hodie, adversus
vim in vitam, corpus & bona eorum, cum primis
vero de pace & securitate unicuiq; servanda do-
mi suæ, in Ecclesia, in judicio, & famellis ubili-
ber;

Species
criminum
Edzöhre.

bet; Heemfridh / Riðretosfridh / Tinasfridh /
Qvinnosfridh. Contra hanc si quis peccasset, dice-
batur & ipse & quicumque complices seu adjuto-
res ei fuissent, fregisse juramentum Regis jura-
tum, brutte Edzöhret / i. e. per ipsos steterisse, quo
minus securitas juramento Regio stipulata rata
foret aut vim suam haberet: cujus poena ordi-
naria erat exilium & publicatio bonorum o-
mnium mobilium, quæ pro rata inter fundi do-
minum, Regem & territorium dividebantur.
Hujus legislatorem Johannes Magni & Olaus Petri
faciunt Bergerum Jarlum. Jus WestGothicum filio
ejus Regi Magno Ladulasio eas tribuit, ut quas cum
senatorum Regni consensu anno 1285. in alnu-
tulerit, siue verius confirmaverit. Extant enim
in codice juris OstGothici, quod maxima sui parte
sub Bergero Jarlo conditum scimus, unde omnia
ferè verbotenus translata sunt in codicem Chri-
stophorianum, quæ non tantum libro octavo sed
& sparsim nono & decimo continentur.

Includit autem hoc in generali sua signifi-
catione, vim aliquam, violentiam siue violatio-
nem, nec tam illam simplicem aut subitanæam,
ex vehementi aliquo animi motu, quam præ-

Criminis
hujus ratio.

Xx 3

medi-

meditatam aut destinatam ex proairesi, quæ delictum aggravat, unde fit ut eadem etiam poenâ afficiantur, quicunq; in societatem adsciti, quocunq; modo operam præstant ad scelus patrandum, ac proinde non impunè tantum repelli, sed & interfici possunt, quando corporibus nostris aut bonis aliter cavere non possumus: variavit autem ut culpa, ita & poena ratione objecti, subiecti, loci, temporis, instrumenti, modi deniq; & causæ, de quibus singulis breviter.

Respectu
objecti.

Ratione objecti vis facta fuit, vel in corpus, vel in bona: In corpus aut cedere aut verberare, aut membri mutilatione, aut captivitate, aut stupro. De poena cedis ordinaria sequenti capite dicetur: Si vero cedes sit præmeditata vel facta in locis privilegiatis, rationem hujus criminis habet, & præter poenam mortis & publicationem bonorum mobilium vindicatur de jure *Gothico* & *Christophoriano*, secus de jure *Sveonum*. Mutilatio autem membri non cujuslibet aut quomodo libet facta, sub rationem hujus criminis venit. Sed principale membrum esse oportet, vel ad usum vel aspectum, ut sunt, manus, pedes, aures, nares, oculi, dentes, lingua, penis, testiculi.

Mutilatio
membrorum.

Muti-

Mutilationem etiam fieri non casu aliquo aut in conflictu, sed per violentam suppressionem, quando scilicet quis dejectus est, abductus aut constrictus. Jus novellum patratori talionem indicit, aut etiam vitæ supplicium pro arbitrio actoris, si prehendi possit: adiutoribus vero publicationem bonorum omnium mobilium, quæ soli læso ejusq; hæredibus cedunt. Si vero principalis reus se fugâ subduxerit, licet, ut in aliis quibusdam criminibus, pacisci pro redimenda pace & reditu. Jus antiquum talionem ignorat, mulctâ contentum, quâ nullâ, in marimum præcipuè castratione, toto jure major vel ipsis paricidis & sacrilegis imposita fuit, ut generandi potentiam sacris & profanis etiam vita ipsa chariorem habuisse videantur: pœnam enim cædis vulgaris quintuplicarunt, primum tanquam cædes non membri sed hominis esset, deinde tanquam facta fuisset in liberos, qui in accisis genitalibus præsumuntur fuisse, & potuisse generari, & quidem in filios duos & unam filiam, quorum illi tamen singuli duplo minoris æstimantur quam filia, quod & olim de *Alemannico* jure factum fuit. Jam si connumeretur quid & ob

& ob nævum corporis & vulnus inflictum debebatur, etiam mulcta quintuplo major fit, quæ tamen tota cessit mutilato, in solatiū amissi membri: cum aliæ omnes trifariam dividerentur.

Castratio-
nis pœna.

In pœna castrationis jus *Uplandicum* & à *communi* & à seipso quoq; disfidet: nam cum in similibus casibus ut in oculorum effossione aut lingvæ præcisione talionem admittat, quod & de jure communi obtinet, ut ante dictum, sive pro arbitrio læsi vitæ supplicium; *Jus Uplandicum* pœnam tantum in manus violatrices confert, quarum utramq; principali reo amputari imperat, alteram vero adjutori, satius existimans laborandi quam generandi potentia privare, ne talione hîc admissa civium spem minuisse & in homine etiam speciem punivisse videatur. Nihil mirum verò, si membrum genitale tanti fecerint, cum comam & capillos non minore ferè loco habuerint, cum naso certè & auribus æquivaluisse vel ex eo constat, quod non minore mulctantur summa, qui capillum, quàm qui oculum eruit, quantūvis id vel casu, vel ex subitaneo aliquo iracundiæ stimulo fieret. *Gothi* in *Hispania* idem sensisse videntur, cum decalvationem

Calvatio-
nis.

in

21213, De violato juramento
(336) regio, vulgo Bidzore.

in gravioribus criminibus pœnæ loco ad fastigationem adderent, præcipuè hominibus vilibus & servis. Ad hanc, quæ corporibus infertur, vim, referuntur etiam supplicia innocentium, qui quoquo modo sub specie aliquâ juris puniuntur, quorum authoribus jus novellam talionem indicit, incertum quibus, auctori, testibus, an judici, an omnibus simul, quorum concursus fuit ad sententiam iniquam ferendam. *Jus Gothicum* multò distinctius (quam æque non dixerim) peculiari pœna judicem punit, peculiari testes, quorum fides judicem seduxit, peculiari deniq; & maximâ actorem, ut homicidam; præcipuè, si per vincula crudelitas aliqua intervenisset, duplicabatur pœna homicidii vulgaris.

Pœna innocentem damnantis vel punientis.

Hæc de vi in corpus aut membra, quatenus inter hujus loci crimina censetur, quorum pœnam quodammodo inter antiquatas referre placuit, quod in summis judiciis Regiis rarò ad eam resolvatur, quippe quæ divites plus nimio gravet, pauperes vero nunquam, quibus, cum nihil habeant in bonis, perinde est ubi vivant & victum quærant, itaq; pro confiscatione, aliquâ corporis inflictivâ hodie puniri solent.

Y y

Vis

Rapina vel
vis honorū
raptorum.

Vis quæ fit in bona alicujus, cum scienti & invito extorquentur, rapina dicitur, vel vis bonorum raptorum. Nam bona soli, quæ vi quidem possideri possunt, sed non rapi, in hujus criminis considerationem non veniunt, statam habentes pœnam, quadraginta scilicet marcarum.

Pœnæ ex-
asperantur
ratione pre-
tiii.

Dicitur tamen in jure *ŌstGothico* etiam rapina, *Zorderaan*. Rapina autem olim in exteros licita, in cives multo mitiore, quam furtum, pœnâ vindicabatur, dupli scilicet, aut etiam simpli restitutione cum mulctâ aliquot marcarum, quæ tamen aucta fuit, vel pro ratione pretii rei raptæ, vel pro privilegio loci in quo rapta fuit. Naves enim, insulæ, viæ publicæ, ædes propriæ, peculiari gaudebant jure, ut quibus Rex juramento in specie cavisset de securitate. In communi pro hisce pœna erat 40. marcarum, quæ etiam cædis vulgaris, donec ad extremum etiam supplicium capitis statueretur, præcipue ubi quis se consultò ad latrocinandum abdidisset. Si quis verò in horreum aut hortum alienum ad fructus decerpandos vi irrupisset, & defendere volentem vulnerâisset, plestebatur pœna ordinaria, exilio scilicet & publicatione bonorum mobilium.

Subjeeti.

Ratione subjeeti, vel etiam objecti, omnium

juges, sola vitæ amissione & juris succedendi,
de quo ante.

Loci.

Ratione Loci etiam violentiæ culpa ponderatur. Sicut enim quædam à jure privilegiata, quibus major reverentia & securitas debetur, ut templa, & judicia, quæ sancta habentur, de quibus ante, etiam forum sive locus mercatus, ædes convivii publici, arces & aula Regis, naves etiam, & loca, seu stationes in expeditione nautica, deniq; locus quilibet præsentē aut adveniente Rege, vel Senatoribus Regni. Cum primis vero domus propria, suum cuiq; tutissimum & jure munitum refugium, non apud nostrates tantum, sed & ubiq; fere gentium. Vetustissima tamen jura hic aliquam agnoscunt differentiam. Prata enim, agri, fœnilia, horrea, stabula, portæ, atria, domus ipsa, alterum altero plus juris tribuit, tum ad injuriæ propulsationem, tum ad pœnæ pecuniariæ exactionem, quæ propius cujusq; loci proximitate ad lectū, & sedem summam, quæ patri familias debetur & ideo nostris sedes alta dicitur (Høghsfæte) æstimata & aucta fuit. Sedes hæc in cœnaculo, omnium maximo nitebatur privilegio, etiam in subitaneis
rixis,

rixis, quarum alioquin non magna habebatur ratio, sed præter pœnam, pro maximo semper probro habitum & detestandum nefas, si quis hospitem iis in locis verbis aut verberibus læsisset.

Postea differentia hæc sublata est, & privilegium domesticum par sibi ubiq; , extensum ad sexaginta passus ab ipsis ædibus: Tus novellum tantum ædes respicit, & quod ædibus cohæret, ut horrenum, officinam fabrilem, & alias ejusmodi, quæ communiter extra villam ædificantur, propè tamen de jure *Uplandico* sita esse oportet, ut ab ipsis ædibus in officinam malleus & forceps projici possent, secus privilegio loci non gaudent.

Sed & tempus quandoq; violentiæ crimen aggravat, facta enim festis & dominicis diebus Temporis. duplo pluris estimata fuit, aliquando & quadruplo, ut *Arosiæ* in missa *Mariana* posteriore; *Sigtunæ*, in missa *Mariana* priore; die *parasceves*, *Upsaliæ*; die *divi Olai*, *Sceningæ*; die *Petri*, *Lincopiæ*; deniq; ubiq; diebus festis qui sacri fuerunt *Divo Erico* & *sancto Laurentio*, patronis Regni. Tempore quoq; sationis & messis vis facta alicui in fundo proprio, duplicatione pœnæ ordinariæ vindi-

vindicata fuit , perinde etiam si facta in expeditione, & vel presente vel etiam adventante Rege aut senatoribus Regni , ut modo dictum. *Jus Wesmannicum* determinat sacram hanc pacem ad septendium, publicato Regis adventu, ante adventum totidem & totidem post abitum ejus: extenditur vero hæc pax & securitas ad 14. dies convocato Regni senatu.

Instrumenti
& modi.

Ratione instrumenti & modi , atrocitas etiam sceleribus accrescens æstimata fuit, & quidem diversimodè, ut si quis clam hominem interficiat, furtim auferat & abscondat, *lågger a löhn och bår i fiålsier* / *Jura mörda* vocant , quæ vox nobis olim cum vicinis , etiam *Germanis & Anglis* in eadem significatione communis fuit: Item, ut si occupatum, vel prorsus inscium aggrediatur, ut dormientem, natantem aut alvum exonerantem, quod stricta significatione jura *Nidingzwårk* nuncupant: Item si quis projectum fustiget, ut *jus commune*: *Hugger eller slår blockhugg* / ut *jus Sudermannicum* : *Ståhr a hals eller hofrud och slår* / ut *jus WestGothicum*: vel, ut uno verbo dicam, sic tractat ut superbia, contemptus & crudelitas nimia appareat. Fuit enim fustigatio
ejus.

(342) 2, 2, 3 De violato iuramen-
to regio, vulgo Indigne.

ejusmodi in servos usitata, unde & nomen accepit: Quamobrem ingenuo homini major ex ejusmodi verberare, quam vulnere ignominia, adeoq; etiam poenâ majore vindicanda. Generosi fuerunt, qui in vindicta extremè oderunt furta, & seviriâ omnem jacente hoste, itaq; palam agredienti, etsi eadem facienti minor poena & culpa; per insidias, aut ex occulto, plus & infamiae & supplicii, si quando precibus & pecuniâ expiari non posset. Pari ratione vindicatum fuit, si quis faminam, puerum, supplicem, invalidum aut etiam prostratum verberâisset: Item, si dente morsisset ut canis, vel equus, vel cultello aut sagitta vulnerâisset, cum enim ejusmodi arma ad alios usus facta quilibet secum ferre soleat, eoq; minus caveri possint, visum est ex usu esse, poenam in eorum abusu exasperari, ut assvescerent in iracundiae calore affectui moderari, & sibi temperare. Sic, si incendium excitat ut homines juxta ac aedes cremet, si veneficiis ut & incantamenti enecat; In hisce omnibus major quidem quam homicidii vulgaris poena, sed non una; quatenus ad pecuniam & crumenam venit, ut olim omnia ferè crimina, vel duplicata vel triplicata fuit.

fuit. In homicidiis tamen clanculariis, sæpius
mas rotæ, fæmina rogo impositi, & in veneficiis
etiam publicatione bonorum mobilium, in qui-
bus & conatum puniverunt pœna cædis vulga-
ris, etiamsi nulla mors hominis intercessisset, sed
hoc tantum de jure *Gothico* & nostro novissimo.
Jus Uplandicum vitam ponit in arbitrio actoris, &
in bona proximos hæredes.

Finis &
causæ.

Ratione finis & causæ ob quam vis infer-
tur, etiam culpa graviore pœna intenditur, ut si
quis violetur & impediatur, ne jus suum quærat
& prosequatur, aut etiam si vindicetur, quod vel
accusavit & litem movit, ut pars; vel testimoni-
um dixit ut testis, vel sententiam tulit ut iudex,
aut etiam si vindicetur in alio quod alius perpe-
travit, aut vindicetur post factam transactionem
& partem mulctæ solutam. Hujus violationis
pœna ordinaria fuit exilium & publicatio bono-
rum mobilium: sed ita, si ultra minas res stetit, se-
quuto scilicet aliquo vulnere vel livore, excepto
si quis per vim abductus fuerit, alioquin aliqua
etiam hic in conatum pœna, nec levis illa quidem
pro ratione illorum temporum, sed tamen non
tanta. Atq; hæc latitudo & pœna ordinaria fuit
hujus

hujus criminis, quod uno nomine majoribus nostris *Eidzore* dicebatur, uno & peculiari sub titulo traditum, quod Rex *Christophorus* dividens, seposuit ea sub peculiari titulo quæ gravissima fuerunt, & cum vitæ & bonorum amissione conjuncta, quæ sola *Höghmähl* ipsi appellare placuit, i.e. *causas graves seu magnas*, de quibus adductum juris antiqui, breviter inter reliqua jam actum est. Quamvis autem tam latè pateat hoc crimen, ut modo dictum est, præcipuè tamen ejus ratio, à quo etiam nomen accepit, consistebat in violatione pacis & securitatis à Rege promissæ, unde in hoc crimine duo concurrebant actores, alter in quem, alter contra quem peccatum fuit, quibus ex ea causa diversam etiam pœnam debebat reus. Violatus enim cæde vel verberibus ad livorem usq; vel sanguinis effusionem, quærebat quod sibi jure debebatur, pœnam scilicet ordinariam cædis aut vulneris. Hospes vero, vel patronus & tutor judicii, Ecclesiæ, famine, quod debebatur ex mulcta seu confiscatione bonorum mobilium, ob injuriam contra promissam à Rege sibi securitatem in locis privilegiatis factam: quæ duo crimina non discrepant,

Zz

sed

sed sepe coincidunt, ut quod ob duplex crimen
diversis actoribus debebatur, id sepe sibi unus
vendicet, ut ex superioribus patet.

CAPUT IV.


De

Homicidiis.

ARGUMENTUM.

*Homicidia olim nulla capitalia. Homicidia diversa, & pro iis pœna
diversa. Homicidii pœna hodierna. Præscriptio in homicidiis.
Confessio homicidii spontanea in quantum juvet. Homicidia seminarum.
Homicidia necessaria. Satisfactio in homicidiis à familia familia data:
dominis data, famulo aut servo occiso. Conditio seminarum, impube-
rum, furiosorum in homicidiis.*

Pœna ho-
micidii.



Vanquam homicidia quædam,
respectu personę in quam, aut modi,
quo committuntur, in ea, de qua jam di-
ctum est, criminum specie ab antiquis numerata
fuerunt, & quę, præter ordinariam pœnam, con-
iunctam habent bonorum confiscationem, Ho-
micidiis tamen in genere peculiaris titulus datus
fuit, homicidiis scilicet vulgaribus, quę aut casu,
aut etiam sponte committuntur, sed vel in subi-
taneo quodam iracundię calore & impetu, vel
com-

compositis utrinq; ad certamen armis, quorum
vindieta de jure antiquo nunquam fuit capitalis,
nisi de jure *Gothico* in certis quibusdam casibus,
sed certa tantum pœna pecuniaria, quadraginta
scilicet marcarum redimenda, quæ *Sporgiâld* di-
cebatur, & post revisionem juris à R. *Bergero*, re-
mansit ad tempora Regis *Christophori*, in *Dania* ve-
ro ad usq; *Christiani III.* Antea scilicet studio rei
militaris, an quod miserabile existimarent, & no-
xium Reip. unius casu duos è medio tolli, vitam in-
dulserunt, pecunia aut exilio contenti, quod &
Norvegi fecerunt, cum aliqua tamen differentia:
Bona enim omnia mobilia & immobilia confisca-
ta fuerunt, exceptis allodialibus. Sed postea
etiam confiscatio ad intercessionem procerum à
Rege *Haquino* remissa est, & triens tantum pœnæ
pecuniariæ ordinariæ, i. e. tredecim marcæ cum
octo ortugis fisco determinatus, quod & de jure
nostro novissimo fuit, cum homicida ad interces-
sionem actoris ab exilio reversus fuit. Hoc au-
tem non interfuisse videtur, qualiscunq; ; aut qua-
licunq; modo cædes commissa esset, quod tamen
de jure *Norvegico* observatum fuit: excepta enim
in hoc casu homicidia fuerant quæ *Nidingzwârd*

Ratione
temporum
seculi supe-
rioris & ho-
dierni.

Ratione
circumstan-
tiarum.

nūcuparunt, ut quæ aut ex insidiis, aut in loco pri-
vilegiato, aut in parentes, liberos, conjuges, fra-
tres, fæminas, pueros, dominos, iudices, tutores, aut
deniq; crudelitate manifesta essent commissa.

Cum autem vulgari homicidio pœna etiam
capitis statneretur, quod factum est anno 1442.
in *Dania* verò & *Norvegia* anno 1550. non absolu-
tè, apud nos præcipuè, sed certâ conditione & in
casu certo admissa est, videlicet, si homicidium
non tantum voluntarium esset, sed & reus in ipso
facinore, aut intra diem perpetratæ cædis com-
prehendi posset. Apud *Danos* vero, si inopinan-
tem aut inermem, imparatumq; ad defensionem
interfecisset, quibus exceptionibus admissis, qvota
qvæq; homicidia capitalia fuerunt? ideoq; de
praxi hodie obtinuit, ut quandocunq; homicida
præhendi posset, nisi salvo conductu intervenien-
te, aut placato aëctore, puniatur, nec ulla hoc in
casu admittitur præscriptio nisi fortasse pro cir-
cumstantiarum varietate ad pœnæ mitigationem.

Præscriptio
in homici-
diis.

Præscriptio enim illa annalis, de qua in jure
nostro, currit tantum adversus aëctorem, ut si de
homicida ei non constat intra annum à cæde fa-
cta, nec quenquam interea arguat & accuset, ut
ut

ut nec in postremum aliquem de ea, nisi confes-
sum, in jus trahere possit. Ne tamen homicidia
propterea prorsus impunita manerent, vindicta Dulgadrap.
de incolis territorii, in quo casus jacuit, sumpta
fuit, tanquam si vel cædem fecissent, vel connivis-
sent, parum intenti pro investigando homicida
ac proinde digni, qui ob cædem, non modo non
lucrarentur quod per legem in ejusmodi casu
habere poterant, sed & illud quod haberent, per-
derent. Hic tamen excepti fuerunt fæminæ &
impuberes infra annum decimum quintum nati,
in quos scilicet suspicio cædis non cadebat, sed &
eatenus in collatione immunes erant, ut nec pro
illis in ejusmodi casu præter dimidium mulctæ
præstaretur. Ceterum, ut collationes ejusmodi
fierent, de corpore delicti constare oportebat, i. e.
non tam fuisse aliquem in territorio isto mortu-
um inventum, quam vulneratum & cæsum: *Hitt
ter en listet årrat och undat; Item synas en a han-
dawårck ather/a engin both firi dráp fråfia* / i. e.
*Si vulnus non appareat, mulcta nulla esto; quæ male in
jure Christophoriano omissa. Potest enim homo
etiam ex alia causa subito mori. Lex Salica Gal-
lorum pressius culpam tangit, si quis scilicet invenia-*

tur in convivio aut alibi, ubi quatuor, quinque vel etiam plures una sunt, illos qui remanent, aut unum convictum reddere imperat, aut omnes cædis illius compositionem conjectare. Item, si quis foris à casa sive iter agens, sive in agro positus à contubernio fuerit occisus, & tres vel amplius habuerit plagas, novem de contubernio jubet cædis conferre mulctam: Nostrium, omnes & singulos, quibus animus & vis cædi par esse credebatur. Ceterum homicidia, quia non capitalia, etiam rarò celata fuerunt. De jure Norvegico, homicidium à se commissum celans puniebatur & exilio, & confiscatione bonorum, quæ parricidio statuta, non damnosa tantum, sed & turpis & infamans, cum è contrario, confessi ordinaria tantum poena, quæ non magna, plecterentur, sed ut in tantum juvarentur, eodem quo cædes die confessio facienda fuit, nec rogata quidem nec ulteriore fuga depreiata. Quia tamen hæredibus occisi vindictam jura concesserunt, plerumque fugere, quam fidere securius eligebant. Homicidam enim recentem ab ipso facinore, aut fugientem impunè interficere licuit, & hæredes ejus nihilominus ad mulctam cædis ordinariam tenebantur hæredibus, Regi, & territorio, cum tamen nihil prorsus ab iis exigeretur, qui homicidam

dam occidissent, quod tamen postea mutatum est, imposita illis aliqua etiam pecuniæ poena, sed non magna.

Fugitivis vero salvus conductus statim à lapsu primæ diei datus est, nec ulla ulterior à Rege, aut lege vis timenda, si placare actores vel hæredes occisi posset, ad quod spatium ei menstruum concessum, vel ad diluendum in iudicio crimen, si mallet; si neutrum posset, aut vellet, redire in pristinam conditionem licuit, datâ ad fugam 14. dierum libertate. Exilia tamen in cæde extranei leges *Gothicæ* remittunt, ne, ubi minimè putet, homicida vindicem experiatur, & in ejusdem cæde etiam populus eam multæ partem, quæ territorio debetur, remittit. Leges *Dalicæ* in cæde extranei necatorem & necatum Mezentiano quodam more colligari jubent, poenâ satis gravi, si diuturnâ, de quo nihil definiunt. Jura *Sveticæ*, etiam novissima, fæminæ homicidæ parcunt, ne aut capite plectatur, si actor placari possit, sed ut qualicunq; poenâ corripatur, aut in exilium pellatur, (quod tamen alibi vetat,) ut & si vindictæ insistat actor & persequatur, impunitate concessâ iis, qui eam hospitio excipiunt. In cæde

Salvus conductus in homicidijs.

Fæminarum homicidia.

— Necessaria
homicidia.

cæde necessaria, quæ vel ad vitæ, vel bonorum defensionem facta cognoscitur, nec vindicta hæredibus ulla concessa, nec pœna, nisi qualiscunq; & certo in casu imposita, quod & hodiè obtinet.

— Satisfactio
in homicidi-
is à familia
familiæ da-
ta: oranboth

Ceterum, quod *Tacitus* in communi *Germanis* tribuit circa luitionem homicidiorum, id præcipuè apud nos obtinuit: satisfactionem scilicet homicidii universam domum recepisse; quàm utiliter in publicum, non dixerim, juxta libertatem certe. Dicebatur hæc satisfactio, de jure *Gothico*, & *Scanico* præcipuè, *oranboth* / i. e. *exsolutio pro aliis*, sive, ut alii derivant (quod ad *Taciti* sensum propius accedit) *satisfactio pro evitanda inimicitia*. *Ora* enim verbum est, significans inimicitias gerere, sic in jure *Old Gothico* cap 7. i *drápm* *Þ. Han orar wider* / i. e. *cum quo inimicus est*. De jure *Danico* *átteboth* / *solutio familiæ à familia familiæ data*. Ejus usus olim in *Anglia* dicebatur *Sångiæld* / i. e. *Sanguinis compositio*, à *sangvine* & *gildo*, dabatur ob cædem à familia familiæ. Tertiam partem homicida ipse conferebat, tertiam cognati, tertiam agnati. Et si reus fugam quàm multam maluisset, onerarentur nihilominus agnati & cognati pro rata, ut aut satisfactionem præstarent, aut vin-

átteboth.

vindictæ & ultioni exponerentur. De jure ta-
 men *Gothico* agnati & cognati simul non nisi sex-^{mi} ~~tantum~~ præstabant, i. e. sex marcas cum dimidia,
 & quatuor ortugas. Quia vero, ut fieri contin-
 git, plus iusto sæpe reus à proximis exigeret, Rex
Danie D. Canutus statuit, ut quod agnati & cogna-
 ti conferrent, per exactorem Regium reciperetur,
 & die stato aëtori præstaretur, id quod tamen fra-
 ter ejus *Waldemarus* statim abolevit, ne quicquam
 in posterum agnati & cognati inviti præstarent,
 sed ut solus homicida plecteretur, atq; ita quidem
 ut in conventu publico de satisfactione caveret,
 eamq; tribus dieb; offerret, quod nisi fecisset, pro-
 scriptus est, ac tum demum triens mulctæ ab
 agnatis, triens à cognatis exsolutus. Triente au-
 tem soluto, ab interfecti proximis juratoria cautio
 per quatuor nominatos præstanda fuit, de cætero
 vindictam cessaturam: Cum vero trientem ulti-
 mum obtulissent, plena & integra per duodecim
 firmatores securitas data fuit, præmisso juramento
 ejus, qui homicidæ proximo sanguine junctus e-
 rat, quod in ejusmodi casu ab illis vicissim tantun-
 dem accipere parati forent, unde juramentum il-
 lud *æqualitatis* dicebatur, *Jámnis Eedh*. Ut au-

A a a

tem

tem collatio facta est ab una parte, ita distributio
 in altera, tota familia pro membro suo satisfactio-
 nem dedit, tota recepit, atq; ita quidem, ut datae
 bessem agnati, trientem cognati caperent (nam &
 sic de jure *Gothico* praestita fuit) & frater consan-
 gvineus natus maximus dimidium ejus, ex altero
 dimidio dimidium qui ei proximus erat, & quod
 supererat, quadrans scilicet totius mulctae vel sa-
 tisfactionis aequaliter ad septimum usq; gradum
 divisus fuit inter reliquos, sive illud ex besse, sive
 triente, prout agnatus, cognatusve esset, nam & sic
 ab altera parte collatum fuit, ut cujus maximum
 erat damnum, ejus foret & lucrum. Solutio au-
 tem intra annum fieri debuit, & quidem ad certos
 terminos, nisi semel & simul maluisset totum sol-
 vere: Interea vero conspectus adversariorum ho-
 micidae & ejus proximis fugiendus, ut nec in tem-
 plo quidem convenire jura permittant, nec una
 ire ad templum vel judicium via. pro femina ta-
 men, & impubere, si forte homicidium commis-
 sent, nulla ejusmodi satisfactio praestanda, quia nec
 in exilium agi poterant, privilegio pacis domesti-
 cae securi, satisfactionem pro iis tutor praestare de-
 buit, vel ex bonis eorum, vel etiam ex suis, si bona
 illo-

illorum multæ non sufficerent : sed nec in eade
 extranei, aut ejus qui in servili statu redemptus e-
 rat, ejusmodi satisfactio exigi vel præstari debuit,
 nec causa in obscuro, quia aut dari non poterat,
 aut data non compensari in simili casu ab iis, qui
 aut nullos haberent agnatos, aut non nisi servos,
 vel externos, quorum illi non possent, hi verò si
 nollent conferre, non cogi possent sub alieno im-
 perio. Fuit & alia quædam satisfactio peculia-
 ris, quæ dominis dabatur in eade vel læsione ser-
 vi, aut ministri ejus, quæ **Tuda** vel **Tudaboth** Tudaboth
 dicta fuit, sed dominis tantum supereminentibus,
 id est, in summa dignatione & officio constitutis,
 ut Regi, Duci, vel Comiti, Episcopo, judici pro-
 vinciali, quorum authoritati hoc dabant, ut mini-
 strorum eorum majora pretia ponerent quam a-
 liorum, reverentiæ eorum munimento, his exce-
 ptis, pluribus ut daretur, à solo familiæ splendore,
 & numero sessorum seu stipatorum æstimandum
 erat, si scilicet haberet peculiaris dignitatis locum,
 magistrum stabuli & culinæ, & quadraginta viros
 in famulatio quos cibaret. **Thet Herreman som** c
hafwer Stallare och Stöckiare / och 40. sesa a
sielf sine Rust. Fuit enim in jure antiquo sem-

per personarum aliquis respectus, & à quibus, & in quos, quomodo, quo tempore, & loco homicidium commissum est, cuius respectu pretium cædis, quæ olim capitalis non erat, moderatum, vel remissum, vel exasperatum, duplicatum, vel etiam triplicatum fuit. Atq; aliter de *Gothico*, aliter de *jure Sveonum*. *Jura Gothica* fæminis perpetuò parcunt, non in totum quidem, sed in tantum. Mulierem enim homicidam nec judicio sisti, nisi per tutorem, nec capite plecti sinunt, aut exilio pelli (quod in certis casibus viris imperant) sed bona ejus carpunt, quæ si non sufficiunt ad pœnam, defectum ex suo suppleat tutor, quod jam modo dictum, luatq; pœnam alieni criminis, vel potius propriæ negligentie, qui, quam debuit educationis vel inspectionis curam, non adhibuit. Longè aliter *Gothi Hispanienses*, qui non tantum ad agendum fêminas admiserunt, sed nec viros pro ipsis nisi plenipotentia ab iis instructos. Præterea, cum multo pluris, ut modò dictum, estimentur cedes, aut cultello, aut venturò principe factæ, fæminæ in utroq; casu excusantur, perinde etiam in furtis fæminis connivetur, & in quantitate multæ, & in processu, ne retrahantur in judicium.

Capi-

Capitale supplicium, ut mares, non subeunt, sed si propinqui tribus marcis redimere nolint, perpetuam servitutem. Furto tamen saepius commisso, ad extremum lapidari sinunt, non jubent. Contra, jura *Sveonum* ubicunq; & in quocunq; casu viros, etiam feminas morte puniunt. Sed nec rotæ supplicio, aut suspendio, ut parricidas vel fures, nec etiam vivi comburio, quod in quibusdam casibus de jure novissimo statutum est; verum defossione, & injecta lapidum congerie, tanquam si pudori & reverentiæ sexus melius consulatur, si cum flagitio è conspectu hominum remotæ contegantur. En må Kona siegla eller hångia a green. Madrin a Stegel och Koni undi griut/ i.e. feminam rotæ imponi, aut ad ramum arboris suspendi, jus non est. Mas rotæ imponi, femina sub arena defodi debet. Quomodo & ab *Ingemari primi*, *Sveciæ* Regis conjuge supplicium sumptum est, quæ & vetus fuit *Burgundionum* Lex, utraq; tamen jura, *Sveonum* & *Gothorum*, vitam faminarum ponant in potestate & arbitrio actorum, secus quam hodiè. Jura *Gothica* faminarum imbecillitati consuluisse, *Sveonica* malitiæ non favisse, recentia verò conditionem earum pejorem fecisse videntur. Quæ an-

Pœnæ fæ-
minæ ho-
micidæ.

Impuberū,
Furiosorum

Pœnæ ho-
micii ca-
sualis.

tem fæminarum, ea & impuberum ratio habita fuit, sed non furiosorum. Homicidium enim à furioso commissum pro voluntario habetur, quoad pœnam & ejus executionem ab agnatis & cognatis impetrandam, si morbum non publicaverint, ut ab eo caveri posset, alioquin si publicaverint, homicidium casuale æstimatur. Iniquè vero, jus *Norvegicum* persecutionem pœnæ è bonis furiosi permittit, illo etiam post recuperatam sanitatem in exilium pulso, quasi tunc primum in dolo esse, & ante factis consentire necesse haberet. Haud majore æquitate nititur jus *West Gothicum*, in quo homicidia merè casualia puniuntur parum infra voluntaria: nec mirum, si eorum aliquod periculum esse voluerunt, cum mors violenta alicujus, extra omnem meam culpam & scientiam contingens, non tamen extra pœnam esset, ut, si quis me nesciente, quocunq; meo telo, vel instrumento in perniciem suam abutatur, vel ex ædibus meis cadat, vel incidat in puteum meum, quantumvis tectum & munitum, vel in cataractam, & sub molendino meo confringatur, ipse aliqua multa plectar, ut in parte infelicitatis meæ numeretur, habuisse, vel ædificasse aliquod quo homo periret.

Ratione

Ratione personarum, in quas homicidium commissum, etiam magna differentia fuit, nec idem hominis pretium. Dictum est suprâ de peregrinis, nec ratione caret quoad pœnam pecuniariam, quæ à familia familiæ nec dari, nec exigi potuit, in reliquis jura nostra vetusta conditionem peregrini exæquant, solum *West Gothicum* in eadē discrimen inter nationes ponit (ut lex *Salica* inter *Romanum & Francum*) *Svecum*, *Gothum* & *Smolandum* æqualis pretii facit, nisi quod satisfactio illa à familia, (*âtte och oranboth*) *Sveco* & *Smolando* ut peregrinis denegaretur. Pro eadē *Dani*, & *Norvegi*, mulcta & pœna pecuniaria triente minor erat, quam pro reliquis: pro *Germano* & *Anglo*, quadrante; hos solos, ut commercantes, novisse videtur ut vicinos. Viri tamen sacris initiati, etiam si exteri (quales pleriq; fuerunt sub initio Christianæ religionis,) favore cultus divini, pari cum incolis jure fruebantur. In vulneratione verò, & ejus pœna, nullum discrimen faciunt inter *Gothum*, *Svecum*, *Danum* & *Norvegum*: inter *Svecum* faciunt & *Germanum*, quidquid enim in hos commissum fuit, minore pœna vindicabatur, ac si liberum vulnerâssent, sive quod ab iis remotiores minus

Homicidia
in peregrinis.
nos.

nus timerent, vel sperarent, sive quod idem apud illos passi, hinc extat hoc proditū: *Tylickan laghsom vhelandsker man gtor of tylickan williom wtr them gtor* id est, *quam legem exteri nobis posuere, eandem illis ponamus.*

Homicida
in liberos
& famulos.

In vagabun-
dos, Lurco-
nes & Scur-
ras.

Sed & inter incolas etiam discrimen fuit; in minore enim pretio cædes liberti, qui ex servitu- te, ære & pecunia redemptus erat, item ejus, qui instabilis, & vagabundus inter viros sacros & pro- pinquos oberraret, *Naradþiæder* vulgò dictus, Ordinaria quidem cædis pecuniaria pœna expiari debuit, sed nec exilio, nec direptioni bonorum ob- noxia. De servorum cæde supra dictum est, & eorum æstimio, ex eorum usu, officio & utilitate. Horum omnium aliquod tamen pretium; Lurco- num & Scurrarum exiguum valde, Mimorum & Citharædorum penè nullum. Interficiens enim Lurconem discurrentem, tribus tantum marcis punitur, Mimum vero, & Citharædum, juvencâ, sed hac conditione, si hæres interfecti retinere il- lam queat, quod nisi robustior, difficilimum ipsi fore putabant. Juvencam enim triennem, & ro- bustam, in colle edito statui jubent, hinc dari actori novas chirotecas, & novos calceos, utrosq; bene

bene inunctos, & lubricos, quibus bos tenenda erat, tum demum cessura ei in satisfactionem pro cade, vel potius præmium roboris, si, tribus flagelli ictibus impulsa, manibus ejus, quæ caudam constringerent, non elaberetur: Quomodo & Saxones olim Verigieldum ludionis constituebant umbram viri; pugili, splendorem contra solem clypei duellaris, qua in re tam hi, quam illi, magis personarum, quam causarum merita spectasse videntur, tanquam non homines, sed hominum fuci extincti essent, quorum scilicet vita otio aut inertia torperet, aut ejusmodi artibus occuparetur, quæ & animi & corporis vires emollirent & enervarent.

Sed hi fuerunt homines infra ordinariam homicidii pœnam depretiati, qui sequuntur, supra sunt, ut quibus major vel reverentia, vel amor, vel fides, vel misericordia debetur, ut sunt Domini, parentes, cōjuges, liberi, fæminæ, impuberes, infantes (*Gretingar* jus vocat) nondum septennes; *Krofofarl* qui baculis innititur, senes à morbo vel ætate invalidi, iudices, executores. Pretium etiam pro quocunq; augetur, si vel locis, vel temporibus privilegiatis occidatur, aut etiam ex insidiis, aut

Parricidia
vel homicidia in Dominos.

Imbecillam
ætatem vel
sexum.

B b b

cul-

culcello vel arcu &c. Exempli gr. si facta cædes
 est in locis solitariis, in ædibus interfecti propriis,
 in foro die mercatus, septem ante adventum, vel
 totidem post abitum Regis è provincia diebus, in
 expeditione publica, in sponsum sponsamve, pro-
 nubū aut pronubam, & pararios ad septem usq; à
 die nuptiali, in fæminam, in impuberem, senem aut
 invalidum, in executorem sententiæ, ita si facta
 culcello aut arcu, duplicatur. Si in templo, in
 cœmeterio, in iudicio, in latrina, in officina cuiusq;
 propria, lecto aut cœnaculo, si in parentes, liberos,
 fratres, sorores, infantes, triplicatur, de quibus casi-
 bus etiam capite superiore. Sola cædes conjugis
 capitalis fuit, & Regis sui sive Domini, cum
 confiscatione bonorum: incendiariorum etiam
 ἐν ἀποφάσει deprehensorum; reliqua, ut dictum est,
 quantacunq; crimina pecunia expiari poterant;
 atq; hoc de jure *Sveonum*, cuius loco postea tamen
 leges *Bergeri Jarli* prævaluerunt, *Gothis* datæ, quæ in
 atrocioribus, qvalia sunt pleraq; modò memora-
 ta, aut vitam adimunt, aut bona, pulsò in exilium
 reo.

Homicidi-
 um à pluri-
 bus in unum
 commissū.

Homicidium in unum à pluribus commissum,
 quamvis omnes ad pœnitentiam publicam, non
 ultra

ultra tres tamen obligat ad pœnam cædis ordinariam, quorum unus consultoris nomine, alter detentoris, tertius occisoris, singuli ut authores cædis puniuntur, sed diversa tamen pœna. Si pars corporis, Ex. Gr. pes, manus, vel alia abscissa, humetur, ipso corpore paulo post ex eodem vulnere moriente, peculiari mulcta cædes corporis, peculiari cædes membri vindicata fuit: An credam singulari ritu & ceremonia partes corporis fuisse sepultas, & ut quis funus suum vivus prosequeretur exequiis? Quasi enim ut sepulti, ita & duo interfecti essent, in pœna distinguuntur: Ea reverentia sanguinis, is membrorum fuit respectus, quo magis mirandum, quod alibi sanguinem fortuito casu profluentem cœmeteria & templum profanare existimaverint, nisi cum cespite & pulvere ejiceretur, quod aliquis fortè culices colare dixerit, & deglutire camelos.

Pœnam homicidii etiam gravissimam, & qua nulla toto jure major, aliquando jns antiquum imponit, etiam ubi nullum corpus delicti extat, aut occisus reperitur, saltem ob culpam, vel potius opem non præstitam, quæ tamen negligentia, quantumvis supina, in criminalibus dolo non est

B b b 2

æqui-

æquiparanda. Occidere enim putarunt qui ægrotum non curarent, cum qui curaret nemo præterea adesset. Fortè enim aliquando factum in expeditione nautica, ut socii navales unum ex suis, morbo decumbentem, relinquerent in portu, vocantibus ventis; sive tædio ulterioris curæ, sive quod jam mortuum crediderint (utrumq; lege expressum) pro mortuo sepeliverint, atq; alios deinde in portum subvectos, exaudivisse clamorem sepulti, & suppetias tulisse, inde is redivivus, quæ re la adversus desertores instituta, homicidii accusavit, & causam legi dedit, ut in ejusmodi desertores pœna cædis ordinaria quadruplicaretur, & constitutio simul facta, quousq; in ejusmodi casu expectandum esset, ut quis impunè pro mortuo sepeliri posset. Ex casu insolito simplicitas majorum non tam iis quæ sæpe, quam quæ raro, & quasi cum miraculo occurrerent, lege lata remedium quæsiuit. Pœna hæc cespititia dicta fuit, à cespite, *Torswegiåld* / quod ob cespitem, quo hominem vivum præproperè contexissent, præstaretur.

Torswegiåld.

CAP.

CAPUT V.

De
Furtis.

ARGUMENTUM.

Furta odiosa. Furta olim rara. Etiam hodie alibi. Fre-
quentia & acerbitas suppliciorum ad quid. Senecæ sen-
tentia laudata. Furta supra alia crimina punita. In furtis,
& in processu & circa merita cause peccatum. Furta femi-
narum, Impuberum. Apprehensores furum. In furtis nulla
transactio concessa. Jura Sveonum mitiora. Abigei. Fu-
res segetum. Sacrilegi. Furta manifesta, & non manifesta.
Furta inquirere in alterius adibus concessum sub conditione.
Furum tres species, qui consulit, qui contrectat, qui receptat.
Rerum inventarum jus & ratio. In naufragorum bonis, jura
aqua & iniqua.

Nullum maioribus nostris cri-
men fuit furto odiosius, aut gravius: nul-
lum olim quoq; rarius, sive ab ineunte æ-
tate ita institutis, ut alienum non appetere, sive
nihil esset quod in diem viventes magnopere in-
vitaret. Crediderim tamen priorem rationem
potiorem. In borealibus Regni provinciis à culta
& commerciis peregrinorum remotis, rara admo-

Furta rara:

etiam hodie
in boreali-
bus Regni
provinciis.

Bbb 3

dum

dum furta. Piceatas nec habent, nec timent ma-
 nū, adeo ut in quibusdam parœciis, ubi æstivo tem-
 pore cum totis familiis ad fœnicesia per integrum
 ferè mensem in sylvis & saltibus à villis suis diver-
 tunt, vix januas suas claudant, rarò seras foribus
 apponant, & quantum ad suos populares, semper
 securi. O secula Saturni! Sed quibus jam dudum
 invidit *Mercurius*, stimulantibus ad cupidinem
 habendi & studium augendi vicinis, etiam necessi-
 tate temporum ingenii industriam acuate, quæ
 in bona malave fertur, quocunq; ducunt conta-
 gia lucri.

Senecæ sen-
 tentia.

Leges ergo in fures antiquitus non videntur
 habuisse, cum aut non essent qui furarentur, aut
 quælibet provincia suo sibi arbitrio castigandos
 sumeret, unde hodie in supra memoratis provinci-
 is nec patibula nec ulla indicia tanti criminis pu-
 blicitus extant. *Senecæ* discursus ad *Neronem*,
 quamvis oratorio more ad persuadendum com-
 positus, multum etiam ex vero habere videtur,
videbis, inquit, *ea sæpè committi quæ sæpe vindicantur.*
Pater tuus (Neronis) plures intra quinquennium culeo in-
suit quam omnibus seculis insutos accepimus, multo minus
audebant liberi ultimum nefas admittere, quam diu sine le-

ge

ge crimen fuit. Parricidae cum lege coeperunt, & illis facinus poena monstravit, pessimo loco pietas fuit postquam saepius culeos vidimus, quam cruces. In qua civitate raro homines puniuntur, in ea consensus fit innocentiae & indulgetur veluti publico bono, putet se innocentem esse civitas, erit. Sanè si experientiam consulere velimus, atrocitate poenae raro frequentia delicti sublata fuit aut emendata, quamvis vulgò statuatur crescentibus delictis exasperandas esse poenas. Majores nostri nescio annon hac in parte aliquantulum aberraverint, sine suo frustrati. Cum enim primitus furta legibus coercere coeperunt, plus nimio, fatendum est, severi fuerunt, tam mites in aliis omnibus, etiam atrocissimis, criminibus. Quid enim gravius quam concubitus cum parentibus, liberis, sororibus? quam parricidium in eosdem? His tamen vitam indulgent, contenti pecunia & poenitentia. In fures vero ubi deprehensi sunt, sententia hac ferali formula concepta fuit, *Han skal dömma til hugz och til hängia / til dráp och til döda / til torsz och til Tjåru vgilddan firi arwa / och effter målandi swa firi Kyrkia sum firi Konunge* / i. e. In furti reum securi, furca, defossione, vivicomburio animadverti posse, nec eo nomine vel heredibus vel Ecclesiae, vel

Furta odiosa.

Lex pristina in fures.

Fæmina-
rum furta.

Furum &
furti aggra-
vatio.

vel Regi ullam satisfactionem deberi, & quantitas ta-
men quam exigua ad suspendium? dimidia scili-
cet marca aut ejus pretium, quantilla ad mortem
hominis recula? quæ pœna etiam mansit post re-
visionem juris à Rege *Christophoro* factam, & alibi
etiam hodie rigorosè servatur. Fæminæ vero
defossæ sunt, si res furtiva suspendio digna. Si
vero minoris esset pretii, puta triente vel quadran-
te infra marcæ dimidium; cædebatur virgis, utrâ-
que aure amputata. Si nec tanti quidem, sed du-
plo minor, cædebatur virgis, alterâ aure amputa-
ta, si nec tanti quidem, cædebatur tamen virgis
palo affixa: ducebantur etiam fures, revinctis in
tergum manibus, tanquam indignæ, quibus cum
res alienas contrectassent, quas aut ostenderent
aut quibus amplius uterentur, cum tamen adulte-
ris, homicidiis & aliis facinorosis leges caveant, ne
ad eum modum constringantur, sed tantum mani-
cis aut clausa domo custodiantur. Ad hæc præ-
mia furum apprehensoribus lege decreta, vel o-
mnia quæcunq; apud illos inveniuntur, dum ca-
piuntur, vel (ut de jure *Sveonum* vetusto) furti con-
cepti pars quinta. Non sic in reliquis delictis ubi
persecutio tantum actoribus aut præfecto Regio
con-

concessa, aliis præterea nec pœna obligatis, nec præmio invitatis. Furem etiam diurnum, si aliter capi non posset, occidere leges permittunt. Lex duodecim tabularum tantum nocturnum, atque tum demum, si se telo defenderit. Quid? cum impuberibus etiam & quos alias vel ratione defectus vel ætatis excusare solent, in furtis majores nostri non pepercerint, etsi non pari prorsus cum reliquis pœna afficerent. Denique super furtis transigere non permiserunt, quod tamen de jure civili Romano, & Danico concessum fuit, in omnibus scilicet ad edictum prætoris pertinentibus, quæ non ad publicam læsionem, sed rem familiarem respiciebant. De jure Gothico & Scanico sub pœna gravissima & quidem infamante, furem impunitum vetuerunt dimitti, siquidem ab actore quem causa proxime tangebatur, accusaretur. Si vero præfectus Regius vel inquisitor communis dimississent, pro reo respondere & causam ejus ac culpæ pœnam subire debebant, quod & lege Salicâ factum, quæ latroni similem habuit, qui furtum celare vellet, & occultè sine judice compositionem ejus admittere. Imo de jure Wesmannico furti damnum passus, insuper etiam gravatur ad eum investiti.

Gcc

vesti.

vestigandum, adeo ut nisi intra annū & tres juridi-
 cas invenerit, cum duodecim sacramentalibus ju-
 rare teneatur se operam dedisse nec invenire potu-
 isse. Super hæc omnia odio hujus criminis & qua-
 dam moræ impatientia, festinatum est in causæ
 cognitione, festinatum in judicio, festinatum in
 supplicio. Furibus enim nulla excusatio vel di-
 latio fuit, etiam crimine non manifesto, nec cau-
 sam furis ultra primam juridicam judici proferre
 concessum. Quid? quod aliquo jure etiam ante
 ordinarium judicii diem, indicto per inquisitorem
 Regium vel communis conventu producere
 furem liceret, testibus convincere & suspendere,
 cum tamen proximâ post juridica, executione jam
 facta, tum demum cum duodenario sacramentali-
 um numero jurandum esset, suspensum illum ve-
 rum fuisse furem, cujus rei ratio ea fuit quam supra
 diximus, quod canonicæ probationes quæ in omni
 controversia desiderabantur, non nisi ordinario
 judicii die & loco præstarentur, unde apparet eas
 ad extremum in quibusdam causis moris causa u-
 surparas. hic certè ridiculæ & supervacuæ, quippe
 de capite quod amplius restitui non potuit. De
 jure *Danico* ἐπ' αὐτοφθέγω furem deprehensum, etiam
 sine

sine prævia judicis sententia suspendere & necare licuit.

Ex quibus omnibus satis apparet in quanta detestatione & odio hominum furta fuerint, & quam vehementer magis, quam cautè aut prudenter, causas furum tractaverint, odio criminis etiam hominibus irati. Ab initio tamen *Sveones* non in tantum excanduisse videntur, mitiores certè fuerunt quam *Gothi*, præcipuè tamen *Boreales*, apud quos tamen, ut modo dictum, furta rariora. *Hel-singi* furem suspendio non puniverunt, ubi re furtivâ restituta mulctæ suffecit, quæ non erat plus quam sex marcarum, quas à propinquis petere, & se redimere poterat à capitis supplicio. Sed nec *Uplandicum Bergeri* furem prima vice suspendio punit, sed mulctat. Punit autem secundâ, etiam ob quantulamcunq; rem. Fuit & olim (in quantum scriptori *Norvegico* de rebus nostris credendum est) secundû antiquum jus *Upsalense*, in pœnam furti, condemnatio in triplam juri divino congrua, quæ et hodie in praxi, haud ita pridem à judiciis *Regiis* recepta est, & jam aliquot annorû cōsuetudine roborata, adeo ut si fur pœnæ pecuniariæ impar sit, nisi furtum valdè magnum sit aut sæpius iteratum,

Differentia
juris *Sveo-*
nici à Gothi-
co.

tum, virgis aut fustibus cædatur. *Jus Gothicum* cum in viros tantopere sæviat, feminarum tamen vitæ in furtis parcat, multato tutore, in pœnam incuriæ vel negligentia, in cuius partem tamen femina etiam veniebat, aut si nihil in bonis haberet, in servitutem, ut supra dictum.

Furtorum
distinctio &
pro eo pœ-
næ variatio.

Abigei
Gartiusfrat/
Agnebafar.

Hæc de furti pœna in genere, quæ ut in aliis criminibus, quæ gradus suos habent, variavit. Furta ratione objecti in duo præcipuè genera distinxerunt: alia enim esse rerum quæ in ædibus, arcis, thecis & repositoriis asservari solent & ut plurimū intra claves custodiri, de quorum pœna præcipuè iura loquuntur: alia rerum mobilium quidem (nam immobiles furtis obnoxia non sunt) sed quæ ita custodiri non possunt, ut sunt armenta & pecora in pastu, fœnum & segetes demessæ in agris. Illorum fures *abigei*, nostra voce *Gartiusfrat* appellantur, horum verò *Agnebafar* / utrorumq; una & eadem pœna, suspendium scilicet pro pretio rei furtivæ, & publicatio bonorum mobilium. Sanctiora enim, & tanquam custodelæ, seu, ut jus nostrum loquitur, seræ divinæ existimârunt erepta, quorum assiduæ intentioni non sufficit diligentia humana, sic & olim in terminorum

trans-

translatore pœnam statuerunt capitalem, speciem scilicet furti esse, quâ confusa limitum certitudine, interversio & possessio rei alienæ intendetur; speciem item furti esse, ubi partu supposito hæreditas alterius interciperetur, quamobrem sub R. Erico Pomerano capitalis sententia lata est in matronam quandam, quæ hæredes mariti sui Axilli Broderi sic fallere conata fuit.

Furta alia aliis graviora non tantum ratione quantitatis & frequentiae actuum, sed etiam, ut homicidia & violentia, respectu loci & temporis. De jure civili Romano committitur sacrilegium, contrectatione rei sacrae, quocunque in loco, sacro vel profano. De nostro sacrilegii rationem habuit, si res sive sacra sive profana in loco sacro fraudulenter contrectaretur, unde diu in usu fuit ut res papillares templorum custodiæ committerentur, quò privilegio loci munitiores essent adversus fures. Tempus etiam furtum aggravabat, ut si quis horâ, qua sacra peragerentur, furaretur, rigidius plecteretur, quod tamen postea observatum non est. Furtum, ut Romani, nostri etiam distinxerunt in *manifestum* & *non manifestum*.

Variatio
pro ratione
loci.

Pro ratione
temporis.

Manifestum dixerunt quod aut ἐπ' αὐτοφώρῳ ut Furta manifesta.
Ccc 3 loqui.

Inquisitio
furti in alie-
nis aedibus
concessa.

Furti non
manifesti.

Furum spe-
cies.

loquimur, deprehensum fuit, aut in aedibus vel ar-
cis furis inquisitum & inventum. Licebat enim
ex indiciis & praesumptionibus domum suspe-
ctam ingredi & inquirere ubicunq; placuisset,
sed sub sponsione & vadimonio domino aedium,
cujus ea ratio fuisse videtur, ne quis prorsus im-
punè furti insimularetur, aut ad minimum aliquid
haberet pro molestia quam sustinere debuit in
resecratione & visitatione. In aedibus nonnisi ob-
seratis inquisitio petita & admissa, atq; ita ut non
nisi discinctis & ferè nudis ingredi liceret, ani-
madverso etiam ne qua alibi vel transenna vel
lacuna esset, qua rei furtivæ potuisset immissio fi-
eri. Furta sic inventa, quomodo apud *Romanos*,
quæ per lancem liciumq; essent concepta, ac si
manifesta forent, pro pretio rei furtivæ, vel su-
spendio vel mutilatione aurium vel excoriatione
puniverunt.

Furti autem non manifesti, id est, ejus quod
negaretur quidem, sed tamen iudicio Nembdæ
factum diceretur, pœna capitalis non fuit, sed
præter restitutionem pecuniaria tantum, quan-
tum in homicidio simplici exigebant.

Furum tres species jura *Gothica* faciunt, *Gen*
radir

radir / annan fial / tridie tafer wider / i.e. esse unum
 qui consilium daret , alterum qui contrectaret , tertium
 qui receptaret & occuleret , pari poenae singulos ob-
 noxios , una autem omnibus purgandi & defen-
 dendi ratio , vel laudando authorem à quo acce-
 pissent , vel innocentiam testimonio ferri igniti
 aut sacramentalium demonstrando. Quia au-
 tem re furtiva agnita fures se ut plurimum ex-
 cusare solent , vel emptione , vel mutatione , vel
 donatione ab aliis accepisse , ideo vel hanc etiam
 ob causam ne furibus in prae-textu aliquid subter-
 fugii esset , maiores nostri omnem contractum
 emptionis venditionis rei mobilis per testes &
 mediatores fieri volebant , de quo supra. Si itaq;
 fur ad authorem à quo accepisset , provocaret ,
 dabatur ei pro inquisitione terminus arctior vel
 laxior , prout ferebatur tradita extra territorium ,
 provinciam vel regnum fuisse , interea de exhi-
 bendo cautionem praestare debuit reus vel per
 fidejussores vel per sequestrationem rei litigio-
 sa , vel deniq; alio æquivalente pignore , tot enim
 modis cautio praestanda fuit , nec aliqua harum
 denegari potuit , nisi ut se reus crimini obnoxium
 redderet , quod praecipue obtinuit in rebus quae
 dice-

dicebantur emptæ vel inventæ vel mutatæ, oppignoratæ, commodatæ, conductæ: nam si res domi aut ex proprio nata vel parta prætenderetur, per testes & sacramentales hoc probandū erat, quantumvis nihil actor probâisset, atq; hoc semper valuit, quotiescunq; alicui furtum imputaretur, de qua re quid sentiendum, supra de probatione Canonica dictum.

Res inventæ.

Ad furta proxime inventa sequuntur, *Tiuswer hitter gierna / som Kläckare Kalden* / id est, *Fur facile invenit, ut adituus calicem*, jocatur jus antiquum. Hoc enim titulo fures deprehensi se frequentissimè excusant & defendunt. Itaq; ut omnis ansa præscinderetur furibus in hoc effugio, ut à re inventa ratio furti abesset, inventa publicari leges præcipiunt, primum coram comitibus & viatoribus obviis, deinde in proxima villa vel pago, postremo coram Ecclesia vel judicio. Ab hac publicatione si nemo intra annum professus rem perditam, vindicatum iret, triens rei inventæ, inventori, bes Regi cessit; pretii estimatione arbitrio bonorum virorum commissa. Etiam multum interfuit, ubi, à quo, & quæ res inventa esset, res enim pro perditâ haberi non debet, quæ vel in sa-
cro

cro loco, vel ædibus, aut villa alicujus reperiretur. Ideo jus indicat inventa tantum in via vel extra viam, in locis scilicet ubi nullo interdicto speciali commeatus liber est. Sed & servus aliquid inveniens domino acquirit: Mercenarius vero non aliter sibi ex invento lucrari potuit, quam si interea operas hero debitas non neglexisset, alioquin in jus mercenarii herus succedebat. Inter res inventas vero ex pecore & armento nihil euretri debebatur, animum enim revertendi non amisisse, etiam si aliquando aberrasset, sive quod facile inventu esset, difficilimè vero occultaretur, concesserunt tamen post publicationem modicè uti, modo ne extra territorium agerent, E. G. eqvo aut bove ad labores araturam vel vecturā &c. pro cura scilicet aut pabulo. Quod autem jus erat rei in terra inventæ, idem & eorum quæ ex naufragorum bonis littoribus impulsa fuerunt, bes domino, triens inventori cessit. Ex iis vero quæ ex fundo maris aut fluminis reperta & extracta essent, semissis utriq;. Exacto vero anno post publicatam inventionem, nisi interea dominus venisset, in locum ejus fiscus succedebat. Si tamen de domino constaret, nulla adversus eum annalis præscri-

Naufragorum bona.

D d d

ptio

Leges ini-
quæ in nau-
fragorum
bona:

ptio cucurrit, ut res pro derelicta aut perdita ha-
beri posset. Iniquissimæ ergo & omni juri divino
& naturali adversæ fuerunt illæ anteriorum secu-
lorum leges, quas etiamnum pleriq; maris *Baltici*
accolæ prætendunt, ut in naufragorum miseria &
calamitate tanquam vultures ad prædam currant,
erepto legitimis eorum dominis jure vindicandi,
sive, ut clarius dicam, quod ipsorum proprium est,
& absq; ulla sua culpa amiserunt, recuperandi.

CAPUT VI.

De

Damno dato.

ARGUMENTUM.

*D*amnum unde datur. In quem. Incendia. Damnum
à pecore in pecus.

Damnum
datum ab
homine.

Damnum vel ab homine datur,
vel à jumento, pecude aut cane. Ab ho-
mine autem vel consulto vel fortuito, &
quidem in corpus vel bona nostra. In bona
damnum datur incendio, quod consulto excita-
tum in eum finem, ut hominem juxta ac ædes cre-
met,

met, vivicomburio vindicatur &c. ut supra. Culpa vero lata factum, præter pœnam incuriæ, quæ pecuniaria erat, etiam authorem obligabat ad pretium rei incensæ restituendum, in casu vero fortuito ad pretii tantum quadrantem. Datur & consulto damnum in armenta & pecora, quorum non tantum æstimationem jura vetusta præcipiunt, sed & pœnam aliquam malevolentia, ubi constat de proposito, *Ulfwind*; both dicebatur: Casu enim factum, solâ æstimationem (ut æquum) recipiebat. Sed & de jure nostro imperitia casui annumeratur, contra quam jure *Romano*, si enim moritur jumentum ex eo quod medicus malè secuit aut properum medicamentum dedit, præstari ab eo pretium jubet. De nostro vero jure impu-
 tet sibi, qui imperitum elegit. Pauci eo tempore artis professores, quaecunq; ergo juvandi conamen favore prosequerentur ne ipsis damno esset, cum jurare possent, sibi propositum non fuisse perdendi sed medendi. Si autem quadrupes pauperiem fecerit, alterum jumentum necando, jura antiqua utriq; domino, utrumq; dari præcipiunt & vivum & mortuum, ut æstimatione utriusq; facta & pretium utriusq; domini exæquetur, quod & ju-

Damnum
datum seu
pauperies à
quadru-
pede.

D d d 2

ri

ri divino *Mosaico* congruum; ab eo non nihil
 jus novellum, non *escale* enim necatum, ut apud
 nos equus, asinus, dimidio tantum valoris sui neca-
 toris dominū mulctat: *Escatile* vero, ut bos, caper,
 ovis, porcus &c. quadrante. Si autem jumentum
 hominem peremerit, jumentum dominus olim &
 mulctam & noxam dedere tenebatur, nisi altera
 actor fuisset contentus, & quamvis mulcta non
 esset gravis, familiæ tamen à familia danda fuit,
 non lecus ac si cædes ab homine facta fuisset, pro
 tollendis simultatum & odiorum causis De jure
 vero novello non noxa deditur, nec pro damno
 pretium, sed tantum mulcta pecuniaria aliquot
 marcarum, de consuetudine tamen obtinuit, ut
 noxa tantum neci dedatur.

CAPUT VII.

De,

Injuriis.

ARGUMENTUM.

Injuria verbalis pœna. In pugna: In retorsione: In pecu-
 nia: In palinodia sive recantatione. Ritus recantandi
 ignominiosissimus. Recantatio absq̃ ignominia. Inju-

Injuriis verbalibus in gente mili-
tari, nulla alia antiquitus poena quam pu-
gna, si modo conditione, vita, ætate, sexu
pares essent litigantes, nec ulla injuria major aut
probrosius verbum dici poterat viro, quam si vir
diceretur non masculino pectore. Huic, ut ante di-
ctum, pro honore & defensione famæ suæ pugnan-
dum fuit, permansit mos iste etiam hodiè apud
gentes quasdam, quæ non invitæ originem ejus
majoribus nostris imputant. *Moribus militum &*
observantia nobilium (inquit *Ætius* quidem *Hispan*) re-
ceptum est, ut non censeatur honori suo satisfacere, qui ver-
bali injuriæ verbis saltem respondeat, non armis & factis
tanquam hoc in maxima causa, quæ ad honorem dignita-
temque pertineat. In jure nostro nulla alia retorsio
olim permissa vel laudata. Posterioribus seculis
pro opprobrio pecunia admissa fuit, aut si illa non
sufficeret, *palinodia* seu ut vulgo, *recantatio*, id est, con-
fessio mendacii, nec simplex ea quidem aut priva-
ta, sed publica facta coram judicio cum *autoplusia*
& ignominiosa aversi recessus è judicii loco cere-
monia conjuncta, incusso scilicet pudore, quem
quia non habuit cum debuisset, debuisse habere
cum nollit, severitate enim manus os suum percu-

Injuriæ ver-
balis poena,
pugna.

Recantatio:

D d d 3

tientis

tientis castigata lingvæ temeritate reus à seipso
pœnam exigebat, non tam dolore intolerandam,
quam insolentia pudendam, quo nihil in vita acer-
bius magnæ & generosæ mentes sibi accidere
posse existimant. Erat tamen, ut & hodie, pœni-
tentia locus. Verbum enim probrosum subita-
neo calore & animi motu dictum, absq; ulla igno-
minia revocare permissum, & sermonem emen-
dare sine pœnæ metu, nisi aut in loco publico aut
animo calumniandi factum constaret.

Injuriae re-
alis pœna.

Injuriis realibus quæ in facto vel opere con-
sistunt, quo quis læditur & dehonestatur, minor
pœna, infamia nulla, adeoque corpori famæ inte-
gritas prævaluit, majore vindicta munienda & pari
cum vita ipsa. Idem enim de jure majorum vitæ
& famæ pretium: extra vitam tamen in pecunia,
atq; nescio annon rectius, quam *Gothi Hispanienses*,
qui calumniatorem convictum arbitrio actoris
permiserunt, ut de eo pro lubitu statueret, in eo
tamen laudandi, quod neminem ad deferendum
admitterent, nisi sub scriptura aut specificatione
 trium testium quod vellet actionem persequi;
sed de his obiter. Ut ad injurias reales redeam,
extant de iis in jure communi & vetusto integri li-
bri

bri sive tituli, quorum tamen summa ea est, ut pro injuriæ qualitate vel quantitate, major minorve pecunia detur quæ semper retenta fuit, etiamsi aliquin variaret in quantitate : Hoc tantum observato, prout de cadibus & homicidiis supra dictum, gravitatem & pondus accepisse à subjecto, objecto, loco, tempore, modo, instrumento, &c. adeo idem non erat idem, cum vel alius faceret, vel in alium, vel alio tempore aut loco, aut modo, aut instrumēto, quod & hodie observatur, quoties arbitraria pœna, à supremo scilicet judicio (nam inferiora legibus astricta sunt) infligitur. Deinde hoc etiam observatione dignū, verbera vel vulnera (spatio quatuordecim dierū præscripta fuisse, nisi interea ad satisfactionem ageretur & inspectio peteretur. Postremo etiam hoc contra jus commune in usu fuisse, ut sive unus, sive plures vulnera inflixissent, omnes quidem tenerentur, non nisi de uno tamen vulnere, id est, numeratas fuisse personas non vulnera, & pro personarum non vulnerum numero mulctam fuisse irrogatam.

CAPUT

CAPUT ULTIMUM,

De

*Jure Sacrorum sive de iis quæ consti-
tuta fuerunt super Ecclesiis & earum
ministris.*

ARGUMENTUM.

*V*is & efficacia religionis. Religionum origo, fundamentum,
& finis. Religionum diversitas. Religio extra Ecclesiam
Dei. Philosophica qualis, & in quibus. Secta ejus inter phi-
losophos, In cane Gothi & Sveones? Religio pagana seu vul-
garis, quam lata, qualis & in quibus consistebat. Pluralitas
Deorum & eorum apud nos cultus. Antistites & ministri sa-
crorum. Religio Christiana primæva. Religio Christiana
in sectas divisa. Ex quibus religio ad nos venit, & qualis. Præ-
cepta & leges de cultu numinis. Leges circa externa, quæ in-
serviunt religioni & cultui. Constitutio Ecclesiarum & tem-
plorum fundatio, ornatus, redditus & præfecti. Ordo Clerico-
rum. Pastoris & Aeditui constitutio, vocatio, salarium & offi-
cium in genere. Episcopi officium, redditus, dignitas. Officium
& redditus pastoris in specie. Forum Ecclesiasticum. Causa
fori Ecclesiastici & Episcopalis. Conclusio.

Constitutiones de sacris, quamvis
alterius loci, quia tamen majores nostri in
omni jure primas esse voluerunt, appen-
dicis

dicis loco addantur. Religiosos maximi semper fecerunt propter religionem, ut rem non animæ tantum salutarem, sed & quæ ad civilem felicitatem faciat. Esse enim fundamentum status qua convulsa convellatur & ipse; nec immeritò, ubi enim metus non est vindictæ divinæ in maleficiis, nec spes redhostimenti in benefactis, tollitur respectus Dei, tollitur discrimen inter sacra & profana, perit reverentia erga majores, fides erga omnes, jura gentium & vincula generis humani solvuntur. Religio, ut alia omnia apud nos, suas vices habuit, altera sublata, altera reformata, & vel cum legibus vel etiam ante leges cœpit, cum primum sensus de Deo esset. Rarò enim legibus gubernantur, qui religione & metu numinis non ducuntur, homines ne mali sint, metu & reverentia numinis suadendi sunt, legibus cogendi; quod à volentibus obtineri potest, ab invitis extorqueri non debet, hoc religio præstat sine qua non minus quam sine legibus, non domus ulla, non civitas aut hominum societas stare potest. Nulla gens, inquit Cicero, tam fera, tam immanis, & barbara est, quæ non Deum etiam si ignorat qualem, tamen habendum & colendum sciat; quanquam

vis & efficaciam religionis.

Religionum origo.

E e e

non

non defunt qui nostro seculo cum orbem terrarum circumnavigassent, alibi homines in insulis se invenisse dicant, apud quos nulla prorsus notitia Dei aut cogitatio vel cura de numine animadverti potuit, sed iis aut ratio ut brutis animantibus defuit, aut ita in hominibus obbruit, ut quemadmodum hodie multi non ultra pastum & libidinem solliciti, nisi ab aliis de Deo admoneantur, supera, infera, præterita & instantia, pari oblivione & incuria transmittant, ratio tamen in admiranda naturæ admissa, facile Deum authorem hujus investigat, & in seipsam quoq; reflexa originem sui se illi debere agnoscit, quo fit, ut & in cultū Dei propendeat, & propter similitudinem naturæ homini ad consociationem se aggreget, quā cum per sermonem homini datum sua invicem communicare & accipere possit, pro conservatione societatis humanæ facile intelligit, honestè vivendum, neminem lædendum, unicuiq; suum tribuendum esse, sive juxta universale naturæ præceptum, alteri non esse faciendum, quod sibi ipsi non velit fieri. Hoc principium & fundamentum est & religionis & legum. Sed leges illæ civiles à fonte derivatæ longius deducuntur & explicantur, & ad status & ingenium

Fundamen-
tum & finis.

genium uniuscujusq; populi accomodantur. Religio uniusmodi ut debuit non fuit, quia nec una ubivis vera Dei notitia, cum errore ingenii humani, non satis conveniret, quid numen aut quot numina, aut quis eorum cultus, vel deniq; in quo beatitudo aut fælicitas vitæ consisteret, quam cultu intenderent. Itaq; pro varietate hominum & regionum variæ semper religiones fuerunt extra Ecclesiam Dei, quas aut ab aliis acceperunt, aut sibi ipsis confinxerunt. Communiter tamen diversitas illa reduci potest ad *philosophicam* & *paganam* sive *vulgarem*. Placet enim philosophiam *mora-*lem etiam religionem vocare quod benè vivere doceat, & beatitudo ex eo quærat, alibi hodie etiã eo nomine veniat, ubi non alia religio habetur, alibi etiam divisiones in religione pro sectis philosophicis olim habitæ fuerint.

Religio-
num diver-
sitas.

Philosophica religio principiis naturæ & ratione nititur, *pagana* opinione. Illa religionis nomen meretur, hæc superstitionis. Philosophica religio lumine naturæ verum vidit & asseruit, etsi lumine gratiæ non omne verum invenit, nec in ultima Dei mysteria penetravit. Deos credidit sive potius Deum, plures non nisi ut in unis tamen

Religio
philosofica.

familiam & potestatem eos redigerent. *Esse enim, ait Cicero, aliquam talem præstantem, eternamq; naturam, eamq; suspiciendam, admirandamq; hominum generi, pulcritudo mundi, ordoq; rerum cælestium cogit confiteri, ut cujus beneficio & cura, non tantum universum hoc naturæ opus, sed & singulæ in eo res, ad mensuram sibi datam, essent, starent, conservarentur. Castissimum autem atq; sanctissimum, plenissimumq; pietatis cultum esse, ut eum semper pura, integra, incorrupta & mente & voce veneremur. hæc ille. Sensum ergo & fidem de numine hæc religio præsupponit, sed & cultum requirit, & venerationem pura, integra, incorrupta & mente & voce. Voce per gratias, laudes, preces; Mente, conformando eam ad divinam mentem. Cum enim cultum Dei optimum cultum animi nostri putarent, quem vel particulam divinæ auræ, vel radium ejus corporibus nostris immersum pleriq; crederent, tum demum excoli & perfici, cum quam proxime sapientia & beneficentia ad similitudinem Dei accederet, interritus periculis, intactus cupiditatibus, non prosperis rebus elatus, non adversis dejectus, sed inter adversa fælix, in mediis tempestatibus placidus, & sub uno vitæ tenore sibi semper constans, atq; in hoc esse beatam vitam & rationem summi*

*Cultus
Philosophorum.*

summi boni, ultra quod aliud aut non quærebant, aut non sperabant. Ignota per resurrectionem corporum (quam omnes ut absurdam abnuebant) post hanc vitam aliâ, animarum tamen immortalitatem pleriq; astruebant, quidam verè & constanter, plures cunctanter, & sic ut alii eorum animas qui se è cæno & sordibus voluptatum subduxissent, ad contemplationem naturæ & operum Dei reverti crederent in chaos illud divinæ & ætheræ essentiæ, unde desumptæ essent, aliorum vero qui se affectibus feris aut corporeis voluptatibus in hac vita abdidissent, ire in porcos, canes, lupos, vulpes &c. Epicurei tamen, etiam ex hoc genere sapientiam professi, quamvis in plerisq; cum reliquis convenirent, acerrimè tamen contra earum immortalitatem pugnarunt, nihil enim immortale esse nisi æternum & immutabile, animas vero hominum & brutorum ex traduce cum corporibus incipere, crescere, stare, deficere, & in potentiam materiæ, undeeductæ essent, recidere, cumq; præterea Deos, constituto semel naturæ horologio, ad cuius rotas omnia irent, & cursum suum tenerent, extra curam mundi & hominum otari permitterent, nihil mirum si omnem cultum divinum ut frustraneum spreverint & irriserint.

Sectæ ejus
inter Philo-
sophos.

*O vanas hominum mentes, o pectora cæca ;
Qualibus in tenebris degitur &c,*

In cane Go-
thi & Sveo-
nes

Exclamat quidam, quo cum nimis quam multi
si non conclament, consentiunt tamen, quantum-
vis vel maxime religiosi videantur & credi ve-
lint. Ceterum sanctior illa philosophorum reli-
gio, paucarum gentum, aut verius paucorum in
iis hominum, haut scio an *Gothis* nostris dari debe-
at, siquidem *Gothi* & *Gethæ* iidem sunt, ut plerisq;
nostratium placet, quod & *Zeutham* philosophum
Regem habuerint, & animorum immortalitatem
credidisse existimentur. Inde ruendi in ferrum
mens prona viris, quod ignavum putaverint, redi-
turæ parcere vitæ. De domesticis nostris & popu-
laribus idem fortè censerim. Extant enim lapi-
des in tumulis sepulcorum erecti, in quibus litera-
tura Runica mentio fit, jam *Outhini*, jam *Frææ*, jam &
Thori, quem cum propitium defuncto precantur,
satis apparet, esse aliquid manes credidisse, nec fi-
nem letho animalibus factum, quo illud etiam fa-
cere videtur, quod non, ut reliqui barbari, cadavera
mortuorum suorum promiscuè projecerint, sed in
viridariis suis quos hortos familiæ nominabant,
Ettehagar / & passim circa villas etiam hodie con-
spiciuntur, honestè cum carissimis sibi rebus sepe-

liverint, præcipuè telis & armis, si viri militares fuerant, quasi trophæa secum non de hoste tantum sed & de morte haberent, his iterum aliquando usuri. Sed utcumq; ea res se habuerit, constat tamen paganam religionem apud majores nostros præponderasse, quam vulgare religionem diximus, sive quod ubiq; recepta fuit, sive vulgo præcipue placuit, quod ignarum cælestis gloriæ & incuriosum beatitudinis alicujus à virtutibus & cultu animi, externa tantum, & quæ sunt corporis, quærit, valetudinem, opes, potentiâ & honores, felicitatem foris & domi, in pace, in bello, in conjugio & rebus domesticis quæ realia bona æstimat, & Deum vel Deos beneficos, qui talia dare possent, iratos vero & metuendos qui abnuerent, ac proinde devotione & cultu in oculos incurrente prosequendos, sive ut darent exorandi essent, sive ut parcerent placandi: de hac ergo vel etiam in hac, quas leges habuimus, dici non potest, aliquas tamen fuisse dubitari non debet. Si *Wigeri Spæ* capitula extarent, aliquid fortassis de iis tradi posset. Credibile enim non est, ut qui posterioribus seculis semper religionis primas partes esse voluerunt, eas prioribus neglexisse. Nunc ergo quoquo modo aliunde tradita

Pagana Religio seu vulgaris.

Qualis & in quibus consistebat.

tradita paucis in re profana commemorasse suffi-
 ciat. Religionem maiores nostri in Ethnicismo à
Græcis & Romanis aut certè communem cum illis
 habuerunt, nec refert quod ab *Otthino* ex *Scythia*
Asiatica primum introducta censeatur, quis enim
 credat non antea fuisse? *Thorus* certè ante *Otthi-*
num fuit, sed & *Asiatica* illa religio communis fuit
 cum *Europæa*, quoad *Jovem* reliquamq; Deorum
 turbam ex ejus prosapia, ejusq; cultum per sangvi-
 nem & sacrificia, quamvis alibi atq; alibi sub
Beli, *Hammonis*, *Isidis* & aliis nominibus laterent.
 Ac ut de Deorum numero primo dicam, in eo val-
 de variarunt. Græcia, obstetricantibus poëtis, fœ-
 cunda Deorum genitrix, plures Deos habuit, &
 plures adhuc aucta Republica *Romani*, ut ad ex-
 tremum nec hominibus tantum & virtutibus, sed
 & vitiis & morbis templa ponerent, quæ res religi-
 onem cum ceremoniis suis ludibrio multorum &
 contemptui exposuit, et tempora illa in *atheismum*
 inclinavit. Quamquam enim non Philosophi
 tantum, sed et sapientiores Rerumpublicarum re-
 ctiores nugas has viderent et riderent, passi tamen
 sunt prophanum vulgus errore labi, ut fabulas pro
 historiis, falsa pro veris crederent, sive quod vulgus
 subti-

Pluralia
 Deorum.

subtiliorum rerum non esset capax, cum sub involucris ejusmodi fabularum mysteria & secretiora artium & scientiarum semina latere, nec nisi melioris notæ ingeniis pandere vellent, sive etiam quod qualemcunq; religionem sufficere arbitrarentur ad continendos in officio homines. Quid enim efficacius multitudinem regit quam superstitio? quare non facile permiserunt religionem hanc violari. *Socrates* certè, quod ejus contemptor esset, cicutam bibere coactus est, *Aristoteles* & *Prothagoras* pœnæ damnati, & quicunq; *πρωτοβία* illam pro figmento haberent aut etiam symbolizarent. Majores nostri ex hac disciplina, simpliciores tamen, tribus tantum Diis majorum gentium contenti fuerunt, *Thoro*, *Odeno* & *Frea*; hac fœmina, illis maribus, quorum quædam simulacra vel statuæ etiam hodiè in templo *Upsalensi* ostentantur, rudes & impolitæ, nec ad eam sanè templi magnificentiam, quod olim aureum & catena aurea circumcinctum fertur.

*Thor*us primus & maximus Deorum erat, cui in univèrsam imperium & rerum summam detulerunt. Hic *Jupiter* noster erat fulmine potens, quod cum in gigantes, quibuscum bellum gereret,

Et eorum
apud nos
cultus;

Fff

strictu-

fricturus videretur, tympanorum & æris strepitu,
etiam missis in altum jaculis suppetiatum ibant,
hoc uno quo poterant modo, devotionem & stu-
dium suum erga summum Deorum professi. Per
hunc etiam quidam ex vulgo hodiè superstitionis
vetustæ, prava à majoribus asserendæ veritatis
consuetudine accepta jurant, *Thor Gudh*/ id est,
per *Thorum* vel *Jovem* Deum, quem etiam cum to-
nat, vehi, vel *Thorum* senecionem in vehi, nescio an
credant, dicunt tamen *Thor Gubben áfer*. Huic
& primum anni mensem & quintum hebdomadis
diem consecrarunt, quæ nomina etiam hodiè in
usu retinentur.

Thorius five
Thoro.

Outhinus.

Proximus à *Thoro* *Odenus* vel *Outhinus* erat, qui
ex *Asia* veniens, (ideo etiam *As* dictus) magicis ar-
tibus & præstigiis tanquam miraculis sibi divinita-
tis opinionem conciliavit, & ex peregrino civis, ex
cive Rex, ex Rege Deus factus, maximum toto
Septentrione sibi cultum vindicavit, felicitatem in
bello adversus hostes pollicitus, opes & divitias
domi, ideo majorum nostrorum & *Mars* erat &
Mercurius, præponderabat tamen *Mercurius*, quò
plures essent qui pecuniam quam bella mallent,
adeo ut hodie quidam malè feriati non vereantur,
pro

pro pecunia mutuo vel gratis accipienda numen illud compellare, quorum mentes Diabolus sub larva istius numinis fascinat & eludit, ut cum maxime accepisse & habere videantur, nihil tamen habeant. Huic quartum hebdomadis diem consecrarunt, nomine etiam hodiè retento.

Tertiam Deorum *Friggam* sive *Fream* semina-^{Frigga sive Frea.} lem *Ottin* peperit, cuius neptis fuisse perhibetur, Regina quondam formæ venustate conspicua, mater & Dea facta voluptatis, & fœcunditatis annonæ & frugum, nec minus liberorum ex felicitate conjugii, ideo & *Ceres* nostra fuit & *Venus*, unam enim divam diversis votis sufficere rati, nec præter necessitatem Deorum numerum esse multiplicandum. Atq; hi tres Dii ex magnis fuerunt: non desunt tamen qui *Thoronem* quendam cum *Thoro* confundant, ac à se diversos existimant Deos. *Friggam* quoq; alii *Disam* dicunt, à quo tertium hebdomadis diem dici volunt, quem tamen modo *Marti* dedim⁹, qui nobis olim *As*, Germanis *Hesus* vel *Hifus*, unde *Hifeddagh* & contractè *Hifdagh* vulgo usitatus *t* vel *d*, ut in aliis multis, præmisso, *Thifdag* vel *Disdag*. hodie Germanis *Dingsdag* vel ideo quod plerūq; ordinari⁹ judiciis esset.

Fff 2

Frig-

Friggam alii *Giöam* vel *Giöiam* à qua alter anni mensis *Februari* nomē apud nos invenisse creditur, et nunc filiā, nunc uxorem *Othini* fuisse perhibent, de qua re non est quod scrupulosè inquiramus. De *Saturno* dubium est, videntur enim & humanæ victimæ & dies ab eo dictus cultum ejus arguere, homines enim, præsertim pueri & juvenes, non nisi *Saturno* immolabantur, ideo à poëtis pueros devorare fingitur, & dies ultimus hebdomadis quondam *Öördagh* dictus fuit, qui hodie mutata littera *Löördagh* / alii *Lögerdagh* dici putant à lavacro, quod postridie ad sacra ituri illo die potissimum se lavent & præparent. Hoc ut incertum in medio relinquo, & ad Deos minorum gentium, quorum nomina saltem nostra sunt, venio. Hi fuerunt *Niordus* & *Freius*, nepotes *Othini*, per quos etiam, ut supra dictum, jurare solebant. Refert *Johannes Magnus* quosdam merito inter ignobiles & minores gentium Deos, *Methotim*, *Fro*, *Hollerum*, *Vagnostum*, *Hadingum*, *Röstiophum*, *Finnonem*, *Röstarum*, qui beneficiis & insolitis patrandis clari, pontifices vel sacerdotes, aliquando etiam Reges facti, postremo benignitate vel simplicitate gentis nostræ ex hominibus in Deos evaserunt, ad imitationem Romanorum

Dii nostrates minorum gentium.

norum & Græcorum, qui suis Regibus bene meritis etiam divinos honores tribuerunt. Et hæc quidem de Diis & eorum numero & officio quatenus hætenus cognitum. Cæterum qui & quot sacrorum horum antistites fuerint, singuline Dii suos habuerint flamines, sacra, templa, lucos, an communia & conjuncta? Fuerintne sacerdotes solis sacris dediti, an etiam aliis civilibus functionibus devincti, quibus deinde legibus, honoribus, præmiis sacra peregerint, res non est satis clara & evidens. Scriptor ille *Norvegicus* cujus sæpè antea mentio facta est, cum memorat ex *Scythia* in *Sveciam* primo per *Othinum* sacra hæc translata, asserit ab eodem duodecim constitutos fuisse sacrorum præfectos, quos *Dios* appellarunt, nescio annon *Græcâ* voce, quasi *divinos*, quod divina tractarent, qui fuisse videntur, quod olim *Dryades* apud *Gallos*, magnæ authoritatis & æstimationis, quod jus etiam populo dicerent. *Johanni Magno* pileati & *hyan* dicuntur, fortassis à pileo vel tiara, integumento capitis quo usi sunt sacerdotes. Nescio annon hæc officii ratio & dignitas manserit penes *legiferos* vel *Nomarchas*, ante Christiana sacra. Cum enim pagana religio à Christiana oppugnari cœpit, con-

Antistites
& ministri
Sacrorum.

stat communem plebeculam superstitionibus de-
 ditam, hisce authoribus quam maxime restitisse,
 nulla aliorum sacerdotum, qui acerrimi religionis
 suæ propugnatores esse solent, facta mentione. Et
 quia sacrificia anniversaria per duodecim præfe-
 ctorum sive provinciarum præsidum ministeria
 per vices ambulant, qui quasi præsidēs victima-
 rum in Collegio sacro fuerunt (*Offergilde*) verifi-
 mile est nullos alios sacrorum antistites fuisse. Sed
 siue ii siue alii in ministerio sacrorum fuerunt, sa-
 cra ipsa, si conferantur cum iis, quæ cum Christia-
 na religione paulo post introducta sunt, ut alia
 omnia seculorum istorum, simplicia & rudia fue-
 runt, unico *Upsaliae* cultu, & paucarum præterea
 civitatum, excepto. Constat intra lucorum suo-
 rum umbram & horrorem stetisse, & si ex reliquiis
 paganismi, quæ nostro seculo in ultimo *Septentrione*
 supersunt, judicandum est, magis ut homines ali-
 quid fuisse, quam quid fuerint, certo scire possint.
 Hos tamen *Deastros* majores nostri, ut aliæ gen-
 tes, sanguine & cruentis sacrificiis etiam hominum
 propitiare soliti, ut modo dictum. Ideo jura in
 novis sacris à *Christi* fide vetant ejusmodi hostias
 & sanguineas cædes, *Engin Skall Affgudom blota*
 quod

quod verbum hodiè inusitatum, *sangvinem mittere*, sive *sangvine placare*, significat, & *Blotmadir* / *vir sangvinis*, *sacrificulum* sive etiam *aruspice* designat, *vitum* scilicet qui vel victimas Diis dabat aut offerebat, vel ex earum inspectione etiam divinabat, ut *Etrusci* apud *Romanos*. Tria vero habebant anniversaria pro sacrificiis festa: primum paulo ante solstitium brumale pro annona & frugibus *Cereri*, vel *Veneri Freæ*: alterum & summum paulo ante æquinoctium vernum, in mense *Februario*, pro fructibus & reliquo terræ proventu, communiter vero pro publica omnium salute, ut verisimile videtur, summo Deorum *Thora*. Tertium circa solstitium æstivale pro victoriis adversus hostem, *Marti* & *Mercurio* nostro *Othino*, præter hoc, triennio quoq; etiam novennio quolibet, convenerunt magna festivitate quasi jubilæum concelebantes. Sacrificia, ut ante dictum, cruenta fuerunt, boves & quod *Scythicam* originem arguit, equi, interdum etiam homines, præcipue pueri & juvenes, sed raro, nam nec apud alias gentes, præcipue *Europæos*, infanda hæc sacra, nisi summa urgente necessitate in usu fuerunt. Carne vero equina & bovina, ut delicatissima, & ejus pingvedine vescebantur, & in

& in epulis hisce publicis præcipuè consistebat eorum cultus: Locus autem huic cultui erat præcipuè *Upsala*, ut ante memoratum, toto *Septentrione* celebris: Lucos tamen ubiq; habuere, qui vel sacri numinibus, vel in quibus sacra numinibus fiebant, quorum memoriam vix tot seculorum cursus plane abolere potuit, quo minus adhuc hodiè superstitione quadam à multis recolantur, ideo jus antiquum, dum sacrificia prohibet, etiam fidem lucis detrahit, *Engin Skall a Lundom troa* / sed hæc gentilitia sacra mittamus.

Religio
Christiana
primæva.

Religio
Christiana
in sectas
divisa.

Cum autem lux *Evangelii* affulset, venit religio ad nos non usq; quaq; puritatem fontis retinens, quò etiam propior scaturigini, eò simplicior. Longius diducta aliquid ex prurigine & æmulatione ingeniorum, tanquam ex limo, turbulenti trahens, varios in canales diffusa, multum ex spirituali sapore amisit. Statim enim post tempora *Apostolorum* varietas hæc opinionum cœpit, & in tanta diversitate regionum & populorum in partes itum est, 1. Circa sensum de Deo & persona *Salvatoris*, plerisq; quid *Christus* esset, magis quam quid nos esse vellet, sollicitis: deinde quoad Dei cultum: religione jam tuta & in honore sub Christianis prin.

principibus, antistites ejus veriti ne simplicitate
 prædicationis apostolicæ & nudæ sacramento-
 rum administrationis, religio vilesceret aut etiam
 periret, eam certis quibusdam ritibus & ceremoniis
 circumvestire aut devincire cœperunt, vel ad nor-
 mam & pompam Ecclesiæ veteris testamenti, vel
 ad morem & similitudinem gentilium, sive quod
 alternante tunc *paganismo* & *Christianismo* sub simili-
 tudine quâdam externorum rituum multos indu-
 ci ad Christiana sacra posse putarent, sive quod
 eam sic ornatam melius rudi plebeculæ placere
 sibi persuasum haberent, quæ specie externorum
 magis quam re ipsa ducitur. Ad hæc lapsu tem-
 poris plura adjecerunt, ordines, regulas & vota
 monasticorum, prohibitiones ciborum, cœlibatum
 clericorum, tum venerationem imaginum, invoca-
 tionem Deiparæ matris & sanctorum, quasi ejus-
 modi operum & cultus inventionem, Deo nostro,
 supra id quod ipse jussisset, aut etiam contra quam
 jussisset, vel invito gratificarentur, quæ nunc me-
 morare nostri non est instituti, quia nec multa de
 his nisi incidenter in legibus nostris Ecclesiasticis
 præcepta, in quibus tamen sibi adeo antistites pla-
 cuerant, ut paulatim juxta assurgere, munia magi-

Ggg

stratus

stratus politici in se trahere, & tantum authorita-
tis sibi vindicare, ut ad extremum, non modo ut
Reges gentium, sed & supra Reges gentium domi-
narentur, passi se non gratiosos tantum, sed &
sanctos vocari, contra quam ex instituto religionis
Salvator noster eos esse voluit. Atq; hic erat reli-
gionis & Ecclesiæ *Europææ* status, cum aliquandiu
post *Caroli Magni* tempora religio ad nos venisset
per *Germaniam* & *Angliam*, his accessionibus nescio
onerata magis an honorata. Verisimile tamen
est non statim hunc cultum & novorum rituum
apparatum cum religione venisse, qui aliquandiu
post, magis in praxi quam libris, invecus est & in-
vetus. In quantum ergo leges nostræ Ecclesiasticæ
his deferunt, has breviter attingamus, quia cum
iis quæ cum commodo Ecclesiæ latæ sunt, conjun-
guntur. Nam quod cultum numinis attinet, quis
præter DEUM ipsum hominibus præscripserit,
cum veritas ipsa asserat *se frustra coli mandatis &*
institutis hominum. Religionis ergo & cultus di-
vini præcepta ex sacrarum scripturarum codice
petenda, quæ ducent ad veram vitam. Quia ta-
men præterea multa etiam sunt præcipue circa ex-
terna, quæ ut dixi, cum commodo religionis ordi-
nari

Præcepta
& leges de
cult. i numi-
nis:

Leges circa
externa
quæ infer-
viunt religi-
oni & cul-
tui.

nari & constitui possunt, quorum cura, ad cultus divini propagationem, non minus ad Reges, quam religionum antistites, imò vero præcipue ad Reges pertinet, ideo de iis ad ductum juris antiqui paucis agendum est, præcipue cum ex iis multæ leges etiam hodiè utiles observentur, ut si dicatur 1. De Ecclesiæ sive Parœciæ alicujus constitutione, templi ædificatione, consecratione, ornatu, redditibus, ministris. 2. De Episcopis & Clericis, eorundem officio, sustentatione, præminencia & dignitate, 3. De foro Ecclesiastico & ejus causis.

Templum fundare & erigere, sive Ecclesiam aut cœtum constituere, quo certo loco ad sacra facienda conaventur, juris fuit olim mere Episcopalis ab anno 1295. usq; ad reformationem, videtur tamen antiquitus inter *regalia*, sive reservata Regis censum, *Ronungar skal Rödrekio byggia*; unde nec hodie absq; scitu atq; permissu Regis id facere Episcopis concessum, cujus ut alia absint, scire est divisiones & districtus territoriorum, propter redditus fisci & justitiæ administrationem.

Constitutio
Ecclesiarum
& templo-
rum funda-
tio.

Ceterum jure loci & cœtus impetrato, vel privatis ædificare propria impensa concessum, sub spe juris patronatus, vel omnibus pro ratione

Ggg 2

virium

virium & conditione uniuscujusq; imperatum, sub
pœna pecuniaria, quæ tota Ecclesiæ novæ cessit,
utpote à membris ejus, qui ideo jus patronatus an-
tiquitus habuisse videntur in eligendo pastore.

Ornatus Ec-
clesiæ.

Templo novo ornatus debebatur, qui præ-
cipue consistebat, in campanis, in vestimentis sa-
cris, quibus vel altaria vel ministri Ecclesiæ, quo-
ties sacra facerent, ornarentur. In Chrismate,
corporali sive patella, calice, baptisterio, quæ sa-
cramentorum administrationi inservirent, in cere-
is, candelabris, thuribulis, in libris ritualibus & can-
tui factis, nulla prorsus mentione sacrorum Bibli-
orum.

Reditus Ec-
clesiæ.

Reditus autem Ecclesiæ quibus vel ejusmodi
ornatus comparari debuit, vel templum ipsum re-
parari & conservari, consistebat primo in decimis
ex omni frumento, quarum trientem Ecclesia sibi
vendicabat, ut postea dicitur. Deinde in mulctis
quæ ex causis fori Ecclesiastici dabantur, præcipuè
ubi in Ecclesiam peccatum erat, major tamen pars
Episcopis cessit: Tertio in donationibus & le-
gatis quæ devoti homines faciebant. Licuit enim
utiq; in pias causas quantumlibet Ecclesiæ dare, ex
bonis acquisitis, etiam invitis hæredibus, ex avitis

Donationes
& legata.

vero

vero fundis, ipsis nolentibus, non nisi decimam.
 His Ecclesiæ bonis præfecti dabantur tutores seu ^{Præfecti}
 defensores, *Ridrafiomariande* / qui providerent ^{reditum.}
 ne bona Ecclesiæ alienarentur aut dissiparentur,
 sed sacra tecta in usu & possessione Ecclesiæ, &
 in ornatu ejus & conservationem permanerent.

Post hoc ergo de religionis & Ecclesiæ an-
 tistitibus dicendum, eorum jurisdictione, ac pri-
 mo quidem de *clericis* in genere, quinam eo no-
 mine veniant, & quænam eorum privilegia. Ju-
 ra antiqua discrimen quidem inrer *laicum* & *cleri-*
cum faciunt, sed quinam Clerici dicendi sint, quæ
 eorum privilegia, & quinam iis gaudere debe-
 ant, non satis enucleatè tradunt, nisi in quantum
 ea ex iis, quæ porro dicenda sunt, delibasse suffece-
 rit. Sub clericorum ergo nomine constat non E-
 piscopos tantum & canonicos, presbyteros & pa-
 stores, & quicunq; iis à sacris in ministerio sunt,
 sed etiam Monachos, moniales & scolasticos in-
 telligi, qui haud ita pridem, discreta ab aliis vesti-
 um forma, *Diaconi*, *diecfnar* / nuncupabantur, quod
 nomen etiam hodiè retinent.

Differentias ergo & varios Clericorum or- ^{Ordines}
 dines sub his jura antiqua vel ignorant, vel præ- ^{Clericorum}

G g g 3

tereant.

Pastoris
constitutio
& vocatio.

Requisita.

tereunt, uni Ecclesiæ binos tantum ministros assignant, *Pastorem*, & *Ædituum* sive *æditum*: illum ut sacrorum præfectum & administratorem; hunc ut custodem templi, feriarum & funerum, campanæ pulsu, nuncium, & illius ministrum in expediendis externis, quæ inserviunt cultui divino & sacris: utrumq; vocare Ecclesiæ jus fuit, sed vario antiquis more. Omnia tamen jura in eo consentiunt, quod ad Ecclesiam pertineat electio & præsentatio pastoris, ad Episcopum vero confirmatio, nec fas fuit eam repudiare, quam omnes cuperent, nullâ meritorum personæ habita ratione, nisi commodo & suffragio ecclesiæ juvaretur: Esse enim pastorem propter Ecclesiam, non Ecclesiam propter pastorem. Si vero Ecclesia aut non consensisset in unum aliquem, aut intra certum tempus non petiisset, Episcopi fuit providere ei pastorem, & constituere quemcunq; vellet: sive vero constitueret sive confirmaret, hæc in candidato requirebantur 1. ut literas haberet & documentum ordinis & consecrationis *Wixlobress*. 2. ut doctrina aliqua præstaret *Studienkunst* hanc. 3. ut aliqua ætate & morum gravitate esset, *Präst och en Pöpling*.
Com-

Comministros Ecclesiarum, quos hodie sacellanos nominant, jura antiqua non tangunt, & ante reformationem vix est ut inveniantur ruri pastoribus additos fuisse adjutores, præcipuè cum cælibes curis domesticis pastores non magnopere implicarentur, nec ea etiam olim esset Ecclesiarum magnitudo, aut etiam multitudo, cui non sufficeret unus Ecclesiæ minister in expediendis sacris, cum non fatigarentur explicatione aliquâ textuum sacrorum.

Circa Electionem *Æditui*, Ecclesia eligebat & præsentabat pastori, quem nisi confirmare vellet (habebat enim suum votum) poterat alium constituere, sed suo periculo, factum enim ejus præstare tenebatur, si quid damni, ejus culpâ, ædes sacra vel furto vel incendio accepisset, quod ubi ædituus resarcire non poterat, de suo pastor supplere tenebatur, alibi tamen cum pastor & Ecclesia unanimi voto in aliquem consensissent, utraq; factum ejus præstare tenebatur; Jura *Gothica*, quoties pastoratus vacabat, ut in omnia alia electione judicum & Magistratum, tres eligebant & Episcopo præsentabant, ut unum ex iis, quemcunq; vellet, confirmaret, totidem etiam

iam in locum Æditui amissi pastori præsentabant, ut suo arbitrio in unius eorum confirmationem uteretur. Huic pastor claves templi & ædium sacrarum, pastori Ecclesia tradebat. Erat ergo ejus officium, ut id primum dicam, fores ædis sacræ, & quæ ei adjecta fuerunt, referare & claudere: deinde campanæ pulsu (unde & nomen apud nos invenit, ut *Campanarius* dicatur) horas precum singulis diebus & conventus festis & feriatis significare, deniq; si quando funus aliquod terræ demandandum esset. Ad alia campanarum usus non fuit, nec alteris nisi Æditui consensu licitum pullare sub pœna aliqua: Tempore vero incendii & hostilis invasionis, etiam aliis impune concessum: tertio comitari pastorem aut ministrum Ecclesiæ & deferre secum res usui sacramentorum destinatas, quoties vel ægroti visitandi essent, vel infantes baptizandi; Quarto, arcere vulgus profanum à contactu rerum sacrarum. Gravi mulctâ plectebatur Ædituus, si quis chirotecas, capitium, arma aut aliud quid altari imposuisset, si quis manum aut digitos immisisset in baptisterium, infante aquâ sacrâ abluto. Hæc ex legibus & alia ex arbitrio & mandato pastoris, circa

ris circa curam cœmeterii & ædis sacræ Ædituo observanda fuerunt, pro quo alibi semis- ^{Salarium}
sem, alibi trientem famenti, modii nostratis,
& præterea quoties etiam oblationes vel publi-
cè fiebant, vel à privatis, recepta in Ecclesiam
post puerperiem muliere, aliquid panis & escu-
lenti, aut ejus loco pecuniolam habebat, quod &
hodiè ubiq; ferè observatur.

In officio Episcopi & pastoris mirum quam ^{Officium E}
leges omnes prætereant prædicationem verbi ^{piscopi.}
divini, tanquam rem vel supervacuam, vel infra
eorum curam, ad lectores & inferiores clerici or-
dinis amandandam. Prima & præcipua officii
ratio consistebat in missificando, ut gentilibus in
sacrificando, quos & in hâc parte æmulati vi-
dentur, qui ex missâ etiam sacrificium fecerunt,
sed hoc erat commune cum reliquis pastoribus,
illud peculiare fuit Episcoporum, primo, ut
templa & cœmeteria constitui curarent, sive re-
cens & à fundamento instaurata dedicanda,
quod non sine magna pompa & impensa fie-
bat, suppeditante Ecclesia sumptus, sive aliquo
casu polluta & profanata, puta cæde, sanguinis
effusione, stupro, adulterio etc. in integrum re-
H h h restau-

stauranda essent, deinde ut quolibet triennio visitarent Ecclesias, pastores & ministros, ubi deessent, iis præficerent: Ædificia sacra, eorum ornatum, suppellectilem, rationes & redditus recognoscerent & curarent, defectus & errores emendarent: Tertiò, ut præsiderent in judiciis rerum sacrorum, & causas fori Ecclesiastici dijudicarent, de quibus postea.

Reditus E-
piscopi.

Pro hoc decernunt illis leges, 1. Omnes redditus ex bonis & prædiis Episcopalibus, quæ sedi olim data vel constituta fuerunt, quæ ut illa fisci, Upsala adhuc/ ita hæc *Staffþoo* & *Stoolsþoo*/ id est *prædia baculi vel pedi pastoralis* sive *sedis* aut *cathedræ* dicebantur. 2. Trientem ex omnibus decimis frumentariis per totam dioccesin. Quædam tamen jura ita decimas dividunt, ut triens semper quidem pastori, bes vero reliquus trifariam dividatur, data Episcopo una, altera Ecclesiæ, tertiâ pauperibus parte, alibi etiam præsertim in tractu boreali, ubi insignis copia & captura piscium & ferarum, Sextans vel decima quinta ex halece, salmonibus, vitulis marinis & pellibus sciurinis. 3. Multas sive pœnas pecuniarias omnibus criminibus & causis quæ in foro Ecclesiastico tractabantur,

bantur, quæ ingentem summam conficiebant, ut
 mox patebit, siue totam, ut in quibusdam causis,
 siue sibi partem ejus cepissent, ut enim fiscus in-
 terdum partiebatur cum actore & territorio, inter-
 dum sibi soli vendicabat, ita & Episcopus cum Ec-
 clesia & actore. Habebant & Episcopi suam
Tuccham in cæde aut vulneratione servi, reverentiæ
 Domini debitam multam, de quâ supra, & quoti-
 es Ecclesias consecrarent, suum honorarium lege
 decretum. Præterea ubicunq; Rege vel fisco da-
 ta est successio in bona vacantia laici, non extan-
 te vel intra fatalem diem comparète hærede, ibi si-
 mile jus eodem in casu datum est Episcopo in bo-
 na vacantia Clerici. Perinde tantum ubi ex
 homicidio Clerici aliquid fisco & territorio siue
 communitati (si res ad poenam pecuniariam ve-
 nit) debebatur, Episcopus jus fisci, templum ca-
 thedrale territorii occupabat.

Juxta hos redditus summa quoq; dignatio de-
 cernitur illis, & gradus honoris post Regem secun-
 dus, & inter Senatores primus. Pompæ quoq;
 eorum leges inserviunt, si quando aut ad Regem,
 aut in visitationes Ecclesiarum ituri. Cibati
 quoq; eorum prospiciunt, non tam delicato qui-

Dignitas

Hhh 2

dem

dem quam largo, tempora enim illa omnem laetitiam, condituras vini & aromatum usum ignorasse videntur, contenta iis quæ cuiq; suum natale solum ad victum subministrasset; Sed hæc de Episcopis. Munus pastoris seu Ecclesiæ ministri, leges in eo constituunt, ut cantet, legat, missificet, baptizet, annunciet, absolvat, copulet, introducat, inungat, vigilet, sepeliat, &c.

Cantus &
oratio.

Cantus & oratio ut plurimum *latinâ* lingua peragebatur, in quam rem libros temporum, uti vocabant, *Tisdaböcker* non sine magna impensa Ecclesia comparabat, de quibus leges cavent, ne plures quam ex usu Ecclesiæ, nisi ut suo sumptu pastor coëmat. In hisce libris descriptum erat, quid singulis diebus dominicis & festis canendum, orandum, legendum esset, & quia totus cultui divino dies dicatus, matutinum & vespertinum tempus præcipuè in cantu, medium in missa celebrabatur, unde etiam hodie nomen retinet, *Ottosång* / *Höghmässa* / *Ufftonsång*. Hæc tria præstare pastor debebat.

Missificare.

Baptizatio.

Baptismum in loco templi huic rei secreto administrabat, non sine multis quidem ceremoniis, quas tamen leges non tangunt, hoc saltem ut patrini,

trini adhibeantur, si foemella sit, binæ foeminae, & unus ex virili sexu, si sexus virilis, bini viri & foemina una. Quædam leges à viris patrinis exigunt latinè *Pater noster*, *Credo* &c. quasi latina lingua quam non intelligebant, plus roboris haberet ad efficaciam baptismi pro salute infantis quam patria & nativa, siue etiam quod à splendore *Romani* imperij & lingvæ ejus præstantia plus etiam splendoris & authoritatis accedere putarent religioni, ideo sacra *Romana*, nonnisi *Romana* etiam lingua ut plurimum, præcipue in cantu peragi voluerunt. Baptismum tamen non ita loco sacro aut ordini Ecclesiastico alligarunt, ut non liceret in casu necessitatis domi baptizare, etiam patrinis aut parentibus, absente Ecclesiæ ministro, non obstante aliqua spiritali cognatione, quæ in hoc casu cessabat. Ceterum cum sæpè Ecclesiæ minister uno eodemq; tempore vocaretur à diversis ad baptismi administrationem in infante, aut sacrae cænæ in ægroto, aut ad unctionem in morituro, quædam jura præferunt baptismum, quædam visitationem ægroti, quod baptismus à *Laicis* etiam præstari possit, Sacra cœna autem nonnisi à *Clericis*; omnia vero extremam unctionem, ut minus necessariam, postponunt.

Hhh 3

Denun-

Denuncia-
tio.

Denunciare aliquid Ecclesiæ ministrum in loco sacro jura vetant, sub gravi pœna, præcipuè de re profana aut civili, tantum quinque exceptis cāsibus, in quarum singulis trina denunciatio vel permessa vel iussa, idq; non è suggestu, sed ante fores Chori & Templi, ut si 1. Decimæ reditæ non forent, debitores admonerentur de præstandis, sub comminatione exclusionis ab usu sacræ cœnæ, quod tamen antiquissima jura improbant & vetant, ratione longè potiori, advocato tantum in exigēdis brachio seculari cum aliqua contumaciæ pœnâ. 2. Si copulatio peteretur & benedictio conjugij, ut sponсорum nomina ederet, ne si quid esset quod indicatum nuptias impediret, post copulationem primum obijceretur. 3. Si Laicus Clericum pulsasset aut verberasset, citaretur pro satisfactione præstanda Episcopo, etiam Romam ad pœnitentiam mittendus. 4. Si dies festus aut supplicationis instaret, ut ejus admonerentur auditores. 5. Si quis delatus esset secreti alicujus criminis, ut moneretur confiteri, suppresso tamen ejus nomine in hunc modum: *Audiu in Ecclesia mea tale peccatum committi, hortor illum qui se ejus conscium novit, ut me conveniat & confessione factâ*

ne factâ id expiet, & cum Deo in gratiam redeat. Si post trinam denunciationem suspectus venire nolit, minister Ecclesiæ eum convenit & secreto rogat, si nec tunc quidem parere velit, adhibitis duobus testibus liberius admonetur eò usq; ut aut confiteatur, aut per compurgatores objectum crimen diluat.

Crimen privatim confessum revelare Ecclesiæ ministrum, grande nefas, nec impune quidem, nisi ut se ejusdem criminis pœnæ obnoxium faciat reo omisso; Si tamen de crimine aliunde constaret, juvat privata confessio in quibusdam, in quibusdam non juvat: Juvat in perjuriis compurgatores a pœna pecuniaria Episcopo debita, non juvat principalem reum, nec à pecunia, nec à pœnitentia publica. Nec etiam confessum de adulterio, stupro, homicidio, violatione sabbathi, perjuriis vel quocunq; alio crimine, quod quidem esset fori Ecclesiastici, unde pœna pecuniaria vel in totum vel in partem Episcopis cessit. In adulterio tamen juvat privata confessio, sed si adulteram à se gravidam nesciret, secus si sciret, ut in quocunq; crimine quod celari non posset.

Ceterum confessione factâ, absolutio vel
privata

privata vel publica sequuta est. Privata *auricularis* dicta, cum quisq; peccata sua sive occulta sive manifesta in aurem Ecclesiæ ministro confiteretur, quærens absolutionem. De hac leges fuerunt, quarum modo mentio facta est circa crimina quæ celari poterant. Confessio & absolutio *publica* iterum duplex erat, una quâ omnes pœnitentes simul & semel confessi absolvuntur, quod hodie ut plurimum usitatum est; altera quâ singuli in crimine aliquo deprehensi, post satisfactionem legi præstitam hæctenus ab aliqua Ecclesia exclusi, sistuntur iterum Ecclesiæ, publice deprecantur & absolvuntur, ad quam pœnitentiam ut olim, ita & hodie ex ritu veteris Ecclesiæ à magistratu politico remittuntur, quicumq; in notorio aliquo crimine rei convicti & damnati sunt. Ceterum hîc difficultas non exigua exorta est inter magistratû politicum & Clericos, ut si forte aliquis E. G. adulterij vel perjurij in foro politico ex præsumptionibus & juramento *Nembæ* damnatus, sive ex contumacia, sive quod sibi sceleris istius conscius non sit, nolit confiteri, quid ipsis faciendum sit? cum nulla nisi post confessionem absolutio sequi possit, an retinendus sit in peccato, de quo non
satis

latis constat, an dimittendus & Dei iudicio relin-
quendus? quod ut tutius plerumq; clerici se-
quuntur.

Iuxta absolutionem à confessione, potestas
ligandi à Christo tradita, etiam ad Ecclesiæ ministros
pertinet. Excludere ad tempus à cœtu Ecclesiæ pa-
storibus permissum, excommunicare non nisi Epi-
scopis, illud *sättia i förbudh*/ hoc *sättia i band* vo-
cabant. Exclusus Ecclesiam convenire non po-
tuit, nisi ut missa caderet, in cuius pretium Eccle-
siæ tenebatur. Excommunicatus verò nec homi-
nem quidem christianum convenire debuit extra
Ecclesiam, si tamen post missam inchoatam in
templum intrasset, non vi abduci potuit, nec mis-
sa propterea cœpta relinqui, non obstāte ejus præ-
sentia. Mollebat tamen peccatum suum, si quā-
tumvis cetera contumax, à *Creophagia* (*fiöttåttu*)
sive esu carniū & Ecclesia se abstinuisset. At
quibus in causis exclusio vel excommunicatio ad-
missa? In impœnitentia scilicet & spretis admoni-
tionibus pertinacia peccandi? debuisset quidem,
nec tamen nisi in genere memoratur, ex causis quæ
fori essent Ecclesiastici, & sic tamen ut in quibus-
dam criminibus, puta fornicatione vel stupro, in

Exclusio:

Excommu-
nicatio.

Iii

quibus

quibus libertas loco motivæ est, perseverantem, non modo non arceant ab Ecclesia, sed etiam privilegio adversus pastorem muniant, ne confessus exterminetur, tanta indulgentia adversus peccatum cœlibatui clericorum familiare. In quibus ergo causis præcipue exclusio & excommunicatio exercita? Si decimæ non præstarentur, si condemnatus ad pœnitentiam, non subiret, si quod pastoris esset aut Ecclesiæ, non redderetur.

In hisce causis hoc fulmen vibrabant; excludabat primo pastor nonnisi tamen ex Episcopi consensu; si exclusus intra annum peccatum non emendasset, excommunicabat Episcopus, si nec tunc quidem pœnituisset, secularibus iudicibus ad supplicium capitis traditus est. Nullam enim esse efficaciam clavium *Petri*, nisi gladius *Pauli* accessisset, quem non inutilem sentiebāt tam in promovenda quam confirmanda religione. Itaq; Reges quidam *Norvegiæ* sub initio *Christianismi* quosdam quos præmiis & argumentis invitare non poterant ad fidem *Christi*, vel vivicomburio, vel suspendio aut submersione, vel exoculatione & mutilatione membrorum puniebant, quibusdam vivos serpentes ingerebant, quo nomine haud scio
annon

annon magis quam miraculis post mortem confictis, sanctificatus sit nonnemo ex Regibus istis, quod ejusmodi complementis in gremium Ecclesiæ compulerit idololatrias, & in Christum credere coegerit nolentes. Verum ubi excommunicatus contumaciam poenitendi capite luebat, succedebat tamen in mobilia fiscus (quod alioquin, cum contra Ecclesiam peccaretur, factum non est) in immobilia vero hæres proximus, jura tamen recentiora mitigant & totam hæreditatem hæredibus relinquunt.

Introductio, seu ut nostrates vocant, templi-
Introductio puerperæ.
 itio à ritu Ecclesiæ veteris testamenti est, quâ foemina statis à puerperio diebus in Ecclesiam recipitur, hanc, siue necessariam siue indifferentem, crediderint, necessitatem tamen ministerij sacri ordinis in eo posuerunt, quod eò usq; pollutâ persvaderent, & indignam quæ viro suo frueretur. Itaq; si officium suum minister Ecclesiæ in introducenda denegasset, data fuit mulieri adversus eum querela, inofficiosi, non testamenti quidem, sed ministerij, quo usus thori conjugalis interciperetur.

Atq; hæc omnia hætenus debebat parochus
Extrema unctio.
 vivis, debebat & quædam morituris & mortuis.

Vigilia &
sepultura

Morituris quidem extremam unctionem ut sacramentum, Mortuis vero trium noctium vigiliam, tres missas, consecrationem funeris & sepelitionē, atq; hæc promiscue domesticis & peregrinis, ditioribus & pauperibus, sed non sine pretio & mercede, pauperibus tamen & mendicis gratis. Trinocitij vigiliis continuas præstabant; missas per intervallum, primam ante consecrationem funeris, alteram post septem dies, tertiam post mensem, quartam (quam non sine grandi pretio hæredes defuncti ditiores mercabantur) post annum. Convivia quidem moris fuit juxta instruere, unde in jure municipali, *viðfárd;ðhl/ mánadamod;ðhl/ áhrsg;mod;ðhl*: Atq; haud scio annon morem hunc ab ipso Ethnicismo habuerint, constat enim in memoriam defuncti Diis inferis libâsse, & in eam rem grande poculum circumtulisse quod *Bragbegasren* nominabant. Mortuum sine tali præparatione & viatico viæ committere & sepulturæ, grande piaculum, nec sine pœna pecuniæ hæredum, cujus pars Ecclesiæ, pars parochi, pars etiam fundorum dominis cessit, quâ funus ductum fuit, quasi malè curatum illos vel contaminasset vel benedictione divinâ spoliasset, si tamen Parochus vel justa ex causa

causa impeditus foret, vel spe majoris præmij & mercedis operam impertire noluiſſet, poterant impune ſepelire, parochio hoc poſteriore caſu ac- cuſato & mulctato.

In hiſce ergo quæ jam dicta ſunt, officij paſto- ralis ratio conſiſtebat, ſequitur pretium laboris & præmium, quod primo omniũ pro ſede & manſio- ne ejus prope Eccleſiã, in aliquo prædio ruſtico fuit, vel in finem hunc a piis & devotis hominibus datũ vel ab omnibus & ſingulis parochianis coëmptum, ſic ut onera ex fiſco debita præſtarent. Poſtquam vero quantitas prædij ad certam menſuram lege determinata fuit, puta 20, 15 vel 10 jugerum, li- bertas à Rege in eam tantum menſuram data fuit, ut ſi plus coleret, pro eo canonem præſtaret, niſi id quoq; ſpeciali gratia & indulto immune habere poſſet, quod poſtea factum, ſic ut hodiẽ abſq; di- ſcrimine plus minusve colatur, pro toto, libertate olim acquiſita gaudeant. Fundo quantocunq; leges in villam ſeptem habitacula decernunt, quæ propria impenſa paſtor ſarta tecta reficere & con- ſervare teneretur, nec plura, niſi ut ſuo ſumptu, e- tiam ædificet, hæc enim ſufficere viſa cœlibi, nec numeroſam alenti familiam: Sunt autem

Manſio &
reditus pa-
ſtoris.

hæc, culina, cubiculum, coenaculum, horreum, stabulum, penuarium, granarium.

Donationes
&
Legata.

Extra ordinem pastori etiam fundi obven-
runt ex piorum hominum donationibus & lega-
tis, de quibus apparet ex legibus, controversias
sæpe fuisse pastorem Ecclesia, cum hæc in sui or-
natum, ille in alimoniam sibi data contenderet.

Decimæ.

Deinde inter ordinarios pastoris redditus eti-
am decimæ fuerunt, atq; ex decimis frumentariis
utpote, tritico, siligine, hordeo, avena, triens pa-
stori cessit, numeratione manipulorum in agro
certo ordini, quo fallaciæ non foret locus, adstri-
cta. Reliqui duo trientes inter Episcopum, Ec-
clesiam & pauperes, ut supra dictum, divideban-
bantur. Deinde decimæ ex omni legumine, cice-
re, fabâ, rapis, oleribus; ex lupulo, cannabi & li-
no decima sexta; nec dubium est quin ex fructibus
etiam hortorum, ut pomis, pyris, cerasis, &c. de-
cerpsissent, si cultus eorum fuisset, cum leges anti-
quæ ferebantur, quæ etiam glandes quercinas &
myricas curant; apparet vero coeptum esse circa
tempora Regis Magni Smekij, vel paulo ante, qui
primus omnium, hortorum munitioni & securita-
ti cavuit. Decimæ etiam ex pecorum partu, pullis
eqvini

equinis, vitulis, agnis, hædis, porcellis, anseribus, gallinis, atq; ita ut si proventus uno anno ad decimam se non porrigeret, decimarent altero vel tercio, connumerato singulorum annorum partu, vel etiam decimam pretij ejus, quod partum esset, præstarent, quod jura etiam definiunt, ut & tempus quo dari debent, quod in diversis locis aliud atq; aliud, ex lege vel consuetudine provinciæ. Postremo decimæ etiam ex omni piscium & avium captura, etiam alibi ex pellibus sciurinis, ex feris prostratis, ut armus ex alce vel urso, ex quo satis liquet etiam carnem ursinam in esu fuisse, secus quã hodie in regionibus, præcipuè ubi quæstus ex venatione & piscatione.

Præter hos redditus ex prædiis & decimis, etiam anniversariæ oblationes in altari vel ad altare decretæ erāt, à legibus non jussæ tantum, sed & sub pœnam ad certam mensuram & quantitatem coactæ. Fiebant autem alibi non nisi semel in anno, alibi ter, alibi quinquies, in summis præcipuè festis, vel in pecunia, vel in pannis lineis, ferro, pane, caseo, butyro, carne, &c. pro cujusq; provinciæ conditione & proventu, atq; hi quidem statim & ordinarij erant redditus pastoris.

Anniversariæ oblationes.

Habe-

Extraordi-
narij reditus

Habebant & extra ordinem suam mercedem & operæ pretium, si quando vel sponſos copulaſſent, vel puerperam introduxiſſent, vel ægrotum viſitaſſent, vel mortuum conſecraſſent & ſepeliſſent: quædam leges determinant & definiunt, quædam in arbitrio contrahentium relinqvunt, nemini gratis opera præſtabatur, niſi mendicis & extremè pauperibus, & præcipuè hæc poſtrema, quæ eſt in funeris curatione, in re maximè ſuper-
vacua mercedem longè maximam requirebant, ac niſi hæredes defuncti pauperis ſufficerent præſtandæ, ſuccederent in tertiam partem bonorum defuncti: Conſideratione autem non indignum eſt, quod ut natura communiffimum omnium animantium generi fecerit, naſci & mori, tanti conſtitit *Chriſtianis*, ut nec ſine pecunia in vitam & Eccleſiam venire, nec ſine ea honeſtè abire, aut cum honore in terram reverti liceret, palliabatur tamen eo, non mortui ſalutem emi, ſed ſpem reſurrectio-
nis oſtendi. Neſcio ſanè. Si pretia vigiliarum & miſſarum conſideraveris, neceſſe eſt vel ſalutem mortui aut mitigationem pœnæ in purgatorio quæſitam fuiſſe, aut miſerè homines pecunia ſua defraudatos, quorum hoc certè veriffimum fuit,
quid

quid enim aliud hæc commenta fuerunt quam e-
verriculum quo bona mundi ad se traxerunt, qui,
cum in mundo essent, de mundo tamen fuisse, ex
Salvatoris electione videri noluerunt. Pro baptismo
& initiatione pecuniam quidē minorē acceperunt,
sed tamen acceperunt, nec dubium est quin pro
Eucharistiâ & absolutione etiam exegerint, non
tantum tempore *Pascatos* ubi singulis solvendum
erat, sed & subinde, cum mos ille etiam hodiè qui-
busdam in locis retineatur, turpis sanè & scanda-
losus, præcipuè ubi exigitur, ut debitus, quod ali-
cubi constat, etiā cum comminatione, ac si indigni
manducent non soluto absolutionis pretio. Alibi
tamen nullius coactionis sed spontaneæ oblatio-
nis vel liberalitatis velo obumbratur, in plerisq; ta-
men parœciis obsolevit, sed hæc de sacerdotibus,
eorumq; officio.

Restat ultimum de foro Ecclesiastico ejusq;
causis. Certum est Episcopos non tantum audi-
entiam sed & jurisdictionem habuisse, non con-
junctim tantum cum iudicibus provincialibus in
summis judicijs Regijs anniversarijs, de quibus su-
pra *libro primo*, sed & separatim jus dixisse, non in
cathedra tantum & capitulo, sed & ruri, ubicunq;
K k k & quo-

Forum Ec-
clesiasticum

& quotiescunq; visitassent, alioquin etiam ruri per vicarios suos, ut alij iudices seculares, hoc munus obibant. Iudicia eorum, ut alia omnia, certo personarum ordine constiterunt: *Nembda & procuratore fisci.* *Nembda* non erat ordinaria, sed, ut ante dictum, in certos casus sumpta, in quam utrinq; partium consensus requirebatur, *viri veraces, domicilij certi, & qui propter suspicionem perjurij inter sacramentales non fuissent.* Hanc sub adventum Episcopi pastor constituebat, procuratorem Episcopus ipse. Hujus erat inquirere in causas fori Ecclesiastici, eas in iudiciũ deferre, agere, & ad executionem proseguere, cujus officium certis limitibus erat circumscriptum, quos ultra citraque evagari non erat ipsi impunẽ. Neq; enim quemvis aut quãvis de causã ex meris conjecturis aut præsumptionibus accusare aut deferre licebat, sed oportebat ut aut actor principalis, quem causa proxime tangebatur, prius detulisset & in iudiciũ deduxisset, aut res notorie evidens esset, aut per testes productos posset probari, ubi circa hoc ultimum tamen notandum est, contra testes permissum fuisse reo purgatione canonicã se tueri, quod & supra dictum est, quia hæc probatio sola pro legitima agni-

ma agnita fuit, quæ omnes alias probandi vias & rationes elidebat, unde factum est ut si quis E. G. adulterij suspectus & accusatus se per compurgatores liberâset, adulteram quoq; sive sociam criminis eo ipso, ut æquum, liberaret & absolveret. E contrario vero, si causa cecidisset non præstitis sacramentalibus, adulteræ nihilominus potestas esset ad purgationem hanc canonicam confugere, quâ exhibitâ aut præstita admissa fuit, ut in uno eodemq; peccato, quod non poterat nisi à duobus committi, alter sæpè plecteretur, alter absolveretur,

Quod causas fori Ecclesiastici attinet, certum est Episcopos judicasse tam *criminales* quam *civiles*, & promiscuè quidem quoties clericus neglecti officij aut criminis alicujus accusaretur. Clericus coram *Laico* conveniri non potuit seculari iudice, nisi aut controversia esset de fundis, quod in territorio, ubi siti, judicari oportuit, aut ipse *laicum* accusasset. Deinde causæ conjugales ad forum etiam Ecclesiasticum pertinebant, atq; ita, ut eas sibi soli quasi maxime proprias vendicarent, ut de *sponsalibus*, *repudiis*, *divoritiis*, & quidquid ejus generis fuit, unde conjugia legitima vel illicita vel nulla

Causæ fori
Ecclesiastici
sive Episcopalis.

K k k 2

pronun-

nunciarentur. Deniq; omnia crimina & peccata tam adversus secundam quam primam tabulam, ad forum Ecclesiasticum pertracta fuerunt, quædam in totum, ut de iis nihil prorsus dicere haberent seculares, quædam in partem, sive ubi iurisdictio communis fuit Episcopo cum Rege & commune iudicium, ut non tantum in criminibus quibusdam sed & controversiis de fundis Ecclesiasticis, sive partito cognoscerent & punirent. Ex omni enim peccato, quod sub iudicis censuram veniebat, pœna sive mulcta peculiaris Episcopo debebatur. Enumeremus in specie quasdam, 1. ad forum Ecclesiasticum pertinebant iuramenta & perjurya, quæ ut ante dictum est, necesse fuit in iudicijs secularibus committi, nec tantum puniebantur hîc, si pejerassent, sed & si tempore & loco non legitimo, si minores aut banniti, aut si eo die ante jurassent, neq; tamen cognitionem perjurij sibi Episcopus vendicabat, sed illam iudex secularis habebat, ita tamen ut ex errore sententiæ illius, sive is iudex territorij vel provinciæ esset, teneretur is in pœnam pecuniariam propter errorem sententiæ, Episcopo duplo quam Regi. 2. Incantationes & veneficia, violationes Sabbathj, sub
censu.

cenſuram fori Eccleſiaſtici veniebant; violaffe autem Sabbathum dicebatur, ſive ſacris die feſto non interfuiffent, ſive aliquid operis profani ante, velperam feciſſet, utrumq; pœnam meruit, ſed illud ſi miniſter Eccleſiæ diem feſtum publicè denunciaſſet, ſecus culpa & pœna in illum recidebat, in hoc autem aliqua exceptio data fuit, & ſi quando, quod tempore vernali & æſtivo ſæpe fit, in coitione piſcium agmina littoribus acceſſiſſent, liceret tempori & capturæ poſt ſacra peracta intendere, ne poſtea avolantibus illis, occasio calva eſſet. Violationes etiam pacis Eccleſiaſticae, non modo ſi quis ſacra turbaret, ſed ſi quis maleficus ad templum aut cœmeterium aut monaſterium, confugiens, vi inde extraheretur. Facinororum enim aſyla erant ne apprehenderentur, niſi immediatè in vel contra Eccleſiam illam peccaſſet. 3. Fori Eccleſiaſtici erant etiam omnia homicidia, vulnerationes ſive etiam verberationes, factæ, vel dictis dominicis & feſtis, vel in templo, cœmeterio aut via, qua ad ſacra aut celebritatem miſſæ alicujus iretur, aut abiretur. Item parricidia omnia ſine discrimine ubicunq; & quando cunq; commiſſa, etiam homicidia, quamvis minore

K k k 3

pœna,

pœna, quam in loco sacro aut tempore facta. In specie vero infanticidia (veteres **Balgmord** vocaverunt) ubi mulier vel infantem non baptizatum necasset, aut foetum abegisset. 4. Peccata omnia sexti præcepti propria erant fori Ecclesiastici, non tantum tempore aut loco sacro commissa, quorum pœna duplo major, sed et quodocunq; & ubicunq;, quorum cognitionem & punitionem sibi solis ferè Episcopi vendicabant, ut in fornicationes, adulteria, incestus. Peccata item Sodomitica & bruta: Sodomiam tamen cum masculis, ut rem hîc prorsus ignotam, silentio transeunt: Melius fortasse quam si sub pœna meminisset & monstrassent. Coitum cum bestia relinquunt in arbitrio possessoris bestiae, ut et si velit, deferre & accusare possit, & convicto pœnam mortis remittere, tanquam si ipsius tantum interesset, nec ultra abusum alieni animalis peccatum fuisset, siue quod potius crediderim, ne flagitia ejusmodi abominanda dispalescerent, ideo confessum & convictum cum bestia terra obrui præceperunt, ne memoria quidem tam fœdi & nefandi congressus extaret, secus quam hodiè, ut alibi monstratur, nullo prorsus judicio & exemplo aliarum gentium. De
condem-

condemnato quantumvis non confesso, pœna sumpta est in pœnitentia & pecunia, quæ ex parte Episcopo cessit. 5, Furta, quatenus aut rei sacræ aut in loco sacro facta essent, ad censuram fori hujus cadebant, alioquin de illis ut plerumq; capitalibus, Episcopus non judicabat. De usuris tamen, ut septimo præcepto prohibitis, penè solus, *Biscopen år Domare öfwer åcker*. 6. Falsum testimoniū, fori & coërcitionis Episcopalis erat, perinde ut sacramentale perjurium. Jura Ecclesiastica tamen favent testibus ne puniantur, si reus se purgatione canonicâ tueri possit, & hoc in causis tantum, ubi agitur ad pœnam pecuniariam Episcopo dandam. Credo quod non de rei veritate, sed præsumptionibus deposuerint, E. G. in adulterio: *Ut ihe hafwa sedt tilgång och frångång*. Sed & sic frustranea esset de impunitate cautio, siquidem nihil ultra quam quod vidissent, testati essent. 7. Præter hæc omnia cognitionem de testamentis & legatis sibi etiam solis Episcopi reservabant, cum de ijs parum canones Ecclesiastici, nihil prorsus vero jus commune habeat. Atq; hæc de causis fori Ecclesiastici, ubi observatione non est indignum, quamvis crimina capitalia ferro & igne


ro & igne vindicanda, ad forum suum Episcopi traxerint, nunquam tamen sustinuisse capitalem ferre sententiam, sed quoties res ad pecuniariam venit mulctam, ut plerumq; (quod supra dictum) factum est, in partem mulctæ venisse; Deinde nullam prorsus causam fuisse ex quâ non aliqua pecunia legibus imperata ad Episcopum rediret. Est & hoc notandum quod quamvis magna esset auctoritas iudicii Episcopalis, & penè æqualis Regio, quippe à quo nulla provocatio prodita extat: potuisse tamen Episcopum coram Rege neglecti officij conveniri, accusari & plecti, immo ex jure *Ost-Gothico* patet *judicem provincialem* causas a *Nem-bda Episcopali* ad se devolutas suscepisse & examinasse, quò magis mirandum est tempore Regis *Christophori* potuisse clericos se prorsus eximere à suprema jurisdictione Regis in Ecclesiasticis, & adhuc magis nostro tempore aulos quosdam contraniti, ne tribunal aliquod superius capitulis constitueretur, nitentes argumentis, quibus *Dyarchia* & duarum jurisdictionum exæquatio inducatur. Fundamentum universalis illius Regni, quod sibi *Pontifices Romani* ex religione inter Respublicas & principes *christianos* ædificarunt, causa perpetuæ discen-

diffensionis & motuum, ut fuit, futura, donec ad extremum altera alteram (quod necesse est) aut subalternet aut prorsus confusis sacris & profanis perimat & elidat.

Conclusio.

ATq; hæc de rebus sacris & Ecclesiasticis prodita sunt, quæ sub Papatu in usu fuerunt, quorum magna pars etiam hodiè observatur. In multis minutias confectatus videor, fateor: Sed mihi religio fuit quidquam omittere, quod veteres tam curiosè in singulis legum codicibus sanxerunt. Ac ut de legibus nostris in universū dicā, certū est quasdā fuisse, quas Reges sublecutis temporib' tolerarunt magis quam confirmarunt, neq; enim tã facile & in proclivi fuit, vel novas ferre vel veteres abrogare, nisi populo ad utrūq; intercessisset vel rogasset, eas scilicet leges habiturus (quod *Livius de Romanis* dixit) *quas consensus omnium non iussisse latas magis quam tulisse videri posset.* Fuit enim hic, quamvis sub Regibus, populi voluntas ac suffragium efficax & potens, ut in cura & emendatione

datione legum selecti ex singulis provinciis, cum in commune consulerent, hoc etiam egerunt ne prisca intercideret libertas, & quamvis ejusmodi legibus nulla ad obligandum vis sine Regis consensu, nulla tamen Regibus vis ad denegandum consensum. Quare nihil mirum, si populares videantur, quædam etiam ridiculæ aut absurdæ. Etiam politicissimæ & cultissimæ gentes, quales olim fuerunt *Ægyptii, Græci & Romani*, inter multas probas etiam aliquas habuerunt probe inconcinneas, impias, vanas, quæ meliorum interventu aut comparatione vel pensantur vel obscurantur. Etiam hoc consideratione non indignum, cum pars *Europæ* septentrionalior è barbarie eluctari cœpisset, quod factum potissimum circa tempora *Caroli Magni* & seculis proximis post illa, cum primum literas, mox *Christi* religionem accepissent, parem sibi ferè ubiq; hanc *Europæ* partem fuisse in legum cura & similitudine, ut cum quæq; natio suas eo tempore latas recognoscat, non habeat quod altera alteri imputet & exprobet. Meum fuit nostras qualescunq; bona fide referre, professus supra gloriam patriæ, quæ à nonnullis nulla non ex re unicè & anxie quæritur, fuisse curam, veritatis.



ERRATA.

434

In Dedicatione

pag. penult. lin. 12. pro *capeſcenti lege capeſſenti.*

In Indice Capitum lib. II. partis prioris

Cap. VI. pro *Eundorum lege Fundorum.*

In ipſo opere

Pag. 6. lin. 5. pro *ſagittarum leg. ſagittarium.* ibid. lin. 11. pro *Oſtro leg. noſtro.* pag. 8. lin. 3. pro *alqvá lege àliqvá.* ibid. lin. 13. pro *ſuerun leg. ſucrunt.* pag. 9. lin. 1. pro *ſcribentur leg. ſcriberentur.* pag. 11. in marg. pro *Upſalense leg. Upſalenses.* pag. 13. lin. 16. pro *coëtanea leg. coatanea.* pag. 20. lin. 19. pro *ſtaruta leg. ſtatuta.* pag. 23. lin. 3. pro *magnum leg. magnam.* ibid. lin. 16. pro *nimis leg. minus.* pag. 24. lin. 17. pro *prædicata leg. præjudicata.* pag. 33. lin. 22. pro *Gothico leg. Gothico & Svecico.* pag. 43. lin. 1. pro *omnes leg. plerq̃.* pag. 79. lin. 3. pro *conditlonis leg. conditionis.* ibid. lin. 18. pro *VI. leg. IV.* pag. 100. lin. 9. pro *nulla leg. nullâ. cum ſigno ablativi.* pag. 110. lin. 16. pro *lâſſ leg. lâſſ.* pag. 115. in marg. pro *urarent leg. jurarent.* pag. 126. lin. 21. pro *cxilio leg. auxilio.* pag. 130. lin. 9. in argumento, pro *Decretum leg. Decrementum.* pag. 141. lin. 8. pro *legitimè leg. legitimi.* pag. 154. lin. 8. pro *confeſſum leg. confeſſum.* pag. 169. lin. 1. pro *ut leg. in.* pag. 182. lin. ult. pro *Germani leg. germani.* pag. 183. lin. 4. pro *Germanis leg. germanis.* pag. 190. lin. 2. pro *pro nepotibus leg. pronepotibus.* pag. 195. lin. 10. deleatur primum comma. pag. 198. lin. ult. pro *ut leg. &.* pag. 109. lin. 6. pro *Sveones leg. Saxones.* pag. 235. lin. primâ deleatur *non.* ibid. in margine pro *baculum leg. baculi.* pag. 238. lin. 11. pro *Medhſaſta leg. Wadh.*

Widhfasti. pag. 242. lin. 22. pro *quem* leg. *quam*. pag.
 252. lin. 9. pro *que* leg. *qui*. pag. 253. in margine pro *connu-*
ctio leg. *conductio*. pag. 258. lin. 18. in argumento pro *Alii*
 leg. *Alii*. pag. 262. lin. 19. pro *puacipue* leg. *præcipue*. pag.
 278. in margine pro *vectiglibus* leg. *vectigalibus*. pag. 280.
 lin. 15. pro *funsdus* leg. *fundus*. lin. 16. pro *ileg. iis*. pag. 283.
 lin. 1. pro *præsidis* leg. *præsidi*. pag. 284. lin. 19. pro *debito*
 leg. *debitus*. ibid. lin. 21. deleatur *eadem* leg. pag. 292. lin.
 11. pro *abetino* leg. *abiétino*. pag. 299. lin. 9. in argumento
 pro *accipites* leg. *accipitres*. pag. 302. lin. 7. pro *Magni* leg.
Magnus. pag. 306. lin. ult. pro *fætura* leg. *fatura*. pag.
 318. lin. 14. post & addatur *non*. pag. 320. lin. ult. pro *catenus*
 leg. *eatenus*. pag. 359. in marg. pro *Homicida* leg. *Homicidia*.
 ibid. lin. 9. pro *viros* leg. *vicos*. pag. 361. lin. 16. pro *αὐτο-*
Φόγω leg. *αὐτοΦόγω*. pag. 380. lin. 11. pro *quidem* leg. *qui-*
dam. pag. 384. lin. 13. pro *alteta* leg. *altera*. ibid. lin. ult.
 pro *tamem* leg. *tamen*. pag. 389. lin. 7. pro *gentum* leg. *gen-*
tium. ibid. lin. 11. pro *animorum* leg. *animarum*. ibid.
 lin. 20. pro *animalibus* leg. *animabus*. pag. 301. in marg. pro
pluralia leg. *pluralitas*. pag. 392. lin. 12. pro *τερονίαυ* leg.
θερονίαυ. pag. 395. pro *minorugmentium* leg. *minorum gen-*
tium. pag. 299. lin. 14. pro *etiam* leg. *enim*. pag. 402. lin.
 14. pro *conaventur* leg. *conveniatur*. pag. 409. lin. 7. pro
sacrorum leg. *sacrorum*. pag. 420. lin. 7. pro *men-*
sione leg. *mansione*.



Ex Codice Junii Osthothi omnia fere verbatim
translata sunt in Codicem Christophorianum, ~~1131/114~~
q̄ non tantum libro octavo, sed et sparsim nono et
decimo continentur.

Perhibet Scriptor Norwegus de jure Upsalensi f.
olim constitutum, c. p. 126 circa f.


Pecunia nomen tantum auri dabatur, numi v. argentei erant;
Tosca v. nomen pmi/cui facta est: sic et hodie
penningum nomen commune, q̄ olim de solo auro dicebatur.


Östtning, (Ököl) Cur et unde dicitur de venditione
fundi. 235. Skapt or skötning, ibid.

Ante aut millefimum trecentefimum scriptura in iudiciis in usum
fuisse ō videh. 237.

im var, im ann, temporis veris (seu aratri) tempore
messis (autumni.)

Vasall, op̄ aliena indigus (unde vasallus.) 277.
Feudum ē alimonia, ibid. Vasalli fuerunt, s̄q̄ p̄m̄ity
alimonia p̄ servitio p̄stito data fuerit. ibid. 280 item







005265084

